











# کلیات نگار

A

۵۷

ایکنجی ترتیب

اسامی آثار ۱۹۶۷

برنجی ترتیب

جلد ۷

کتابدر ۱۲



اسمی

غروش

اسمی

جلد جرؤ	۳	رونان مدافعه نامه می نشر اولمشدر	۱
۲۵ ۵	۵	قاره بلا نشر اولمشدر . . . . .	۲
۱۰ ۲	۲۰	مفالات سیاسیہ واد ۹۹ ووزیان نشر اولمشدر	۳
۰ ۰	۱۰	وطن، کلہنہال، عا کف، زواللی	۴
هر جزؤک فیثاتی (۳) غروشدر	۲۵	چوجق . . . . .	۵
	۱۲	اشعار کمال . . . . .	۶
کتاب کتاب اولہرق	۲۰	جلال الدین خوارزمشاہ . . . . .	۷
ہرایکی آیدہ بر .	۷,۵	مکاتیب خصوصیہ دن برنجی جلد	۸
جزؤ جرؤ اولہرق ہر	۲۰	اوراق پریشان مجموعہ سی .	۹
اون بئش کونندہ بر نشر	۷,۵	منتخبات محررات رسمیه . . . . .	۱۰
اولنہ جقدر .	۲۰	جزئی وائندہ . . . . .	۱۱
ایکی ترتیب دہ برابر اولہرق صرہ سیلہ	۵	مکاتیب خصوصیہ دن ایکنجی جلد	۱۲
منتظماً طبع ونشر اولنور .		تعیب و تخریب خرابات . . . . .	
		رسالہ لری وسائرہ . . . . .	

## آبونہ شرائطی

مقسطاً تادیہ ایدلک شرطیلہ آبونہ  
شرائطی :

غروش

- ۲۱۶ اتزلر اداره نانا دن آلتق وپشین اولہرق یارم  
ومتعاقباً ہر اوج آیدہ بر یارم لیرا تادیہ  
ایدلک شرطیلہ .
- ۲۴۰ پوستہ اجرت دن غرولنی تقسیطلر ۶۰ غروش  
اولہرق پشین ۳ جمیدہ و ہر اوج آیدہ ۳ جمیدہ  
ویرلک شرطیلہ اقامتکامہ کوندرلک وزرہ .

کونی پشین اولہرق تادیہ ایدلک  
اوزرہ آبونہ شرائطی :

غروش

- ۳۰۰ اداره خانہ دن آلتق شرطیلہ .
- ۲۲۵ دسعات و ولایات و مالک اجنبیہ ایچون  
پوستہ اجرت دہ داخل اولہرق اقامتکامہ  
کوندرلک شرطیلہ .

بوجزؤک فیثاتی (۳) غروشدر

طشرہ ایچون پوستہ اجرتی ضم اولنور



فقط ويريلن تلفاتك كترتي جهتيهله مهاجمده دوامه امكان  
قالما ديغندن رجته مجبور اولدي لر . هامر بو هجومده عثمانليردن  
يدي بيك كشي تلف اولديغني بيان ايدر ؛ بو مقدارك نصف  
مبالغه پايته تفریق اولنسه ينه قاله جق اولان اوچ بيك اوچ بيك  
بش يوز تلفات ، هجومك شدت واهميتني كوستير .

ينه هامرك روايتجه سليمان پاشا اغستوس واسطنه قدر  
قاعه نك محاصره سني ادامه ايتدكن صكره ونديك اميرالي  
(غيرتي) نك عثمانلي دونانماسني بويانه تهري كنارنده بوزمه سي  
اوزرينه محاصره ني رفع ايلدي . سليمان پاشا ايله برابر اشقودره  
اوزرينه برده دونانما سوق اولنديغنه دائر عثمانلي تاريخلرند  
هيچ بر بحث اولماقدن بشقه هامرده دونانما نك سردارينه ،  
مقدارينه ، زمان عزيمته متعلق حرف واحديله سويلر .  
وقعه يه حاشيه لرند كوسترديك يي مأخذده يالكزجه (غيرتي) نك  
مزارطاشنده اويلاه برغله قازانديغنه دائر يازلمش اولان شاعرانه  
بر كتابه دن عبارتدر . بو حالده نظرآ اكر دونانما غلبه سي صرف  
موهوم برشي دكل ايسه نهراغزنده بولنان اوافق تفك قايقارله  
تسلطدن عبارت اولمق لازم كير . هامر ، بو موفقيتسزلكك  
انتقامني المق ايچون ميخال اوغلي معيتيله دالماجيا وقارينوله يه  
براقچي فرقه سي كيدر ك يكرم يي اسير اغتناميله عودت  
ايلديكني سويلر . ينه اونك نقلنه كوره راغوزه اهاليسندن  
بعضلري دولت دشمنلرينه اعانه ايتدكلري ايچون راغوزه

عمومیه سیله دولت علیه تصرفه آلق عزم احتیاج آشنایانه سنده یولنه رق اسکندرک زوال وجودی اوزرینه ارناودلغک بعض جهترینه صوقلمغه باشلامش اولان ونیدیکلیلرک اورالردن طردینی آخص آمال عد ایش ایدی . حتی هر نه وقت ونیدیکلیلرله صالح مذاکره سنه کیریشیلیر ایسه معاهده سنه ارناودلقده بولنان یرلرک ترکی اساس طومق ایستردی . جمهور ایله بوبابده ایدیلن مذاکرات ایسه بر نتیجه ویرمدیکندن روم ایلی بکلر بیکی خادم سلیمان پاشایی مکمل براردو ایله اشقودره نك تسخیرینه سوق ایلدی .

بزم تاریخلر اشقودره قلعه سنک متاتی سرعت تسخیرینه مانع اولدیغندن سلیمان پاشانک یالکز اطرافنی غارتله اکتفا ایلدیکندن بحث ایدرلر . هامرک روایتنه کوره ایسه پاشاقعه بی محاصره ایش و محافظی بولنان ونیدیک زادکانندن (لوره دانو) یه تکلیف استیمان ایش ایدی . لوره دانو کیدن ایلچی یه « بن ونیدیکلیم ، همده کندیسنه تودیع اولمش برقلعه بی تسلیم نه دیمک اولدیغنی بیلمین برعائله دنم . یا اشقودره بی محافظه ایدرم ، یا هلاک اولورم . » یولنده بر جواب ایله مقابله ایلدی . بونک اوزرینه سلیمان پاشا اشقودره نك جبر ایله ضبطنه عزم ایدرک هجوم امری ویرمش ایدی . قلعه نك متانت فوق العاده سیله برابر عثمانلی دلاورلری دیوارلرده آچیلمش اولان ایکی رخنه دن شهره داخل اولدیلر ، وسکنر ساعت قدر اوغراشدیلر ؛

اولوردی . پادشاه قارشی طور دینی مسائل ، حمیت و صداقت  
الجا آتیه بر بیوک فالغی دفع ایچون اختیار ایدلمش شیلر دکل  
ایدی ؛ اولماسی اولماسی مساوی بر طاقم خصوصاً ده رجحان  
ادراک ادعاسیله میدان قونلش شیلر ایدی . مناسبستزلکی  
ولی نعمت زاده سیله بوز شمع درجه سنه کتیردی ؛ حال بوکه  
اسارتدن صدارته بوخاندان سایه سنده کلمش ایدی . شمار قاعگ  
اودرجه سنی فاتح شوکتنده بر پادشاه بالطبع چکه مز . محمود  
پاشانک بوسنه قرانته الدینی امره مغایر امان و یرمسی ایسه عاداتا  
خیانت ایدی . اکر فاتح اوزمان کندیسنی اعدام ایتسه ایدی  
محاکمات تاریخیه جه ایتمش بولمش سوزندن بشقه برشی دینیه مزدی ؛  
فقط اوکناهی عفو اولنمش و اندن صکرده ده دولته برچوق  
خدمتله ایتمش اولدیغنه و لازم الوجود و مقفود الاقران اولان  
مزایات عظیمه اصحابندن بولندیغنه نظر اوصره ده اعدامی فاتح ایچون  
بر بیوک تقیصه در ؛ مع مافیه پاشانک افعالی کندینک اعدامنه حق  
و یرم دیسه ده سببیت و یردیکنده شبهه یوقدر . پادشاهک اولاد  
آجیسیله طبعی اولان تأثراتی و محمود پاشانک شهزاده ایله  
برودتی ده آره یه قارشدی ، کندی صنعنه ناکهانی بر تصادفک  
یاردمی اولیه بر وجود کاملک ضیاعنه و فاتحک نقض شاننه سبب  
اولدی ؛ بوجهته محمود پاشا وقعه سی تاریخ عثمانینک اک زیاده  
تأسف اولنه جق فاجعه لرندن عد اولونور .  
پادشاه ادرنه دن بری روم ایلی شبه جزیره سنی هیأت

ایدمین بعض اوضاعیه برابر دولته لزومنه نظر آینه صدارته  
 گلکسندن احتراز ایدیلر ، شهزاده سلطان مصطفی ایله اره لرنده  
 برودت اولدیغندن پاشانک شهزاده نك وفاتندن منون اولدیغنه  
 ولباس ماتمبیه کیمدیکنه دائر پادشاهه برچوق سعایتلرده  
 بولندیلر ؛ خانه سنه جاسوس کوندرلدی ، او بیچاره بیاض البسه  
 ایله سطرنج او یوننده بولندی . محمود پاشانک صرف امور  
 عادیه دن اولان بو حرکتنی شهزاده نك وفاتندن طولانی  
 مسرتنه و بلکه شماتته دلیل شکلنده کوستردیلر ، پاشا یدی  
 قله یه حبس اولندی . پادشاهک اسباب متراکمه انفعالی بوماده ایله  
 برقات دهها شدت بولدیغندن برقاچ کون صکره اعدام ایدلدی .  
 فاتحدن صکره او عصرک اک بیوک ادمی محمود پاشا اولدیغنده  
 شبهه یوقدر : عرفان و شجاعت جهتیله حقیقه فاتحه وکیل مطلق  
 اوله جق برداهیه ایدی ؛ فقط اخلاق جهتیله کوچک برپادشاه  
 زماننده کله ایدی اوزمان بیوک لکنی کوستردیلیر ایدی . شبهه  
 یوقدر که زوالنه کندی سبب اولدی . دائما پادشاه ایله عرفان  
 و کفایت یاریشنه چقی شیردی . پادشاهه قبول ایتدیره مدیکی  
 رایلرندن هیچ برینک عکسنه کیدلمکه دولته برضرر ترتب  
 ایتدی ؛ قبول ایتدیردیکی رایلری ده قبول اولماسه ینه برشی  
 لازم گلزدی . مثلا اوزون حسن اوزرینه کوز موسمنده  
 حرکت اولنسه و یا خود غلبه دن صکره تعقینه کیدلسه واقعا  
 صیقندی چکیا یردی ، فقط دهها زیاده سطوت کوسترلمش

تاريخنده تولد ايلديكندن ارتحال ايتديكي زمان يكرمي اوچ ياشنده ايدى . وفاتى ضايعات عظيمه دندر . سلطان مصطفى منفرداً سردارلقه اردو قوماندا ايدن شهزاده كان عثمانينك خاتمه سيدر . اوصفته يوسفجه ميرزا محاربه سنى قازامش ايدى . پدريتك معيتنده اوله رقدده يالكرز ترجان ملحمة كبراسنده بولندى واقدمات قهرمانيسى مقدمه ظفر اولدى .

بعض فرنك تاريخلى شهزاده سلطان مصطفى كويا كدك احمد پاشانك حرمى زورله قالديرمش وبو حر كتنه مجازاة طرف پادشاهيدن اعدام ايتديرلمش اولديغنى بيان ايدرلر . فاتحه برغدارلق دها اسناد اولتمق غرضيله اختراع اولنان بو حكايه صحيح اولمق لازم كاسه پادشاهك عدالتى اولادينه بيله ترجيح ايلديكندن بشقه برشيئه دلالت ايتمز ؛ وقعه نك كذب صريح اولديغى ايسه هم عقله هم ده عموم عثمانلى تاريخلىرينك اتفاقه مغايرتيله نابتدر . شهزاده نك وفاتى شفقت ابوتى نهايت درجه لرده شديد اولديغنى ايلريده كوره جكمز فاتح سلطان محمدى فوق الغايه متأثر ايتمش وماتلمره مستغرق ايلش ايدى امرای دوات تعزيت ايچون استانبوله كلمكه باشلاديلر محمود پاشاده كندى حاصلرندن اولمق جهتيله خاص كوى ناميله معروف اولان قريه ده كي چفتلكندن قالقه رق اووظيفه فاجعه نك ايفاسنه كمش ايدى .

تاريخلك روايته كوره خصماسى محمود پاشانك درايت فوق العاده وخدمات جليله سنه وباخصوص پادشاهى خشنود



قره حصاره کیدرک قلعه‌نک مفتاح‌لرینی المش ، ضبطی ایچون احمد پاشایی مأمور ایتمش ایدی .

قرمان اوغلرلیه عثمانلیلر ابتدای ظهورلرندن بری میلان ایله ارسلان حربی اچمشلردی: عثمانلیلر هر نه وقت بشقه بردشمنله اوغراسمق ایچون کندیلرینه ارقه چویرلرسه بونلر میدانه چیقارق حیاتلرینه قصدايدر و عثمانلیلر اوزرلرینه توجه ایتدکلری کچی ینه سوراخ ادباره چکیایرلرایدی . سلطان مراد اول زماننده برایکی مساحه غضنفرانه یه مظهر اولدیلر ؛ ییلدیرم بایزید حکومتلرینک وجودینی قالدیرمش ایکن تیمورک سایه تغلبنده ینه ظهور ایتدیلر ؛ چایی سلطان محمد و سلطان مراد زمانلرنده شاهرخه استناداً ارتکاب ایتدک ملعنت بر اقادیلر ؛ نهایت فاتحک پنجه قهرنده اوتهدن بری لایق اولدقلر نتیجه قهر واضه جلاله وصول بولدیلر ! اسلام ملوک طوائفی ایچنده بو خاندانک ده صفت میزه سی پیمان شکسانه ، بی حجابانه جانت ایدی .

۱۷۹ سنه سنک وقایعی حیفا که بومظفریتلره ختام بولما مشدر: شهبزاده سلطان مصطفانک خسته لکی دولو حصار سفیرینک مشقتیه پک زیاده شدت بولمش ایدی ، قونیه یه عودت ایدرکن نیکده جوارنده بوز بازار جغنده حمامه کیرمش و چیقوبده چادرینه کایر کز اتمام حیات ایلشدر . مرحوم ، فاتحک سجایای شجاعته تامیله مظهر اولمش برکنج قهرمان ایدی . ۱۵۶



منحصر قلمادی : مالتوج اوغلی بالی بك ایلولده طقوزبیک سواری وسکزبیک پیاده ایله قارینتایه کچرک اورالری غارت ایتدکن صکره کانون ثانیده استریایه داخل اولدی واوراده ایکی قسمه ایریله رق بر قسمی سکزبیک اسیرایه عودت ایلدیکی کبی دیگر بر قسمی ده اسقلاوینایی یغما ایلدی . کانون ثانیده مجارستانه کیده رک وازادین شهرینی احراق ایتمش ویرچوق اسیر المش ایدی . ۸۷۹ بهارنده احمد پاشا اورانک ده تسخیرینه حاضر لمقده ایکن شهزاده سلطان مصطفی ، مفطور اولدینی سجه قهرمانینک ابراز ائارندن پک زیاده لذت المغه باشلامش واحمد پشایه دوهلی حصارک ضبطنده مسابقت ایتک ایسته مش ایدی ، فقط قولنجدن خسته اولمق جهتیله بالذات استحصالی مقصده کیده میهرک یرینه معتمدلرندن فوجی بکی تعیین ایلدی . فوجی بك قلعه یی محاصره ایدنجه قرمان اوغللری طرفندن محافظه سنه مأموراوانان آغجه بك ذاتاً منسوب اولدینی حکومتک محوینه جازم اولدیغدن قلعه نك تسلیمنه قرار ویرمش ایدی ، فقط حیثیت لوندانه سنی محافظه ایچون بالذات شهزاده کمدکجه قلعه یی کیمسه یه تسلیم ایتیه جکنی صورت قطعیه ده بیان ایلدی . شهزاده کیفسزلکدن پک بیجال ایدی ، فقط الله برقلعه کیرمک فرصتی کچمش ایکن یتاقده ارام ایتکی بردرلو همت قهرمانیسنه یاقیشدیره مادیغندن ضعفک کالیله برابر دوهلو

وعیالی اسیر اونجه دنیاده حیاتک لذتی قالمادیغندن نفسنی اهلاك  
ایچون کندیسینی بریاردن اشاغی آتمش ایدی . فقط براغاچ  
دانه ایلیدشی ، ایسته دیکی طرزده یشامغه موفق اوله مادی  
کبی ایستدیکی یولده اولمکده مقتدر اوله مادی : توابعی غیرتلی  
ایتدیلیر ، وجودینی آغاچ دالنندن ، حیاتی ده تهله کدن  
قورتاردیلر . اورادن خابا طرسوسه قدر کیده رک برسنه قدر  
اورالرده امرار عمر ایلدکن صکره عالم مجازاته ارتحال ایدی .  
احمد پاشا بیر احمد بک غائله سنی دفع ایدنجه سلفکینی  
محاصره ایدرک ایچنده بولنان باروت مخزننه آتش اصابتدن  
استفاده ایله اوراسنی ده تسخیر ایدی . خواجه سعدالدین  
سلفکینک محافظلری ایچنده برطاقم عثمانیلر بولندیغندن احمد  
پاشا صورت خفیه ده انلری جلب واقعا ایدرک باروت مخزننه  
آتش ویردیرمش اولدیغندن بحث ایدر . حال بوکه بر مخزن  
طولوسی باروت طوتشدریننجه هر کسدن اول آتش ویرنلر  
هلاک اوله جغندن ایلریده لطف امیدیه کوز کوره اولمکی قبول  
ایده جک دنیاده هیچ کیمسه بولنه ماز . و بناء علیه خواجه نک  
روایتنه افسانه نظریه باقلمق لازم کلیر .

۸۷۸ سنه سنده سلفک ایه قورقو و صیغین قلعه لری ده فتح

اولنه رق قرمانیلرک انده دوهلی حصاردن بشقه بریر قالماش  
ایدی ؛ فقط سنه نک وقایعی ده یالکز اناطولی فتح و ظفرلرینه

چكمك ايچون ترتيب اولنان ايه صارلدى . عسكر پاشانك بواقدام موانع كدازانه سنى كورنجه بربرنى چكنيه رك طوبك ايلرينه ، تكلرلكلرينه صارلديلر ، طوپي ايسسته نيلن يره چيقارديلر ، قلعه يي دوكمكه باشلاديلر . حصارك كرك موقع وكرك استحكام جهتيه مناعت فوق العاده سنه مبنى بير احمد بك اولاد وعيالى وكافه اموالى اوراده حفظ ايمش وقلعه نك محافظه سنى ده اك معتمد بنده لرندن يوسف بك نامنده برذاته توديع ايلش ايدى . احمد پاشا قلعه يي دوكمكه باشلايه رق عثمانيلرك قوه قاهره سنه مقاومت قابل اوله مايه جغنى اثبات ايلدكن صكره قلعه بو حاله كمش ايكن ينه مقاومتده اصرار ايمسى اكر ولى نعمتلك عرضى صيانت ايچون ايسه بير احمد بك خاندان سلطنته قرابى جهتيه اوصيانت هر كسدن زياده عثمانيلرجه وجابدن معدود اولديغنه واختيار ايتديكى عناد ياننده اولانلرله برابر كنديسنى بيهوده يره تلف ايتديرمكدن بشقه برشيئه يارامايه جغنه دائر خبرلرله يوسف بك قلعه نك تسليمه اقناع ايلدى وقلعه يي ضبط ايله بير احمد بك عيال واموالى قونيه يه كوندردى .

تاريخلرك روايته كوره بير احمد بك هر كون برتپه يه چيقار ، قلعه نك حالى تماشا ايدردى . بركون ينه اوارزو ايله تپه چيقوبده قلعه ده عثمانلى بايراغنى كورنجه حدت واسفندن برزمان اغلا دقن و برزمان بايغينقلر كچيردكن صكره اولاد

الهرق اغفال ایله الہ کچیرمک ایچون نزدینہ برما مور کوندردی، امیدنی اوقشایه جق بعض تکلیفلر اجرا ایتدیردی . بیر احمد بک مأمور ایله فریح و فخور مذاکراته طالمش ایدی که مأمورک ارقه سندن شد رحل ایدوب کلکده اولان احمد پاشا علی الغضابه ظهور ایدرک بیر احمد بکک توابعی برحمله ده محو و پریشان ایلدی ، فقط کندهی بعض خواصی ایله او جوارده بولنان براورمانه فرار ایلدیکندن پاشانک نچه سندن جاتی تخلیص ایده بیلمشیدی . عثمانلیلر اردو موقعنده بولنان اشیایی اغتنام ایلدکدن وارمناک قلعه سنی ده ضرب دست ایله فتح ایتدکدن صکره مینان حصارینی محاصره یه شتاب ایتدیلر . بومینان حصاری برقیانک تپه سنده اوله رق هیچ برطرفدن اوزرینه چیقلمق ممکن دکل ایدی . یالکز یاننده بردیگر تپه وار ایدی که اوتپه دن قلعه یه آتیلان کوپری طریقیه کیریلور چیقیلور ایدی . قرمانلی طاقمی کوپری بی تخریب ایتمش اولدقلرندن عسکره قلعه نک ضبطجه عجز و حیرت الویردی . فقط کدک احمد پاشا موانعک بیوکلکندن فتور کتیرر طاقدن دکل ایدی . کوپری آتیلان تپه نک قلعه یه مشرف اولدیغنه دقت ایدرک اوزرینه طوپ چیقارمق تشبثده بولندی . ایشک صعوبتنه و عسکرک کوستردیکی عجزه باقرق مقام صدارته گلش ایکن یکیچری نفرلکی زمانتی اونوتما دی ، « کدک اوکوز چکمینجه بو طوب یوقاری چیقماز » دیه عوام طرزنده لطیفه لر ایده رک طوی

قلعه لرینی ضبط ایتدیرمش ایدی . موجیقو اورادن ده مکرریه  
 کله رکه مملکتی ضبط ایله از میر حقنده اجرا ایلدیکی معاملات  
 بورادده تکرار ایلدی . دها بشقه یرلره صتاشق ایسته دی  
 ایسه ده اوزون حسنک مغلوبیتیه پادشاهک عودتی خبر الدیغندن  
 سلامتی قبریسه طوغری چکلمکده ارادی .

بیر احمد بک اوزون حسنک تعالی اقبالی زماننده ایتدیکی  
 معاونتله عثمانیلره قارشی برایش کورمه که مقتدر اوله مامش  
 ایکن وندیکیلرک قاسم بکه ایتدکلری معاونندن امیده دوشه رکه  
 اجدادینک مملکتی استرداد ایچون ینه قرمانه کلدی ، طوغریجه  
 برادری قاسم بکه مسافر اوله رق اطرافده تحریک فساده  
 باشلادی . قاسم بک سلفکدی کندیسنه یشکش ایتک ایسته ش  
 ایدی ؛ فقط بیر احمد بک اوراسنی کنسیدی ایچون برجای  
 امنیت بوله مادیغندن اولسه کرکدرکه « عثمانیلردن برقلعه  
 اوغورلامشسک انی ده بن می الکنن السهم کرک ؛ » تهکمیه  
 برادرینک هدیه سنی رد ایلدی . ارمناکه طوغری کیده رکه  
 قلعه جوارنده بولنان بللی دره نی قرارگاه اتخاذا ایلدی .

بیر احمدک حرکاتی مرکز سلطنته عکس ایدنجه پادشاه  
 قرمانده حشرات ارض کبی هر سینه باش کوسترمکدن خالی  
 اولیمان اثار فتنه نی برهمت کلیه ایله بتون بتون ازاله ایتک  
 خدمتی کدک احمد پاشا حواله ایتش ایدی . کدک احمد پاشا  
 قرمانه یتیشنجه بیر احمد بکک ارمناک طرفلرنده اولدیغنی خبر

مصالحه یه اغریوز اطه سنک ردینی شرط اول عد ایلد کلرندن  
فاتح ایچون ایسه محو اولما دجه یر ویرمه که موافقت ممکن  
اوله مادیغدن مذا کره لر نتیجه سز قالدی .

فاتح اوزون حسن ایله اوغراشدیغی صرده اون طقوزی  
پاپا ، واون یدی سی ناپولی ، قرق یدی سی وندیك سفینه سندن  
مرکب بردونانما ( پیتر و موچینقو ) قومانداسنده اوله رق دولت  
علیه جزایر و سواحلنه تسلیط اولندی . بودونانما مدلی پی  
یغما ایتمش و اوزمانلر هندستان و عربستاندن کلن اشیانک مخزنی  
حکمنده بولندیغی جهتله دنیانک اک بیوک تجارتکاهلرندن  
اولان انطالیه یه تسلط ایلمش ایدی . وندیکلیر انطالیه لیمانک  
اغزند . بولنان زنجیری کولله ایله قیرارق قلعه نك ارقه سنه  
صوقدیلر و ساحله دوکیه رک قلعه نك خارجنده بولنان چارشینی  
یغما ایتدیلر . فقط پک چوق اقداملر صرف ایتدکلی حالده  
قلعه یی ضبطه موفق اوله مادیلر . خارجده کی محله یی احراق  
واطرافنده بولنان ابنه و اشجاری تخریب ایله اکتفا ایدرک  
اورادن چکلدیلر . اندن صکره ازمیره کیدرک استحکاماتنده  
متانت اولما دیغدن شهری سهولته دقلری کبی پیتر و موچینقو  
هرکه ایچون برالتون هر اسیر ایچون اوچ التون وعد ایدرک  
عموم ازمیر اهالیسنی قتله و اسارته مبتلا ایدی . موچینقو  
اورادن قرمان ساحلنه ایتمش و سلفکلی محاصره ایتکده اولان  
قاسم بکه امداد ایله اوراسنی وجوارنده بولنان صیغین و قورقو

سلطان محمد اوزون حسن سفرینه بر محاربه دینه نظریله باقاردی و بونده تمامیه حقلی ایدی . چونکه اوزون حسن اقتدارینه غروریه برابر عثمانلیله تفوق آرزوسنی خرسیتاندرله اتفاق ایتک درجه سنه قدر کورتورمکدن چکنمه مش ایدی . حتی پاپا ووندیک حکومتلریله ایتدیکی مخابره لر و کیرشیدیکی مکالمه لر نتایجندن اولق اوزره اوزمان پاپالق مسدینه کلش اولان ( دردنچی سیقستین ) فاتح استانبولدن حرکت ایدر ایتمز براهل صلیب اتفاتی تشکیل ایتک ایچون اسپانیا و فرانسه و المانیایه بر مأمور کوندردیکی کبی حصولنه قدرده بوش طور و لماق ایچون وندیک و نایولی حکومتلریله عثمانلیله قارشی سیاسی براتفاق عقد ایلش و اندن اول ایسه اوزون حسن وندیک جمهورینه و ردوس شوالیه لرینه مراجعت ایدرک طوبجی و باروت ایستدیکندن جمهور ، قرمان سواحلنه ایکی یوز طوبجی و ایکی سفینه یوکی باروت ارسال ایتشیدی .

هائمرک روایتته کوره وندیک جمهوری پادشاهک اوزون حسن ایله اشتغالی فرصت اتخاذا ایدرک عثمانلیله بر مصالحه عقد ایتک ایستدی ، فاتحده اومسئله دن طولایی صلحه مائل ایدی . حتی وندیکلیلر ارناودلقدن بتون بتون چکیلر لرسه وندیک تجارینک دولته بورجی اولان یوز اللی بیک التوندن فارغ اوله جغنی بیان ایلدی . اریه سلطان مراد ثانینک زوجه سی اولان پرنسس ماردهده قارشیدی . فقط وندیکلیلر



يچون اصرار ايتدى؟ محمود پاشانك بويله برأيدە بولماسى  
 عسكرك قتورينه باعت اولديغندن تعقيبك اجراسنه مانع اولمش  
 واوجەت پادشاهك انفعالي ايجاب ايتمش اولماسى شېه سز  
 كورينور؛ يوقسه پادشاهك، كندينك ده اشتراك ايتديكي برفكر  
 ايجون محمود پاشايە حدت ايتمك ويا خود صدر اعظمه كوسوبده  
 مقصدينى فعله كتيرمكدن ال چكملك كې نقايص بوالهوسانه  
 ايله متصف اولان ضعف تميز وعجزاقتدار اصحابندن اولماديغنه  
 شېه يوقدر .

پادشاه مظفراً عودت ايدركن عثمانلى اردوسى شين قره  
 حصارينك كنارينه نزول ايلدى . اوزون حسن طرفندن  
 قلعه نك محافظه سنه مأمور اولان (داداب بك) پادشاهنك عموم  
 قوتنه غلبه ايدن عثمانلى سلاخنه كنديسنك يالكزجه مقاومت  
 ايدە بيلمسنى بالطبع امكان خارجده كوردىكندن برنجى تكليف  
 اوزرينه استيان ايدر ك قلعه يى تسليم ايلدى و طرف پادشاهيدن مظهر  
 التفات اوله رقادرنه ولايتنده برسنجاق بلكلكيه بكام ايلدى .  
 پادشاه استانبوله كلديكي زمان اوزون حسن سفرينه  
 كيدركن قره حصار ايله اشتغال رآينده بولمق ، خاص مرادى  
 حركت متهورانە سندن منع ايدە مه ملك ، دشمنك تعقيبنه مخالفت  
 ايلك كې اسبابدن طولايى حاصل ايلديكي انفعال نتايجندن  
 اوله رق محمود پاشايى ينه صدارتدن عزل ايلدى ، صدارت  
 مسندينى ينه كيمسه يه تسليم ايتدى .



اولان معاملہ سی شہہ یوق کہ شدیددر ؛ فقط اللرینہ کچن حرب  
 اسپرلرینی پادشاہلرینہ وارنجہ یہ قدر محو ایدن وتوقادسکنہ سنی  
 کدیسنہ ، کوپکنہ وارنجہ یہ قدر قتل عام ایلین اق قیونلیرک  
 تعدیاتنہ نسبت قبول ایتیمہ جک درجہ لردہ اھون قالیر .  
 پادشاہ غلبہ دن صکرہ اوزون حسنی تعقیب ایتک  
 ایستہ دی . محمود پاشا « اوزون حسن بومغلوبیت اوزرینہ  
 البتہ بردها میدان محاربه سنہ کلز ، طاغلرہ چیقار ، کنسینی  
 محافظہ ایدر ؛ مملکتک مستحکم قلعہ لری یوقدرکہ انلر ضبط  
 اولنسونده محافظلر تعیین ایدیلیرک الہکچہ جک یرلرک ادامہ  
 وتصرفنہ چارہ بولنسون ؛ مرکز سلطتہ عودت بیورلدیغی  
 کبی ینہ بورانک اراذلی اوزون حسنہ اتباع ایدرلر ، سعیمز  
 ضایع اولور ؛ اسلام ملکک غارتی رضای ہایونلرینہ مقارن  
 دکلدرکہ اغتنام ایچون ایلرو کیدہم ؛ مناسب اولان بومظفریتلہ  
 اکتفادر . « یوللو بر طاقم سوزلرلہ پادشاہی عزمندن تحویل  
 ایدی . محمود پاشانک خصماسی تعقیب حائندہ اوزون حسنک  
 الہکچمسی قابل اولہ جغنہ دائر بر طاقم تسویلاتدہ بولندقلرندن  
 پادشاہ اوزون حسنی تعقیب ایتدیکنہ پشیان اولمش وبودہ فاتحک  
 محمود پاشا حقندہ اولان سوء نظرینی برقات دہا تشدید ایش  
 اولدیغی خواجہ سعدالدین بیان ایدر . محمود پاشانک  
 خصماسی اوزون حسنک تعقیبنی فائدہ لی کوردیلرسہ نیچون  
 مشاورہ ائناسندہ سویلدیلر ؛ پادشاہ بوفکری قبول ایلدیسہ

مندرج اولان « بزم مملکتتمز دارالاسلامدر اباعن جد دولتیز جراحی کفر اهلنک یورکی یاغیله روشندر اسلام اهلنه اکر یاوز قصدک وار ایسه اعدای دین وشریعتدن بعض سنسن وسکا متابعت ایدوب معاونت ایدنلردر » سوزلرندنده اکلاشدیغی اوزره بومحاربهلره عثمانیلرجه برمنازعه دولیه دکل ، عادتا برمسئله دینیه نظریه باقیلیر ایدی ؛ حرب اسراسی ده ذاتاً غالب حکمنه تابع ایدی . بوجهتلرله فاتح انه دوشن اسیرلر ارسنده کی علما وامرانی تفریق ایله قصورنی اعدام ایتدیردی . علما عنایت کالات پرورانه سندن پک بیوک لطفله نائل اولدیلر . امرادن ایسه اق قیونلی طاقندن اولانلری اعدام وقره قیونلیردن اولدقلری حالد اوزون حسنک تغلبندن صکره اطاعتنه داخل اولانلری اطلاق ایدلیر . بونلرک آرسنده تیمور احفادندن وسائر ملوک خاندانندن برقاچ ذات وار ایدی ، انلرده اماسیه ده حبس اولندیلر . فریدونده مندرج اولان رقیه خاتون مخابراتندن اکلاشدیغی اوزره بونلرک برطاقی فدیة نجات ایله صالیویرلمشیر ایدی . اسرا ارسنده ( ترک سنان ) بک اوغلی نامنده بری بولندی که عثمانلی اوغلی عثمانلی اولدیغی حالد تحصیل ایچون ایرانه کیتمش واوزون حسنه وسیله انتساب اولمق ایچون عثمانیلرک قوتنی تهوین ایدرک محاربه نک ظهورینه سبب اولمش ایدی . اووطن وملت خائنیه طبیعی جزای اعدامه اوغرادلدی . فاتحک اسرا حقمده

عساكر كليه سنه جزوی بر قوتله غلبه ايتك جهتيه ظاهرده .  
 تیموردن بيوك بردهای عسكری كو سترمش اولان بردشمنك  
 قوه كليه سنه قارشى خاص مراد پاشا هزيمتيله اردوسنك اك  
 كزیده بر فرقه سنی غائب ايتدكدن صكره ينه بر مكمل غلبه  
 احراز ایلدی ؛ بو غلبه سنی ده كندی ده قرق بوش ياشنده .  
 ايكن بری يكرمی یدی ، بری يكرمی اپكى ياشنه بالغ اولمش  
 ايكي نورديده سی استحصال ايتديلر ، كنديسنك خيمه جلاندن  
 ات ارقه سنه كلسنه بيله احتياج يراقاديلر . فاتح بو عنایت الهیه نك  
 شكرانی اوله رق ملكنده نه قدر اسپر وار ايسه ازاد ایلدی كه  
 جمله سی قرق بيك كشيدين زياده ایدی . عسكركلرينه خدمتليرنك  
 بر مكافاتی اولمق اوزره خزينه يه نه قدر بورجلری وار ايسه  
 احسان ایلدی كه يكونی اون مليون كموشه بالغ ایدی . بركون  
 ايچنده صاحب ظهورلردن معدود بردشمنی قهر ايله برابر  
 قرق بيك كشی يی نعمت حریتدن و فرقه عسكری بر كنج  
 شايكانیدن مستفيد ايتك فاتحك شاننه لایق اولان توفیقات  
 مخصوصه دندر .

پادشاه دشمن مغلوبنك اسراسی حقدنه او قدر مرحتكاته  
 طور انمامشدر . سلطنت عثمانیه نك حائر اولديغی مجاهدلك و حمايت  
 اسلاميه صفتلری جهتيه دشمنلری مسلمانده اولسه ينه علمای  
 دين طرفندن منافقنر ، مرتدلكي سيف شریعتله ازاله يه  
 محكوم اولورلردی . پادشاهك اوزون حسنه كوندرديكي نامه ده .

چکلمه مسیدر . اوزون حسن فضائل عسکریه سی اعتباریه مغلوب اولان خصم لر مزك هیچ برندن اشانغی دکل ایدی ؛ یونکله برابر غلبه ده کوریلن سهولت ، فاتحك سایه اقتدار واختراعنده عثمانیلرک ترتیبات حربیه جه واصل اولدقلری مرتبه علیایی اظهار ایدر .

قرمان اوغلی بیر احمد بك بوفرارده اوزون حسن ایله برابر ایدی ؛ روایتیه کوره اوزون حسن ایله بیر احمد بك یولده مشاعره ایله اکلنیرلر ایش : اوزون حسن « کیزی بهنگام فیروزی است » مصراعنی اوقومش ، بیر احمد بك « بما از شجاعت همین روزی است » مصراعیله تضمین ایلش ؛ قرمان اوغلی « مراباجنك عثمانی چه کارست » دیش ، اوزون حسن « اگر خواهی سلامت درکنار است » سوزیه مقابله ایش . بزه قالیرسه بو حکایه خواجه سعدالدینک مقتضای حاله مغایرت تامه ایله مغایر برخیال شاعرانه سندن عبارت اولسه کرکدر : زینل میرزا کبی قهرمان بر اولادیله برابر بتون اردوستی غائب ایش و دولتی مخاطره یه دوشورمش اولان اوزون حسن شعر ایله ، کوه زه لکله اکنه جک برزمانده دکل ایدی .

سلطان محمد انوع شعشعه اقبال ایله مالامال اولان دور سلطنتک الیمسعود زماننده ایدی : اوزون حسن کبی اقتدارجه بیانغی تیمور درجه سنه وارمش وجهانشاه ایله ابوسعید میرزانک

ميرزا فرقه‌سى اوزرينه چویرمش واوغورلى محمد بك ده زینل  
 میرزا شجاعتمده برذات اولمادیغندن انك فرقه‌سى دهها سهولته  
 پریشان ایدلمش در . شهزاده لر بوجه رتبه دشمنك ایکی جناحی  
 طاغتمقدن صکره تپه ده بولنان واوزون حسن اردوسنك قلبی  
 تشکیل ایدن فرقه‌یه هجوم ایتدیلر . دهها معیت هایونده بولنان  
 یکیکچری وقوقولی برفشك یا قماش بر قلیچ چکمه مش اولدیغی  
 حالده ایکی جناحك همتی کندیسنك عموم اردوسنی یرندن  
 اوینامغه مقتدر اولدیغنی کورن اوزون حسن عثمانلیلرک مالک  
 اولدقلى انتظام وشجاعت وقولاندقلى اتشلی سلاحده  
 اولان تاثیر و دهشت جهتلریله قارشیلرینه طوریه بیلمك قبل  
 اوله مایه جغنی لایقیله اکلادی ، اوغانك اتلافی ده کویکنده  
 غیظ و تهور یرینه یأس وقتوری موجب اولمش ایدی؛ مخاطره لی  
 کونلر ایچون صاقلادیغنی قیرآته سوار اوله رق اوچ کون بر محله  
 ازام ایتمکمزین فرار ایلدی ، اردوسی ده بتون بتون  
 محو و پریشان اولدی .

ترجان ملحمه‌سی دولت علیه‌نك ظهورندن بری ایدیلن  
 محاربات عظیمه‌نك التنجیسی وبو محاربه لردن مظفریتله ختام  
 بولانلرک ایسه بشنجیسی در . اوزون حسن غلبه ایتمش اولسه یدی  
 ملکک باشنه ینه بردور فترت قومق مقرر اولدیغندن نتیجه‌سی  
 بو مظفریتلرک هیچ برندن اهمیتسز دکل ایدی . مزیت مخصوص -  
 صه‌سی ده استحصالنده او بر محاربه لرک هیچ بری قدر مشقت

بوصورتاه او عسكر الكيوك محاربه لرندن برى دهها دهشت  
 نماى وقوع اولمغه باشلادی : محاربه یی شهزاده سلطان مصطفى  
 قولندن داود پاشا کشاد ایتش وشهزاده ده ارقه دن یتشه رك  
 داود پاشانك هجومى تأييد ايله برقاچ ساعت اوغراشدقن  
 صكره دشمنك میمنه سنى پریشان ایتش در . بو قاریشقلق  
 آرسنده میدان ثبات وشهامتده پایدار اولان زینل بکی  
 (عالی) نك تقلنه كوره سیواس سپاهیلرندن اوروج بك نامنده  
 بردلاور اعدام ایلدی . فقط خواجه نك روایتجه زینل بكك  
 عزبلداغای محموداغا باشنى كسه رك شهزاده حضورینه كتورمش  
 ووردانده نشانه ظفر اولمق اوزره پادشاهه تقدیم اولنش ایدی .  
 سلطان بایزید برادرینك قولنده وقوع بولان اقداملى  
 استرقاب ایدرك عالیهمتانه بر عزم ايله ایلری اتلدى ، فقط  
 هدف حرکتك اتخابنده خطا ایدرك دشمنك تپه اوزرنده  
 بولسان قلبكاهنه هجوم ایلدی . خواجه سعدالدینك « كدك  
 احمد پاشا كویا كه شهزاده نك جلادتنه حسد ایتدی یاخود  
 اغورلى محمد مقابله سى خالى قانلقاه فسادینى قصدسد ایتدی »  
 سوزلریله شاعرانه تأویلدن صكره بیان ایلدیكى وجهله احمدپاشا  
 شهزاده بایزیدك قلب اوزرینه هجومیله اردونك بر طرفی اچیق  
 قالمش و دشمن طرفدن چورلك محاطرده سنه دوشمش اولدیغنى  
 كورنجه كمال تلاش ايله شهزاده زردینه شتاب ایدرك عنان  
 عزمنى اردونك صاغ قولندن هجومه حاضر لمتقدمه اولان اوغورلى محمد

فاتح خاص مراد وقعه سنك ايرتسي كوني كمال حدت و شدتله  
اوزون حسنك اوزينه حركت ايلش ایدی . التي كون پياپي  
طولاشد قودن صكره ۸۷۸ ربيع الاوانسك اون التنجي كوني  
بايبورد جوارنده ترجان صحراسنده اوچ اغزلی دینیلن محله  
كلدی ، اردوسنی قورارق براز ارام ایتمك ایسته دی . همان  
اوصرده او تلق تپه دینیلن محله برعسگر كورنمكه باشلادی .  
اولا قره قولده بولنان میخال اوغلی طاقنی ظن ایتدیله ، صكره دن  
دقته دشمن اولدیغنی اكلا دیله . فاتح همان نزول وارامدن  
صرف نظر ایده رك صفرینی ترتیه باشلادی . عینی سیواسده  
عرض لشكر اولندیغنی صرده اختیار ایدیلن ترتیب کبی کندیسی  
یکچیری وقو قولیه قلبده طوره رق صاغ جناحه شهزاده  
سلطان بایزید معیتله روم ایلی عسکرینی تعیین ایتدی ، فقط  
شهید اولان خاص مرادك یرینه روم ایلی بکربکیلیکله کدك  
احمد پاشا قائم اولمش ایدی . صول جناحه شهزاده سلطان مصطفی  
معیتله اناطولی عسکرینی وضع ایلدی ؛ کدك احمد پاشادن  
منحل اولان اناطولی بکربکیلیکی ایسه داود پاشایه توجیه اولمش  
ایدی . روم ایلی و اناطولینک یکر میشر بیك عزنی ، یکچیری  
طرز و ترتیه قونیه رق جناحلهک پيشگاهنه سدايدلدی .  
اوزون حسن ، اردوسنك صاغ جناحی کوچك اوغلی اولان  
و فرط شجاعت و کمال شهامت ایله اشتهارینی فاتحه بیله تصدیق  
ایتدیرن کورزینل میرزایی و صول جناحه اوغورلی محمد میرزایی  
تعیین ایتمش و کندی قلبده قرار ایلش ایدی .



عالم عیش و عشرتده طورخان زاده عمر بکی مجاسنه چاغیردی ،  
 فکیرینی میدانه قویه رق « عمر بک عثمان اوغلنک ایاغن الدم  
 اوله می ؟ عثمانیلرک اب روی سیاھی روم ایلی عسکری ایدی ،  
 انلرک خود ایشنی بتوردم . شمیدین کری روم تختی بنمدر »  
 دیمک ایسته دی . عمر بک سائقه حمیتله کندینی ضبط ایده میه رک  
 « خانم ، پادشاهک مراد کبی بنم کبی یوز بیک بنده سی وار ؛  
 ایچلرندن برقاچی ضایع اولقله شوکت و قدرتنه نه خلل ترتب  
 ایدر ؟ » یوللو مقابله ایلدی . اوزون حسن عمر بک قول  
 حق کویانه سنی رغم و تحقیره حمل ایده رک بیاغی جاننه قصد  
 ایده جک قدر اظهار غضب ایتمکه باشلادی . جهانه غالب مطلق  
 کچینن تیمور کبی بر مغروری قهرمانی بر جرأته مخاطبات محقرانه سنه  
 مغلوب ایدن تیمور طاش پاشانک عظمت اخلاقی هر دلاوره  
 نصیب اولور عطایای قدرتن او لمادیغی ایچون عمر بک بر بحث  
 اوغورینه حیاتنک تهلکه یه دوشدیکنی کورنجه « حقیقت حال  
 بیوردیغکز کیدر ، عثمانی ده اقتدار مقاومت قالمادی ؛ فقط  
 بن اوخاندانک نان و نعمتلریله پرورده اولدیغمدن هر یرده  
 قلیچلرینی صاللامغی بوینمه بوریج بیلورم . اونک ایچون سؤالکزه  
 او یولده جواب و یردم « یوللو بعض سوزلر سویلدی . اوزون  
 حسن استماع ایتدیکی سوزلرک طوغریسنه اینامادی ، یالاننه  
 ایناندی حرکتجه تحفظی تعرضه تحویل ایده رک ، پادشاهی  
 تحرییه قیام ایلدی .



تاریخلرک روایتنه کوره پادشاه رؤیاستده کوردی که اوزون حسن ایله کوره شیر ایش وابتدا صاغ دیزی یره گلش ایکن صکرده دن اوزون حسنک بو کرینه النی صوقه رق جکرندن برپارچه سنی قویارمش، رؤیاسنی توابعدن بری حسن تعیر ایش و تعیر صره سنده قرآن کریم دن ده تفأل ایدرک « وینصرک الله نصرأ عزیزاً » آیت کریمه سی راست کلدیکنی و ابجد حسابیه ۸۷۸ سنه سنه ده تاریخ چیقدیغنی سویلش ایدی . پادشاه بو طرفک نصرتنه فالدن نصل استدلال اولنه بیله جکنی سؤال ایدنجه عثمانیلرک نصرتی ایچون تفأل اولمش اولماسی و آیت کریمه ده کی کافک مخاطبی اولان مفخر موجودات علیه الصلوة افندمن حضرتلریله پادشاهک همنام بولماسی دلیل ظفر اوله جغنی بیان ایلدی . فریدونده موجود اولان ایکی عربی مکتوبه نظرأ پادشاهک رؤیاسنی اق شمس الدین حضرتلری تعیر ایش و سائر بعض صلحاده بشارت فتحه متعلق رؤیالر کورمش ایدی .

تاریخلرک روایتنه فاتح بو تبشیرات معنویه و کندی رؤیاسنده اک اول صاغ دیزینک یره گلش اولمنی خاص مراد وقعه سنی کوستردیکی کبی صکرده دن اوزون حسنه ایتدیکی غلبه نک عین واقع چیقمنسه حاصل ایلدیکی امید ایله متسلی ایدی . اوزون حسن ایسه دهها مادی بردلیله مالک ایدی که اوده خاص مراد فرقه سنی محو ایشیدر . بو مظفرتی ذهننده او قدر بیوشمش ایدی که غلبه سنه محقق نظریله باقمغه باشلامش ایدی . حتی برکون

کندیسی تهلکيه آتلمقدن منع ایچون صدر اعظم محمود پاشای ارقه سندن یتشدیرمش ایدی . مراد پاشا اکثر موجودی پوصولرده بولتان اوزون حسن اردوسنی میدانده کوردیکی عسکردن عبارت قیاس ایدرک فرائی کچمکه چالیشدینی صرده محمود پاشا اوجواره کلمش و کندیسی بوجسارتدن منعه چالشمش ایسهده مراد پاشا بو اخطاراتی برنوع استرقابه حمل ایدرک « علی بك اققجیلریله دائماً ایلریلکده ایکن بزنیچون طورهلم؟ » یوللو جوابلر کوندردی ، ینه تشبندده دوام ایلدی . او ائشاده علی بك دشمنک کثرتی معاینه و تحقیق ایدرک کمال شتاب ایله کیرویه دونمش و حقیقت حاله واقف اولان محمود پاشا بهممه حال گرییه دونمسی ایچون مراد پاشایه تکرار خبرلر کوندیرمش ایسهده مفید اولمادی ، خاص مراد پاشا فراتی عبور ایلدی . اوزون حسن اطرافی پوصولرله احاطه ایتدکن صکره براز عسکرله میدانه چیقارق عثمانلی فرقه سیله محاربه یه باشلادی . و بر ساخته رجعتله خاص مراد پاشایی پوصولره چکه رک اطرافنی احاطه ونهر طریقنی قطع ایله عسکرینک اکثرینی محو ایلدی . بونلرک برازیله طوفان زاده عمر بك وحاجی بك و قناری اولاندن روم ابلی دفتر داری اولان احمد بك و برقاچ صوباشی اسیر اولدیلر . پاشا ایسه غرور شجاعیتله کیردیکی طریق خطاده قهرمانجه فدای جان ایدنجه یه قدر اوغراشهرق ناموس عسگریسی احراز شهادتله محافظه ایلدی .

ترتیبدن فضله بولماسنه سبب اولمشدور . اوزون حسنك اردوسی يك كلیتی اولدیغی اکثر تاریخلرده تصریح اولدیغی حانده بوكلیت ایچون هیچ بر تاریخده مقدار بیان ایدنز . یالکیز تاریخ ( لاری ) ده جهانشاهك اوغلی حسن علی میرزانك یوز بیك علوفه لی عسکری اولدیغی بیان ایدلدیکنه و اوزون حسن بو حسن علی بکی اعدام ایله مملکت و عسکرینه مالک اولمش اولدیغی کبی ( ملقوم ) ك ایران تاریخده بیان ایتدیگی وجهله کندیسنك ده الی بیك عسکری بولندیغنه نظر آردوسنك ایکی یوز بیك کشیدن اشاغی اولماسی اقتضا ایدیور . اوزمانلر عثمانیلر ك مشهور عالم اولان شجاعت وانتظاملرندن طولانی هیچ بردشمنك کندیلرندن کثرتلی عسکره مالک اولمادقجه عثمانیلرله میدان محاربه سنه جسارت ایده مدیکی مجربات تاریخیه دندر .

پادشاه دشمنك حالندن خبر المق ایچون اقدجیلرله میخال اوغلی علی بکی وانی متعاقبده طلیعه یه نسیب ایندیگی روم ایلی بکلر بکی خاص مراد پاشانی کوندردی . مراد پاشانك معیتده روم ایلی امراسندن برخیلی مشاهیر موجود ایدی . خاص مراد پاشا اوزون حسنك بولندیغی موقعی تحقیق ایله او قدر کلیتی دشمنه بی پروا تقرب ایدرک برقاچ دیل آلدی ، پادشاهه کوندردی . پائولوغ خاندانی افرادندن اولان خاص مراد پاشا غایت جسور و حریص اقبال برذات اوله رق درجه اجتساری فاتحجه معلوم اولدیغندن حرکاتنه نظارت ولزوم کورینور ایسه

احتیاطه مغایر اوله جفندن اول امرده قلعه نك تسخیرینه باقلماسی رأینده بولندی . پادشاه « بز بورایه قلعه ضبطنه کلدك دشمنه حرب ایتمکه کلدك » سوزلریله پاشایی تکدیر ایتمش و صدراعظم ایسه دولتجه لزومنه معتقد و اقبالنه مغرور اولمق جهتیله رأینی قبول ایتمیره مدیکندن طولایی پك زیاده متأثر اولمش ایدی . حال بوکه محمود پاشا طرفندن مخصوص یاپار کچی بویله دائماً پادشاهک مقصدینی تأخیر ایده جک رأیلر میدانه قونلماسی فاتحی ده از یاده دلکیر ایتمکده و پاشانک ادبارینه سبیلر تهیه ایتمکده ایدی .

حکومتلردن صادر اولان فسالغک انتقامنی اهلیدن الملق عادت الیمه سنه اتباعاً کلدك احمد پاشانک و یردیکی رأی اوزرینه اوزون حسنک توقادی تخریبنه برنوع جزا اولمق اوزره میخال اوغلی محمدک بر مقدار قنچی ایله سوق اولنه رق کلاخ جوارنده و اوزون حسن تابعیتده بولنان ارمنی کویلیری غارت ایتمیرلدی . اوزون حسن عثمانلی عسکرینک حدودی کچدیکنی خبر النجه فرات کنارنده برکوزل موقع اتحاب ایده رک ارقه سنی برطاغه و یردی، اوکنی نهر ایله محافظه ایتمدی، فاتحک ورودینه منتظر اولدی . خواجه سعدالدینک روایتنه کوره فاتحک اردوسی یوز بیك کشی یه بالغ ایدی . تعریفدن اکلشلدیغنه نظراً پادشاهک یکرمی بیك کشیدن عبارت اولان عزبلری قرق بیك کشی یه ابلاغ ایتمسی عثمانلی اردوسنک استانبول محاصره سنده کوستریلن

یوق ایسه ده اوزمان که ادبانک ائارنده بویله عصرک تأثیراتندن قورتلش هیچ برشی کوریه مامسنه نظراً بو اثر، دهای ایجاد پروراننک محصولی اولق عقله پک قریب کورینور .

۸۷۸ بهاری حلول ایدر ایتمز پادشاه اناطولی به کچمش واستانبولده ازدحام اولماق ایچون روم ایلی عسکرینک کابولیدن گذار ایللرینی امر ایلمش ایدی . بوسرده شهزاده سلطان مصطفی قونیه دن شهزاده سلطان بایزید اماسیه دن واصل اولدیلر . پادشاه ایکی نوردیده سنک حضورنده اجتماعیه فوق الغایه مسرور اولمش ایدی . فاتح سیواسه واردینی سرده ده اوزمانلرک تعیرینجه « عرض لشکر » ایتدی : کندی بر معتاد یکیکچری وقبو قولی ایله قابی اختیار ایدرک اوزمانه قدر محاربه اناطولیده وقوع بولدجه صاغ جناحده اناطولی ، صول جناحده روم ایلی عسکرینی بولنق معتاد ایکن اوقاعده نک خلافت اوله رق روم ایلی عسکرینی بکلر بکیلری اولان خاص مراد پاشا و قرق سنجاق بکیله برابر شهزاده سلطان بایزیدک معینه ویردرک صاغ جناحه و اناطولی عسکرینی بکلر بکیلری کدک احمد پاشا و بکر می درت سنجاق بکیله برابر سلطان مصطفی معینه ویردرک صول جناحه تعیین ایلدی . سیواسدن بو ترتیب اوزرینه حرکت اولنه رق اوزون حسنک تحریریه ایلی کیدیلیرکن شین قرده حصارینه مواصلت اولندیفی سرده ده محمود پاشا بویله براستحکامی براقوبده ایلی کیتمک

متابعت ایدوب معاونت ایدنلردر پس بزم دخی اول طائفه نك  
 قعی قصدینه آتمز ایرلنمشدر وقلیجمنز قوشانلشدر بیلدم  
 ویاغافل ایدم دیمه سن هیچ سن بروكك حاجت دكلدر .  
 شوال مباركده عمت میامنه فتاح ذوالمنن دستوریله لشكر  
 منصورم برله قلعه قره حصارك اوزرینه واررین شول قصده كه  
 قهار جباره تقدستاساؤه بن قولنی سبب قیلوب سنك ظلمكی  
 مظلوملر اوزرندن كوتورم وناموشانكی نابید قیلیم بالجمله تطویل  
 كلام لازم دكلدر . مثال میمونه جواب كوندردن سن والسلام  
 علی من ارادنی بالخییر والحمدلله الواهب النصره علی خیر الخلق  
 وعظیم الخلق محمد وآله وصحبه اجمعین الی یوم الدین »

نامه هایونك مطالعه سندن فاتح دورنده دولتک حال وموقعی  
 نه قدر دکشمش وپادشاه، امامت مسلمین مسندجلیلنك اعظم  
 وظائفی اولان قهر ظلمه ودفع اصحاب استبدادی نه یولده  
 مقامنه حصر ایتمش اولدیغی اکلاشیلیر . بونامه پادشاهدن  
 پادشاهه دكل، برامیرالمؤمنین طرفندن برقطاع طریق رئیسنه  
 یازیلیر یولده برنظر ایله تحریر اولنمش ایکن یننه تعبیراتنده  
 اوعصر لرك عاداتندن اولان شتوم وتحقیقات شخصیهدن برحرف  
 بولنماسی واوزون حسنه اسناد اولنان تهمتله شرعاً اوزرینه  
 وارلمسنی ایجاب ایدن حاللردن عبارت اولماسی فاتحك مشرب  
 عرفان وحکمتنه بر دلیل دیکردر . نامه نك فاتحك کندی  
 قلمندن چیقدیغی مشهور اوله رق تاریخلرده بوکا دائر بر اشارت

بری طرفدن فاتح محمود پاشانک رأی ایله استانبوله عودت ایتش ایسهده اوتاغنی بعض روایتیه کوره متیمن اولماق و حقیقت حالده ایسه عز مندن نکول ایدیلدیکنه دلیل اولمق اوزره قورلدیغی محملده براقدرمش ایدی . اوزون حسنهده عموم محرراتنه بر جواب اولمق اوزره شو نامه بی ارسال ایلدی .

« بسم الله الرحمن الرحيم وبه نستعين ( هذا کتابنا ينطق عليك  
بالحق انا كنا نستنسخ ما كنتم تعلمون اللهم مالك الملك تؤتي الملك  
من تشاء وتنزع الملك ممن تشاء وتعز من تشاء وتذل من تشاء  
بيدك الخير ) والسلام على من اتبع الهدى خالق الكونين  
ورازق الثقلين جلت قدرته وعمت كلمته حضر تلرینک بوقولی که  
والی البلاد حامی العباد محی سنت رسولاه و مجری شریعة نبیاه  
علیه و علی اله صلواتاه شاه سروران سلطان محمد بن مراد بن  
محمد بن بایزید خانم سکا که سردار عجم خان اعظم کیخسر و یکانه  
فریدون زمانه حسن خانسن مثال شریفده شویله اصدار  
بیوردمه که اکاه اوله سن کشی دولته مغرور اولوب حدندن  
تجاوز ایدوب بی انصافانه حرکات قیلمق علامت انتقال دولت  
وامارت زوال مملکت در . پس شول وساسو شیطانیه کیم  
دماغک جوفنی مقرر ایدمشدر . استنشاق ماء انابت برله فی زائل  
عقل امامنی پیشوا ایدسنکه بزم مملکت مزدار الاسلامدرا باعن جد  
دولتمز چراغی کفر اهلنک یورکی یاغیله روشندر . اسلام اهلنه اگریاوز  
قصده وار ایسه اعدای دولت و شریعتدن بعض سنسن وسکا



نظراً ايكي بکلبکنکده شهزاده معیتده بولنديغي وشهزاده نك  
 کوندرديكي فتحنامه ده مندرج اولان « اناطولى بکلبکيسی  
 لالام کدک احمد پاشا صاغ قولده وروم ايلي بکلبکيسی محمد  
 پاشا بنده لری صول قولده طوروب » عباره سندن اکلاشلديغنه  
 کوره اناطولى بکلبکيسی ده داود پاشا دکل، کدک احمد پاشا ایدی .  
 امير عمر بک توقادی تخریبدن صکره اوزون حسن نزدینه  
 عودت ایلديکندن قرمان اوغللریله برابر قونیه اوزرینه کلن فرقه نك  
 ریاستده یوسفجه میرزا قالمش ایدی . بوفرقه قیصریه دن بری  
 کلديكي صر ده شهزاده سلطان مصطفى قونیه دن مقابله شتاب  
 ایدره ک قیرایلی ایچنده ۸۷۷ ربیع الاولینک اون دردنچی کونی  
 صفین تقابل ایلدی . عریضه دن اکلاشلديغي اوزره شهزاده نك  
 صاغ جناحنده کدک احمد پاشا وصول جناحنده روم ايلي بکلبکي  
 محمد پاشا بولنیور ایدی . شهزاده اردوسنک نه مقدار اولديغي  
 معلوم دکادر ؛ فقط دشمنک عسکری سعدالدینک روایتجه  
 اون بيک کشیدن زیاده دکل ایدی . محاربه قوشلق زماننده  
 باشلامش و ایکنیدن صکره دشمن هزیمت کلیه ايله  
 منهزم اولمش ایدی . یوسفجه میرزا ايله برادرلری عمر وزینل  
 یك ومظفر میرزا الربعض امر ايله برابر اسیر ایلدیلر ، قرمان عسکری نك  
 اکثری ده اثنای حرب و تعقیبده تلف اولدی . قرمان  
 اوغللرندن بیر احمد ات باشنی تا اوزون حسن نزدنده چکمش  
 وقاسم بک بر تقریب ایچ ایلنه کیدرک علی الغفله سلفکيه دخول  
 ايله ضبط ایلش ایدی .



ویا خود اسحق پاشانک عقل تجربیسی ایله فاتحک دهای  
 موجدانهسی بربریه ائتلاف ایدهمدیکندن تشبثات عظیمهسنه  
 معاونتده کندیسنه محمود پاشا قدر اعتماد ایدهمه مش ایدی .  
 بعض احوالندن طولانی محمودپاشایه نه قدر منفعلده اولسه اویله  
 خطرلی برزمانده انده موجود اولان وسائطنک اکتوتلیسندن  
 استفاده ایتهمک فاتحک فکر جهاندارانهسنه یاقیشه جق شیلردن  
 دکل ایدی .

پادشاه محمودپاشایی کلیولیدن صدارته دعوت ایتمکه برابر  
 قیش اوزری اوتاغنی اسکداره کچیره رک دشمن اوزرینه حرکته  
 حاضر لانتغه باشلامش ایدی ؛ فقط محمود پاشا سفر موسمی  
 کچمش عسکرده هنوز طویلانماش اولدینی جهتله بو حال ایله  
 اوزون حسن اوزرینه کیتمک احتیاطه مغایر اوله جغنی کبی  
 قرمان اوغللریله کلن برترکان فرقهسنه قارشو بالذات کیتمکده  
 بیهودیره عسکر یورمقدن عبارت اوله جغنی عرض ایتدی .  
 رأی قبول اولنه رق قونیه والیلکنده بولنان سلطان مصطفی  
 دشمنک دفعی ایچون سردار تعیین اولندی وروم ایلی وانا طولی  
 بکلر بکلری ده معیتنه ویرلدی . خواجه سعدالدین انا طولی بکلر بکی  
 داود پاشانک شهزاده معیتنه مأمور اولدیغنی یازار فقط پادشاهک  
 شهزاده یه کوندردیکی سردارلق براتنده « سنی سر عسکر ایدوب  
 بیوردم که انا طولی وروم ایلی بکلر بکیسی ایله وقت حاجتده اوزرلرینه  
 واروب بتوفیق الله وقت مدافعهده دقیقه فوت ایتیه سز » دینلمسنه

اوزون حسن بونی متعاقب حسین باقرا خطبه وسکه نك كندی نامه اوناسنی قبول ایلدیکنه وکندینک شیرازی دارالملاک اتخاذ ایتدیکنه دائر بر نامه کوندرمشدرکه بونده مطاعتدن عادتا کستاخلغه انتقال ایدرک بر ایکی سنه اول اعظم سلاطین عالم عد ایلدیکی پادشاهی محمد بك عنوانی ایله تحقیره قدر جسارت ایلدی. اردهده تیمور پیرولکنه یلتمکدن بشقهده مدار نزاع اوله جق بر سبب یوق ایدی .

اوزون حسن یالکز نامه کستاخلغیله اکتفا ایتدی: قرمان اوغلارندن کندینه التجا ایدن بیر احمد ایله قاسم بکک یانسه برفرقه عسکر ترفیق ایدرک قرمان اوزرینه سوق ایلدی . عمراده سی یوسفجه میرزا ایله مشاهیر امراسندن بکتاش اوغلی

امیر عمر بك بوفرقهده برابر ایدیلر . بوفرقه حدودی تجاوز ایدرک تیمورک سیواسده کی تخریباتنه نظیره یاپارجه سنه توقادی ییقدیلر ، یاقدیلر و اورادن انقره طریقیه قوتیه یه یوریدیلر . فاتح سلطان محمد اوزون حسن ایله محاربه نك تقرری اوزرینه تدارکات کلیه یه قیام ایتمکه برابر اسحق پاشانک یرینه محمود پاشایی دفعه ثانیه اوله رق صدارته تعیین ایتمش ایدی . اسحق پاشا مشاهیر مجاهدیندن بر ذات اوله رق ده محمود پاشانک نامی میدانده وبلکه وجودی دنیاده دکل ایکن شان میدانلرینی عنوان مفاخریله طولدیرمش ایدی ؛ فقط ایکنجی درجه دن کوستردیکی اقتدار برنجی موقعک الجا آتته کفایت

برابر اولکنندنده بالا پروازانه بر طرزده يازلدیغی ایچون طبیعی فاتحجه تزید انفعالدن بشقه بر تاثیر حاصل ایتدی .

فاتحک شهزاده سلطان مصطفی یه کوندردیگی نامهده مندرج اولان وعیناً بالا یه نقل اولنان عبارده سنه باقیرسه بو نامه یهده جواب ویرمه مش اولماسی لازم کلیر . فقط اوزون حسن اوچنجی مکتوبنده فاتحدن برنامه الدیغی و ورودندن ممنون اولدیغی بیان ایدیور . بوا یسه پادشاه موجود اولان غوائلی رفع ایه مملکتک هر طرفدن حدودینی تأمین ایدنجه یه قدر خصمنی تأمین ایچون اوزون حسنه برنامه کوندردیگی کوستیریر . احتمال که فرماننده اولان « روباه مزبورده خواب خرکوش ویریلوب » تعیرندن مراد مراسله یه دشمنی اغفال ایچون ابتدار اولندیغی بیان ایتکدر .

اوزن حسن اوارالق تیمور احفادندن خراسان وماوراءالنهرده حاکم اولان ابوسعید میرزایده بر باصقینده اعدام ایلدیکندن بونامهده او مظفریتک نتایجندن اوله رق حسیر باقرا کندیسنه عرض اطاعت ایتش ایکن صکرده دن اظهار مخالفت ایلدیکندن طولایی هراتدن حیجونه قدر یرلری احفاد تیموردن یادکار میرزایه احسان ایتش وبری طرفلریده کندی ضبط ایددرک اولادینه تقسیم ایلش اولدیغی بیان ایتشدر که بونامه نك لسانی مساواتدن مطاعیته تحویل ایتش و بالطبع یوکاده جواب ویرلمه مشدر .

همان دولت عليه رقيب اقبال اوله بيله جك قدر ملك واقتداره  
 ملك اولماسندن عثمانليرك الجآت منفعتنه نظراً ممنون اوله مامقاه  
 برابر اوزون حسنك اويله برنامه ايله مژده جيلكه قيامنى ده  
 اهانتنه حمل ايتمش ايدى. شهزاده سلطان مصطفى يه كوندردىكى  
 نامه ده اولان « اوزون حسن دمراه بوجانبه مرة بعداخري بى  
 ادبانه مكاتب كوندروب كناية دن خالى اولمامغين جواب الاسفه  
 السكوت اوزره روباه مزبوره خواب خرگوش ويريلوب  
 شيران پيشه غزا وهزيران وغابره انك تدار كنده يز » عبارسندن  
 اكلاشديعى اوزره بونامه يه جواب اعطا ايلدى. ده اوزماندن  
 اوزون حسنه قارشى تدابير حربيه يه ابتدار ايدرك قرمان  
 طرفلرينك بتون يتون دائره تصرف و اطاعته ادخالنده  
 بو مسئله دن طولاي اوقدر اعتنار ايتمش ايدى .

اوزون حسنك ايكنجى نامه يه ايسه ميرانشاهك اوغلى  
 حسن على يه غلبه ايدرك اعدام ايتمش ومتعاقباً عراق عربى ده  
 ضبط ايلش اولديغنى ميين ايدى كه بونده بيله پادشاهى مراتب  
 حكومتك متهاسنه مخصوص اولان عنوانلره اغراز ايتمش فقط  
 كندى ايچون برنجى نامه سنده اولديغى كبي بنده وچا كر  
 تعبيرلرني استعمالدن توق ايدرك ايكي طرفك مساواتى كوسترير  
 يرلسان استعمال ايلش ايدى. بونامه ده خاندان عثمانى دولتخواه  
 هارندن اولان قره قيونلى اوجاغنك بتون بتون محو اولديغنى  
 واوزون حسن دولتلك يرقات ده اساع ايلديكنى ميين اولمقله

اولجه ظهور ایتمش اولان مقدماتی کسب تعین ایتمکه باشلادی. اوزون حسن ییلدیرم بازیدک انقره محاربه سنده تیمورک طلیعه سنده بولنان اق قیونلی . عاندانسدن قره بولسکک حنفیدی اوله رق اقر باسدن اولان خصمانی دفع ایله ازربایجان حکومتده مستقل اولمش و یوقلریده بیان اولندیغی اوزره طربزون ایمراطوریله اولان قرابتدن طولانی فاتح ایله براز اوغراشمق ایسته مش ایدی . نهایت برادریلریله اولان منازعاتنده واسطه ائتلافی اولان والده سی ساره خاتونک همتیله استحصال صلح ایلدی . براز صکره قردیوسف اولادندن عراق عرب وعجمه مالک اولان میرزا جهانشاهی بر محاربه ده قهر واعدام ایله برابر عراق عجمی ده ضبط ایلدیکندن بر دولت وسیعه یه صاحب اولدی ، قوتی خیلیدن خیلی تزیید ایلدی ، فاتحه داری طاربتغه کندنده اقتدار کورمکه باشلادی ؛ فقط ینه آچقندن آچیغه دعوی مساواته جسارت ایدمه رک جهانشاهه قارشی حاصل ایلدیکی غلبه نی مین پادشاهه کوندردیکی نامه نك مقدمه . سنده « بنده مخلص دولتخواه بی اشتباه مراسم عبودیات مخاصانه ولوازم ضراعات چا کرانه از محض اخلاص ودولتخواهی وکال اختصاص و دعا کوی معروض وموضوع کرداینده » سوزلریله بنده لك مقامنده بولندیغنی کوسترمش ایدی . پادشاه ایسه جهانشاهک خاندان عثمانی یه پدری قره یوسفدن موروث اولان انتسابی جهتیله وفاتندن متأراولمش واوزون حسنکده

براقبجی فرقه-ی ۸۷۷ سنه هجریه سنه تصادف ایدن ۱۴۷۲ سنه میلادیه سنه فرانجیان قونتیه منازعه حالنده بولنان قرویا قونتک دعوتی اوزرینه خرواتلقدن قارینبوله کچهرک لایباح جوارینه قدر کلش واوراده ایکی فرقه یه انقسام ایله برطاقمی غربه توجه ایدرک قرانپتایه کیتدکدن صکره تکرار عودتله سیلیلی بی باصمش و دیگر طاقمی شرقه توجه ایله اسقلاونیا و مجارستان طرفلرینی یغما ایتمش در .

قرمان ملککنک ضبطی صره سنده اسحق بکک براوغلی سلفکده تحصن ایلدیکنی یوقاریده بیان ایش ایدک . بوسرده اوزون حسنک یاننده بولنان پدرینک وفات ایتدیکنی خبر المش وقرمان ملکنی تصرف ایده بیلکم امیدنده اولمادیغندن باب دولته برسفیرارسالیه قلعه یی ضبط ایتک ایچون آدم کوندرلمسنی عرض ایتمش ایدی . کدک احمد پاشا بوایشه مأمور اولدی ، ۸۷۷ بهارنده او طرفلره حرکت ایدرک سلفکده یی قبض ایلدکدن بشقه موقت حصارینی ده قرمان طاقندن جبراً اخذ ایدهرک دروننده او خاندانه منسوب بعض نسوان و صبیان و برچوقده اموال و اشیا موجود اولدیغندن جمله سنی استانبوله ارسال ایلدی اندن صکره کواله قلعه سنی محاصره ایله عنوةً ضبط ایتدی . و فقط ضبط ایدنجه یه قدر پک چوق مشقت چکمش اولدیغندن عصرک اطوار ظالمانه سنه اتباعاً ضابطلرینی برجدن اشاغی اتروق اعدام ایلدی .

ینه ۸۷۷ سنه یی ایچنده ایدی که اوزون حسن سفرینک

یولدیغندن اوزمان ممالک غریبه اسلامیه جه مرجع کل اولان فاتح ، غاصبک تأدیبنی قرمان اوغللرینه حواله ایلمش . قرمان اوغللری هر نهدن ایسه بو آدمه برشی یابمامشدر ، فاتح قرمان حکومتی محو ایتدیکی صرهدده علائیهده لطفینک اوغلی قلیچ ارسلان بولمش ، پادشاه او یله بر حکومت عاصیه نک وجودینی تجویز ایتدیکندن و قرمان ملکی النصدقن صکره علائیهده آیری بر حکومت بر افاق دولتک الجآت منفعتنهده مغایر اولدیغندن اورانک ضبطی قرارلشدیرلمش اولیور . صحائف الاخبار قلیچ ارسلانک سلچوقیه بقایاسندن اولدیغنی بیان ایدر . بو افادهیه هامر قلیچ ارسلانک خاندان سلچوقی اعضاسندن اولماری معناسنی ویرمش ایسهده سلچوقیلرک بتون بتون منقرض اولدیغنی و اوانقراض اوزرینه مملکتلرنده بو قدر ملوک طوائف ظهور ایلدیکی مسلمات تاریخیه دندر . بناءً علیه سلچوقیه بقایاسی تعمیرندن مراد هیچ شبهه یوقدر که بو آدهک امرای سلچوقیه احفادندن اولدیغنی کوسترمکدر .

هامرک روایتجه ۸۷۶ سنه هجریه سنه تصادف ایدن ۱۴۷۱ سنه میلادیه سنده اسحق پاشا طرفندن سوق اولتان اون بش بیگ اقبجی خرواتلغه کچهرک یکر می بیگ اسیر و برچوق حیوانات اغتنامیله عودت ایتدیلر و برمدت صکره اون بیگ کشیدن مرکب اولدقلری حالده قارینول طرفنی باشند باشه غارت ایلدیلر . هامرک قولنه کوره اون بش بیگ کشیلک



پاشا قليچ ارسلانك استيماني قبول ايتمش وقاعه يي ضبط ايله برابر كنديسنى ده باب دولته كوندرمش ايدى. طرف پادشاهيدن كوماجنه سنجاغى كنديسنه خاص تعين اولندى. برمدت صكره شكار بهانه سيلاه دكتر كنارينه اينه رك كنديسنى بكله ين برسفينه آتلدى، مصره فرار ايلدى.

علايه اوزرينه وقوع بولان بو حر كته بزم تاريخلرده هيچ برسبب بيان اولنماز. فقط فريدون منشا آتنده فاتحك قرمان اوغله شو مآلده برمكتوبى كوريلور « شوكونلرده استماع اولندى كه لطفى قرق بش كشى ايله على الغضاه علايه حاكمى قرمان بكي باصهرق قتل ايتمش و برچوق خونريزلىكلر ارتكابيلاه علايه قلعه سنى ده ضبط ايلش، اكر حقيقت بو مر كزده ايسه بروجهلاه مناسب كورتمز و بو خصوصده اهمام تام ايتك لازم كلور. زيرا ناحق يره قان دوكمك امر مشكلدر و خرابى ملك وازاله دولته باعث اولديغنده شك يوقدر. دوستانه اخطار اولنور كه اظهار حقدده سعى جميل اظهار ايدلسون تا كه روز جزاده مواخذه چكلمسون. » خواجه سعاددين ايسه تاريخنده قليچ ارسلان بكي لطيف بك زاده عنوانيله ياد ايدبور. ديمك كه بولاطيف اسمى فاتحك نامه سنده كى لطيفدن غلط اوله جق. مصلحتك سياق و سباقندن اكلاشا ديغنه كورده لطفى بك علايه يي حاكمك اعداميله تصرفنه كچيرمش و كنديسى قرمان اوغلارينه متنسب اولديغندن و يا خود علايه او جوارده

پاشا ايسه اورادده تعقبنه ابتدار ايلديكندن ديار بگره قاهره قازون اوزون حسنه التجادن بشقه برچاره نجات يوله مادي . برادر لرندن قاسم بك ايسه قرمانك جبال شاهقه سنه صغهره قورالردده و بعض روايته كورده موت قلعه سي پيشكاهنده اسحق پاشا ايله شدتليجه بر محاربه ده منهزم اولدقن صكره اوزون حسنه التجاده برادرينه پيرولك ايتمش ايدى . اسحق پاشا اره كوي و اوچ حصارى و اورته حصارى ضبط ايله موت ونيكده قلعه لرينه ده تعمير ايلدكدن صكره استانبوله عودت ايلدى . اسحق پاشا بوسفر ندرده استانبوله اقسراى خلقندن بر طاقم خانه نقل ايتمشدر كه شمدى اقسراى عنوانيله معروف اولان محله اسكان اولنديلر . بو خانه نقللرندن اكلاشيليور كه پادشاه دائما استانبولك اعمارينه و خصوصيله پاي تختده نفوس اسلاميه تك تكشيره خدمت ايتمكده ايدى .

روم محمد پاشا علائيه سردارلغندن انفصال ايدنجه او خدمتده عثمانلى قهرمانلرينك الك بيوكلرندن برى اولان كدك احمد پاشايه حواله اولدى . پاشا مهابت ذاتيه و ترتيبات كشور كيرانه سيله ۸۷۶ سنه سنده علائيه يي محاصره ايدنجه اهالى قليچ ارسلان بكه عثمانليرك قرمان طاقنه قياس قبول ايدر خصمان اولماديغندن بر كره اوزرينه كلدكدن صكره كنديسى ايچون استيماندن بشقه چاره قلماديغنى افهام ايتديلر ، والدقلى رخصت اوزرينه پاشايه كلهرك امان ديلديلر . احمد

اولدى . يوركچ پاشاي معلوم اولان مظلليه برابر مرد مردانه مشكورالمساعى كى سوزلرله وصف ايدن مورخلر نزدنده روم محمد پاشانك ماده تعين اولتمسزىن ظلم وجهلدن مركب برجانور صورتنده كوسترلك ايستلمسنة ايسه عرفان واحسانى جهتيه علما بيتنده برمقبوليت مخصوصه يه مظهر اولان محمود پاشايه رقيب اولماسندن طولاي قازانديغى نفرت سبب اولمش كى كورينور .

هامر ديركه « عثمانلى اقتجيلرينك المانيايه برنجى دخولى ۸۷۵ سنه هجرىه سنه تصادف ايدن ) ۱۴۷۰ سنه ميلاديه سنه ددر . بواقجى هجومى سكسان ياشنده برپاشا اجرا ايتمشدركه قارينول خرسيتيانلرى اوزرينه غزا ايله ختم عمر ايتمكه عهد ايلش ايدى . بفرقه اقتجى لايباح وبردبكر فرقه رودويسورت طرفه وپاشانك بالذات حاضر بولنديغى براوچنجى فرقه و ايتريپد جانبه هجوم ايلدى . بوفرقلر اطرافى يغما و تخريب ايتديلر ، بش كونك ايچنده يكرمى بيك قدر يرلى عسكر اجتماع ايتمش ايسه ده بو عسكرك طولانديغى سرده عثمانلى سواريسى سكر بيك اسير ايله كويا نهرندن اوتيه كچمش ايدى » بزم تاريخلرده بواقجى سفرينه دائر معلومات كوريله مز .

روم محمد پاشانك عزلندن صكره قرمان اوزرينه صدر اعظم اسحق پاشا سوق اولمش ايدى . ۸۷۶ سنه سنه لارنده اوزرينه حركت ايدنجه بير احمد بك ينه ايچ ايله فرارايتدى .



قرمان اطرافنده بېر احمد بك ينه ميدانه چيقارق ممالك  
موروثه سنى استرداد ايتك داعيه سنده بولنديغى خبر النديغندن  
۸۷۴ بهارنده پادشاه روم محمد پاشاي اورالرك محافظه سنه تعين  
ايش ايدى . خواجه سعدالدينك روايتجه روم محمد پاشا  
نهايت درجه لرده ظلم وار تكابه مائل برشى اولديغندن كيتديكى  
يرلرده برچوق جانلر ياقمش و برچوق پاره لر المش اولديغى  
حاله عودت ايدر كن وارساق بكارندن اوبوز بك بردربنده  
اردوسنى پوصويه دوشوره رك عسكرينك ياريسنى اتلاف  
وخزينه سنك عمومى يغما ايدى . وارساق لير « بونه مبارك  
پاشا ايش كه طوپلادىغى پاردي اياغمزه قدر كتردى ، بزه  
تسليم ايتدى » كې سوزلرله اكنيرلر ايدى . روم محمد پاشا  
بوصورتله اعتساف وفتدان اقتدارينك ثبوتى اوزرينه اوخدمتدن  
عزل ايدلى .

محمد پاشا او قدر ظالم او قدر عاجز بر آدم اولماسه  
كر كدر كه فاتح بوموفقيتسز لگندن برسنه كچر كچمز يعنى  
۸۷۵ بهارنده علائيه نك تسخيرينه ينه بو ذاتى مأمور  
ايتشدر . او خدمتدن انفصالنده اقتدارسز اولماسى دكل ،  
علائيه حاكمى قايىج ارسلان بك انشته سى بولنماسى سبب

ایچون دوناتمامزی وندیک دوناتماسنه الحاق ایده جکزه . کمال  
اعتنا ایله مرعی طوتمقده اولدیغمز خرشتیان مذهبک بزده  
تحمیل ایتدیکی وظائفده قصور ایده جکزه وهردرلو محبتمهزه  
لایق اولان وندیکلیره خیانت ایله جکزه زاهب اولورسه کز  
خطا ایدرسکز . بوصورتله اغریبوزک ضبطی بزم ایچون  
برماده تأسف ایکن مسروریت شاهانه کزدن بزیده حصه دار  
ایتمک ایستدیگکزه تأسف ایتدک . ۱۴۷۰ سنه سی ایلونک  
دردنجی کونی ناپولیده تحریر اولندی . «



وقهراً اغريبوزى تسخيره موفق اولماسيدر . بومظفريتك  
شانى اويله مفتریات ايله خلیل بوله جق شیلردن دکلدر .  
خرستیانلق عالمجه اولان تأثیری ایسه ناپولی قرالی فردیناند  
طرفدن پادشاهك فتحنامه سنه کلن جواب لایقیده کوستیریر .  
جوابك ترجمه سی بودر :

« ترکلرک ایمپراطوری امیر عالیجاه وصاحب اشتهار سلطان  
محمد غنایت الهیه ايله ناپولی وقدرس ومجارستانك قرالی اولان  
فردیناند طرفدن سلام اولنور .

اغريبوزك ضبط اولندیغی افادہ سنی وبوندن حاصل  
ایتدکلری مسرتدن بزى ده حصه دار ایتك ارزوسيله سفیرلری  
وساطتيله ارسال بیوریلان نامه هایونلریخی الدق . سنین سابقده  
تبعه مزك طرف شاهانه دن نائل حمایت اولدقلرینی وکوردکلری  
حسن معامله دن متشکر بولندقلرینی بیلدی کمزدن حضورلرینه  
سفیر کوندر مکده و حیثیت مزله قابل تألیف اوله جق هر دلو  
مناسبات دوستانه نك اتخا زنده مشکلات کوستر مه مش ایدك .  
فقط ذات شوکتسماتلرینك خرستیانلر و خصوصیه وندیکلرله  
ایتدکلری محاربه ظالمانه نی خبر النجه ارده موجود اولان  
اتلافك محافظه سنه امکان اولمادیغی درك ایتدك و بناءً علیه  
دیندار بر خرستیانك وظیفه سندن اولدیغی اوزره مجموع قوت مزله  
ذات شاهانه لری علمنده حرب ایتمکی فریضه دن عد ایلدك .  
دین مقدس مز اولان خرستیان مذهبنی محافظه ده معین اولمق

اولمسانه نظراً قاعه او قدر مشقتله التمش اولسه یدی بزم تاریخلرده غلبه مزك اهمیتی تخفیف ایتمز لردی . هامرک بحث ایتدیکی ایچ قلعه مدافعه سنه دائر بزم تاریخلرده هیچ برسوز یوقدر . یالکز قلعه نك قارشیسنده ودکز ایچنده قیزلر قلعه سی نامنده اوفق بریر بولنه رق انك ده اغریبوز قلعه سنندن صکره فتح اولندیغنی بیان ایدرلر . ایچ قلعه دینیلن یری بوراسی عد ایده جك اولسه ق انك ده عنوة فتح اولندیغنی تاریخلرک سیاق افاده سیله ثابتدر . چونکه اغریبوزه رخصت یغما ویرلمش اولدیغنی حالده قیزلر قلعه سننده برچوق اموال اولدیغندن محمود پاشانک بواموالی عسکره یغما ایتدیرمیه رک خزینه یه ضبط ایلدیکنه دائر برفقره مخصوصه کوریلور . حال بوکه اوراسی صلحاً فتح اولتمش اولسه ایچنده کی اموالک یغما ایتدیرلمدیکندن بجه محل قلماز ایدی . بو افاده یه کوره پادشاهدن استیمان ایتمش کیسه بوانه میورکه امان ویرمش ده صکره نقض عهد ایلش اولسون . حد ذاتنده کندی امرینه مغایر اوله رق بوسنه قرالنه صدر اعظمی طرفندن ویریلن امانی فتوای شرعی المادجه قبولدن استکاف ایتمه ین برپادشاهک برقاچ بیک کشی یه کندینک ویردیکی امانی سلمه السلام نقض ایتمش اولماسی احتمالی وارمیدر؟ بو وقعه ده تاریخچه قابل انکار اولیان بر مسئله وار ایسه اوده اوزمان دنیانک اک برنجی قوه بحریه سی اولان وندیك دونانما سنک کوزی اوکننده فاتحک نوظهور قوه بحریه سیله جبراً



اغريبوز النجهيه قدر اللی بیک عثمانی عسکری تلف اولمش  
 وفاتح سلطان محمد امان ويرديکی مستحفظلری علی العموم  
 اعدام ایلش اوليور . هامرک محاربه لرده تلف ایتدیرديکی  
 عثمانیلر زیره جمع اولنسه عسکرک مقدارى کره زمین خلقنه  
 یاقلاشیر ! بومحاربه ده تعیین ایتديکی مقدارک مبالغه لی اولديغی  
 ایسه بتون بتون ظاهر در : اغريبوزده عثمانیلر اویله اللی بیک  
 تلفات ویردجک قدر دهشتلی برمحاربه یه طوتلش اولسه لر  
 ایدی ونديک کیلری اولو اولسه جسارت بولوب برحرکت  
 اجرا ایدردی . بزم تاریخلرک تعریفدن اکلاشلدیغنه کوره  
 اغريبوز فتحی اوقدر اهمیتلی برشی دکل ایدی : قلعه محاصره  
 اولندی ، برمدت صکره برکون تعیین اولنهرق مهاجمه یه  
 حاضر نلمسی عسکره اعلان اولنش ایدی . هجومه ده اویچ  
 کون وار ایکن برسپاهینک کوله سی مرتد اولهرق دشمنه قچمش  
 اولدیغدن هجوم کوننک شیوعی جهتیله شاید اویله برطار وقتده  
 ونديک دونانماسدن برتعرض وقوع بولمق مطالعه سیله اویچ  
 کون صکره مصمم اولان هجوم برکون صکره اجرا ایدلدی  
 وقلمه عنوة فتح اولندی . بویدی هجوم مسئله سی ده ونديک لیلرک  
 ناموس عسکرلرینی محافظه ایچون اختراع اولنش برمبالغه  
 اولسه کرکدر . یوقسه خصم غالبه زیاده صقندی ویرمک  
 مغلوبلر ایچون نصل دلیل شجاعت ایسه دشمن مغلوبک  
 شجاعتی ده طرف غالب ایچون تزید شان ایدجک حاللردن

وندیک محاربه سنک دوامنه محتاج اولدیغندن سفیرک تکلیفاتی رد اولندی و اغریبوز جزیره سنک ضبطنه قرار ویرلدی . محمود پاشا فاتح ایچون نه چکیلبر نه سکیلبر بر مأمور ایدی . پادشاهک اوامرنی ایستدیکی یولده اجرا ایتزدی ؛ فقط حقیله اجرا ایتک ایچونده اندن مقتدر برواسطه یوق ایدی . خصوصیه دوناما سرداراغنده تجر به ووقوف باشانک ذاته منحصر ایدی . بناءً علیه پادشاه ، قبودانلر منصبی اولان کلیولی سنجاغنی ۷۷۳ سنه سنده عهدده سنه توجیه ایدرک محمود پاشانی دوناماسیله مورد صولرینه سوق ایتدی ، کندیسیده قاره دن اغریبوز اوزرینه حرکت ایلدی . وندیک امیرالی عثمانلی دوناماسیله حربی کوزینه کسدره میهرک کریددن بکلرکی امداده انتظاراً براطه نک کنارینه صیغمش ایدی . امیرالک بو احتیاطنه اعتراض ایدن وندیک قبودانلردن ( انتونیو اوتوبونی ) ایله برادری ( استفانو اوتوبونی ) سوار اولدقلری سفینه لرله عثمانلی دوناماسنک ارسندن کچمکه قیام ایتدیله . استفانو کیسیله برابر محو اولدی ایسه ده انتونیو خارق اناده بر نصادفله دونامانک ارسندن قورتیلهرق اغریبوز لیماننه قدر کله یلمش ایدی . محمود پاشا قاره ایله جزیره بیننه کیلردن برکوپری وضع ایلدی ، اردو بوکوبریدن قاره یه کهرک هامرک روایتیجه یدی دفعه هجوم ایتدکن صکره اغریبوزی عنوةً المش وایچ قلعه برار طیانقدن صکره تسلیم اولمش در . ینه هامرک روایتیه باقیلرسه

كوندرمك خدمتند محمود پاشايه خلف اولدى . بو ايشلردده شدتى جناب مولانانك اولادندن دركاهنك پوست نشيني اولان ذاتى استانبوله سوق ايتك درجه سنه كوتوردى كسندن عزل وتكديره اوغرامقدن بشقه محمود پاشا علمينه وقوع بولان القا آتندن هيچ برشى قازانه مادي .

پادشاهك ارناودلق وقرمان ايله اوغراشديني صره لرده ونديك محاربه سنه بتون بتون فاصله ويرلمه مش ايدى . فرنك تاريخلرينك روايته كوره او ائساده برمكمل اقتجى فرقه سى حدوددن كچه رك اسقلاوتيا ومارتينا واستريا طرفلرينى غارت ايتدى وبكرمى بيك اسير ايله عودت ايلدى . ونديك لير ايسه ( نيقولا قاتاله ) نك معيتنده بردونا نماسوق ايدره رك روم سواحلندن اينوزى وانا طولى سواحلندن فوچه نى واطه لردن ايمروز وليني نى غارت ايتدير مشلر ايدى . مع مافيه پاپانك ارتحال ايتمى واهل صليب اتفاقى تصورينك وجوده كله مه مسى اوزرينه جمهور ، دولت عثمانيه ايله آچديى محاربه نك نتايجى قارشيسنده يالكز قالد يغدن سلامت ومنفعتى ايچون رجاى مصالحه دن بشقه چاره بوله مادي ويهودى معتبرانندن داويد نامنده يرتاجرى سفارته استانبوله كوندردى . فقط ونديكك اينوز وفوچه وليني وايمروزده اجرا ايتديكى تخريبات انتقام سز يراقلمق دولتك شان عسكرينه طوقونه جغندن بشقه فاتحك روم ايلي طرفلرنده تصور ايلديكى توسيعاتى فعله چيقارمقده

ایدی . روم محمد پاشا ذاتاً صدارت طالبیلرندن اولوق جهتیله محمود پاشانک دائماعلیهنده بولندیغندن استانبوله ارسالی امر اولنان ارباب صنایعک زنکینلرینی رشوتله یرلرنده براقدیغنه دائر بعض القا آتده بولنمش و ببر احمد بکی طوموق صدراعظم ایچون قابل اولدیغی حالده قصداً مسامحه ایلدیکینی ده سویلش ایدی . بوسنه قرالی وقعه سی اوزرینه محمود پاشانک مرحمه ویا کندی فکر مخصوصی محافظه قرمان اوغلنده بویله برمساعده کوسترمسی عقلمن بعید اولمادیغی کبی ولواویله برحر کتده بیله بولنمسه بوسنه قرانه خلاف امر ویردیکی امانه نظراً پادشاهک او یولده وقوع بولان القاآته اینامسی طیبی ایدی . محمود پاشا مسلم اولان اقتدار فوق العاده سیله برابر فاتحک قولنه کوره برالت اجرا دکلدی ، پادشاه دنیاده هرشیدن زیاده دولتک منفعتی دوشونوردی . محمود پاشا اقبالک پارلاقغنی دولتک منفعتنه فدا ایتهمک ایستردی . بومباینت مشرب پاشانک مقام صدارتده وجودینی زائد کوسترمکه باشلادی . بناءً علیه انفصالی اخلاقک نتایج ضروریه سندن ایدی دینه بیایر .

محمود پاشانک یرینه کاتب چلبی روم محمد پاشانک صدراعظم اولدیغی ضبط ایدر ؛ فقط جمهور مورخینک قولنجه صدارت قدمای مجاهدیندن سلطان مراد ثانی زماننده بونجه مفاخر عسکریه سنی کوردیکمز اسحق پاشایه توجیه اولنمش ایدی . روم محمد پاشا یالکوز انقره وقونیه دن استانبوله اصحاب صنعت

صدراعظم محمود پاشای بیر احمدک تحریسنه کوندرمش ایدی . .  
 بیر احمد محمود پاشانک قارشیسنه کله بیلیمش و برشدتلی محاربه  
 ایتمش ایسه ده عاقبت ینه مقرون انهزام اوله رق بیک بلاایله میدان  
 محاربه دن فرار ایش در . پادشاه عمرلرینک هر سنه سنی بر تقض  
 عهد ایله لکه دار ایتمش اولان قرمان امراسندن اسیردوشنلری  
 اعدام ایتدیردیکی کبی محمود پاشای بوتعرضات هر دم ظهورک  
 هم اک بیوک محرک ظهوری هم اک بیوک واسطه اجراسی اولان  
 طورغودلو عشیرتنک اخذینه مأمور ایلدی . طورغودایلر  
 پاشانک کندی اوزرلرینه حرکتی خبرالجه باغار طاغنه طوغری  
 چکلیدیلر . محمود پاشا ارقه لرندن ایرلمادی ، فقط طورغودایلر  
 پاشانک ورودندن اول طرسوسه فرار ایدرک مصر حکومتک  
 ملکنه دخول ایله باشلرینی سیف عثمانیدن تخلیص ایده بیلیدیلر .  
 پاشا بونلردن باغار طاغنده طوته بیلدکلرینی زنجیره چکرک  
 قونیه کتیرمش ایدی ، جمله سی اعدام اولندیلر . اکر شدتک  
 حقایسی اوله بیلسه پادشاهک بومعامله سنه ده حقی دینایردی .  
 چونکه دولت علیه نک ظهورندن بری طورغودایلرک عثمانیلره  
 قارشی اختیار ایتدکلری خبائت قالمامشدر .

فالح قونیه دن مظنراً عودت ایدرکن افیون قره حصارنده  
 محمود پاشانک چادرینی باشه ییقذیره رق کندیسنی عزل ایتمش ایدی .  
 تاریخلرک روایتجه پادشاه انقره ولایتده ارباب صنتندن مناسب  
 اولانلری استانبوله نقل ایتک ایچون محمود پاشایه امر ویرمش



قرمان حاكىمى (بىر احمد) بك پادشاهك اقراسندن اولديغى  
وقرمان حكومتى سايه معاونت و عنایتده استحصال ایلدیكى  
خالده خاندانك موروثات لئیمانه سندن اولان نفاقدن بردرلو  
کندیسنی الهمایه رق اوزون حسنك توافر حشمت و خاندان  
عثمانییه رقابتی کندیسی ایچون بر فرصت استفاده بیلمش  
و ذوالقدر اوغلارندن شہسوار بکك اوزون حسنه کوستردیکی  
اطاعت جهتیه ملکك یانی باشنده سطوت عثمانییه قارشى  
طورہ بیلہ جك بر قوت وجوده کلدیکنه کوکه نهرک اوده اوزون  
حسن طرفدارلغنه قالقشدیغى کبى ممالک پادشاهییه ده تجاوزه  
باشلامش ایدی. اوزون حسنك کیردیكى جهانکیرک مسلکنه  
نظراً نصل اولسه دولتک او طرفدن برغانلہیه اوغرایه جنغى  
مقرر اولدیغى خالده قرمان اوغلنك او طرف ایلہ اتقاقى فاتحک  
اوزون حسن ایلہ محاریبه عزیزمى حالنده ارقه ده اردونك مرکز  
استنادى تهديد ایدہ جك بردشمن بر اقامش اوله جغندن اول امرده  
بیر احمد غائله سنك رفعنه لزوم کورولدى وهان قونیه اوزرینه  
حرکت اولندى. بیر احمد اجدادینك طریق شجاعتندن  
ایر یله مایه رق عثمانلى قهرمانلریتك صولتنی خبرالنجہ طاش ایلنه  
فرار ایلدى! پادشاه کوار وقوتیه نی ضبط ایتدکن صکره

صکره عودت ایتمش در . بووقعه دن کورینور که علل ساریه دن  
 تحفظ خصوصنجه فاتح زماننده صکره لری اولدیغی کبی تعصب  
 یوق ایتمش .

ینه بوسنه ظرفنده ایدی که فاتح یکی سرای دنیلن و سرای  
 بروننده بولنان شو کتخانه عثمانیک اساسنی وضع ایتدیرمش ایدی .





برشی دکلدر . اسکندر بکک آلسیویه چکلمسی ده هامرک  
 کوسترمک ایستدیکی کبی سبسنزجه برعزیمتدن عبارت دکل  
 ایدی . بزم تاریخلرده بیان اولندی و جهله اسکندر بکک  
 قالقان دکن طاغلرندده شونک بونک رعی ایتمکده اولدقلری  
 قویونلری سوردیکی واوتهیه برییه صارقدیلق ایتمدیکی کبی  
 ایلبصانی یعنی قلعهسنی محاصره ایلمدیکی خبر النسی اوزرینه  
 فاتح ینه اردوسیه ارناوداغه عزم ایتمش وخرستیانلق عاننک  
 اک بیوک قهرمانلرندن اولان اسکندر بک بومهاجمیه قارشو  
 غضب ایلمدیکی یرلری ترک ایله وندیکه فرار ایتمکدن بشته  
 تحلیص جانه امکان بوله مامش در . فاتح ضبط ایتمدیکی ارناودانی  
 ایکییه تقسیم ایدرک هر جزؤینی امراسندن برینه توجیه ایلمدی  
 وبوصورتله ارناودلق حکومت عاصیه سی ده ۸۷۲ تاریخنده محو  
 ایدلدی .

هرسک پرنسی اولان ( استپان قپادیچ ) ده ۸۷۲ تاریخنده  
 وفات ایلمدی براقدیغی اوچ اوغلندن بری ذاتاً اسلامیتی قبول  
 ایله احمد نامنی الهرق خدمت پادشاهی ایله شرفیاب اولدیغی کبی  
 دیگر ایکسی ده هرسکک تصرفنه مقتدر اوله مادقلرندن هرسک  
 قطعهنسک عمومی عثمانلی ملکنه الحاق اولندی . برحکومت  
 مستقله ده بوسنه ظرفنده وبوطرز ایله قرین زوال اولمشدر .  
 روم ایلمده شدتتی برطاعون اولدیغندن پادشاه ۸۷۲ صیفنک  
 بقیهسنی قرده کیز سواحلنده کچیرمش واستانبوله قیش حلواندن

قورشون اياھ بولۇنغان اورۇش ۋەھان اردوۋىھ عودت ايدرك  
وفات ايتشدر . بو حال اوزرينه عثمانلى اردوسى تيرانه رجعت  
ايلدى . اسكندر بك عسكرىنى ضبط ايدىمدى ، عثمانلىلر  
هجوم ايتديلر .

عثمانلىلر هر طرفدن احاطه ايدىش اولدقلىرى جهتله پك  
كوجلكله تيرانه طوغرى كندىلرينه بريول آچه بىلدىلر .  
اوتده بريد قالمش اولان عثمانلىلر ايسه جلهسى يا اسيرايدلىلر  
يا خود هلاك اولدىلر . فاتح آچه حصارى ضبطه مقتدر  
اوله ماديغندن ارناودلرى زمام حكىمى التنده طوتمق ايجون ايلبىسانى  
انشا واسكندر بكك ياپدىرمش اولدىن « چورلى » نى تخرىب  
ايتدىرمش و كندىسى ده ايتاليا ملكنده واقع السيويه كيدرك  
۶۳ پاشنده اولدىغى حالده وفات ايتشدر .

هامرك پاراسيودن طويلادىنى بوروايتلر بيك درلومباغات  
اياھ افسانه حائنه كىرئش شيلر اولدىغندن و ارناودلقدده اوياد  
بيوك برمغلوبيت وقوع بولش اولسه بزم تاريخلر كىچ بروقت  
تخرىرنده قصور ايتمه جكلىرى هر مغلوبىتمزى يازمقدده انترام  
ايدىكلىرى حقيقت پرورلىكله نابت بولنديغندن بوبابان بك  
ويونس بك وقعه لرى ده كوچك برر فرقه محاربه سندن عبارت  
اولدىغنده شبهه ايدىله مز . هامرك بارلسيويه اعتماداً بابان بك  
اردوسنى سكسان بيك كشى به ابلاغ ايتسى ايسه مباغات افسانه  
كويانه بى حقيقت تاريخيه شكلنده كوسترمكه چالشمقدن بشقه

برچوق غیمت واسیر الندیغندن واسلامی اسکان ایچون ایلبصان قلعه سنک بنا ایدلدیکندن بجه اکتفا ایدیلر . هانمر ایسه پادشاهک ارناودلق سفری حفته شوتفصیلاتی اعطا ایدر :

« پادشاه یوزبیک قدر عسکرک بالذات ریاستنه کچهرک تورایه نک ضبط و تخریبی ایچون ارناودلغه کلش واسوتیغراد ایله ارناودلق بلغرادینی ودها برطاقم مواقعی فتح ایلش ایدی . اسکندر بک ایسه طاغله چکیله رک اره صره عثمانی اردوسنه تسلط ایچون میدانه چیقاردی . فاتح بوتسا طلردن بیزار اوله رق اچه حصار محاصره سنی رفع ایلدی . اورادن تیرانه کیره رک قلعه یی عفو وعدیله ایش و فقط اهالیسندن اون بیک کشی یی اعدام ایلش ایدی . فاتح بلان بکی سکسان بیک عسکرله اچه حصار اوکنده برامش وقلعه یی اوزاقدن تضییق ایدرک آچلقله ضبط ایتک امیدینه دوشمش ایدی . بلان قلعه جوارنده بولنان طاغله چکیله رک برادری یونسک کتیره جکی امداده انتظار ایدردی . اسکندر بک یونس بکک ورودینی استخبار ایله اوزرینه عزیمت ایدرک اردوسنی بوزمش وکندیسیله اوغلی خضر بکی اسیر ایتش ایدی . ویردیکی امر اوزرینه بونلری زنجیرلره باغلا یه رق عثمانی اردوسنه کوستردیلر . کندی ایسه بوتماشای الیمک ویردیکی قارغشه لقدن استفاده ایدرک اردویه هجوم ایلدی . بلان بک قلعه کنارینه کیدرک محصورلره هر دلو مواعیدی تکرار ایتش ایسه ده یورکی الکس نامنده برارناودک اتدیغی

خواجه سعدالدین ایسه ایشک سرحد امراسی ایله ده تسویه سی آسان ایکن فاتحک بوغزاده بالذات بولمغنی ارزو ایلدیکی بیان ایدر . حقیقت حال ایسه ایکی طرفک ده روایتنه موافق کورنمز . چونکه هانمرك بازلسیودن الدیغنی نقللره باقیلیرسه اسکندر بک اوزمانه قدر سکز اون غلبه قازانمش ، سکسان طقسان بیک عسکر تلف ایتمش اولیور ؛ ارناودلق مسئله سی بو قدر بیومش اولسه فاتح برقاچ سنه لر ایشی منت بکک ، بلبان بکک ، یعقوب بکک النده براتماز ایدی . بوذاتلری هانم هر نه قدر فاتحک اک ماهر امراسی صورتنده کوسترمک ایستیورسه ده کندیلرینک بزم تاریخلرده هیچ براتلری و حتی اسملری مذکور اولمادیغندن بونلرک سرحد ضابطلرندن ده ا اهمیتلی برشی اولمادقلری میدانده در . فقط سلطان مراد ثانی زماننده استویغراد واجه حصار ضبط ایدلمش اولدیغنی حالده بوسفرده ینه اورالری اسکندر بکک النده کورلمسینه نظر آکندیسنک اولیه بیوک محاربه لر قازاندیغنی صحیح اولما مقوله برابر دولتک مشاغلندن استفاده ایدرک ارناودلقده دائماً ایلریش و برطاقم مواقع مهمه ضبط ایتمش اولدیغنی ده قابل انکار دکدر . بوندن بشقه اسکندر بک طاغ محاربه لرنده تاریخیجه دنیانک اک مقتدر عسکر لرندن معدوددر . بوجهته ارناودلق محارباتنک دفعی ایچون پادشاهک بالذات اورالده عزیمتی لوازم اموردن ایدی . خواجه سعدالدین بوسفرده ارناودلقده یالکز سرکشلرک قهر و تدمیر اولنه رق

اخبار ايدرك محصورلره تقويت ويرديلر وينه كيجه نك قرا كاغندن  
استفاده ايدرك عودت ايلديلر .

محمود پاشا قلعه نك مقاومته ثباتى خبر انجه ميخال اوغلى  
على بكى طايه سنه تعيين ايدرك امداده شتاب ايتدى : اسلام  
اردوس دربندلرده ماحوظ اولان مخاطراتك هيچ برينه  
اوغرامادقلندن بشقه مجار قرالى على بك ايله كلن عسكرك  
بايراقلى كورنديكى كې كمال خوف وتلاش ايله طونى ، اغراغنى  
نميدانده براقه رق فراره باشلادى . محمود پاشايه بوخبر وارد  
اولانجه كمال سرعتله ازورنيقه يتيشه رك اورادن ده عقبكيرلكه  
قيام ايلدى وطونه و صاوا نهرلرينه وارشيبه دشمنك ارقه سندن  
آيرمادى . بولعقيب صرده سنده برچوق غنايم واسير الشمس  
ايدى . ميخال اوغلى على بك ايله اسكندر بك ازورنيق  
محاصره نك رفقندن ابكى ماه صكره سمندره جوارنده بوتان  
بوزارى قاعه سنى ضبت ايدرك قرالك عمجه سى ميكل سلاكى ايله  
غريخور لاباناتى اسير ايتمش وبونلردن سلاكى استانبولده اعدام  
اولنهرقى لابانات ده برعثمانلى طرفندن وقوعه كلن التماس اوزرينه  
عفو ايدمش اولديغى بوتفنيوسك رواياتنددر .

وقتا كه ۸۷۱ سنه سى داخل اولدى ، فاتح بالذات اسكندر  
بكك دفع شرينه عزيمت ايلدى . هانمر پادشاهك اك كزیده  
امراسنى تعيين ايله اسكندر ك تنكيانه چايشه ش ايكن مقتدر  
اوله مادىغى ايچون بالذات ارنالداغه عزيمته احتياج كوردىكنى ،

زاده عیسی بك و میخال زاده علی بك و امور بك عسکر لریه  
 صدر اعظم محمود پاشا معینه و یریهرك ازورنیقك امدادینه  
 سوق ایدلی و قیشده گیش اولدیغندن پادشاه قپو تولریه  
 صوفیه عودت ایلدی .

دشنگ ازورنیق اوزرینه عزیمتی ایشیدلیکی صرعه  
 محافظه سنه مأمور ایدلمش اولان میخال اوغلی اسکندر بك  
 بش یوز اتلی ایاه قرال دن اول یتیشهرك قامه یه قپاندی و مجار  
 اردوسنه قارشى مدافعه یه باشلادی . كرك اسکندر بك و كرك  
 معینه کی عسکر ك ابراز ایتدكاری شجاعت خارق اناده ایدی :  
 اوقدر جزوی برقوتله قرالك اردوسنی آیلرجه اشغال ایدم .  
 بیلدیلر وقاعده هر کون آچیلان رخنه لری هر کیجه ترمیم  
 ایدرك دشنه برمدخل تعرض بر اهادیلر . فقط مجار ایلرك  
 کثرتدن ده امکان مقاومت زائل اولمق درجه لرینه گیش ایدی .  
 خواجه سعدالدینك روایتیه کوره محمود پاشا دربنددن سچمك  
 تهلكه سنی اختیار ایتدن اول موقمك حاته واقف برقا بهادر  
 بوله رق ازورنیقك مقاومته ثابت اولوب اولمادیغنی تحقینه  
 سوق ایدلی . بودلاورلر کیجه قرانقلرندن و برده هوا قیش  
 اولمق جهتیله مجارلرك زیر زمینده قازدقلری ذملک کرده  
 بولماسدن استفاده ایدرك ازورنیقك دیوارینه یا قلاشدیلر ،  
 و « قلعه کیمکدر ؟ » سوائنی ایراد ایاه « پادشاه اسلامکدر . »  
 جوانی النجه صدر اعظم اردوسنك برایی کونه قدر کله جکنی

بوسنه یه کچهرک ایکی بچق آی محاصره ایله (پاچه) نی المیش . ایدی . پادشاه ۸۷۰ بهاری کلیر کلیر کمال سرعتله بوسنه یه کیدرک پاچه نیک تکرار محاصره سنه ابتدار ایلدی . هامرک روایتته کوره بوسفرده معیتده کوتوردیکی اردو یالکیزجه اوتوز بیگ کشیدن عبارت ایدی . فاتح بواردوی او تر بیگ کشیدن او چ فرقه یه تقسیم ایدرک هر کون بفرقه سنی قلعه یه هجوم ایتدیردی . مورخ ( بونفینوس ) دیرکه عثمانیلر ارسلان کبی هجوم ایدرلردی ، دایما باشلرنده بولنان پادشاهده وعدو وعیددن خالی دکل ایدی . ایچلرندن برطاقی دیوارلرک اوسته چیقدیلر . حتی ایچلرندن بری قرالک بایراغی المیش اولدیغی حالده بر مجارلی کندیسنه صارلدی ، بر بریله اوغراشه اوغراشه ایکیسی بردن خندقه یوارلاندیلر . بوکشا کش آره سنده ایدی که قرال ماتیسوس قورون پادشاهک عزمنی تحویل ایچون بوسنه نی کچهرک (زره نیک) قلعه سنی ضبط ایتدی کدن صکره (ازورنیک) حصارینک محاصره سنه قیام ایلدی . ذاتاً ازورنیک موقعی پاچه دن مهم اولدیغی کبی فاتح نظر نده ده مجار قرالنه بر حد تأدیب اوزمق بر قلعه ضبط ایتمکدن بیگ قات مهم بولندیغدن پادشاه منت اوغلی محمد بک معیتله پاچه محصورلرینه قارشى برترصد فرقه سی ترک ایدرک کندیسى ازورنیک اوزرینه عزم ایلدی . فقط کذرکاهده اولان دربندلر پک خطرناک اولدیغی جهتله پادشاهک اغر عسکرله کچمسی تنسیب اولمادی ، روم ایلی امراسندن اسحق



اتفاقه دخول واك زنكين شهر لر دنده دونانما واقچه ايله امداد  
ايچون وعد المش اولديغي كبي ونديك جمهور رئيسي حرکات  
عسکريه بي بالذات اجرا ايتمه وپاپاده محاربه ده بر ليكده بولمغه  
قرار ویرمش ایدی . فقط پاپا هيچ بر تشبثك اجراسنه موفق  
اولادن وفات ايتديکندن اهل صليب فکری ده کندی ايله  
برابر ارتحال ایدی .

هامراسکندر بکک ۸۶۹ سنه سندن بدأيله ۸۷۰ سنه سنه قدر  
بر طاقم وقوعاتی نقل ايدرکه خلاصه سی اوچ سنه اول پادشاه ايله  
عقد ايتديكي معاهده ني پاپانك ابراميله نقض ايتمی اوزرینه شرمت بك!  
ويعقوب بك معیتيله سوق اولنان اوچ اردو ايله درت دفعه  
محاربه ايدرک اوچنده غلبه ايتمش و يالکيز برنده بلبان بکه  
قارشی بوزلمش اولماسندن عبارتدر . بووقايه دائر بزم تاريخلرده  
هيچ برسوز بولنه مامسنه وهاممرک روایاتی برلسيونک داستاننامه سندن  
مأخوذ بولماسنه نظراً بوروايتلرده جدی برشی نظریله باقیله ماز .  
ذاتاً يعقوب بك بلبان بك سرمد بك نامنده اوزمانلر مشاهیردن  
هيچ کيمسه ده موجود اولماديغندن بارلسيونک بيوده بيوده  
هيچ اينانلمايه جق درجه يه کتيرديكي بو حادته لر ايکنجی ،  
اوچنجی درجه ده بولنان حدود امراسنک اوفق تفک بعض  
محاربه لرندن عبارت کورينور .

۸۷۰ سنه سنک باشليجه وقعه سی پادشاهک بوسنه سفر يدر .

۸۶۹ تشرین اولنده مجار قرالی بولنان ( ماتيوس قورون )

اردو میدانده اون بیک تلفات براققدن صکره ینه طوبلاندرق  
برمیدان محاربه سنه کیریشه جک قدر کثرتلی اولنجه امیر مجاهد  
اون ایکی بیک عسکرله قوتنک لاقول ایکی مثلندن زیاده بر  
اردوئی ایکی محاربه ده محو ایتمش اولنق لازم کلیورکه اک جنسکاور  
ملتلرک بیله تاریخ عسکر یسنده پک قولای نصادف اولنور  
وقعه لردن دکادر !

هاجر دیرکه : « جوستیانینک برینه امیرال تعیین اولنسان  
ژاق لورده دانو دونانما نی کاسیولی یه سوق ایتمش، فقط کیملرینک  
کافه سی طوبلانمق سزین بونازدن کچمکه جسارت ایدمه رکه  
چناق قلعه نك طوپ منزانندن اوزاق بر محلنده دمیروش ایدی.  
بوکاخلف اولان ویقتور قابلو ایسه ایمرور وطاشوز و سمارکی  
فتح ایلدی ، حتی اتنه پی ده ضبط ایتمش ایدی ؛ فقط ینه عثمانیلره  
ترک ایتمکه مجبور اولدی . »

ایمرور وطاشور و سمارک فتحی دینیان شیئک اورالره  
براز عسکر چیقارارق یغما و تخریبدن عبارت اولدیغنده شبهه  
یوقدر . چونکه اورالری وندیك دونانماسی فی الحقیقه ضبط  
ایتمش اولسه ایدی استرداد اولندیغنه دائرده تاریخلرده برشی  
بولنق لازم کلیردی .

وندیکیلرک اک بیوک امیدکاهی اوروپاده ترتیبه باشلانیلان  
اهل صلیب اتفاقی ایدی . پاپا ایکنجی « پی » اولیه براتفاق عقدینی  
کمال اعتنا ایله اترام ایتمش و بورغونیا دوقه سی ( فلیب ) دن

بر تولدونك یرینه قوۋۋ بیرهك قومانداسنه تعین اولنان  
 (مالاتستا) ایسه اسپارتهبی محاصره ایدرک قلعهك برنجی  
 وایکنجی حصارلرینی ضبته دخی ایتمش ایکن ایچقلعه مقاومتده  
 ثبات ایلدیکندن احراز موفقیت ایدمه مش ایدی . مالاتستا  
 بر مدت صکره ایتالیایه عودت ایتدیکندن یرینه دلان  
 (ثاق بارباریغو) بالی بادره بی محاصره ایلدی . فقط طورخان  
 زاده عمر بك قلعهك امدادینه یتشمش و بارباریغوی میدان  
 محاربه سنه کیریشمکه مجبور ایدرک اردوسنی محو وکندیسنی  
 اکثر ضابطلریله برابر اتلاف ایشدر . وندیکیلرک تلفاتی  
 اون بیک کشییه بالغ ایدی . وندیک خدمتده بولنان یونانی  
 ضابطاندن (میخائل رالی) وندیک جنراللاری طرفدن قازیغه  
 اورلدی . حلبوکه اوپچاره بالی بادرهك محاصره اولنماسنی  
 توصیه ایتمش ایدی . وندیک اردوسنک بقیه سی قلاماته قلعه سنه  
 صیغتمق ایتمش ، عثمانیلر بورادده بر محاربهیه کیرشمش  
 وبومحاربهك نتیجه سی وندیکیلرله بالی بادره محاربه سندن ضررلی  
 ظهور ایتمشدر . هائمر بو روایتی مالاتستانک کاتبی طرفدن  
 یازیلان مکتوبلردن اخذ ایدیورکه وندیکلی اولدیغی حالده  
 وندیکیلر علیهنده چیقاجق صورتده مبالغه لی شیلر یازمایه جنی  
 ظاهردر . روایتک شبهذن وارسته بولنمادیده عمر بك  
 موفقیتده اولان اهمیتی صورت مخصوصده دفته شانیان  
 کوسترییور : بالی بادره محاربه سنده عمر بك ایله حرب ایدن

قآح پاشانك تآيدينه كيتمكده ايكن بومظفريتلا اوزرينه  
 اختيار مشفته حاجت كورمدى . محمود پاشا مورديه داخل  
 اولنجه اورنوس زاده عيسى بكى خدمتدن عزل ايدرک يرينه  
 زغنوس پاشاني تعين ايتديكى كچي عمر بكي ده يكرمى بيك اتلى  
 اياه سوق ايدرک مدون طرفلرني غارت ايتديردي . اسپارته  
 خاقي عمر بكاك مهاجمانه مقاومت ايده ميرهك اطرافه طاغديلر .  
 محمود پاشا اتى قامه دن مركب اولان ( قارلى ايل ) ي تسخير  
 اياه عودت ايلدى . بومظفريتله نظراً قيشك ختاميله برابر  
 مورده نك فسادينه ده ختام بولمش دينيله بيايردي .

۸۶۹ بهارنده ونديك جمهورى ينه تسلطنى تجديد ايدهرك  
 لويجى لورده دانونك يرينه اميرال تعين ايتديكى ( اورستو  
 جوستياني ) ي مدلى يه تسليت ايلمش وقلعه ي اتى هفته قدر  
 محاصره ايتمش ايسه ده مستحفظلرينك فريادى اوزرينه طرف  
 پادشاهيدن امداده كوندريلن صدر اعظم محمود پاشا يتشدى  
 وونديك دونانماسى محاربه يه جسارت ايده ميرهك مدليدن فرار  
 فرار ايلدى . اوزمانلر حكمنجه دنيا نك اك قوتلى دولت  
 بحريه سى اولان ونديكه قارشى دولت عليه دونانماسى برنجى  
 دفعه اوله رق مدلى سفرنده اثبات رجحان ايتمشدر . فاتحك  
 بياغى طبيعتى اجبار ايدرجه سنه بر موفقيت فوق العاده اياه  
 ميدانه كتوردى كى دونانماسنك بوغو غاسز مظفريتى كنديسى اچون  
 اك بيوك فتحلى قدر مدار مفخرت اولسه شايسته در .

اولئده معیتلرنده اون بش بیک وندیک عسکری اولدیغی حالده کوردوسده بر محاربه ایتمش اولدقلرینی و بو محاربه ده بارتولدونک باشندن برکولله ایله اوریلهرق اون بش کون صکره وفات ایلدیکنی مختصرجه بیان ایدرلر . سعدالدین ایسه بو محاربه حقتده بعض تفصیلات اعطا ایدر . انک روایتده کوره وندیکلیلر کوردوسی محاصره ایدرک دوکه ذوکه دیوارلرینی خاییدن خیلی رخنه دار ایتمش و فتحنی قوه قریبیه کتیرمش اولدقلرندن قلعه نک محافظه سنده بولنان و مورده حاکمی اولان الوان اوغلی


سنان بک رفقای سلاحنه بهمه حال قلعه نک ضبطی مقرر اولدیغنی و دشمن اردوسنی کیجه باصمقندن بشقه خلاصه چاره قالمادیغنی بیان ایلدی . امرا سنان بکک بورآینه اشترک ایتدیلر و ظلمت ایلمده یوز قدر سواری و پیاده طبلر ، سورنالره دیشاریه هجوم ایلدیلر . دشمن ایسه صدراعظم محمود پاشانک اورالرد تقرب ایلدیکنی . خبر المش اولدیغندن کندیلرینی صدراعظم اردوسی باصمش اولمق ظنیله فوق الغایه خوف و تلاشه دوشدیلر ، بربرینی تپه لیه رک پریشان اولدیلر .

فرنک تاریخلرینک روایتجه محمود پاشا بوسنه نک فتحی خدمتده بولنان اردونک قسم اعظمیله موردهیه مأمور اولهرق طوغریجه کر مه یه کانهجه وندیکلیلر تکلفلرله یاپدقلری استحکاماتی مدافعه یه بیله جسارت ایدمه رک فرار ایتدیلر . پاشا کر مه یه الدقدن صکره ارغوسه کیدرک اورایی ده فتح ایتمش ایدی .

مقاومتده بولمادی . يالكز ايچ قلعهده اولان آرنانود عسكرى زيادهجه طيانش فقط صكره آنلرده تسليم اولمش ايديلر . ارغوس محاصره سيله مشغول اولان عسكرك امدادينه كوندريلن برفرقه ناپولى عسكرى ياكش يولدن مملكتك ايجريسنه طوغرى ايديلمش و عثمانيلرك كمينه دوشهرك برقاچ يوز تلفات ويرمش ايدى .

ارغوس محافظلىرى كردوسه كلدكلى زمان قلعه يي دشمنه تسليم ايلدكلرندن طولاي اعدام اولنديلر . ارغوسك ضبطى مورهنك عصياتى برقات دها تشديد ايدى . روم وارناودلرك نيازى اوزرينه ونديك جنراللى سلطان مراد زماننده تخريب ايدلمش اولان كرمه حصارك تجديدينه قيام ايتديلر . واوتوز بيك آدم ايشلدرك ايكي هنته ايجنده ايكي ساعتك مسافه يه اون ايكي قدم يوكسكلكنسده برديوار چكديلر وبوديوارى محافضه ايجون ايكي خندق ايله يوز اوتوز ايكي برج اشا ايديلر . بو استحكامه طوبلرينك وضعيله اوغراشلمقده ايكن عمر بكك اون بيك سوارى ايله ورود ايلديكى شايع اولدى . عمر بك حاربويه دكل ، بو استحكام ايجون بر كشف اجراسنه كلش كيمش ايدى . كشفنى اجرا ايدركن ياننه دوشن بر كواله رفقاسندن ايكي ذاتى شهيد ايتمش و كنديسنك اورلمسنة آز برشى قالمش ايدى .

فرنك تاريخلى لورده دانو ايله باز تولدونك ۱۴۶۳ تشرين







کتابخانه کمالیہ

عربی زینب

۱

عمان بن لیس

جزء

۴

جلد

۴

استانبول

رسمی کتاب مطبعہ سی

۱۳۲۷

# کتابیات گلستان

ایکینجی ترتیب

اسامی آثار

برنجی ترتیب

جلد ۷

۱۲ کتابدر



اسامی

غروش

اسامی

جلد جزو	۳	[ ۱ ] رونان مدافعه نامہ سی نشر اولمشدر
۲۵ ۵ [ ۱ ] عثمانی تاریخی	۵	[ ۲ ] قارہ بلانشیر اولمشدر . . . . .
۱۰ ۲ [ ۲ ] تاریخ اسلام	۲۰	[ ۳ ] مقالات سیاسیہ و ادبیہ و رؤیائشیر اولمشدر
۰ ۰ [ ۳ ] آثار پراکنده	۱۰	[ ۴ ] وطن، کانہال، عاکف، زواللی، جوجق . . . . .
ہر جزو ک فیثاتی (۳) غروشدر	۲۵	[ ۵ ] اشعار کمال . . . . .
	۱۲	[ ۶ ] جلال الدین خوارزمشاه . . . . .
کتاب کتاب اولہرق	۲۰	[ ۷ ] مکاتیب خصوصیہ دن برنجی جلد
برنجی ترتیب	۷,۵	[ ۸ ] اوراق پریشان مجموعہ سی . . . . .
ہر ایک آیدہ بر	۲۰	[ ۹ ] منتخبات محرات رسمیه . . . . .
جزو جزو اولہرق ہر	۷,۵	[ ۱۰ ] جزئی و انبہاہ . . . . .
اون بش کونده برنشر	۲۰	[ ۱۱ ] مکاتیب خصوصیہ دن ایکینجی جلد
اولنہ جقدر	۵	[ ۱۲ ] تعقیب و تخریب خرابات . . . . . رسالہ لری وسائرہ . . . . .
ایکی ترتیب دہ برابر اولہرق صرہ سیلہ		
منتظماً طبع ونشر اولنور		

## آبونہ شرائطی

مقسطاً تادیہ ایدمک شرطیلہ آبونہ  
شرائطی :

یکونی پشین اولہرق تادیہ ایدمک  
اوزرہ آبونہ شرائطی

غروش

۲۱۶ اثرلر ادارہ سنان دن آلتق و پشین اولہرق یارم  
ومتعاقباً ہر اوج آیدہ بر یارمشر ایرا تادیہ  
ایدمک شرطیلہ .  
۲۴۰ پوستہ اجرتدن طولانی تقسیمطر . غروش  
اولہرق پشین ۳ مجیدیہ و ہر اوج آیدہ ۳ مجیدہ  
و برمک شرطیلہ اقامتکاهہ کوندرمک اوزرہ .

غروش

۲۰۰ ادارہ سنان دن آلتق شرطیلہ .  
۲۲۵ درسعات و ولایات و ممالک اجزیہ ایچون  
پوستہ اجرتیہ داخل اولہرق اقامتکاهہ  
کوندرمک شرطیلہ .

بوجزو ک فیثاتی (۳) غروشدر

طبرہ ایچون پوستہ اجرتی ضم اولنور



وبرهمت جزویه ایله ضبط ایلدی . ارغوسک پاپاسی عثمانلیلری  
 فرنکلره ترجیح ایدن طاقمدن یولندیغندن قلعه نك سهولتسه  
 ضبطنه آنک غیرتی سبب اولدیعی تاریخلرک روایاتنددر . عیسی  
 بکدن بشقه طورخان بک زاده عمر بک وندیك تصرفده  
 بولنان ( لپاندو ) یی وبر دیگر فرقهده مدون طرفلرینی غارت  
 ایتمش ایدی . وندیك جمهوری دونانماسنک امیرالغنه ( لویجی  
 لوره دانو ) پی وقاره عسکرینک اداره سنه ده ( برتولدورست ) یی  
 تعیین ایلدی . وندیك دونانماسی یکریمی بشی کورکلکی واون  
 ایکسی یلکنلی اولق اوزره اوتوزیدی بیوک سفینه دن عبارت  
 ایدی . معریه ایکی بیك ایتالیا سواریسی سوق اولندیغی کبی  
 اوتهدن بریدن انواع جنایات ارتکابسه کریده قاجمش درت  
 بیك حیدودده جمهور طرفدن مظهر عفو ایدیلرک بوسواریلره  
 ترفیق اولندی . وندیك تاریخلرینک روایتجه بونلرک سوقی  
 محاربه دن زیاده شبه جزیره خلقنی آیاقلاندرمق ایچون ایدی .  
 برتولدو اهلالی بی اهل صلیب طرفندن معاونت قویه کورملک  
 وعدیله عصیانه تشویقدن خالی دکل ایدی ، آز زمان ایچنده  
 اسپارته خلقی قیام ایلدی ، سائر طرفلرده عصیان سرایت  
 ایتدی .

لوره دانو او یاز جزائر بحر سفیدی طولاشدقن صکره  
 آغستوس ابتدا سنده عودت ایدرک برتولدو ایله برابر ارغوس  
 قلعه سنی محاصره ایله ضبط ویغما ایلدیلر . ارغوس پک شدتلی

ایتمش اولان وندیک سفری ده ۸۶۸ سنه سی ظرفنده ظهور  
ایتمش ایدی . وندیک تاریخلرینک بوبایدہ ویردکری تفصیلاته  
کوره، آتیه بکنک براسیری وندیک النده بولنان (قرون) ه  
قاجمش وخرستیانلغی قبول ایلدیکی ایچون صاحبنه ویرلمش  
اولدیغندن معره سنجاغی بکی اولان اورنوس اوغلی عیسی بک  
یومعامله یی تقض عهد عدایدرک وندیک النده بولنان یرلره  
تعرض ایتمش وندیک جمهوری ده بو حال اوزرینه اعلان حرب  
ایتمش اولیور . حالبوکه اسیر ماده سنک برهانه اولدیغی  
میدانده در : فاتح آق دکز بوغازینی استحکام ایله سد ایدهرک  
ودونماسنی تزیدد ایلهرک وندیک جمهوری، قره دکزو استانبول  
تجارتی کندی تبعه سنه حصر ایچون دولت علیه نک سواحل  
و خصوصیه پای تختنی دائماً تهدید آلتنده براقق اقتدارندن  
محروم ایتدیکی ایچون نفوذ یاریشی و منفعت سائقه سی آرده  
یرمحاربه یی انتاج ایتمک طبیعی ایدی . برطرفندن ده پاپا ایکنجی  
(پی) نک اعلان ایتدیکی اهل صلیب اتفاقه وندیکک رایت کش  
مسابقت اولماسی وبالاده کورلدیکی اوزره فلورانسه حکومتک  
یواتفاقدن دولت علیه یی خبردار ایلمسی عثمانیلرجه و عثمانیلرک  
بوسنه وقرمان طرفلریله اشتغالی ایسه وندیکلیلرجه حربی  
تسریع ایلدی .

وندیکلیلرله حدوث ایدن منازعه اوزرینه عیسی بک سلاح  
سطوته صاریلنجه همان ارغوس قلعه سنک اوزرینه یوریدی



اولدینی کبی چارشنبه صویندن قطع خدوده موافقت ایتمی  
اقتضا ایده جکنی ابلاغ ایلدی . فقط اسحق بکک بوتکلیفه  
موافقت ایتدیکی چاوش باشی احمد بکک عودتنده آکلاشلا دیغندن  
اوزمان پیر احمد بکک مطلبنی ترویج ایدرک انطالیه بکی اولان  
همزه بکی- که تکه ایلنی قرمان اوغلرینک جدی اولان محمد بکه  
قارشی مدافعه ایدن قهرماندر - پیر احمد بکه امداده مأمور  
ایلدی .

پیر احمد بکک ایله اسحق بککدن برینه اعانه بی آرزوسنه  
توفیق معامله ایله مشروط عد ایلسکده فاتحک حقی مسلمدر .  
چونکه پادشاهک وظیفه سی آنلردن زیاده دولتک منفعتی  
کوزتمک ایدی . حد ذاتنده اکر آرده دولت منفعتی  
اولمسه بککک ایکسی ده ناملرینی یاد ایتمه تنزل اولنه جق  
مخلوقلردن دکل ایدیلر . همزه بکک اسحق بکک عسکرینه ارمناک  
ویا خود طاغ بازارنده تصادف ایدرک بوزمش واسحق بکک  
یوانهزام اوزرینه اوزون حسنک یانه فرار ایلش اولدیغندن  
همزه بکک قرمان وایچایل یوردلرینک سلفکدن ماعدا عمومی  
تسخیر ایدرک پیر احمد تسلیم ایتش ویالکزر سلفکده اسحق  
بکک حرمله اوغلی قالمش ایدی . پیر احمد بکک بو اعانه یه مقابل  
آق شهر و بکشهریدن ماعدا صیقلان و ایلغون طرفلرینی ده دولت  
علیه ترک ایلدی .

اون اوچ سنه قدر دوام ایله فالجی خینیدن خینی ازواج

پير احمد بك بو منكوبيت اوزرينه فاتحه التجا ايدرك استدعاي  
 معاونت ايتمش و فاتح طرفدن ده و وعد آلمش ايدى. چونكه اوزون  
 حسنك، ممالك عثمانيه حدودنده بولنان بر مملكته بزم ملكك  
 ايجندن كچه رك عسكر سوق ايدوب ده ايستديكى آدمى حكمدار تعين  
 ايتك كبي جهانمطاعانه بر معامله سنه فاتح ايجون تحمل ايتك  
 ممكن دكل ايدى. فقط اوزون حسنك اسحق بكي قونيه حكومته  
 اقعاد ايتدكن صكره بدل امان ناميله اهالي بي صويه رق و حتى  
 اموال مغصوبه دن اولمق اوزره اردوسنك آرقه سندن يكرمى بيك  
 دوه چكرك ينه آزر بايجانه كيتديكى تحقق ايتديكندن و ونديك  
 طرفندن ده بر طاقم علام خصوصت كورنمكه باشلا ديغندن شرق  
 حدودنده بر مسئله چيقاروب ده روم ايلي بي محافظه دن محروم  
 اوله رق خرس تيانلرك خطرگاه تسلطنده براقق ايسته مدى .  
 حتى اوصرده ده اسحق بكك آچق ايستديكى مكلله بي ده بتون  
 بتون رد ايتكى مناسب كورمدى. اسحق بك زمانك علماسندن  
 صارى يعقوب زاده احمد چلبى بي سفارته باب دولته ارسال  
 ايدرك برادرلرينه اعانه اولنماق شرطيله آق شهر ايله بك شهرينى  
 ويرمك ايستدى . يادشاده چاوش باشيسى اولان سر چاوش  
 اوغلى احمد بكي كوندردى . آق شهر ايله بك شهرى ذاتاً خاندان  
 عثمانى طرفدن ساتون آله رق قرمان اوغللرينه احسان اولمش  
 يرلردن اولمق جهتيله اهدايه دكرشيلر اولمادىغنى و برادرلرينك  
 معاونت كورمه مسندن امين اولمق ايسترسه ييلديرم بايزيد عصرنده



وقاسم بك و علاءالدين بك و سليمان بك و تودصوفى بك نامنده  
 یدى اولادى و ارايدى که بونلردن اسحق بك بر جاريه دن و ديگر لرى  
 پادشاهك عمه سندن متولد ايدلر . اسحق بك جمله سنك بيوكى  
 اولديغندن و يا خود بعض تاريخلرك بيانى كبي مجرد خاندان  
 عثمانى يه خصومتندن ابراهيم بك اسحق بكى ولى عهد اتخاذايده رك  
 خزينه سنى كنديسنه تسليم ايله ملكنك اهم مواعقى اولان  
 ايچ ايل طرفلرينك اداره سنى ده آكا توديع ايتمش ايدى .  
 ابراهيم بكك خسته لكى اوزرينه خاندان عثمانى يه منسوب اولان  
 اولادى اسحق بكك ولايت عهدينه قائل اولماديلر ، پدرلرينه  
 عصيان ايله قونيه يي محاصره ايديلر . ابراهيم بك خسته لكى  
 حالنده قونيه دن فرار ايدرك كواله قلعه سه تحصن ايتك  
 ايستمش ايسه ده اورايه وصول بولور بولماز ارتحال ايتمشدر .  
 بو حال اوزرينه پير احمد بك قونيه ده اعلان استقلال ايتمش ايدى .  
 اسحق بك ايسه كنديسنى پدرينك و ليعهدى بيلديكندن النده  
 قالان ايچ ايل طرفلرينه قناعت ايتمدى ، ملك موروثى استرداد  
 ايچون كوندن كونه قوتى تزيبدايلد كدن ماعد ابر تيمور طاسلاغى  
 كسلمكه باشلامش اولان اوزون خسندن ده استمداد ايتدى ،  
 كوندره چكى عسكره صرف اولنمق اوزره بيك آلتون اعطاسنى  
 و عدايلدى . اوزون حسن بو مراجعت اوزرينه بر مقدار عسكره  
 سيواس اوزرندن كچرك قونيه يه كلش و پير احمد بكى طردايله  
 قونيه حكومتنى اسحق بك و يرمش ايدى .

تعيين هويتجه حاشيه لرنده كوستردىكى تردد لرده نظر آيزم تاريخلردن بشقه بومسئله ده مأخذى اولمادىغى ثابتدر. بزم تاريخلر على العوم بوايىكى آدمك اسيرا اوله رق الده بولنديغنى بيان ايدرلر. استيمانلردن بحث ايدر هيچ بر مأخذ يوقدر. بناء عليه هاممرك افادهسى غرضكارانه بر تخريف حقيقتدن عبارت قالير .

ايشته بوضورتاه خريطه عالمدن ۸۶۷ سنه سنده بر حكومت مستقله ده زائل اوله رق پادشاه ملك جديدنك حكومتنى منت زاده محمد بكه توجه ايتدى ، كنديسى ده عهدينه داخل اوليان هر سك قطعه سنك فتحنه عزم ايلدى . هر سك بكي اردونك ورودىنى خبر آنجه كندنده اقتدار مقاومت كوره ميكنندن ونديك طرفه فرار ايتشيدى . پادشاه بوظهورات اوزرينه كندىنك اورالرده بولماسنه لزوم كورميه رك پاى تحتنه عودت ايتدى وهر سكك اتمام ضبطنه ينه محمود پاشاي مأمور ايلدى . محمود پاشا هر سكك هر جهتنى طولاشه رق قلعه لرىنى ، مملكتلر ينى كاملاً ضبط ايلش ايدى . هر سك حاكمى ملكنى بتون بتون الدن چيقار ماقاچون اوغلنى هدايى كليهايله حضور پادشاهى يه كوندردى ، استدعاى عاطفت ايلدى . فاتحده بوالتهجاي عاجزانه اوزرينه هر سك ملكنك بر جزؤينى ينه كنديسنه احسان ايلشيدى .

قرمان اوغلى ابراهيم بك ۸۶۸ سنه سنده مرض موته مبتلا اولدى . بوذاتك اسحق بك وپيرا احمد بك وقرمان بك

مظهر امان اولدیغی حالده ینه شرعاً اعدامی جائزیدی . حتی شیخ علی بسطامی سنی یتیمه یا قلاشمش برپیر اولدیغی حالده قرالک بالذات اعدامنه مباشرت ایلدیکنه باقیلیر ایسه بو آدمک ازاله وجودی یالکز لازم دکل ، بلکه مفروض عد اولتمش ایدی . ویریلن فتوانک هانکی مسئلهیه تطبیق اولندیغنه دائر تازیخلردده هیچ برصراحته تصادف اولنه مادی . علماتک اک حکمسز مباحثه لرینی ذکر ایتمکی التزام ایدن شقایق نعمانیه ده شیخ علی بسطامینک ترجمه حالده فتوانک نصل بر مسئلهیه مستند اولدیغندن قطع نظر حتی بوذاتک اویله فتوی ویردیکندن بیله بحث یوقدر . پادشاهک محمود پاشایه اولان معاتباتنده بوسنه قرالنه « عهد شکن » دینیلیور . عجبا ویریلن فتواده تقض عهد اوزرینه می تصویر مسئله اولندی ؟ یوقسه وکیل مقیدک وکالتندن خارج اختیار ایلدیکی تعهد لغو اولدیغندن محمود پاشاتک امر خلافه اوله رق ویردیکی امانه کأن لم یکن نظریه می باقلدی ؟ یا خود خواجه سعدالدین بوسنه نک ممالک اسلامیه یه اضافه سنه قرالک اعدامی شرط اولدیغندن طولایی پادشاهک استفتا ایلدیکندن بحث ایدیور ، ویریلن فتوی بولزوم اوزرینه می ینا ایلدی ؟ حیفا که الده بولسان معلومات ایله حقیقت حالی بوتردلردن تجرید ایدرک میدانه چیقارمق قابل اوله میور . هامر قواچ اوغلی ایله پاولی اوغلنک پادشاهه عرض تسلیمیت ایتمش طاقدن اولدق لرینی سویلر ، فقط بوادعاسنه مأخذ کوستر مز . حتی پاولی اوغلنک

و اعدام ايچون امر و ویرلمش اولماسه دشمنك ايستر ايسته من  
 اله کيرمش ايکن يالانلرينه آلدانوبده امان و یرمک غير مقول  
 اولديغنه دائر پادشاهک معاتبه سنده موجود اولان سوزلر  
 تا بمحل قالير . يواستدلاللره نظراً محمود پاشانک امره مخالفت  
 ايلديکي محقق کبي کورينور . یرجزا کورمه مسی ده بو قدر  
 خدمتلی آره سنده یرنجی خطاسی اولماسندن و اخلاقه اولان  
 اعتماد جهتيه بو حرکتی سوء نيته ده محمول اوله مامسندن نشأت  
 ايتمش اولسه کرکدر . مع مافیه سلطان محمد محمود پاشايه  
 جزا ايتدی ايسه قرال حقنده اولان فکريخی ده تبديل  
 ايتدی : سفرده یراير يولنان و مصنفک ناميله مشهور  
 اولان (شيخ علی بسطامی) نک فتواسيله قرالی اعدام ايتدیردی .  
 وزنجير اسارته ده يولنان قواج اوغلی و پاولی اوغلی نی ده قراله  
 همراه ایلدی . فرنک تاريخلری عهد شکنک تعبير ايتدکلری  
 بو معامله نی فاتحه یريوک لکه عد ايتمک ايسترلر ؛ فقط دنياده  
 یرمسلمان پادشاهی فتوای شرعی ايله اجرا ايتدیکی بر معامله دن  
 طولايی اهل انصاف نظرنده مسؤل اولماز . شيخ بسطامی ايسه  
 اوزمانک ککالات علمیه سنی فضائل تقوی ايله تزین ایدن اعاضمندن  
 اوله رق خاطر ايچون تهيج شریعتدن انحراف ایده جک طاقمن  
 دکل ایدی . بوندن بشقه علی بسطامی بو فتوای اجتهاد ايله ویرمدی ،  
 کتب معتبره دن ده خلاف حق بر مقصده خدمت ایده جک  
 فتوی استخراج اولنه ماز . یناء علیه قرالک محمود پاشا طرفدن

عفو ایله معامله ایتمش وحتی ولایتک بعض جهتلرینی کندیسنه ترك ایتدیرمکی تکفل ایلش اولدیغندن پادشاه کندیسنه عتاب ایتمش وویردیکی امانی قبول ایلمش اولیور. محمود پاشانک بوسنه قرانی ازاله یه صریحاً مأموریتی وار ایکن غلبه زماننده وهیچ بر مجبورتی اولمادیغی حالده آلدیغی امرک بتون بتون عکسنه اوله رق بر معاهده یه کیرشمسی یالکز او عصرده دکل ، هر وقتده جزای اعدامی مستلزم اوله جق بر حرکتدر . حال بویله ایکن خواجه سعدالدین غالباً عالم انسانیتک هر دورینی کندی بولندیغی زمانه قیاس ایدرک پادشاهلرک « خاطر خواهلرینه انتباه هر خردمند آگاهک ایشی دکدر » یولنده بر قاچ سوز ایله محمود پاشانک بوسنه قرالیله عقد ایتدیکی مقاوله یی پادشاهک آرزوسنه مطلع اولمادیغنه حمل ایتک ایستر. حال بوکه محمود پاشا بوسنه قرالنک « متاع حیاتی انتهاب » ایچون مأمور اولدیغنی حکایه ایدن ینه کندیدر . صدر اعظمک بویله آلدیغی امرک صراحتنه مغایر بر حرکت اختیار ایتدیکی حالده عتابدن بشقه بر معامله کورمه مسی فاتحک مهابت سلطنتی محافظه ده کوستردیکی شده موافق کورنمز وبناء علیه خواجهنک « متاع حیاتی انتهاب » عباره سی اوست طرفنده کی « نأثره غضب لری التهاب » جمله سنه قافیه اولمق ایچون یازلمش اولماسی خاطره کایر . فقط جبراً طوتلماسی قابل اولان اعدایه امان ویرلمه مک دولتجه التزام اولنمش بر قاعده اولمادیغندن اکر محمود پاشایه قرالی اخذ

اورادده قرالک برادری تحصن ایتش ایدی. اوده قرال کبی  
 جاننه امان ویرلمک شرطیه عرض تسلیمیت ایلدی . بایچه  
 قلعه سیله اطرافنده اولان سائر برطاقم موقعلر ایسه بربرینی  
 متعاقب پادشاهه عرض تسلیمیت ایلدیلر . بوسرده بوسنه  
 زادکانندن قواج اوغلی و پاولی اوغلی نامنده ایکی ذاتکده اسیر  
 ایدلش و مالک اولدقلری یرلر ضبط اولمش اولدیغنی خواجه  
 سعدالدین روایت ایدر. ایشته بوسنه قرالغی ده فاتحک بوقدر جق  
 برضربه سیله زیر زمین فنایه کچمش ایدی. فقط پادشاه محمود  
 پاشانک صرب قرالنه ویردیکی امانی اورالک تأمین تصرفه  
 ودولتک منفعتنه مغایر کوردیکی ایچون قبول ایتدی . خواجه  
 سعدالدین فاتحک بو امان مسئله سی ایچون محمود پاشانی «دشمن  
 پیمان شکن خواه و ناخواه اله کیرمش ایکن دروغ بیفروغنه  
 اعتبار ایدوب رشته حیاتی قطع و نجه اقتدارتدن ولایتی تزع  
 ایتماک کار عاقلانه وافکار خرد مندانه دکلدر . امداد دشمن  
 بدکیش مستعقب انواع تشویش ایکن بعض ولایاتنه کرو  
 والی ایتمه تکفل عاقبت کاری تعقل ایتماکدن ناشیدر و ضرب  
 دست ایله بدخواهه ظفر میسر ایکن آقینجی ارسالیله مملکتی  
 تخریبه مبادرت فکر متلاشیدر » مأننده بعض سوزلرله معاتب  
 ایلدیکنی سویلر ، خواجه نک افاداتندن آ کلاشلدیغنه کوره  
 فاتح محمود پاشانی بوسنه قرالک ازاله سنه مأمور ایلدیکی حالده  
 پاشا قرالک جبر ایله در دستنی قوه قریبه یه کتورمش ایکن

آتش ایدی . خواجه سعدالدینک نقلنه کوره ایسه عمر بک  
 بوچایی برکوپریدن کچمش ایدی .  
 قرال عمر بکک فرقه سنی آقجی ظن ایدرک قلعه نك  
 موجودیه اوزرلرینه هجوم ایش و براز عسکر سوقیه نهرک  
 کوپریسنی ده کسديرمش ایدی . عمر بک قهرمانجه اقداملاره  
 برخیلی زمان اوغراشمش و دشمندن برخیلی آدم تلف ایش  
 اولدینی حالده بوسنه عسکرینک کثرتی جهتله بوزلمغه یوز  
 طومش ایدی که صدراعظم محمود پاشا نهرک کنارینه یتشدی  
 وعسکرینک برطاقنی یوزدرک صودن کچیرمسنی متعاقب کنیدی ده  
 نهری بوصورتله کنار ایدرک معرکه یه آتدی ، دشمنی پریشان  
 ایلدی ، قرال عسکرینک بقیه سیله ینه قلعه یه سیغندی ، محمود  
 پاشاده بویله خارق العاده برمظفیرتی اتمام ایچون قلعه نك  
 محاصره سنه ابتدار ایتدی . کلوح قلعه سنک اطرافی یاناشلماز  
 درجه ده باتاقلق اولدینی حالده شدت حرارتدن قوریمش  
 ومحمود پاشا بوباتاقلق سازلرینی قطع ایله طولیدررق احراق  
 ایتدیرمکه باشلامش اولدیغندن اهالی قراله وجانلرینه امان  
 ویرلک اوزره قلعه نك تسلیمنه رضا کوستردیلر . خواجه  
 سعدالدینک بیانه کوره محمود پاشا قلعه یی جبر وقهر ایله ضبط  
 ایدرک قرالک ده دنیادن وجودینی قالدیرمغه مقتدر ایکن  
 استرحاملرینه طیانه میهرق امان ویرمشیدی . پاشا کلوحک  
 فتحندن صکره اورجای قلعه سنک اوزرینه حرکت ایلدی که



ایله فتح ایلدکن صکره قرالک (بایچه) ده بولندیغنی خبر آلدیغندن کمال شتاب ایله او جهته عزم ایلدی . قرالک اورادنده (صوقول) هکتدیکنی خبرالهرق عقبکیرانه برمسارعتله اورایه قدرده کیتمش ایدی ، فقط قرالک صوقولدهده آرام ایده میهرک (کلوح) حصارینه چکلدیکنی استخبار ایلدی . صوقول ایله کلوح حصار آره سنده ایسه خطرلی بردر بند بولندیغندن اورادن کذاری امرای معقول کورمه مش و بایچه یه عودت رأینده بولنمش ایدیله . محمود پاشا بورائی معقول کورمدی ، صحیحاً فاتحک وکالتنده بولنان برذاته لایق عد اولنه جق برجسارت عادت-شکنا نه ایله کویا که دشمنی خیالندن، کولکه سندن قورقوده رق اوخوف در بند کیجه کذار ایلدی . دیل آلق ایچون ایلیری کیدن طورخان بک زاده عمر بک بعض اسیرلر طوته رق قرالک در بنددن کچله میه جکنه امین اولدیغنی ایچون احتیاطسز برحاله بولندیغنی او کرشمش و بو حقیقتی محمود پاشایه اخبار ایله حرکتنی تعجیل ایتمش ایدی . بونکله برابر کندی ده توقف ایتمه رک قرالک محصور اولدیغنی قلعه یه طوغری شتاب ایلدی . قلعه جوارینه تقرب ایچون ودیاس چایی کچمک لازم کلدی . هامم رک روایتجه چای کچید ویرمه جک درجه ده درین اولدیغنی حالده عمر بک همت موانع براندازانه سنده دوچار قور اولمادی ، عسکرینی چایدن یوزه رک کچیردی . سویه هر کسدن اول کندی

ايش ايدى . حالقو قونديلىنك نقلنه كورد ايسه سلطان محمد ۸۶۶ سنه سنده بوسنه قرالندن خراج طليله برسفير ارسال ايتديكندن قرال سفيرى خزينه سنه كوتوره رك موجود اولان پاردينى كوستردكن صكره « ايشته پادشاهك ايشته ديكى پاره موجوددر ، فقط بن كنديسنه كوندرك نيتنده دكم : اوزون حرب آچارسه عسكر تجهيز ايتك وملكى ايمدن آليرسه بقيه عمرى خوش كچيرمك ايچون بكا لازمدر » ديمش وبوصو-رتاه جزيه اعطاسنه . كوسترديكى مخالفت حربك كشادينه سبب اولمش در . خواجه سعدالدين بوسنه قرالنىك جزيه سنى استحصال ايچون كوندريلىن چاوشى استخفاف ايتسى وحدود بكرينك وخصوصيله ميخال اوغلى على بكك اوغرادقلى تسلطدن طولايى شكايى ايتسى حربك ظهورينه سبب اولديغى حكايه ايدر كه روايتلك اوچى ده هم زمانك حالنه هم ده بربرينه موافق كورينور .

هامر بوسنه اوزرينه يوز اللى بيك عثمانلى كوندري . بونك ايسه معلوم اولان مبالغه لعدادنده اولديغى محتاج تعريف دكلدر . فاتح وچترينه واصل اولديغى صروده ميخال اوغلى على بكدن بوسنه قرالنىك آغاج حصارى ياقديغنه دائر برعرض كلديكندن بوسنه قرالنىك ، خواجه سعدالدينك تعبيرنجه ، « متاع حياتى اتهاب ايچون » صدر اعظم محمود پاشايى سوق ايلدى . پاشا اول امرده ( بايجه يوقه ) حصارى اوچ كون محاصره

تعصده كنديسنه خدمت وحتى جاسوسلق ايدى جك برحكومت بوله بيله جك قدر مهارت كوسترمش و مرعيت و مطايعت حاصل ايتمش اولماسى ده بزلرجه موجب مفخرتدر .

فاتح ۸۶۶ قيشنى بعض ابنيه انشا آتيله چيقاردى . علوهمتى هر بر تشبثنى حدامكانك خارجه واردير مقسزىن قناعت بوله مادىغندن انشا آتته تعليق نظر ايدنجه برطاقم بيوك سفينه لرده باشلاتدى . شمدى ىرى محله اولان قدرغه ليمانى تعمير ايتديردى . آق دكز بوغازىنى محافظه ايجون سد البحر ايله چناق قلعه سنى انشا ايلدى . واردار اوزرينه واسكوب يولنده ايكي طرفى قله لرله محفظه بر كوپرى ياپديردى . ادرنه ده كى سراينى تحكيم ايتديردى . جامع شريفكده اساسنى وضع ايلدى . جامعك معمارى ( خرستودولو ) نامنده بروم ايدى .

بو قدر ابنيه عظيمه يه بردن باشلانماسى ، اكر هيچ برى كرى قالمقسزىن مقرون ختام اولماسه ، بهمه حال خفته ، بو الهوسلكه حمل اولنمق لازم كليردى . او قدر مشاغل سياسيه و حربيه آره سنده ايسه جمله سنك كمال سرعته آمام اولنماسى فاتحك قدرت موانع براندا زانه سى نصل محير عقول اوله جق بر درجه يه واردىغنى كوستير .

۸۶۷ بهارى داخل اولنجه فاتح بوسنه اوزرينه حرکت ايلدى . هامرك روايتجه پادشاه و نديك ايله حرب ايتك آرزوسنده بولنديغندن طولانى بوسنه سفرينى كشاد

اولان و فلورانسه نك وقايع يوميه سى معانسه برنام ايله موسوم بولنان برتأليفده كوردىكى شو سوزلىرى روايته دليل اوله رق ايرادايلىر :

« فلورانسه قاليونلىرى استانبوله واصل اوله رق پادشاه طرفندن پك زياده تلطيف ايله قبول اولنديلىر و برچوق احسان و امتيازه نائل اولديلىر. بوسفينه لرده بولنان فلورانسه ليلر پادشاهه خرستيانلرك كندى عليه تريب ايتدكلرى اتفاقي و بو اتفاقك چاره دفعنى بيان ايتمش و كنديلرى بو اتفاقي طاغتمق ايچون اللردن كلنى دريغ ايتمه كى وعد ايتشلا ايدى . و نديكليلره اولان كينرليه تركلر طرفندن فتح ايدلمكده اولان يرلرك تجارتنه يالكزجه متصرف اولق اميدى فلورانسه ليلرى بو قدر ييوك برانصاف سرلغك اختيارينه سوق ايتمش ايدى . حجاب ايله بيان ايدرم كه پادشاه فلورانسه ليلرك اخطارى اوزرينه خرستيانلر عليه تداركات كلييه قيام ايتمش ايدى . بونك اوزرينه پادشاه فلورانسه ليلره و نديكليلرك ضررينه اوله رق برچوق مساعدات و امتيازات و يرمش ايدى . ۱۴۶۲ سنه سيلاه ۱۴۶۶ سنه سى آره سنده وقوع بولان محارباتده فلورانسه ليلر و نديكليلرك مكتوبلرني طوته رق پادشاهه و يرملك درجه سنه قدر كيتمشلر و برطاقم اخطاراتده ده بولنمشلر ايدى . »

فلورانسه ليلرك فاتحه بويولده خدمت ايتشى بوصاحب تأليفه كوره باعث حجاب ايسه فاتحك خرستيانلق عالمنده او عصر

اسلامیتنه اینانیمدینی آکلاشلمقده در . احتمالکه صکرده ارتدادندن شبهه ایدیلهرک ویاخود بشقه بر مفسدتی کوریلهرک اعدام ایدلمشدر . خییث ذاتاً افعالندن آکلاشایدیغنه کوره هیچ بردناتک اختیارندن چکینه جک مخلوقلردن دکل ایدی . ایشته بوصورتله مدلی حکومت مستقلسی ده ۸۶۶ تاریخنده منقرض اولدی . اسلامدن معاویه زماننده سفیان بن عوف استانبولی برنجی دفعه اوله رق محاصره ایلدیکی صکرده کیدن دونانما مدلولیه عسکر چیقارمش ایدی . حالا بو محاربه ده شهید اولان اصحابدن ایکی ذاتک قبرلری اولمق اوزره مدلی شهرنده برتر به موجوددر . عثمانیلردن ایسه مدلی به ابتدا سلطان مراد اول عصرنده یکیکچری ضابطانندن یونس بک کله رک ( مولوه ) یی محاصره ایتمش ایسه ده آله مامش و سلطان مراد ثانی دورنده ده بالظه اوغلی سلیمان بک ( قالونیه ) موقعی ضبط ایدهرک آطه یی ده غارت ایش اولدیغنی حالقوندیلی روایت ایدر . حمزه بکک ، خاص یونسک مدلی سفرلرینی ایسه یوقاریده بیان ایتمش ایدک .

مدلی فتحی صکره سنده وندیکیلرله رقابت حالنده بولنان فلورانسه حکومتی دولت علیه ایله برنجی دفعه اوله رق بر معاهده عقد ایلدی . هامر فلورانسه حکومتک بومعاهده به خرستیان حکومتلری طرفندن تشبث اولنان تدارکاتی پادشاهه خبر ویرمک سایه سنده نائل اولدیغنی سویلر و برحاشیه سنده ( ماغیلاریحانه ) کتابخانه سنک یازمه کتابلری آره سنده موجود

فقراسی خانه لرنده، ایشلرنده براقلدی. طریزون ایمپراطورینک، عمجه سنک مدلیده بولنان زوجه متروکسی جهانه مثلی پک. نادر کلن کوزلردن بولندیغی جهته حرم هایونه آندیغی. حالقو قوندیلی حکایه ایدر. ینه آنک روایتنه کوره ایمپراطور داویدک کریمه سی اولان (آنا) ده طرف پادشاهیدن ازدواجه قبول اولمش ایسه ده بوسرده چیقاریله رق زغنوس پاشایه تزویج ایدلمشدر. حالقو قوندیلی، سرای ایچ اوغلانلردن برینک مدلی یه فرار ایدرک نیقوله طرفدن مرتد ایدلیکنی و بودفعه ینه اسرا میاننده بولنه رق سرایه آندیغی و رفقاسی طرفدن تشخیص ایدلیکی جهته سرایه منسوب برآدمک مرتد ایدلمش اولماسی پادشاهک فوق العاده حدتی موجب اولدیغندن نیقوله نک حبسه القا اولندیغی و کندسی اسلامیتی قبول ایدرک تخلیص نفس ایتمش ایسه ده بوقدر سرعتله تبدیل مذهب ایتدیکندن طولای حقنده فاتحک استحقاری برقات دها تزاید ایلدیکنی و برمدت صکره نیقوله نک بر زندان کوشه سنده محنوقاً اعدام اولمش بولندیغی نقل و حکایه ایدر. حالقو قوندیلینک بوروایتی او قدر ربطسز، او قدر استزاسز بر طاقم سوزلردن عبارتدر که هامر بیله تاریخنه آلدیغی ایچون حاشیه لرنده مورخک بوبابده دها زیاده تفصیلات ویرمدیکندن بحثله اعتدال ایلور. حالقو قوندیلینک، تبدیل مذهب خصوصی فاتحک نیقوله حقنده نظر استحقارینی تریید ایلدی، یوللو ایراد ایلدیکی التباسلی سوزلردن نیقوله نک.

ایتدیکی شرایط ایله قلعه‌ی تسلیم ایده‌جکنی محمود پاشایه بیان  
ایلمش ایدی . محمودپاشانک عرضی اوزرینه فاتحینه جزیره  
چکه‌رک نيقوله‌نک استیما‌تی قبول ایلمشدر . نيقوله‌نک قلعه‌دن  
چق‌دیغی زمان پادشاهک آياق‌لرینه قیانه‌رق مقاومتی تم‌دیدا‌یلدیکن‌دن  
طولای است‌دعای عفو ایلدیکنی روم تاریخلری حکایه ایدرلر .  
کیم بیلیر بو قدر لرومسز بر آچاق‌لق ، بو قدر صوغوق بر ریاکارلق  
فاتح کبی بر صاحب معالی طرف‌دن نه درجه نفرته‌تلق اولمشدر!  
پادشاه مدللینک محافظه‌سنه ایکی یوز یک‌یچری ایله اوچ یوز سپاهی  
تعیین ایلمش ایدی . هامر مدلولده طوتیلان اوچ یوز آراغون  
قورصانه امان ویرلمدیکنی و جمله‌سنک دستره ایله بیچله‌رک اعدام  
اولندیغی سویلر . قورصانلره امان ویرلمک هر قومده هر زمانده  
جاری اولان عادات‌دن اوله‌رق محاریه‌الجا آت‌دن اولان شدت‌لرکده  
اک زیاده عدله یقینی یو عادت عد اولمشدر ؛ فقط دستره ایله  
آدم بیچمک مسئله‌سی روم مورخلرینک مخترعات مفتریا‌نه‌سندن  
اولسه کر کدر . چونکه او عصر لر حکمنجه بو معامله لر قبایح‌دن  
معدود اولما‌دیغ‌دن بعض روم مستحفظ‌لرینک اللری و آياق‌لری  
طوقاق ایله قیردیرلدیغی امور عادیه حکمنده اوله‌رق بیان ایدن  
اسکی تاریخلر من آدم بیچدیرلدیکی واقع اولسه ایدی آن‌ده  
ایراد‌دن چکتمز لر ایدی .

مدلی خلقنک زنکینلری استانبوله نقل ایدلدی ، اورته  
طاقمی - غالباً قدیه‌تجانه کسلمک ایچون - عسکره تقسیم اولندی ؛



فاتح سلطان محمد قاتولیک پرنسپرینه اخلاق درسی ویرمکه مکلف اولمادیغندن نيقوله نك قرداشی حقنده ایتدیکی معامله یه اهمیت ویرمه مسی طبعی ایدی . مدلی سفرینه دومنیک قانی وسیله اتخاذایتمش اولماسنده احتمال ویریه مز . مدلی بی اس الحركات اتخاذایدنجه عثمانلی ملکندن بشقه بریره تعرض ایتمه جکلری بدیهی اولان آزاغون قورصانلری ایله اتفاق ایتمش بر آدمک حرکتی کندیسنه اعلان حرب ایچون سبب کافی دکلیدی که بوندن بدی سنه اول اعدام اولنمش بر آدمک اخذ ثاری کبی وسیله لر تحریسنه لزوم کورلسون ؛ ینه هامرک روایتنجه فاتح بر آراق آیزماندن مدلی یه کچرک دو قه سنه بعض مکافاتلر وعدیله تکلیف تسلیم ایتمش ایسه ده نيقوله نك متاتی وطوپلرک کثرتی ایله قلعه ده موجود اولان بش بیگ عسکره کو کندیکندن و شهرک یکر می بیگه بالغ اولان اهالیسی ده اطاعت و ثبات وعد ایلدیکندن تکلیفه رد ایله جواب ویردی . فاتح بو جواب اوزرینه - البته اجرا اولنه جق حرکات عسکریه ده کندی وجودینه لزوم کوستره جک قدر اهمیت اولمادیغندن درکه - محاصره نك اداره سنی محمود - پاشایه براقه رق ینه آیزمانده عودت ایلدی . محاصره یکر می کون دوام ایلدکدن صکره ملک نك برجهتیه قلعه نك اکثر برجلری خراب اولدیغندن و کرک عسکر و کرک قورصانلر طرفندن خارجه ایدیلمن هجوملر دائما ضیاعاتی و مغلوبیتی انتاج ایلدیکندن نيقوله مدافعه یه امکان قالمادیغنه حکم ایتمش و پادشاهک مقدا تکلیف

افلاق اوجانورك تسلطدن قورتلدينى كې هامرك روايته كوره  
 عسكرينك بقاياسنى ده طورخان بك زاده عمر بك محو ايلش  
 اولديغندن افلاق قطعهسى دائره اطاعته آلدى ، ودراقوله نك  
 برادرى اولان وكوچكلكندن برى خدمت پادشاهيده بولنان  
 ( رادول ) د ويرلدى .

پادشاه افلاقدن عودت ايدرايتمز دونانماسنى محمود پاشا  
 معيته مدلى يه سوقايتدى ، كنديسى ده برمقدار عسكرله  
 آطه نك قارشيسنده بولنان ( ايازماند ) ساحلنه نزول  
 ايلدى . بزم تاريخلر مدلى سفرينه يالكزجه اورانك فتحى  
 آرزوسنى سبب كوسترلر وقتحك صورت وقوعجه ده  
 قاعه نك استيان ايله آلديغندن بشقه معلومات بيان ايتزلر .  
 هامرده ايسه بعض تفصيلات اولديغندن چاره سز آتى  
 مأخذ آتخاذا ايلدك . هامر سبب حرب حقنده ديركه : « يدى  
 سنه اول نيقوله غاتلوزيو، جنودلى پاتسته نك امداديله برادرى  
 دومونيق غاتلوزيونى اعدام ايله حكومتى غصب ايلش ايدى .  
 سلطان محمد بويكى دوقه نك نائل حكومت اولماسنه سبب اولان  
 جنايته هيچ اهميت ويرمدى . وايزلادى دربندنده ايكن كنديسنه  
 عرض ايتديكى جزيه نى قبول ايلدى . نيقوله آراغون قورصانلريله  
 اتفاق ايله مشقت ومنفعتلر نى قبول ايدرك فاتحك غضبى اوزرينه  
 جلب ايلدك دن صكره ايدى كه دومنيقك انتقامنى اخذ ايتمكه  
 قالقشدى . »

بزم تاریخلرک نقلنه کوره ایسه دشمنک باصقین تشبندده بولندیغنی  
عثمانیلر خبر آلمشیرایدی . آنک ایچون تدارکلی بولندیلر ، کیجه  
یاریسندن صکره اردوی باصان دشمنی اورته لادیلر ؛ دراقوله نک  
اقداماتی فائده سز بر اقدیلر ، افلاقلیلرک اکثرینی محو ایلدیلر . کیجه  
باصقیندن صکره میخال اوغلی علی بک دشمنک تعقینه تعیین اولندی .  
علی بک دراقوله یی حدوده قدر قوغالیه رق اون بیک اسیرایله  
عودت ایلدی .

هامر علی بکک یالکز بیک اسیر کتیردیکنی و آنلری ده  
پادشاهک اعدام ایتدیردیکنی بیان ایدر . فاتح دشمنی تحری  
ایده رک افلاقده دولاشدیغنی صرده بر صحراده قازیقه اورلمش  
یکرمی بیک ترک و بلغار کوردیکنی و حتی حمزه بک ده آره لرندده  
اوله رق البسه فاخره سندن طانندیغنی حالقو قوندیلی روایت  
ایدر . بو محشر مظالم قیلانلری ، ییلانلری مبتلای دهشت  
ونفرت ایده جک بر تماشایکن حالقو قوندیلی فاتحک کوردیکی  
حالی دراقوله نک اقتدارینه دلیل عد ایلدیکنی و فقط بو قدر  
جنایتی ارتکاب ایتمش بر آدمک شایان حرمت اولمادیغندن بحث  
ایتدیکنی سویلر . بویله افترالرله بر طاقم اعاضمک اماتئه شاننه  
چالشمقده دراقوله فطرتنک بر طرز عاجزانه سیدر .

دراقوله علی بکک پیشگاه تعقیندن قاچهرق مجارستانه التجا ایتمش ،  
مجارقرالی اولان (ماتپاس قورون) ده دراقوله ملعونخی بر حاکم دکل ،  
بر حیدود رئیس عد ایدرک زندانه آتمش ایدی . بو صورتله

«عثمانلير کيجه وقتي هر نه حادثه ظهور ايتسه يرلرندن حرکت ايمه مکی اعتياد ايلدکلرندن دراقوله بو عادت سايه سنده براييش کورمک ايستردی. افلاق آتيليري فنارلر، مشعله لرله عثمانلي اردوسنه هجوم ايتديلر؛ عثمانليلر ايسه دهشتلرندن بر حرکت اجراسنه قيام ايدمهديلر. دراقوله نك نيتي طوغريجه پادشاهك چادرينه کيتمک ایدی. فقط ياکلدي، محمود پاشانك واسحق پاشانك چادرلرينه کيتدی وانساندن زياده حيوان تلف ايتدی. اوصره ده عثمانلي سواريسي ده آتلانديلر و افلاقليلر پادشاهك چادرينه هجوم ايتدکلري صرده اوراسني يکيچريلرله محفوظ بولديلر. باصقنك بردن بره ويرديکي قارغشه لقمه برابر عثمانلي عسکري صف حرب ترتيبنه مقتدر اولدی.»

بوندن صکره هامر، صاعده صولده بولنان امراني تعداد ايدرکه يوقاریده تعريف ايتديکمز حربك صورت ترتيبيدر. آکلاشيلورکه هامرک مأخذلري حرب ايله کيجه باصقيني بربرينه قارشدير مشلر ايسه ده ايکيسنک ده آري آري بروقه اولديغي سعدالدينه مندر جدر. سعدالدين کندينک ده مأخذلرندن اولديغي حالده هامرک حربك کيجه باصقيني ايچنده صف حرب ترتيبي کبي بديهي البطلان اولان بروايتي عثمانلي تاريخلرينه ترجيح ايتسي بيلنه مزکه بوصورتله عثمانليلرک برغلبه سني تقليل اچونميدر؛ بوده معلومدرکه کيجه باصقينه فنارلر، مشعله لرله کيدلمز.

کله جک دنیا ده هیچ بر محنون بولنه مایه جغتدن هائمرك افلاق اردوسنه ویردیکی مقدار، روم و فرنگ تارخیخلرینک هان هپسندمه موجود اولان عثمانیلری چوق، خرستیانلری آز کوسترمک مراقدن تولد ایتمش بر یلان اولدیغنده شبهه اقتضا ایتمز .

خواجه نك روایتیه کوره افلاقك بر خیلی زمان اوته سنی بریسنی طولاشه رق بر کیمسه راست کلدکدن صکره بر کون افلاقلیلر فاتحک اردوسنی آقنجهی ظن ایده رک بولندقلری کمین اختفادن خروج ایله عسکر اسلامی استیصال داعیه سنه دوشدیله، سیل خروشان کبی اردونک بولتدیغی یره آقوب کلمکه باشلادیلر . پادشاه هان صفلیتی ترتیب ایدرک کندی بر معتاد قوقوللریله قلبه طورمش وصاع قوله طورخان اوغلی عمر بک واورنوس اوغلی احمد بک و میخال اوغلی علی بک و بالقوچ اوغلی بالی بکی وصول قوله آرن اوودلق یکی نصوح بک ودلی اوغلی امور بک و میخال اوغلی اسکندر یکی مأمور ایلمش ایدی .

افلاقلیلر اول جمله ده قارشیلر تده کی خصمک پادشاه اردوسی اولدیغنی آکلادیلر و نهایت درجه لرده خوف و حشیتله فراره باشلادیلر . عثمانلی عسکری ده آرقه لرینه دوشه رک برخیلیسنی اسیر ایتمش لرایدی . خواجه سعیدالدین یو محاربه ده افلاقلیلرک اسیر لردن بشقه یدی بیک عسکری تلف اولدیغنی بیان ایدر .

بوندن صکره دراقوله اردویه کیجه باصقینیه شاشقینلق ویرمکدن بشقه کندیسنبجه بر تدبیر یوله مادی . هائمردیرکه :

عوام افسانه لر تدن اولديغى ميدانده در . محمود پاشانك بالعكس  
ينه اولكى امنيته مظهر اولديغنك بر دليلدر كه ۱۵۶ بهارنده  
فاتح عموم اردوسنى اكا تسليم ايدرك افلاقه سوق ايتمش  
وكنديسى عسكرينك باشنه ، دونانماسيله قره دكز وطونه  
طرفدن كيتمش ايدى .

هامر ، افلاقه سوق اولنان عسكرك مقدارينى ايكي يوزاللى  
بيك كشى يه و دونانماي يوز يتمش بش سفينه يه چيقارير . او  
زمانلر عثمانلى عسكرينك تهات مقدارى طقسان بيك كشى يه بالغ  
اوله ماديغنى بالاده بر قاچ دفعه اثبات ايتمش ايدك ؛ دونانمانك  
ايسه بزم تاريخلردن آكلاشديغنه كوره يوز سفينه قدر موجودى  
وار ايدى . هامرك نقلنجه پادشاه دونانما ايله طونه دن كچركن  
ابرائيل ايله او جوارده ير قاچ قلعه يي تخريب ايتمش ايدى .  
دراقوله افلاقده بولنان نسوان وصيبانى اورمانلره چكرك  
كندى ده جمع ايدى بيلديكى قدر عسكرله عثمانلى اردوسنك  
ورودينه انتظار ايدى . فاتحك تابعيتنده بولنان و دراقوله ايله  
خصوصتى اولان يغان ويوده سى ده عثمانلى عسكرينك افلاقه  
ورودينى فرصت بيله رك ( كيلي ) طرفلرينه برفرقه عسكر سوق  
ايتمش ايدى . هامر دراقوله اردوسنى ايكي يه تقسيم ايدرك ايدى  
ونهايت اون بيك كشىدن عبارت اولان بر فرقه سنى فاتحك ، بر  
ديكر فرقه سنى يغان يكنك اوسته سوق ايتمش اولديغنى بيان  
ايدر . ايدى ويا اون بيك كشى ايله عثمانلى اردوسنك قارشيسنه

یرالت ایجاد ایتیمش ایدی . بر کون اشکه ینیمش بر راهب کوردی ، اشکیله برابر قازیغه اوردیردی . بشقه سنک مانه تعرض ایتمه ملیدر دین بر پاپاسی بر کون کندی قوپاردیغی آتمکدن یدیکی ایچون قازیقلا تمق جزاسنه اوغر ایدی . بر فاحشه سنی حامله ظن ایده رک تحقیق ایتیمک ایچون الیه قارتی یارمش وظننک صحیح اولمادیغنی بو صورته او کرشمش ایدی . اک بیوک سرور زمانلری غلبه لکه آدم اعدام ایتدیردیکی و قتلر ایدی .

مجارستان و خرواتلقدن لسان او کرتمک ایچون افلاقه کیدن درت یوز دلی قانلی پی جمله سی بر لکده اولدقلری حالده احراق ایدی . الی یوز بوهمیا تجارینی چارشی میداننده قازیغه اوردیردی . شهه سنی دعوت ایدن بش یوز افلاقلی تاجری ده محله لری اها لیسنک طوغری دفترینی ویرمه مش اولمق بهانه سیله کذلک قازیقلا تدرمش ایدی . «

بوجانور حمزه بک ایله یونس بکی ده انه کچیردیکی مسلمانلرله برابر قازیغه اوردقدن صکره بلغارستانه کچهرک او کنه کلن یرلری تخریب و احراق ایتدی و آلدیغی یکر می بش بیک اسیر ایله افلاقه عودت ایدی .

حالقو قوندیلی ، دراقوله وقعه سی پادشاهه نقل اولندیغی صرده حدتندن صدراعظم محمود پاشایی دوکش اولدیغنی نقل ایدر . بر خائنک تعدیاتندن محمود پاشایه عائد بر مسئولیت اوله مایه جنی پک میدانده بولماسنه نظراً مورخک بو روایتی



(قازيقلی ويوده) ناميله معروف اولمشیدی . هائمر بو جانورك صفات ردئيه سنی زيرده کی افادات ايله تصوير ايدر :

« ولادی مجار وافلاق و عثمانلی تاریخلری اوچ عنوان ايله ذکر ایتشلردر : مجارلرک بوکا ویردکری نام دراقوله درکه شیطان معناسنه در، افلاقلیلر (چیلیوج) دیرلرکه جلاد دیمکدر، عثمانیلرده قازيقلی وصفیه یاد ایدرلر . تصادف صورتیه جمع و ایراد اولنان بر قاچ وقعه وحشت خارق العاده سنی کوسترمکه کافیدر : قازیقلا دینی عثمانیلر اوذیتله هلاک اولورکن آرهلرنده سفره قوردیرره رق یمک یمک ، عشرت ایتمک پک ذوقی ایدی . برچوق دفعه لر عثمانلی اسراسنک آیاقلرینک دریلرینی یوزدیره رک طوز سور دیردکن صکره کچیلره یالاتیرر ایدی . پادشاه طرفدن گلش اولان بعض مأمورلر حضورینه باشلری آچیق اوله رق کیرمک ایستمد کلرندن « مادام که باشلرینی آچمقدن نفرت ایدیورلر ، کندیلرینه بر شی یاپه یم که بر ده ا ایستسه لرده باشلرینی آچه ماسینلر! » دییه رک قاقولرینی اوچر چیوی ايله باشلرینه چاقدیرمش ایدی . بر کون مملکتده نه قدر دینانجی وار ایسه دعوت ایدره رک دیردکن، ایچردکن صکره جمله سنی بردن بر محله طول دیردی، آتسه یاقدی . بر زمانده اولدی ، والده لرک مه سنی کسه رک یرینه چوجوقلرک باشنی قومغنی مراق ایتمش ایدی .

انسانلری لئه کبی طوغرایوب قایناتمق ایچون مخصوص

رسميه بولنمق ايچون دراقوله يني باب دولته دعوت ايتشيدى .  
 دراقوله حضور هايونه يوزسورمك جاننه منت ايسه ده اها لئسنگ  
 حالى غريب اولديغندن ملكى مجارستانه تسليم ايدى جكلرينى بيان  
 ايتدى وكنديسى استانبوله كلوب عودت ايدنجه يه قدر افلاقى  
 محافظه يه امرادن برييه بر از عسكر كوندرييلور ايسه درسعادتته  
 كللك مسارعت ايدى جكنى وعد ايلدى . دراقوله كجى برخانك  
 بو حيله سنه آدانلامق لازم كليردى . تكليفى ده رد اولنسه  
 كندى استانبوله كلز وكله مكده حقلى كورينوردى . طلبنده  
 ايسه ذاتاً حيله تخطر ايدى جك بر رنك اولمادىغندن نيكبولى  
 واليسى چاقرجى باشى حمزه بك ايله روم مهتديلرندن يونس  
 بك افلاقه كچمكه مأمور اولديلر . حمزه بك ايله عسكرى طونه  
 كنارينه قونمش ايدى . قيشك شدتى زمانى اوله رق طونه  
 طوكمش وال آياق طوتماز برحاله كلش اولديغندن ايرتسى كون  
 قارشى يه كچمكه واسطه تدارك ايتمك ايچون طونه نك برى طرفنده  
 آرام ايتديلر .

بونلر هيچ بر طرفده اثر خصومت موجود اولمامق جهتيه  
 كمال امنيت وراحتله اويقو اويومقده ايكن دراقوله كيجه وقتى  
 عسكرى باصه رق بر چوغنى شهيد وحمزه بك ايله يونس بكى  
 دها بر طاقم توابعيله اسير ايتمش وحمزه بكى ده يونس بكى ده  
 قازيغه اورديرمش ايدى .

دراقوله نك الك بيوك ذوقى انسان قازيغه اورديرمق اولديغندن

حرمسرای ازدواجنه ویرمک ایستمش ایسهده سلطان محمد قبول ایتمه مش ایدی .

پادشاه اوزون حسن سفریه مشغول ایکن اجدادینک وارث نفاقی اولان قرمان اوغلی ابراهیم بک اسفندیار اوغلی اسماعیل بکه صورت خفیهده خبرلر کوندره رک استرداد ملک ایچون زمان فرصت حلول ایلدیکنی و کنسیدی هر درلو اعانهده قصور ایتمه جکنی بیان ایله بر فتنه چیقارمغه چالشمش ایسهده اسماعیل بک دور اندیشانه واحتیاطکارانه طورانه رق تکلیفات واقعه یی قبول ایتمه مش ایدی . فقط پادشاهه دعوی ایتدیکی صداقت سایه سنده قسطنوننی سنجاغنه نائل اولان قزل احمد بک منصبی ترحاله یکیشهرینه تحویل اولندیغندن قرمان اوغلنه و آندن اوزون حسنه فرار ایلدی .

خواجه نك نقل ایلدیکی بر روایتسه کوره قزل احمد بک فرار تشبثی ستره وسیله اولمق ایچون منصبک روم ایلی یه تحویلنی ایستمش ایدی . ایشک روشنه نظراً بو بیچارهده قرمان اوغلنک تسویلاتنه آلدانمش دیمک اولیور . فاتح طربزون سفرندن استانبوله عودت ایلدیکی صرهده روم ایلینک محافظه سنه مأمور اولان اسحق پاشا حضور هایونه کله رک افلاق ویوده سی اولان (ولادی دراقوله ) نك تبعه پادشاهی یه ایتدیکی تعدیاتی تعداد ایله تأدینه لزوم کوستردی . پادشاه آنکده برسویلیه جکی وار ایسه استماع اولمق وشاید کلزسه اوزرینه وارلمغه الده برسویله

ایدی . هامرک روایتجه محمود پاشا دونانما ایله طربزون پیشکاهنه فاتحدن بر قاچ کون اول واصل اولدی . ایمپراطور، پاشا طرفدن وقوع بولان تکلیف تسلیمی قبول ایتمه مش و برقاچ هجومی ده دفع ایلمش ایدی . خواجه سعدالدین، پادشاهک قلعه پیشکاهنه دونانمادان اول واصل اولدیغی بیان ایدر که محمود پاشانک سینوبه قدر کیده رک اورادن دونانما ایله طربزونه کله . بیلرسی ایچون لازم اولان زمانه نظراً عقله یقین اولان بو روایتدر . ایمپراطور ساره خاتونه مراجعتله فاتح ایله تجدید صلحه برچاره بولمق ایسته دی، ساره خاتونده مراجعتدن کری طورمادی ایسه ده سعدالدینک تعیرنجه جوابی سکوته حواله اولندی .

دونانمانک ورودندن صکره ایمپراطور داوید، هامرک روایتنه کوره، نهایت درجه یه قدر طیامق ایستدیکی خالد محمود پاشانک موردده کی ملکنی پادشاهه ترک ایدن دیمتری پائولوغک اینوزده نائل اولدیغی رفاهیتی مثال کوسترک ایتدیکی تشویقات اوزرینه قلعه نک تسلیمنه قرار ویرمش و هر نه ایستدی ایسه طرف پادشاهیدن مساعدیه مظهر اوله رق و معیشتنه کافی حاصلر تعین اولنه رق عالیله برابر استانبوله کوندرلمش در .

بوصورتله ۸۶۵ سنه هجریه سنده طربزون ایمپراطورلنی ده خریطه سیاستدن احما ایدلی .

ایمپراطور داوید ( انا ) نامنده بر قیزی پادشاهک

ترتیب ایتیمش دکل ایدی کہ محمود پاشانک کیزلی ضراعتنامہ لری  
 الدیغندن و عقد مصالحہ یہ مروج اولدیغندن بختہ محل اولسون.  
 اوزون حسن بوصورتہ استحصال صلح ایدہ بیلدی ایسہ دہ  
 آرہ دہ طربزون ایمپراطور لغی کندیسنه کوو نہ رک دولتہ خراجنک  
 اعطاسندہ تکاسل ایتیمش و بناءً علیہ تقض عہد ایتیمش بولندی.  
 فاتح روملرہ جای استناد بر اقامق مقصدینک ایفاسی ایچون بویلہ  
 برفرست ظہور ایدنجہ اتہازندہ اہال ایتمدی. بلغار طاغندن  
 اردوسیلہ طربزون اوزرینہ حرکت ایتدی، صدر اعظمی دہ دونائمانسی  
 آلوب کلمک ایچون سینوبہ کوندرمش ایدی. سارہ خاتون ایلہ  
 شیخ حسن دہ پادشاہہ بوسفر دہ مرافقت ایتمشلردر. بلغار  
 طاغنی حیوان ایلہ چمک محال اولدیغندن فاتح مقصد عالہمتانہ سنہ  
 وصول ایچون یایان اولہ رق ساعتلر جہ اوچوروملر، قیالراوزرندہ  
 طولاشمقدن چکینمدی. سارہ خاتون فرصت دوشورہ رک  
 « طربزون قلعه سی وجود شاہانہ کزہ بو قدر مشقت ویرمکہ  
 دکر می؟ » دیمسی اوزرینہ فاتح « والدہ! الیمدہ کی سیف اسلامدر.  
 مشقت اختیار اولنما دجہ بونک حقی ایفا ایدیلہ مز؛ حقی ایفا  
 ایدیلدیکی صورتہ ایسہ حضور رب العالمینہ نہ یوزلہ واریلہ بیلیر؟ »  
 مآئندہ بر جواب ویرمشدر.

طربزون او وقتلر روم ایمپراطور خاندانلرندن (قومینوس).  
 لرنک اندہ ایدی کہ اہل صلیک استانبولہ استیلا ایلدیکی زماندن  
 بری اورالردہ اجرای حکم ایتمکدہ ایدیلر.  
 فاتحک حجومی صرہ سندہ ایسہ ایمپراطورلق (داوید قومن) دہ

شاهانه سی اقتضاسنجه ساره خاتونه اثنای صحبتده والده لفظیه  
خطاب ایدردی .

خواجه سعدالدین اوزون حسنک محمود پاشایهده کیزلی  
برضراعتنامه کوندردیکندن بومصالحنک پاشانک رأی و ترویجیه  
حصوله کلدیکنی بیان ایدر .

پادشاه زمان ایله اصحاب نفوذدن اولان صدر اعظمک  
بینده مطلقاً بر مغایرت، باختلاف کورمک و صدر اعظمکری  
پادشاهک مقاصدینه کندی نفوذ و اقباللرینی ترجیح ایدر  
صورتده کوسترمک بزم مؤرخلر ایچون پک عمومی، پک دائمی  
برمراق اولدیغندن اوزون حسنک محمود پاشایه کیزلی برنامه  
کوندردیکنه دائر اولان روایت بوتوهملر نتیجهسندن اولسه  
کرکدر. یوقسه محارب بر پادشاه خصم غالبک وزیرینه نه امید  
نه مطالعه ایله نامه کوندره بیلیر؟ او یله برنامهک وزیر طرفدن  
حفظ اقبال ایچون میدانه اتلماسندن و پادشاه نظر نده تزید  
احتیاط و تشدید انفعالی موجب اولماسندن بشقه نه نتیجه سی کوریلور؟  
احتمال که صلحک انعقادنده صدر اعظمک ده رأی و ارایدی ،  
فقط اورایه کیزلی کلش برضراعتنامهک سبب اولماسی قابلیدر؟  
هله پادشاهک کندی فکری مصالحه جهتنه مائل اولمسه محمود  
پاشانک فاتحه القای نفوذ ایده بیلمسی امکان داخلنده میدر؟  
ذاتاً بوسفر بر مقصد اوزرینه آچامش و مصالحه دن دولته برضر

اطرافه تعیین ایتدیکی فرقه لر هر کیجه عسکرک بر قولنی باصه رق .  
 برایش کورمکه چالیشیر و فقط یکیچری و سپاهی لریک انتظامی .  
 جهته عثمانلی قره قوللری متبصر و بتون اردو بر قاچ دقیقه ده  
 سلاحه صارمغه مقتدر بولندیغندن بو تشبثلرندن بر فائده استحصال  
 ایده مز ایدیلر . فاتح بر طرفدن قیون حصارینی محاصره یه بر فرقه  
 تعیین ایله برابر بر طرفدن دخی اردو سیله ایلی یلکده ایدی .  
 طلیعه سنده بولنان کدک احمد پاشا اوزون حسنک ( مندر )  
 در بندلرینی سدا یچون تعیین ایلدیکی عم زاده سی خورشید بکک  
 فرقه سنه بر کیجه وقتی مصادف اولدی ، بر نوع پوصویه دو شمش اولقاه  
 برابر ضرب دست قهرمانی ایله دشمنی منهزم و پریشان ایدی .  
 بو موفقیتی متعاقب قیون حصار ی مستحفظلری ده قلعه نک  
 اوته سی بریسی بیقیله رق عنوة ضبطنه استعداد کلدینکنی کورد کلرندن  
 طولانی استیمان ایلمش ایدی .

بو ایکی ظفر اوزرینه اوزون حسن ایچون مغلوبیت تحقق  
 ایلدیکندن برادر لر یله اولان منازعاتک تسویه سنده بر مهارت  
 فوق العاده ابراز ایتمش اولان والده سی ساره خاتونی چشمک زک  
 حاکمی اولان کرد شیخ حسن ایله برابر طلب صلح ایچون  
 باب دولته اعزام ایلدی . ساره خاتون ایله شیخ حسن پادشاهی  
 بلغار طاغنک اتکنده بولدیله و عرض ایتدکلری صلح  
 استدعاسنی کندیسنه قبول ایتدیردیله . سلطان محمد تواضعات




حکمدارلرینک سایه‌سنده بودرلو تعرضلردن امین اولدقلری  
 حالده کندی کبی جاه و حشمت و اقبال و عظمتی اقصای مراتبه  
 وارمش برپادشاهک دوردولتنده مغدور اولغنی شان سلطنته  
 مغایر کوردکلرینی اتیان ایله اوزون حسنی تحریک ایلدیلر .  
 اوزون حسن حفظ شریعت و عدالتله متصف بزات ایکن  
 تبعه‌سنک انتقامنی المق داعیه‌سندن کندی الهامادی ، اوده  
 حدود اوزرنده پادشاهه تابع اولان مسلمان کویلرینی تخریب  
 ایتدیردی .

خواجه سعدالدین بووقعه‌ده البادی اظلم حکمنی اوزون  
 حسنه تحمیل ایتمک ایستر . فقط اوزون حسنک ایتدیگی حرکت  
 برقلعه‌المقدن عبارت ایدی ، جنس عملیه مجازات ایدلمش اولسه  
 اووقت سببیت انده قالیردی ؛ یغما کر لکه ایسه ابتدا حمزه‌بک  
 بدایلیدی . بناءً علیه تخریبات واقعه‌نک بادی اظلمی اودر .

فاتح حمزه‌بک قیون حصارینی تسخیره موفق اوله‌مادیغنی  
 استخبار ایدنجه اردوسیله بالذات استحصال مقصده عزیزیت  
 ایلدی که حرکتی ۱۶۵ بهارنده ایدی .

اوزون حسن پادشاهک کندی اوزرینه حرکتنی خیرالنجه  
 کلاخ جوارنده بولنان برطاقم مواقع منیعیه صیغندی . چونکه  
 یاننده عثمانلی اردوسنه مقاومت ایده‌بیله‌جک قدر عسکر موجود  
 دکل ایدی ، فقط فاتحک تشبثاتی تصعیدنده کری طورمادی :  
 عثمانلی اردوسی قیون حصارینه کلنجه‌یه قدر اوزون حسنک

مقدمه مقال ايدردى ؛ عثمانيلر علمينه اوله رق شاهرخه يازديغى  
 ير مكتوبك طو تلماسى اوزرينه چلبى سلطان محمد عراض ايلديكى  
 تبصصير كنديسنك حد ذاتنده برسنجاق بكندن زياده اهميتي  
 اولماديغنى كوسترير . بوجهته اوزون حسنك پادشاهدن ايستيه چكى  
 اوييه هديه بقاياسى يوق ايدى . چلبى سلطان محمدك وفاتندن  
 ده قرق سنه انجق كذار ايلش اولديغى حالده اوزون حسنه  
 فاتحندن التمش سنهك حساب طلب ايتديرمى ده دوقه نك  
 تاريخي نه قدر مهملات و خطيات ايله مالا مال اولديغنى كوستر مكه  
 كافيدر . بزم تاريخلر پادشاهك انتساب و اطاعتنده بولنان  
 امرادن قيون حصار صاحبي حسين بكى آورده بولنديغى صروده  
 اوزون حسنك على الغفله اسير ايدرك قيون حصاريني ضبط  
 ايلسي حريك كشاد اولماسنه سبب اولديغنى بيان ايدرلر .  
 فاتح بالطبع حدودى اوزرنده و كندينه منسوب برذاتك حكمنده  
 بولنان برقلعه يه اوزون حسن طرفندن وقوع بولان تسلطى  
 كندى دولته اعلان حرب عدايلش و اناطولى بلكر بكى شرايدار  
 حمزه بكى قيون حصارينك استردادينه مأمور ايتشد در .  
 حمزه بك قلعه يي محاصره ايتديكى حالده فتح ايدمه ديكندن  
 طوپلاديغى عزبلرى اوزون حسنك تصرفنده بولنان يرلره  
 تسليط ايدرك ارمنى كويلريني نهب و تخريب ايتديردى . بومعامله  
 هم لزومسز برغدارلق هم مضر بر احتياط سزلق ايدى ؛ كويليلر  
 اوزون حسنه عرض شكاييت ايتديلر ، كندندن اول اولان



اسفندیار اوغلی عالیہ سنک دفعندن صکرہ اوزون حسن  
وقعہ سنک مقدماتی ظهور ایتمکہ باشلامشدر . اوزون حسن  
طر بزونده بولنان روم ایمپراطورینک دامادی اولدیغندن  
پادشاهه برسفیر ارسالیله ایمپراطوردن انه کلن ایکی بیگ التون  
جزیه نك اخذندن فراغت اولماسنی تکلیف ایتمش وجدی قاره  
بلوکه برنجی سلطان محمدک ویرمکده اولدیغنی سنوی بیگ  
قالبجه نك التمش سنهدن بری اره سی کسایدیکندن بونک ده  
حسابنی ایسته مش اولماسی باعث اختلاف اولدیغنی هامردوقه دن  
تقلاً حکایه ایدر . چلبی سلطان محمدک قاره بلوکه سنوی بیگ  
قالبجه هدیه ویرمسی بتون بتون خلاف حقیقت برکوه زه لکدر .  
عثمانی پادشاهلرینه اولیه ویرکوکبی هدیه کبی مرتبه اقتدارک  
درجه نانه سنه تنزلی موجب اوله جق بر حرکتی تیموریه تکلیف  
ایتمه مش ایدی . قره بلوک ایسه چلبی سلطان محمده تابع دکل ،  
متبوع نظریله باقار ایدی ؛ یازدیغنی عریضه لرده « خداوند اعظم ،  
وخداوند کار معظم ، مولا ملوک الامم ، فلکی الهمم ، ملکی الشیم  
ملاذالغزاة والمجاهدین ، عقدالدولة والدين ، ظهیر الاسلام  
والمسلمین ، مرجع الاقبال والسلاطین ، المؤید من عندالله الملك  
الاحد ، ابو الفتح سلطان محمد ایدالله الحی الصمد » عنوانلرینی

برادر خطاييه مظهر اغرار ايتمىدى . قاتلحك اسماعيل بك  
 حقنده الطافى يالكز بودرلو معامله توقيراته ده منحصر قالمادى :  
 كنديسنه ملكندن دها محصوللى اولان يكي شهر و اينه كول  
 و يار حصار طرفلرني خاص تعيين ايتدى ، اوغلى حسن بگده  
 بولى سنجاغنى توجيه ايلدى . قزل احمد بك قسطنونى يه  
 تصرفى ايسه بر سنجاق بلكلى قيبندن ايدى . بوضورتله اسفنديار  
 حكومتى ده عالم استقلالدن زائل اولمشدر .

كاتب چلبى تقويم التوارىخنده سينوب وقسطنونينك ۸۶۴  
 تاريخنده و فذللكه تاريخ عثمانيده ۱۶۵ تاريخنده ضبط اولدىغى  
 كوستريليور .

هائمر كونه كوره پادشاه سينوب ليمانده طقوز يوز  
 طونيلاتلاق يرسفينه بولمىدى كه اوزمانه قدرانشا اولنان كيملك  
 الك بيوكى ايدى . قوه بجزيره سنى ده عسا كر بريه سى كې مرتبه  
 اولاي رجحانه چقارمق ايستين پادشاه بوسفينه ني استانبوله  
 كوندردى . و او مونه توفيقاً اوچ بيك طونيلاتلاق بر كمى  
 انشا ايتيردى . فقط اوزمانك تجارب هندسيه سى بوله بر كمينك  
 سلامتى ايچون لازم كېن قواعد انشائيه ني تعيينه كافي اوله مادىغندن  
 كمى دكزه اينديرلدىكى كې غرق اولمشدر . فاتحندن اول اراغونه  
 قرالى ( الفونس ) ده درت بيك طونيلاتلاق بر سفينه انشا  
 ايتيرمش و او ده دكزه آچلمقسزىن باتمش ايدى .

عزیمت ایتشدی . خواجه سعدالدینک روایته کوره محمود پاشا اسماعیل بکی مکلمه یه دعوت ایدرک کندی اشاغیده اوده برچاوزرنده بولندقلری حالدده پادشاه بو قدر عسکرله برکوناک یوله قدر تقرب ایتدیکی و خبر انقیاده منتظر بولندیغی حالدده علوشانندن غفلتله عصیان صورتی معقول بر حرکت اولمایه جغنی و سینوب حصارى نه قدر متین اولسه بحر و بردن احاطه ایدن عسکره مقاومت ایدمه جگنی بیان ایله کندیسنی اطاعته نشویق ایتدی و اسماعیل بک قهر پادشاهیدن محترز اولدیغنی بیان ایلمی اوزرینه محمود پاشا طرف پادشاهیدن عفو واحسان مواعیدینی حاوی بر فرمان استحصال ایتدیکندن اسماعیل بک ده قلعه یی تسلیم ایلدی .

هامر سینوب قلعه سناده درت یوزطوپ ، ایکی بیك طوبجی و اون بیك عسکر موجود اولدیغنی بیان ایدر . اسماعیل بک عرض ایتدیکی تسلیمیت ، مقاومته فقدان اقتداردن نشأت ایتدیکنی کوسترمک ایچون محمود پاشایه بو قوتک دفترینی اعطا ایلمش ایدی . روم مؤرخلری قاچ درلو افترا ترتیب ایدرسه ایتسون ، فاتحک شدتی دائماً بر مقصد سیاسییه مبتنی اوله رق آنک حصولندن صکره عاطفتکارلغی مأمولک فوقه چیقارده کادیکی وقایع ایله نابتدر . اوقیلدن اوله رق سینوبک تسلیمندن صکره پادشاه اسماعیل بکی چادرک خارجنده قارشیلادقدن وال اوپدیرمک یرینه مصافحه ایله تطیب ایلدکن صکره اثنای صحتدهده

بک ایسه دعوت اولنمش ایکن اوغلنی کوندرمکله اکتفا ایتدی،  
 کندی کلدی ؛ خیانتنی خوفیه اثبات ایلدی .  
 زمان فاتحک دوری اولدیغی کبی قره دکز سواحلی ده  
 ممالک عثمانیه ره ربط ایلک طبیعی ملتزم ایدی . خصوصیه عنصر  
 عثمانیه مزجیه اوغراشیلان روملره مدار استناد اوله جق بر  
 حکومت مستقله بر اقامق ایچون طربزونده بولنان روم ایمپرا-  
 طور لغنک لغوی دولتجه مقاصد اصلیه دن اوله رق طربزونه  
 سوق اوله جق دونانمک کذرکاهده سینوب کبی سواحل  
 عثمانیه نک اره سنه صوقلمش بریری بشقه بر حکومتک اداره سنده  
 برامق تشبثات عسکریه ره بر مرکز تعرض ابقا ایلک حکمنده  
 اولدیغندن اوراسنک ضبطی لوازم سیاسی نک اک مهملرندن  
 ایدی . بناءً علیه اسفندیار بکک کوستردیکی اطاعتسز لکدن  
 استفاده اولندی ، ملک نک نزعنه قیام ایلدی . میدانده درکه  
 صدر اعظم محمود پاشا بو مسئله ده قزل احمد بکک مقصدینه  
 الت اولمادی ، بالعکس آنی دولتک مقصدینه آلت ایلدی .  
 قزل احمد بک معیتته ویریلن عسکرله بکلکی عهدده سنه  
 توجیه اولنان قسطمونی اوزرینه حرکت ایدنجه اسماعیل بک  
 سطوت عثمانیه ره قارشق طورده مایه جغنی بیلدیکندن وخواجه نک  
 روایتنه کوره اهالیسی ده کنديسندن یوز چویردیکندن  
 قسطمونی بی ترک ایله سینوبه فرار ایلدی . بونک اوزرینه محمود  
 پاشا قزل احمد بکی ده استصحاب ایدرک سینوبک محاصره سنه

دفعه نامۀ هایون کوندردلی . بروسه دن حرکت ایدیه رک سلطان اوکنده اناطولی عسکری ده اردویه مذحق اولدقدن صکره انقریه مواصلت اولندی .

اسفندیار اوغلی اسماعیل بک ایله قرمان اوغلی ابراهیم بک برر مقدار عسکرله اوغللرینی انقره ده معسکر هایون کوندرد . مشر ایدی . پادشاهک اسماعیل بکک اوغلی حسن بکی « کیت پدریکه سویله ، سینوبک بکا لزومی وار . اکر ویرمرسه جبراً آیرم . » دیه رک اعاده ایلدیکنی روم تاریخلری بیان ایدرله . خواجه نك نقلنه کوزه ایسه اسماعیل بکک استقبالده اهالی حقنده موجب انفعال اوله رق اوغلی حسن بک حبس ایدلمش وقسطمونی سنجانچی ده برادری قزل احمد بکه توجیه اولنش ایدی .

بو روایتلردن اکلاشلدیغنه کوره بو سفردن مقصد اصلی قرمان اوغلی ایله اسفندیار اوغلنک اتفاقیه میدان ویرمه مک ایدی . قزل احمد بک الده اولدیغدن اسفندیار اوغلنک دفع شرنده دهازیاده سهولت کوردلی . اکر ایدیلن تجربه اوزرینه اسفندیار اوغلی رضا جویانه حرکت ایتمش اولسه ایدی ، مقرر اولان طربزون سفرینه عزیمت طبیعی ایدی . طربزون سفرینک جعلی اوله رق اشاعه اولنش یر شی اولمادیغی بر سنه صکره سفرك وقوعیله مثبتدر . قرمان اوغلی ماهرانه طورانه رق دعوت اولمادن اوغلیله عسکر کوندردی ، حقنده اولان اسنا . داتک ظاهرده اولسون خلاقیه دلیل کوستره ییلدی . اسماعیل



سحائف الاخبار يوسفرك وقوعنه بتون بتون محمود پاشانك قزل احمد بكة اولان طرفدارلغنى سبب كوستيرير ؛ معقول اولان خواجهنك روايتيدر : محمود پاشانك بر آدمه محبتى بر محاربه كشادينه فاتحى اقتناع ايچون كافى دكل ايدى .

بو قرار اوزرينه دونانما سينوبه سوق اولتهرق خواجهنك روايتنجه محمودپاشا طرفندن ده اسماعيل بكة « طبرون اوزرينه حركت مقرر اولديغندن دونانما كوندردلى ، ذخائر وسائر لوازمى اوراجه تدارك اولنسون ، مصرف ايچون اقتضا ايند مبالغ قپوداننه تسليم اولندى . اكر كفايت ايتزايسه قسطمونينك باقر معدنى محصولندن دولته هر سنه ارسال اولنه كلن آقچهدن صرف ايدلسين . دونانما اوراده بولنديغى مدتجه عذب طائفه سندن بر مناسب سزلك ظهور ايدر سه تاديبلرى عهدده كزه محولدر . بو بابده ابراز ايديله جك معاونت و رضا جولق حسن توجهك تزايدى موجب اولور . عسكر ك حركتدن اشتباهه دوشولمسون . »  
مأنده برده مکتوب كوتدرلدى .

صدر اعظم عهدده سنده يوننان روم ايلي بكلر بكيلى مقضياتندن اولهرق ايالتنك عسكرينى جمع ايچون ادرنه يه كيتمش ايدى پادشاه ايسه بروسه يه كيدهرك محمود پاشانك ورودينه انتظار ايدلى . پاشا اردوسيله كليوليدن كذار ايدهر ك بروسه يه كادكدن صكره صدر اعظم چادرنده آياق ديوانلرى ترتيب اولندى . اسماعيل بكة ده عسكريله انقره يه كلى ايچون برايكى

سوزی پک یاوان اولدیغندن فاتحک لسان عرفاتندن صادر اولمادیغنه یمین ایدیله بیلیر .

اماصره سفری قرارلشنجه پادشاه محمود پاشاده کوردیکی مزیات فوق العاده نك بر بشقه جهته دهها تجربه سنی اجرا ایچون خواجه نك افاده سندن اکلایدیغنه کوره یوز وهاممرك قولنجه یوزاللی سفینه دن مرکب اوله رق اماصره اوزرینه سوق ایلدیکی دونامانك سردارلغنی اكا حواله ایلدی ، کندیسیده قاره دن اماصره اوزرینه حرکت ایتدی . اماصره ده بولنان جنویزلر دونامانی وبر طرفندن ده اردونك ورودینی کورنجه هان استیمان ایدره ك عثمانلی قلیچنك غلافدن چیقماسنه بیله احتیاج برامادیلر .

اسفندیار اوغللرندن سینوب وقسطمونی طرفلرینه حکم ایدن اسماعیل بک صورت خفیه ده قرمان اوغلیله دولت علیه علیه بر اتفاق عقدینه قالمشمشدی . فاتح بو نشینی خبر آنجه « بو آدم لر نه قدر عفو و عنایت مظهر اولسه لر خیاتی ترك ایتمورلر . » یوللو بعض سوزلرله اسماعیل بک حقنده اولان انفعالی صدر اعظم محمود پاشایه بیان ایتمش ایدی . محمود پاشا ایسه اسماعیل بکک خدمت هایونه کمش اولان برادری ( قزل احمد ) بکه پک زیاده متوجه اولدیغندن آنک اقبالی ترویج مقصدیله پادشاهک اسماعیل بک حقنده اولان انفعالی تزئید ایلدی ، نهایت سینوب طرفلرینک ده ضبطنه قرار ویرلدی .

شمدی یہ قدر تأخر ایتشددر . حصول مقصد ادناہمتہ باقار «  
 دیش اولدیغندن اماصرہ اوزرینہ عزیمتہ قرار ویرلش ایدی .  
 ہامر ایسہ کیفیتی بتون بتون بشقہ یولدہ نقل ایدر: انک صحتہ  
 دہا قریب کوزیلن روایتنہ نظراً جنویز جمہوری روم ایمپرا -  
 طورلغی زمانندہ اولدیغی کبی فاتح عہدندہ غلطیہ تصرف  
 داعیہ سنہ دوشہرک پادشاہہ اورانک جمہورہ ترکی تکلیف  
 ایلدی . فاتح ایسہ « بن غلطیہ زور ایلہ ویا حیلہ ایلہ المادم ،  
 استانبولی ضبط ایتدکن صکرہ اہالیسی طوع ورضالریلہ  
 اطاعتہ کیردیلر . اورایی الیشمدہ کیمسہ یہ فالق ایتک ایچون  
 دکل ، ہرکسہ ایلیک ایتک ایچوندر . » جوابیلہ تکلیفی رد ایلدی .  
 بو جواب اوزرینہ جنویزلر عثمانیلرہ اعلان حرب ایتدیلر .

سلطان محمد ہر ایشدہ وخصوصیلہ محاربہ دہ کتم سر  
 والتزام سرعتی اسباب موفقیتک الکیوکی عد ایلدیکندن  
 حرب تدارکیلہ مشغول اولدیغی صزدہ زریہ کیدہ جکنی  
 پک خفی طوتمش وحتی سؤال ایدن بر قاضیعیسکرہ « صقا -  
 ملک بر تلی بیلمش اولسہ انی دہ قوپارر آ تازم ! » جوابخی ویرمش  
 اولدیغی حالقو قوندیلی بیان ایدر . فاتح دہا سندہ بر ذاتک  
 کتم سر وسرعت حرکتک اہمیتنی حقیلہ تقدیر ایدہ جکنندہ  
 شہہ یوقدر ؛ فقط جنویزلر اعلان حرب ایتدکن صکرہ فاتح  
 ایچون کیمہ قارشی حرب ایدہ جکنی صاقلامغہ لزوم وحتی  
 امکان کورنمز ؛ ہلہ « صقالمک برتلی بیلمش اولسہ اونی دہ قوپاررم »

حقيقت حالده ايسه زغنوس پاشانك مأموريتندن عزلی ده  
 اكا موجب کوستریلن تعرض عهدی ده هیچ برسوزه بکزه میور.  
 چونکه اتنه دوقه سی اولان معهود مارقوی عصیان تشبثده  
 بولندیغندن طولای زغنوس پاشا معرفتیه اعدام ایتدیکنی  
 بالاده کی افاده سنک برقاچ سطر اشاغیسنده بیان ایدنینه هامردر.  
 ایشته مارقونک ازاله سندن صکره اتنه ده طوغریدن طوغری یه  
 ممالک عثمانیه یه الحاق اولنه رق مورده شبه جزیره سنده وندیکه  
 تابع اولان مدون و فرون و منکشه و اینه بختی اسکله لرندن بشقه  
 ضبط اولندق یرقالمادی . دیمتری پالتولوغ اینوزده اقامته مأمور  
 اولدی . طوما پالتولوغ بعض مناسبتسز تکلیف لره بر سفیر  
 کوندردی ايسه ده یوز ویرلمدی . پالتولوغ خاندانک مورده ده  
 اولان شعبه سی ده بوسفرده محو اولدی که ختامی ۸۶۴ سنه سنده  
 میسر اولمشیدی .

بوسنه و قایغندن بری ده امصره نك فتحیدر . خواجه نك روایتنه  
 کوره امصره ده بولنان جنویزلردا ائما اسلام سفینه لرینه تعرض ایدر لر  
 و معاتب اولدقجه او درلو حرکاتک قورصان کیمیلرندن صادر  
 اولدیغنی و کندیلرینک ارده ده خلی اولمادیغنی بیان ایلر لر ایدی .  
 بو مناسبتسز لکک تکرری اوزرینه پادشاه برکون محمود پاشایه  
 اجدادینک اوزمانه قدر امصره ده کی حیدودلری محو ایتدکلرینه  
 سبب سؤال ایتمش محمود پاشاده « احتمال که فتحی اقدمزه میسر  
 اولدیغندن وانلرده دهامهم یرلرک تسخیریه مشغول بولندقلرندن

ایتمه مش ودها برسنه طیاش در. اگر فاتحک بو آدمی طوتوبده  
دستره ایله ایکی یچدیرمش اولدیغی روایت اولنسه ایدی اینانیه  
بیلردی .

هائمر روم تاریخلردن الهرق زغنوس پاشانک (سانته ماریا)  
قلعه سنک محافظه سنده بولنان ارناودلری امان ویردکن صکره  
اعدام ایلدیکندن فاتحک نظرندن دوشمش وموره بکاکسندن  
عزل ایدلمش اولدیغی بیان ایلدکن صکره فاتحک بویله ویردیکی  
امانی بوزه رق ادم اولدیردیکنه دائر ایراد ایلدیکی روایتله بو  
افاده بیننده اولان تناقض پک اچیق دوشدیکی جهتله انی  
تاویله مجبور اوله رق « سلطان محمدک روملر حقنده اجرا  
ایتدیکی مظالم باری مظهره موفقیت اولان جنایتلردن ایدی .  
چونکه هنوز مدافعه حالنده بولنانلرک اطاعتنی تسریع ایلدی .  
حال بوکه زغنوس پاشانک معامله سی ارناودلر حقنده بتون  
بتون عکسنه بر تأثیر حاصل ایتدی : مقاومتدن بشقه بر چاره  
نجات کوره مدکلرندن حرب ایدمه یه رک اختیاریه تسلیم اولمغی  
یوغلمغه ترجیح ایلدبلر» دیر. هائمر فاتح علیهنده اولان خصومت  
متصبانه سنی او درجه ایلری کوتورمشدرکه فاتح لهنده هیچ  
بر روایت قبول ایتدکن، علیهنده هر سوزی قبول ایتدکن  
بشقه هر کسک استیمانه مجبور اولماسی امان ویردیکی ادملری  
اتلاف ایتسندن نشأت ایلک کی بتون بتون طبیعت عالمک خارچنده  
هفوات سویلمکدن کندیسنی آله مامشدر.

ایده رک کنسیدی شماله طوغری یوریمش و پوستیجه و لستراتا ایله دولت ملکندن اولدقدن صکره طوما پالئولوغک غصب ایلدیکی بالی بادره و قالاوریتا قلعه لرینی تسخیر ایتمش ایدی . هانمر قالاوریتا محافظنک دستره ایله ایکی یه بیجیله رک اعداء اولاندیغنی روایت ایدر . او عصر لر حکمنجه حرب اسراسی حقنده هر درلو اذیت اجرا اولنه کلردی ، بناءً علیه محافظنک دستره ایله ایکی بیجدر لیدیکی محال کورلمز . یالکنز فوق العاده قباحتی اولیان بر ادم حقنده فوق العاده بر مجازات اجراسنی عقل تجویز ایتدیکندن و قالاوریتا محافظنک ایسه تاریخلرده اولیه فوق العاده بر حرکتی کوسترلمدیکندن بو روایتده وقایع تاریخیه دن زیاده مختصرات خصمانه یه بکزییور .

ینه هانمرک روایتنجه قارتینا و سامینقوس نامنده ایکی قلعه دن هر برینک محافظه سنده بر پالئولوغ بولنه رق برنجیسی خیلی مقاومتدن صکره تسلیم اولمش ایکنجی اولان (عراجه پالئولوغ) ایسه مملکت عنوةً ضبط اولدقدن صکره ایچ قلعه یه چکیله رک یینه مقاومتده ثبات ایتمش ایدی . حتی فاتح طرفندن وقوع بولان تسلیم تکلیفنه مقابل قلعه دن چیقه جق اولانلر تعرضدن امین اولتق ایچون عثمانلی اردوسی بر ساعت اوزاق بر محله کیدر سه قلعه یی ویره جکنی بیان ایتمش و پادشاه بو تکلیفی قبول ایده رک اردوسنی بیله یرندن قالدیرمش ایکن پالئولوغ قلعه یی تسلیم

تسلیم اولندیغنی و سلطان محمد ارقادیا اهالیسندن اون بیک کشتی نی  
اولا اولدیرمک ایستمش ایکن صکره استانبولک تزیید عمرانه  
کوندردیکنی سویلر . هامرک بیان ایتدیکی سببله نتیجه بینده  
اولان تناقض محتاج تعریف دکلدر: فاتح بر طرفدن امان ویردیکی  
ادمیری اعدام ایدوب طورورکن بر طرفنده او معامله نك  
تأثیرندن طولانی هر کسک کندیسندن امان ایستمی نصل  
قابل اوله بیلیر ؟ هله پادشاهک استانبوله کوندردیکی ارقادیا  
اهالیسنی اولا اولدیرمک نیتنده بولندیغنه دائر اولان روایت،  
وقایع تاریخیه صرهنه یا قلاشه بیله جک سوزلردنمیدر ؟

طوماپالاولوغ غاردیقانک ضبطدن صکره ملککک محافظه سندن  
تون بتون قطع امید ایدرک ایتالایه کچمک ایچون برسینه ایله  
مدون اسکه سنده بولندیغنی صرهنه فاتحده اورایه ککش ایدی .  
اوزمان (مدون) همتصرف اولان وندیکیلر طومانی هان کیده جکی  
طرفه کوندرمکه برابر سلطان محمدده جزیه اعطاسنه ومقام  
صداقده ثباتلرینه دائر تجدید مواعید ایلدیلر . هامرک روایتنه  
وندیکیلرک بومواعیدیه برابرینه عثمانلی اتلیسی اطرافنی طولاشه رق  
ارناودلردن برچوق اسیرچیقارمشلرایدی . هامرک عهدشکنک  
صورتنده کوسترمک ایستدیکی بومعامله ایسه امور طبیعه دن ایدی .  
چونکه ارناودلر دولته معاهد اولان وندیك جمهورینک دکل،  
محارب اولان روم بکلرینک خدمتده ایدیلر . پادشاه  
اورالجه هنوز روم النده قالان یرلرک ضبطنی زغوس پاشایه حواله



ايدرز. عقلاً وکندی ملتک اخلاقه نظراً قاتح محافظلری اعدام ايتديرديسه اول امان ويرمه مش، امان ويرديسه صکره اعدام ايتديرمه مش اولمق لازم کليز. خصوصيله بوييه فتوحاتي تصعيب ايده جک بر معامله سلطان محمدک روملر عندنده مسلر اولان نظر حکمتنه توافق ايتمز. فاتح اورادن ( غارديقا ) نک محاصره سنه کيدرک مستحفظلری طرفندن فوق الغايه متانت کوسترلديکی حالده عنوة فتح ايلدی .

پادشاه غارديقادده اسير اخذيني منع ايلديکندن قلعه ده موجود اولان اتی بيک کشي کاملاً اعدام اولنديغنی هامر روایت ايدر، فقط روايته بر ماخذ کوستر مز. حال بو که عثمانيلرک هيچ برير خلقي قتل عام ايتمکلری تاريخجه مسلمدر. پادشاهک ذاتاً اسير طوما مق ايجون امر ووروبده عسکری استفاده سندن منع ايله منفعل ايده جک کوته نظر لردن اولماديغنی ده محتاج ايضاح دکدر. غارديقانک ايج قلعه سنده بولنان مستحفظلری ده امان ويردکن صکره قتل ايلديکنی ينه هامر روم مؤرخلرندن روايت ايدر که يالکزجه بو معامله نک سائر قلعه لره قبانانلری اولنجه يه قدر ثباته اجبار ايتسی مسئله سی فاتح دن اويله بر حال صدور ينک امکانلر لغنی کوستر مکه کافيدر .

هامر بوشدت سائر قلعه لر مستحفظلرينه دهشت ويرديکندن جمله سی بربريني متعاقب عرض استيمان ايتدکلرينی وموره نک اک مهم اسکه لرندن اولان ( اوارين ) و ( ارقاديا ) بوسرده

زغوس پاشانك موردیه کیتدیکی صرده ایدی که طوما پالووغ قدداشیله ایتدیکی عهده اهمیت بیله ویرمکسزین برطرفدن انك النده اولان یرلره تعرض ایتمکه برابر برطرفدن فاتحه مراجعت ایدرك استدعای صلح ایلدی . روم عسکرینی حدوددن چکمک و اوچبیک التون جزیه ویرمک ویکرمی کونه قدر کردوسه کله ریک معاهدی امضایتمک شرط لیله مسؤلنه مساعده اولندی . فقط طوما پالووغ قبول ایتدیکی شرط لیک هیچ برینی اجرا ایتدی .

فاتح بوادمک دولته کلنیرجه سنه ارتکاب ایتدیکی حرکتدن فوق العاده متأثر اوله رقینه بالذات موردیه عزیمتله طوغری اسپارته دینلن قطعه اوزرینه یوریدی . دیمتری پالووغ هار پادشاهه التجا و کریمه سنی حر مسرای هایونه عرض ایله تخلیص نفس اید بیلمشیدی .

فاتح اسپارته طرفلرنده براز محافظ ترك ایلدکن صکره ( قاستریچه ) یی محاصره ایدرك ایچ قلعه سی خیلی طیاندقدن صکره ضبط ایتدی . هامر بو قلعه نك اوچ یوزدن عبارت اولان محافظلرینی فاتحک امان ویردکن صکره کوستردکلری ثباته مجازاتاً اعدام ایتدیرمش اولدیغنی روایت ایدرکه یالان اولدیغنه روم مؤرخلرندن اولان واولاد وعیانك اسارتندن طولایی عثمانیلره حاصل ایتدیکی غیظدن تاریخ شکلنده برهجویه ترکیله تشفی ایتک ایستهین فرانیچیدن منقول اولدیغنی دلیل کافی عد

بهارى كلديكندن فاتح سلطان محمدك اردوسى ده تا كهان سمندرده  
 پيشكاهنده ظهورايدى . لازارك زوجهسى نلهن سمندردده  
 بولنديغندن امواليه مجارستانه كيتمسنة مساعده اولتمق شرطيه  
 قلعهي تسليم ايدى . صرپيلرك النده قالمش اولان ويجسلوه  
 وچرنوه وبلاستينا قلعهلى ده بربرى متاقب استيمان ايتديلر كه  
 بوسفرده صربستان حكومتى بتون بتون محوومقرض اولمشدر .  
 روم تاريخلرينك روايتجه فاتح بوموفقيتى متعاقب ينه  
 موره طرفه عزيمت مجوريتسده بولدى . چونكه پادشاه  
 اوطرفلردن چكيلير چكلمز طوماپالوئوغلر قرداشيله اوغراشمغه  
 باشلامش والنده بولنان يرلرك برازىي ده ضبط ايلش اولديغى  
 كچي عثمانلى ملكنده تعرض ايدرک ( قلاوريتا ) يي اخذايمش  
 ايدى . موره ده بولنان عثمانيلر بوتجاوزك انتقامنى المقده قصور  
 ايمه مشرايسه ده فاتح موره ده اسايشك اخلالنى طورخان زاده  
 عمر بلك اداره سز لکنه حمل ايدرک انى عزل ايله يرينه حالقو  
 قونديلينك برعبارسه كوره حسن يك نامند، يرذاتى تعيين  
 ايدى . بوذات سپاهى الاى بكي يونس بلك همتيله برمكمل  
 غلبه قازامش ايسه ده ديترى پالوئوغلر ايله طوماپالوئوغلر اوسرده  
 عقده ايلدكلى اتفاقه مانع اوله ماديغندن خدمتى مقبول اولمادى،  
 پادشاه انى ده عزل ايدرک يرينه اك معتبر بندگانندن زغنوس  
 پاشايى تعيين ايدى .

صربستان تاریخندن مأخوذ اولدیغنی کوستریر . فقط بزه تاریخلرده بوکادائر هیچ برسوزیوقدر بر قوجه مملکتک فتحده عموم عثمانلی تاریخلرینک سکوت ایتسی محتمل بولنمادیغندن بو روایت تاریخجه مسلماتدن عد اولنه ماز . او ائنده صرب قرالی یورکی وفات ایتمش وبر قزی ایله اوچ اوغلی قلش ایدی . اوغلرندن لازار بیوک برادرلری اولان وسلطان مراد زمانده کوزلرینه میل چکیلن (غریغور) ایله (استیان) ی طرفدایله والدهسی (ایرن) ی ده تسمیم ایدرک صربستان قرالغنی ضبط ایتدی ویکرمی بیک آتون خراج عرضیله حکومتی دولت علیه یده تصدیق ایتدیردی . فقط ایکی آی صکره لازارده ارتحال ایدرک بر قزندن بشقه وارث براماش ایدی . زوجهسی اولان (ئلهن) قزینی بوسنه قرالنک ولی عهدندن و صرب حکومتی پاپانک تابعیتیه ویره رک مملکتی عثمانلی پنجه سندن قورتارمق ایسته دی . پاپاده صربستانک متبوعیتنی قبول ایدرک اورایه قاردینال (انجلو) نامنده بروکیلده کوندرمش ایدردی . هامرک روایتجه صرب معتبرانی (ئلهن) ک قاتولیک مذهبه میانندن و صربستانی پاپانک تابعیتیه ویرمسندن منفعل اوله رق عثمانیلرک حکومتی پاپانک حکومتنه ترجیح ایلدیلر وتشکیل ایتدکاری فرقه مخالفتنک ریاستنه صدراعظم محمودپاشانک برادری (میخائل ابوغوویچ) ی اتخاب ایلدیلر . ئلهن ابوغوویچی حیلله ایله اخذ ایدرک توقیف اولمق ایچون مجارستانه کوندردی . بوسره ده ۸۶۳

آچیلمش اولدقلرندن مجارلر خائبانه عودتدن بشقه برشی یامغه موفق اوله مادیلر .

پادشاه صربستان وقایعنبک کیتدکجه کسب ایتدیکی اهمیت اوزرینه قیشلامق ایچون اسکوبه کلش، صدراعظمده کوکر جینک فتیخندن صکره اسکوبه کله رک ملاقات هایون ایله تشرف ایتمش ایدی . محمود پاشا طریق علمده بولنمادیغی حالده معارف موجودده حاصل ایتدیکی احاطه سایه سنده فاتحک پک زیاده توجه قیمت شناسانه سنه نائل اولمش وبوقدر قدمايه ترجیحاً مقام صدارته کلش ایدی . بو دفعهده صرب سفری ایلک سردارلغی اولدیغی حالده حرکتده کوستردیکی سرعت ومهارت کشور کیرانه عسکر لکدهده سلطان محمد لایق بر معین مقتدر اولدیغی اثبات ایتدیکندن حقنده اولان حسن نظر حد غایته واصل اولدی .

قیش کلک مناسبتیه پادشاه اردوده اولان سپاهیلره مملکتلرینه عودت ایچون رخصت ویرمک ایسته دی . فقط محمود یاشا منت زاده محمدبک اقینک انتقامنی المق ایچون مجارلر طرفندن ملکه تعرض وقوعی ملحوظ اولدیغی بیان ایلدیکندن سپاهیلره خر جلقچی کوندرملری امر اولنه رق اردوده هیئتیه اسکوبده قیشلادی .

هامر پادشاهک اسکوبده بولندیغی صرهده پرزرنی فتح ایتمش اولدیغی بیان ایدر وحاشیه لر نندهده روایتک ( انزل ) ک

کوکرچینک خلقی بر جلدن طونه یه قوغه صارقده رق صو المقده اولدقلرندن صدر اعظمک تشویقیه بعض دلاورلر بیوک برمهارت و جسارتله قلعه دیوارلرینک الته صوقولدیله، قلعه دن صارقیدیلا ن قوغه وزنجیرلری تخریب ایتدیله . قلعه بو صورتله صوسز قالمش و بناءً علیه استیانه مجبور اولمش در .

هائمر ایسه محمود پاشا قلعه یه کیدن صویک یوللرینی تخریب ایدرک و طونه دن چیقان عسکری منهزم ایلهرک کوکرچینک مستخفظلرینی صوسزلغه مبتلا ایلدیکنی سویلرکه خواجه سعدالدینک وقعۀ تاریخیه دن زیاده افسانه یه مشابه اولان نقلنه نسبتله بو روایت البته صحته اقرب کورینور .

پاشا کوکرچینک فتحندن صکره منت بک زاده محمد بکی آقچیلرله مجارستانه سوق ایلدی . محمد بک طونه یی کچه رک طراود وانی متعاقب طونه و صاوا نهرلری بینده بولنان راحوه طرفلرینی غارت ایش و کای غنیمت و اسیرایله عودت ایش در . کلیرکن ایکی یوز قدر زرهللی مجار اتلیسنه تصادف ایدرک انلری ده برابر کتیردی . بزم تاریخلرک روایتته کوره مجارلر محمد بکک هجومی خبر آلدقلری کبی ( نصفدن زیاده سی مبالغه اولوق ملحوظ اولان ) اللی بیک سواری ایله تعقیبنه قیام ایشلرسده تقریب ایتدکلری صرهدده عثمانیلر آقچیلری ، غنایمی قایقلرده تحمیل ایدرک طونه نک بری طرفنه طوغری

فرائقو مملکتی نزع سرجه تسلیم ایتمش و کندیسى مواعید جلیله  
ایله تطیب اولنمش ایدی .

روم تاریخلرینک روایاتنه کوره فاتح اتنه نك مشهور جهان  
اولان اثار بدیعهنسك بقیه لرینی تماشا ایچون اورایه قدر کیتمش  
واو مصنوعات بیثالی نظر حیرته تماشا ایدهرک اتنه ی قان  
دو کمکسزین ضبطه موفقیتندن طولانی عمر بك ایچون « دین  
و دولت طورخان اوغلنه منتدادرر » دیمش در .

بری طرفدن ایسه صدراعظم محمود پاشا صربستان اوزرینه  
غایت شدتلی بر حرکت حربیه اجرا ایدهرک ره صوا و کوریجه  
و درونو ویرایجه نامنده درت قلعه یی بر برینی متعاقب برر حمله  
صادقه ایله فتح ایتدکن صکره سمندره یی محاصره ایلش  
وانکده خارج قلعه سنی ضبط ایله مملکتی کبی غارت ایلدیکی  
حالده ایچ قلعه یی فتح ایدهمیه رک محاصره یی رفع ایتمش ایدی .  
محمود پاشا اورادن بلغراد طرفنه عزیزمتله پادشاهک او  
جوارده یابدینی حواله قلعه سنی بر قات دهها تحکیم و تجهیز  
ایلدکن صکره یینه اول فتح اولنمش ایکن نه وقت ونه صورتله  
تکرار صریلیره کچدیکی تاریخجه مجهول اولان استرویجه  
قلعه سیله و ماژون طرفلرینی تسخیر ایتدی و بایرامی نیشده  
چیقاددکن صکره کوکر جیناک قلعه سنی محاصره ایلدی . بو  
قلعه خیلی مقاومت ایتمش ایدی . بزم تاریخلرک روایتنه کوره



بتون بتون زائل اولمش اولدیغندن پادشاهک تکلیفی قبول ایتدیلر . دیمتری ، قالاورینایه قدر اولان یرلری وطوما ایسه باوره ایله توابعی ترک ایدرک نائل امان اولدیلر . بوصورتله موردنک سواحل شمالیه سی بتون بتون دولت علیه انتقال ایتمش ایدی .

بو صرهدده اتنه دوقة لغنی اک صوک دوقة نك زوجته متروکه سنده اوله رق او فاحشه ایسه ونديک امراسندن بردلی قانلی یه مبتلا اولمش وکنديسنه وارمق واتنه دوقة لغنی اعطا ایتمک شرطيله نکاخذده بولنان بریچاره قادینی اوکا اعدام ایتدیرمش ایدی . حریف بر یکی ملعونه یی المش واتنه دوقة لغنه ده نائل اولمش ایسه ده اها لیک عصیان وتعرضندن قورتیله مایه رق باب دولته فرار ایلدی . فقط اتنه خلقی حریفک جنایتی پادشاهه عرض ایتدکلرندن یوز بوله مادی ، اتنه دوقة لغنه اک صکره کی دوقة نك اقرباسندن اولان وخدمت پادشاهیده بولنان فرانقو کوندرلدی .

فرانقو اتنه یه کیدر کیتمز معهود ملعونه یی حبس و اتلاف ایلدیکندن زوجی اولان خبیثده انک قانتی دعوا یه قیام ایلدی . مملکتده ظهور ایدن بو اغتشاش اوزرینه فاتح اتنه نك طوغریدن طوغری یه ضبطنه عزم ایدرک بو قرارک اجراسنی طورخان زاده عمر بکه حواله ایتدی . عمر بک اتنه اوزرینه کیدنجه

رویلا اولماسنی تخمین ایلدیکی مملکتی امان ایله تسخیر ایتمش  
واها لیسنی استانبولک تزیید عمرانی ایچون پای تخته نقل ایلش دره  
عثمانلی اردوسی بو فتحی متعاقب بزم تاریخلرده میخالق

دینیلن موخلیایی حصر و تضییقه باشلادی . محافظی خیلی متانت  
ابراز ایتمش و اورنوس زاده عیسی بك معرفتیه وقوع بولان  
تسلیم تکلیفی قبول ایتمه مش ایدی؛ فقط یدی قطار اغراغنده  
بر کولله دوشه رك مملکتک فرونلرینی ذخیره سیله برابر محو  
ایلدیکی فاتحه جاسوسلق ایدن متره پولیدخبر ویردیکندن پادشاه  
بر قات دها تزیید همت ایتمکله برابر قلعه نك حالندن خبردار  
اولدیغنی بیان ایده رك بر کره دها تکلیف تسلیم ایدی . محافظده  
زیاده مقاومت بیهوده یره قان دوکولمکدن بشقه بر فائده  
ویرمه جکنی مطالعه ایده رك استیمان ایدی .

پادشاه محافظی یانه جلب ایده رك « کیت افندک اولان  
دیمتری یه سویله ! الدیغم یرلر بنده قالمق وکندی الند بولنان  
محللر ایچون بش یوز آلتون قدر جزیه اعطا ایتک شرطیه  
کندیسنه امان ویررم . طوما ایسه حکومتنی تسلیم ایله عرض  
اطاعت ایتلیدر . ایتز ایسه کیدر الندن آیرم » سوزلرینی  
تودیع ایله کوندرمش ایدی .

روم بکلری آدقلری تبلیغات اوزرینه طر اپایجده اجتماع  
ایله اختیار ایلیه جکلری حرکتی مذا کره ایتدکلری صرده ده  
کوردوس قلعه سی ده استیمان ایتمش ویناء علیه امید مقاومت

شکلنه تحریف اولمشدر ) پیشکاهنده اعدام ایتدیردی . اندن صکره طارسوس قلعهسى پیشکاهنه کیده رک تکلیف امان ایتمکه محافظلری بلا تردد حصارى تسلیم ایتمشلر ایدی . فقط بو مستحفظلرک ارسنده یولنان ارناودلر اردودن قاقچق اینستکلری جهته فاتح اللریتی، ایاقلریتی طوقساقله قیردیرمش واو جهته طارسوسه طوقساق قلعه نامی ویرلمش در . خواجه سعدالدین بو قلعه نک جبراً التمش و مستحفظلری مقاومتده اصرار ایتدکلرندن طولای اوپله یر شدت کوسترلمش اولدیغنی بیان ایدر . بو معامله حراب اسرانه کرک قرارلری و کرک اصرارلری ایچون اجرا اولسون خلاف مرحمدره . فقط بوده فاجع بر حقیقتدرکه او عصرلر حکمنجه بو قیلدن اولان مرحمدزلیکلر هر ملتده امور عادیه دن ایدی . او زمانک حرب اسیرلری عصر مزک آوقوشلری حکمنده ایدی . حقلرنده ایدیه جک معامله یه شفقت نقطه نظرندن یاقمق کیمسه نک خاطرینه کلزدی !

فاتح طارسوسدن صکره برقلعهدها محاصره ایتمش واهالیسی صوسزلقدن اتمکلریخی حیوان قاتیله یوغورمق درجه سنه وارنجیه قدر مقاومتده اصرار ایتمش اولدقلری حالده قلعه نی عنوة فتح ایتمکه موفق اولمش در . هامر بوقلعه نک نامی (اینوس) اولدیغنی مؤرخ فرانسینک بعض عبارده لرندن تخمین ایله استتاج ایدیور . پادشاه اندن صکره سعدالدینک باف اوه دیدیکی هامرک

پالوئولوغ ایله دیمتری بیننده ظهور ایتمش اولان اختلافدن طولانی او طرفلر پک زیاده قارشمش و دولت علیه نك مداخه سنه فرصت و بلکه ضرورت کورونمش اولماسیدر. جواجه سعدالدین ده تجارتله بالی بادره یه کیدن بر ذاتک اورالرده اسلامه پک زیاده حقارت اولدیغنی کوردیکندن حمیت ملیه سائقه سیله دیوان هایونه کله رک همدهلرینک حاله دائر ویردیکی تفصیلات پادشاهه زیاده سیله تأثیر ایتمش وانک اوزرینه موره سفری کشاد ایدلمش اولدیغنی بیان ایدر .

تاجرک دیوان هایونده پادشاهیه تعلیم حمیت ایدرجه سنه اظهار ایتدیکی ملت پرورلک فاتحک تا بر کوشه ده کی کیزلی فریادلردن بیله معاونت ظالم کشانه سنی دریغ ایتمه مکده کوستردیکی علو همت درجه سنده شایان تقدیسدر .

سلطان محمد بو عزم ایله یکیشهر یولندن یونانستان اوزرینه توجه ایده رک تاریخلرک، دها اطرافلی اوله رق هاسم رک و دیردیکی تفصیلاته کوره ابتدا کردوسی محاصره ایلد کدن صکره روملر بیننده (فیلسوفی) و عثمانلی اره سنده فلکه نامیله معروف اولان قلعه یی محاصره ایلدی . سعدالدینک نقلنجه امرا بو قلعه نك اهمیتسرلکی جهتله عودتده ده تسخیری قابل اوله جغنی بیان ایده رک ایلری کیدلسی رأینده بولندیلر سه ده پادشاه قبول ایتدی، قلعه یی هجوم ایله النجه یه قدر اصرار ایتدی . مستحفظلرینی اسیر ایده رک محاصره ایلدیکی کردوس که ( سعدالدینده کورتوس

جزيره سى اوزرنده بولسان ( مشيموس ) قلعه سنى محاصره ايلش ايسهده فتحى زمانه محتاج اولديغدن ودريا سفرلرينك موسمى كچديكندن سردار اولان ذات محاصره ني رفع ايله عودت ايلدى. روم مؤرخلرى بوسردارى خادم اسماعيل پاشا ناميله يادايدرلر ، فقط بزم تاريخلره باقيليرسه فاتح دورنده خادم اسماعيل پاشا نامنده هيچ كيمسه يه تصادف اولنماز. انك يرينه خادم سليمان پاشا نامنده برذاتك لمنى سفرى اثناسنده دونانما سردارى اولديغى كوريلور. بو خادم اسماعيل پاشا اندن غلط اولسه كر كدر .

ينه بوسنه ايچنده ايدى كه فاتحك اشتهار كئور كيرانه سندن هر طرفه سارى اولان دهشت نتايچندن اوله رق بغداد پرنسى پترو برسفير ارساليه دولت عليه يه عرض استيمان ايدرك سنوى ايكي بيك التون جزيه ويرمك شرطيله پادشاهك عهدينه داخل اولمش ايدى .

۱۸۶۲ بهارنده سلطان محمد قاره جه پاشانك شهادتندن صكره روم ايلي بلكر بكيلىكى ده صدارته علاوه عهدنه سنه توجيه اولنان محمود پاشايى اناطولى عسكرى ايله صربستان اوزرينه سوق ايلدى . معيته بيك نفرده يكيچرى ويرمش ايدى . يكيچريلرك اوزمانه قدر پادشاه حاضر اولقسزين هيچ برسفرده بولندقلرى يوقدر . كنديسى ايسه موره طرفلرينك فتحنه عزم ايلدى . هامرك نقلنه كوره بوسفره سبب موره نك اداره سنى تقسيم ايدن

قومانداسنه اون سگز بيوك سفينه دن مركب بردونانما ويره درك  
جزاير بحر سفيد اوزرينه تسليط ايلش ايدى . بوسفين قيرق  
قدر قاتالان قورصان كيمسيه برلشد كدن صكره اولاساقزه كله رك  
معتبرانى دولت عليه ه ويركو اعطا ايمه مكه تحريك ايتمشلر  
ايسه ده كرك انلر كرك مدلو پرنسى پاپانك دونانماسى باشلرندن  
صاوشور صاوشماز كال مسارعتله باب دولته جزيه لريني ارسال  
ايتمشلر ايدى .

بو دونانما هامرك روایتجه يالكز لينده زياده رعایت  
كورمش ايدى . چونكه فاتح منى خلقندن بعضيلرينك تين  
ايدن خيانتلرى اوزرينه اعداملرينى امر ايتديكندن ومدلو  
بكنك سفیری اولان مورخ دوقه نه قدر چالشمش ايسه ده  
اعدام اولنه جق ادملك جزاسنى اسارته تحویل ايتدیره بيلديكندن  
غياباً هر جرمى جزاسز براقه جق برحکومت تحريسيه دولت  
عليه اداره سنه كيرمش اولان منى خلقى پادشاهك بو معامله سندن  
يك زياده متأثر اولمشلر ايدى .

بناء عليه پاپادونانماسنى ممنونيتله تلقى ايديلر . دونانمانك سردارى ده  
كرك منى ه وركرك دوقه نك قولنججه طاشوزايه سماركه وحلقو  
قونديلينك روایتجه يالكز امروزه براز مستحفظ وضع ايدرك  
ردوسه كيمش ايدى .

پادشاه ايسه پاپانك بو حرکتنى منى پرنسك تحريكندن  
بيلديكى ايچون اغستوسده عسکر ودونانما سوق ايدرك منى

ایتمش ایدی . بو محاربه‌نی متعاقب (دبره‌لی موزه‌س) عثمانلیلر طرفنه کچمش ایدی . سوالی کندیسنی باب دولته کوتوردیکی زمان سلطان محمدن پک التفات کورمه‌مش ایسه‌ده اسکندر بکک باشنی کتبره‌جکته دائر عرض ایتدیکی تعهد قبول اولندی ، کندیسنه اوز بش بیک عسکر ترفیق ایدلدی . اسکندر بک کندیسنی اون بیک کشی ایله اشاغی دبره‌ده بکادی ومغلوب ایتدی . موزه‌س بو مغلوبیت اوزرینه پادشاهک حسن توجهنی غائب ایتدیکندن تبدیلاً اسکندر بکک یاننه فرار ایتمش و آیقلرینه قپانه‌رق قباحتنی عفو ایتدیرمش در . فقط اسکندر بک بو محاربه‌لردن ده‌ها مؤثر بر مصیته اوغرادی که اوده اقرباسندن حمزه بکک سلطان محمده التجا ایتسی ایدی . بونک اوزرینه اورنوس بک زاده عیسی بک قرق بیک کشی ایله ارناوداغه کوندرلدی . اسکندر بکک ایسه عسکری اون بر بیک کشیدن عبارت اولدیغندن وندیك ملکندن ( السیو ) یه چکلدی . حمزه بک عثمانلیلر طرفندن ارناودلق والیسی تعیین اولنمش ایدی . ارناودلغی یغما ایتدکن صکره السیویه کله‌رک اسکندر بکی حربیه دعوت ایلدیکندن اسکندر بک انتخاب ایتدیکی موقعک اهمیتیه عسکرینک از لغنی جبر وتلافی ایلدی : میدان محاربه‌ده اوتوز بیک ترک قالدی ، سردار عیسی بک‌ده بیک مشقته قوزتیه بیلدی . حمزه بک ایله دیگر سنجاق بکی ده اسیر اولدیله .  
ینه بو سنه‌نک وقایعنددرکه پاپا ، وندیك متره پولیدینک



تفك تعليمه دائر هيچ بر شي سويلنمه مى آتلى سلاحك  
محاربه جه ايشه يارامسيه برابر دها نشان المق ويا دمير زده  
دملك كچي شيلرده اوق يايه تفوق ايدو بيله جك برحاله كلديكنى  
كوستير .

امرادن حسن بك زاده عيسى بك مجارستانه كچه رك بودين  
طرفلرينى غارت ايتدكن صكره غانما عودت ايلدى . اورنوس  
زاده عيسى بكة كلنجه بزم تاريخلر انك ده ارناودلغى غارت  
ايدو رك سلامتله عودت ايلديكنى بيان ايله اكتفا ايدرلر . فقط  
هامر عيسى بكك سوقى مناسبتيه ارناودلغه دائر شو تفصيلاتى  
اعطا ايدر :

« سلطان محمدك مبادى سلطنتده اسكندر بكك اقرباسندن  
حمزه بك اوزرينه سوق اولنان بر فرقهك سردارى اولان  
ديكر حمزه بكى اسير ايلدى . ديكر بر محاربه ده دوت بيك  
عثمانلى سردارلريله برابر محو اولديلر . اسكندر بك بو موفقيتلرندن  
غيرت بوله رق ارناودلق بلغرادنى محاصره ايتمش و بو محاصره ده  
بك دقيق تدابير حربه اجرا ايتمش ايدى . بو قلعه يى ضبط  
اولنمش حكمنده بيلديكى حالده اكر امداد كلزسه تسليم اوله جغه  
دائر عقد اولنان متاركه مدتلك ختامندن اول « سوالى » قوتلى  
براردو ايله كلدى واسكندر بكى حربه مجبور ايدو رك مغلوب  
ايلدى . اسكندر بك بو محاربه ده بش بيك كشى ايله برابر  
دوستلرندن واك مقتدر جنراللرندن ( موستاكى ) يى ده غائب .

عجمی بی صاغنه ومولانا علی طوسی بی صولنه اقعاد ایتدی .  
سائر علماده مرتبه لرینه کوره بویکی ذاتک آلت طرفنده صره  
ایله اختیار مکان ایلدیلر . او زمانه کوره استاد کل اولان  
استانبول قاضیسی خضر بک ایله مولانا شکراه پادشاهک موا-  
جهه سنده او طور دیلر .

اولا مجودلر قرآن کریم تلاوت ایتدیلر . فخر عالم صلی الله  
علیه وسلم اقدمزک وصف جلیلر نده بعض نعتلر قرائت اولندی .  
اندن صکره تلاوت اولنان ایات کریمه دن بحثلر اچلدی . حاضر  
اولان علما بر چوق دقایق بیان ایلدیلر . صکره کلام ، علوه  
عقنیه یه انتقال ایدرک اندن ده خیلی مسائل حل ایتدیلر .  
حضارک اوکنه طبه طبه حلویات وضع اولنور وهر کسه  
تفریق اولنان حصه دن آرتانی خانه سنه کوندریلر ایدی . ایکنجی  
مجلسده ده مشایخ دعوت ایدیلرک ذکر وتو حیددن صکره اشواق  
الهیة واذواق روحانیه دائر صحبتلر ایدلدی .

اوچنجی مجلسده وزرا وامرا مدعو ایلدیلر . میدانده سلاح  
تعلیملری ، آت قوشیلری اجرا ایدلدی . تبراندازلر آت قوشارکن  
یوکسک صیریقلره دیکلمش کومش مشربه لری اورمق ودمیر  
نعل وپولاد اینه دلمک کبی معرفتلر کوستردیلر . دردنجی کون  
عموم اهلی یه انعام اولندی . دوکون برآی دوام ایدرک نهایت  
شهنزاده لرک ختانی اجرا ایدلدی . خواجه سعءالدینک تعریفاتنده  
اوق ایله نشان اتمق وپولاد اینه دلمک معرفتلر نندن بحث اولنوب ده


ترتیب ایتمز . بناءً علیہ بوقدر تفصیلاتہ کیریشدیکمزده، فاتحک  
محافظہ شانہ چالیشمق کبی تحصیل حاصل ایله اوغراشمق ایچون  
دکل ، بر حقیقت تاریخیہ یی سائقه تعصبه اوغرا دینی تغییر اتدن  
تخلیص ایتمک ایچوندر .

بوسفرک مخصوصاتنه کلنجه : عثمانیلرک برنجی محاربه نهریه سی  
باغراد اوکنده باشلادی . ملکه سزلک جهتیله اوده طبیعی  
مغلوبیتی انتاج ایلدی . هامرک روایتنه کوره بومحاربه ده فاتحک  
طوپچیغنه متعلق ایکی محصول ایجادی وارایدکه بری طاش کولله  
آته جقیدی هاوندیکری یکر می یدیشرقدم طولنده یکر می ایکی  
طوپ ایدی . هاونلر ، استانبول محاصره سنده مقوس کولله  
آتمغه کوردیکی مجبوریت اوزرینه باشلادینی اختراعک محصولی  
ایدی . طوپلرده ایسه استانبوله کیدرکن بونلرک بیوکلکندن  
حاصل اوله بیله جک فوائدی تجربه ایتدیک کبی باغرا ده کیتدیک  
زمان اوزونلغندن ترتیب ایده بیله جک منافی تجربه ایلدی .

باغراد موفقیت سزلکنک کرک پادشاهه کرک اهاالی یه ذره قدر  
تأثیری اولماشدر . پادشاه اوقیش ادرنه ده صفاسیله مشغول  
اوله رق ، ۸۶۱ هجری نیک دخولنده ایسه ودین والیسی اولان حسن  
بک زاده عیسی بکی مجارستانه واورنوس زاده عیسی بکی ده  
آرناودلغه آقین ایتمک مأمور ایتدی . کندی ده شهزادکانندن  
سلطان بایزیدایله سلطان مصطفانک سورختاننه باشلادی .

اولا علمای ضیافته دعوت ایدرک اعظم دن مولانا فخرالدین

فرانسزلر هجوم ایله قلعه یه داخل اولدقدن صکره جزار احمدپاشا، درت بش بیگ باشی بوزوق آرناوود ایله قوجه فرانسزاردوسنی مملکتدن اخراج ایلدی . ایشته عکا موفقیتسزلکی ناپولیونک نصل شان عسکر یسینه طوقنه جق بر حال عداوانه ماز ایسه ایکی طرفک مقدار ومهارته نظر آعکا وقعه سنه قیاس قبول ایتیه جک درجه لرده خفیف اولان بلغراد موفقیتسزلکی ده فاتحک شان عسکر یسینه ذره قدر خلل کتیر مز . بوندن بشقه، دنیاده هر حالی اسباب معینه نتایجندن عدایدن حکمای طبیعه بیله ، محاربه ده پک کوچوک سبیلردن پک بیوک نتیجه لر تولد ایلدیکی جهتله غلبه عسکر یه سطر نچ او یونی کبی مهارت قوتیه بهمه حال قازانیلیر بر حال اولمادیغنی و بناء علیه بر اردو رئیسک بر ایکی مغلوبیتی فقدان اقتدارینه دلیل اوله مایه جغنی اعتراف ایدر لر . شم دیکی فن حربک موجد لر ندن عد اولنان بیوک فره در یقک اوغرا دیغنی مغلوبیتلر قازاندیغنی غلبه لر دن آز دکدر . بو حال ایسه اقتدارینی شبهه یه دوشور مک دکل ، کندیسنی موجدلک ، مقتدالق مرتبه سنندن بیله اسقاط ایتمز . هونیاد وارنده ، قوصوده کندی عسکر ندن آز اولان عثمانیلردن ایکی مدهش ضربه یه اوغرامش ایکن یینه اوزمانک الک بیوک قهرمانلردن عداو لیسور . بو حقیقتلر میدانده ایکن بلغراد وقعه سی مجارلرک مثال کتابلرنده یازلدیغنی یولده بیله اولسه یینه فاتحک بیوک لکنه ، آتشی سلاح ظهور ایتدلا کدن صکره فن حربجه موجدلکنه هیچ بر ضرر







کلیاتِ کلام

بیتھی زینب

عمانہ کی تاریخ

جلد ۲

جلد ۴

استنبول

رسمی کتاب مطبعہ سی

۱۳۲۷

# کلیاتنگار

ایکینجی ترتیب

اسامی آثار

برنجی ترتیب




جلددر ۷

کتابدر ۱۲

اسامی غروش

جلد جرؤ	۳	[ ۱ ] رونان مدافعه نامه سی . . .
۲۵ ۵ [ ۱ ] عثمانلی تاریخی	۵	[ ۲ ] قاره بلا . . . . .
۱۰ ۲ [ ۲ ] تاریخ اسلام	۲۰	[ ۳ ] مقالات سیاسیہ و ادبیہ و رؤیا
۰ ۰ [ ۳ ] آثار پراکنده	۱۰	[ ۴ ] وطن، کنہال، عاکف، زواللی   چوجق . . . . .
هر جزؤك فیثائی (۳) غروشدر	۲۵	[ ۵ ] اشعار کمال . . . . .
کتاب کتاب اولهرق	۱۲	[ ۶ ] جلال الدیق خوارزمشاه . . . . .
برنجی ترتیب   هراییکی آیده بر .	۲۰	[ ۷ ] مکاتیب خصوصیه دن برنجی جلد
جزؤ جرؤ اولهرق هر	۷.۵	[ ۸ ] اوراق پریشان مجموعه سی .
ایکینجی ترتیب   اون بش کونده برنشر	۲۰	[ ۹ ] منتخبات محررات رسمیه . . .
اولنه جقدر .	۷.۵	[ ۱۰ ] جزئی و انباه . . . . .
ایکی ترتیبده برابر اولهرق صره سیله	۲۰	[ ۱۰ ] مکاتیب خصوصیه دن ایکینجی جلد
منتظماً طبع و نشر اولنور .	۵	[ ۱۲ ] تعقیب و تخریب خرابات . . .   رساله لری و سائرده . . . . .



## آبونه شرائطی

مقسطاً تأدیہ ایدلک شرطیله آبونه  
شرائطی :

غروش  
۲۱۶ اثرلر اداره مانادن آلتیق و پشین اولهرق یارم  
و متعاقباً هر اوج آیده بر یاریم تر لیرا آدین  
ایدلک شرطیله .  
۲۴۰ پوسته اجر تندن طولینی تقسیطر ۶۰ غروش  
اولهرق پشین ۳ مجیدیه و هر اوج آیده ۳ مجیدیه  
و برلک شرطیله اقامتکاهه کوندرلک اوزره .

کونونی پشین اولهرق تأدیہ ایدلک

اوزره آبونه شرائطی :

غروش  
۲۰۰ اداره مانادن آلتیق شرطیله .  
۲۲۵ درسعادت و ولایات و ممالک اجنبیه ایچون  
پوسته اجر تده داخل اولهرق اقامتکاهه  
کوندرلک شرطیله .

بوجزؤك فیثائی (۳) غروشدر





اولمش وعموم طوپلرینی غائب ایتمش اولدیغی حالده قارغشه لقله فرار ایدن برعسکری تعقیب ایتمه مک امکانک داخلنده میدر ؟ اهل صلیبه کوره استانبولی قورتارمق ، عثمانیلیری روم ایلیدن وبلکه اللهک مملکتندن چیقارمق ایچون بویله پادشاهی مجروح ، اردوسی پریشان ، طوپلری مفقود اولان زماندن مساعد بر فرصت می بولنه بیلیردی ؟ هاممک روایتیجه اون اتی بیک کشی و حقیقت حاله نظرأ ایتمش بیک عسکرله یالکز سلطان مرادک انزواسندن استفاده ایدرک دولتی محو ایتمه کندینده اقتدار کورن هونیاد ایچون ، باشنده مجار لیلردن بشقه التمش بیک اهل صلیب موجود ایکن ، سلطان محمدک اردوسی طاغتمش و طوپلرینی ضبط ایتمش اولسه ، استانبوله قدر اینمه چالشماق قابلی ایدی ؟ واقعا هونیادده بو محاربه ده مجروح اولمش ایدی ووقعه دن یکر می کون صکرده ترک حیات ایتدی . فقط نه یاره سی تهلکه لی ایدی ، نه ده سبب وفاتی اولان خسته لق محاربه کونلرنده موجود ایدی . بو قدر دلائل حقیقت حالی کویستمکه کافیدر .

معلومدرکه مهاجمه ایله قلعه آلمق ، تشبثات حربیه نک اک خطر لیسیدر . چونکه انتظام عسکرینک محافظه سنه امکان اولیان سوقاق مبارزه لرنده اک کوچوک ظهورات اک منتظم فرقه لرک رابطه سنی اخلال ایدر .

اوروپاده ظهور ایدن دهاته حربک اعظمی اولان ناپولیون دنیانک اک جسور ، اک منتظم براردوسیله عکای محاصره ایتدی .

برده ورتو، قاره‌جہ پاشا ایہ یکچری آغاسنک شہادت لرینی اے  
 بیوک پاشارک، اے مقتدر یکچری ضابطلرینک تلفی صورتندہ  
 کوسترہ جک قدر ضایعاتندہ مبالغہ ایتمش اولدیغی حالده طوپلرک  
 یالکز چیولندیکندن بحشلہ اکتفا ایتزدی .

بوندن بشقہ فاتحک اوچ یوز طوپنی دشمن انہ دوشمش  
 اولمق حد ذاتندہ ده ممکن دکلدر . چونکہ اولا اردودہ اوچ  
 یوز طوپ یوق ایدی . ثانیاً اهل صلیب آلتی بیگ سوارینک  
 میدان حربہ یتشمسی ویاخود سپاہینک خطر جعتلرینی تهدید ایتمی  
 اوزرینہ قلعه یه چکلدکلری زمان طبعیدر کہ طوپلری حیوانلرینہ  
 باغلا یه رق چکوب کوتورمدیلر . آندن صکره ایسه فاتح  
 بلغراد پیشکاهندن چکیلنجہ یه قدر میدان محاربہ کندیسنده ایدی .  
 او حالده نه ضرورت وار ایدی کہ طوپلرینی برابر کوتورمسین؟  
 بلغرادک کنارینہ حصار یامغه وقت بولان فاتح طوپلرینی قالدیرمغه  
 زمانمی بوله مازدی؟ یوقسه مجروحلرینی طاشیمغه عربہ تدارکندن  
 عاجز قالمادیغی حالده ادوات حربیه سنی طاشیمق ایچون حیوان  
 تدارکندن می عاجز قالردی ؟

کرک اردونک قارغشه لقله قاجدیغنک وکرک فاتحک طوپ براقده  
 یغنک اصلسز لغنه اے بیوک، اے قطعی دلیل ایسه، اهل صلیبک عثمانلیری  
 تعقیب ایتدیکنه دائر بلغراد وقه سندن برشنامه دستانی چیقارمق  
 ایسته ین افسانہ نویسارک حکایه لرندہ بیله حرف واحد بولنما مسیدر .  
 التمش بیگ اهل صلیب ایله برابر برحجار اردوسی ایچون، مغلوب

رفع اولنور؟ ثانیاً پادشاه بلغراددن چکلمه دن یاننده کی حواله  
حصارینی اتمام و تجهیز ایلدیکی تواریخ عثمانیه نك الك معتبر لرندن  
اولان روضه الاخبارده مندر جدر؛ بوزغوندن قاجیلیرکن  
حصارمی اتمام و تجهیز اولنه بیلیر؟ دشمنك هجومی صرہ سنده  
قارشیسنده مقاومت اولنورده رجعتی اثناسنده می قاجیلیر؟

فرار مغلوبانه نك اصلی اولمادیغی صورتده ایسه اوچ یوز  
طوپ براقق مسئله سنك ده یالان اولماسی استلزام طریقیه  
ثابت اولور.

ذاتاً طونه محاربه سنده طوپ ضایع اولدیغی اخبارده قصور  
ایتمه ین عثمانلی تاریخلری، محاربه بریه ده ده او یولده بر ضایعات  
وقوع بولسه یدی البته قید ایدر لر دی. باخصوص سلطان محمد  
استانبولی فتح ایتدکن صکره حضورینه کیروب ده بوموقفیته  
صلحانك دعاسی سبب اولدیغی بیان ایدن بعض علمایه قلیجی  
کوستره رك « بو آلت سزك دعالردن دها کسکین ظهور ایتدی »  
دیمش اولدیغدن فاتح، عصری وقوعاتنك مأخذی اولان مؤرخلر،  
پادشاهه بوقول مغرورانهدن طولایي پك منفعل اوله رق بلغراد  
حادثه سنی، علما دعاسنده کوستردیکی استکبار سیئاتندن عد  
ایتمش و بناءً علیه وقعیه یی تحملندن زیاده بیوتمش لر در. بو حالده  
اگر طوپ ضیاعی صحیح اولسه هیچ شبهه یوقدر که « فاتح قلیجنه  
اعتماد ایدرکن طوپلری بیله نصارا انه دوشدی. » کی مضمونلره  
وقعیه یی تعریضلرینه مدار تقویت ایتمکه قطعاً تکاسل  
کوستر مز لر دی.

مهاجمانه مقاومت ايڏي . ڪنديسي مجروح اولديني حالد هڪيچريلر، آغالرينك همته مقام جلا دتلرنده ثبات ايڏيلر . آغالري شهيد اولدي ، اوهرمانلرينه انتظام وماتلرينه خال ڪتيرمديلر . هونياد طوپلرڪ اوزرينه هجوم ايدهرك خطر جعتني آچيق براقدي . سپاهيلرده ڪنديسي او جهتدن تهديد وينه قلعه يه چڪلمكه مجبور ايتديلر . عثمانيلر نصل بلغرادك ضبطنه موفق اوله ماديلايسه مجارلرده اوصورتله عثمانلي اردوسني يرندن قالديرمغه موفق اوله ماديلايسه . قلعه يي ويرمهك شرفي مجارلرده قالديسه صوڪ محاربه ميداني بايرانغك آلتنده بولنديرمق شرفي ده عثمانيلرده قالدی .

آندن صكره فاتحك طوپ براقديني ، اردوسني قارغشلق ايله قالديرديني واقع بيه اولسه بوندن مجارليره هيچ بر حصه فاخره عانداوله مز . او روايتلرڪ اصلي اولماديغي ايسه ثابتدر . اولا بلغراد هجومك ۱۴۵۶ سنه ميلاديه سي تموزينك يكرمي ايكنجي كوني وقوع بولديني هونيادك وقايسترانونك اوراق رسميه سيله مثبت اولديغي هامر بيان ايڏيور . حالبوكه فاتحك اردوسني بلغراد پيشكاهندن آغستوسك آلتنجي كوني قالديرديني تاريخجه مثبتدر . بو حقيقت وقعه ده حاضر اولان نوروج بكنك تاليفيه ( بونفينيوس ) نام مؤلفك مجار تاريخنده ده مصرح اولديني هامرڪ حاشيه لرنندن آكلاشلمقده در . بوزغوناق اوزرينه رفع اولنه جق محاصره مغلوبيتدن اون بش كون صكره مي

کورمدی وقازان دینی فوایدایله اکتفا ایدهرک اهلینک آلقیشلری آره سنده وعسکرینک آرقه سنده برطاقم اسیرلر بولندینی حالده بلغرادده غالبانه عودت ایلدی . سلطان محمد بایغینلنی صاوشدقدن صکره نتیجه کارى سؤال ایتدی. سراینک الك بیوک پاشالری ، وزیرى ویکچیری آغاسی ویکچیریلرک الك بیوک رؤسası تلف اولمش و طوپلر چیولنمش و یوکلر غارت ایدلمش اولدینغی کنديسندن کتم ایدمه دیلر . «

افادات مشروحه دن شو ا کلاشیلورکه فاتح ایله هونیاد برر اردو ایله بربرینه مقابل کلدیلر. فاتحک طوپى، هونیادک قوه بحریه سی غالب ایدی . بونکله برابر هونیاد میدان محاربه سنه جسارت ایدمه دی ، بلغرادک اوزمانه کوره رصانت فوق العاده ایله متصف اولان استحکاماته صیغندی . استحکام برعسکرک قوتى تضعیف اتمک مقرر اولدینغی حالده فاتحینه موجود اولان عسکریه مقدارجه کندينه معادل و فقط استحکامات جسیمه ایله محفوظ اولان دشمنک الندن قلعه یی آلمغه چالشدی؛ تشبثنده موفق اولدی ، عسکری شهرى ضبط ایتدی ، قلعه یه دخول ایلدی . صکره قایسترانو حادثه سی چیقدی ، طالع حربى دیکشیدردی . عثمانیلر موفقیتلرینی اتمامه موفق اولمه دیلر ، ضبط ایتدکلری قلعه یی ترک ایله رجعت ایلدیلر . هونیاد اوزمان میدانه چیقمغه جسارت ایدمه بیلدی، بزم عسکرده خیلی زده لدی . فقط فاتح، اردوسنک رابطه انتظامنی تجدید ایدهرک اهل صلیبک

حسن اغا عسکرینک اکثری مجروح اولدیغنی و قصوری ده امرینه اطاعتدن قالدیغنی بیان ایدهرک نظرگاه پادشاهیده دشمن ایچنه آتدی ، آرادینغی شانلی ممانته نائل اولدی . عاقبت پک زماننده اوله رق آتی بیک عثمانلی سوارسی میدان کارزاره یتشدی ، اهل صلیبی رجعته مجبور ایلدی . سلطان محمد قارغشه لق آره سنده محاصره یی رفع ایتدی و یوز عربه طولوسی مجروح ایله صوفیه یه چکلدی . اوراده قاقاقلرنی اعدام ایدهرک عسکرینک فرارینی منع ایده بیلمشدر . غالبلر اوچ یوز طوپ آلدیلر . قلعه دیوارلرینک پیشگاهنده یکرمی درت بیک عثمانلی ترک حیات ایلدی .

ورنو ایسه هونیادک خارجه هجومی شو صورتله تعریف ایدر : « فقط کندیسی ( سلطان محمد ) ده او صروده باجاغندن بر بیوک جریحه آله رق محاربه ده دوامه اقتداری قالمادیغندن کندینی چادرینه کتوردیلر . سیلان دمک ویردیکی ضعف ایله بایلش ایدی .

« یکیچریلر سلطان محمد چکلدیکی حالده مقاومتده دوام ایتمکده ایدی . هونیادده تزید اقدام ایدهرک بطاریه لری ضبط ایتدی و عثمانیلر اوزرینه ، پادشاهک چادرینه چویردی . فقط قارشیدن خط رجعتنی بر سپاهی غلبه لکی تهدید ایلدیکنی کوردیکندن پک مصرانه بر حرب ایله ترکلری شجاعت معتاده لرندن ده دهشتلی اولان مأیوسیته دوشورمکی مناسب



مقصديني استحصاله امکان قالماديغني وكندينك خطر كاهده بولنماسندن بر فائده حاصل اولمايهجفني بيان ايدهرك بيك بلا ايله پادشاهي چادرينه اعاده ايده بيلديلر . چادره كلديكي وقت باييلمش ايدي . بورايه قدر بيان اولنان وقعه فرنك وروم وعثماني تاريخلرينك بربريني مؤيد ويا متمم اوله رق قبول ايتدكاري روايتلردن خلاصه در . بوندن صكره سي ايچون بزم تاريخلرك بر طاقمي اردونك منهزم اولديغني وروضه الاخبار كبي بعض محققلرده مهاجمه ده موفقيت حاصل اوله ماديغندن قلعه ني تضيق ايچون ياننه حواله حصار ناميله بر قلعه انشاسيله اكتفا اولنديغني بيان ايدرلر .

مؤلفات جديده دن معدود اولان فرنك تاريخلرنده حربك واصل اولديغني نتيجه ايسه ايكي صورتده كوريلوركه بري مجار وروم تاريخلرينك مختاري ، بري ده اقوام متنوعه دن مركب اولان وبواهل صليب عسكرنده ده بعض افرادي داخل بولنان ردوس شواله لرينك روايتدر . برنجيسي هاملردن ، ايكنجيسي ( ورتو ) نك شواله تاريخندن عينا ترجمه اولندي :

هاملر ديركه « فاتح عزبلرك فرار ايتدكلريني وطوپلرينك دشمن الله دوشمك اوزره بولنديغني كورنجه بالذات غضنفرلر كبي حرب ايتدي ، بر قيلج ضريبيله يرخرستيان باشني پاره لدي ؛ فقط كنديسي ده باجاغندن ياره لنديكي جهتله چكلمكه مجبور اولدي و يكيچري اغاسي حسن اغاي شدتله تهديد ايلدي .

آرقه قپوسندن ایچری برخیلی عسکر سوق ایدرک بوقوت ایله  
 یکیچریلری ایکی یه بولمش و بش یوز قدرینی اورتله یه رق قصورینی  
 دیشاری سورمش ایدی . قلیسترانو بونکله اکتفا ایتدی :  
 اهل صلیک اک فدا کارلرندن یاننه بر طاقم سواری آلدی ،  
 محاصره طوپلرینک اوزرینه هجوم ایلدی . محاربه نك طرز  
 جریاننه نظراً بتون بتون خلاف مأمول او یله ایکی بادره نك  
 حدوشندن وبعض روایته کوره هجومی اداره ایتکده اولان  
 قاره جه پاشانک بوسرده شهادتندن اردوده بر فنا قارغشلق  
 ظهور ایتدی . او صرده هونیادده قلیسترانو نك تأییدینه  
 یتشدیکی جهته حالک دهشتی تزايد ایلدی ، رجعت وهزیمت  
 علامتلی کورنمکه باشلادی .

اردوسنده بو تزلزلی کورنجه پادشاهک کمال حدتندن  
 دوداغی یاریله رق قان داملامغه باشلادی . وبر جلادت عضوبانه  
 ایله ارقه سنه زره کیمکه بیله تنزل ایتیه رک یالین قلیج محاربه نك  
 اک حرارتلی جهته آتدی ، عسکرینی بر مثال قهرمانی ارانه .  
 سیله تحریص ایلدیکی صرده اوزرینه هجوم ایدن محار زادکانندن  
 بر سواری یه حیدری بر قلیج ضرب ایدرک مغزریله برابر باشی  
 بوغازینه قدر یارمش ایدی ! فقط بو هنکامه آره سنده کندی ده  
 بر روایتده قلیج وبر روایتده قورشون ایله باجاغدن آغرجه  
 بر یاره آلدی . سیلان دمدن بایلمق درجه سنه کلدیکی حالده  
 نه میدان محاربه دن ایرلق ایسته مزدی . وکلاسی قلعه نك فتحی

یدتصرفند براقدی. و او جهته بر محاصره منتظمه ایله تضیقنه امکان قلمادی .

هونیادک عثمانلی قلیجنه قارشی نفسنه او قدر اعتمادی قلمامش ایدی که بروقت یمش بیک کشتی ایله ادرنه بی ضبط ایتک خویلیاسیله وارنیه قدر کلکدن چکنمه مش ایکن بودفعه آندن زیاده بر اردو ایله نهر اوزرنده برده مظفریت قازاندینی حالده ینه بلغراد قلعه سندن باش کوسترمکه جسارت ایده مدی .

فاتح ایسنه بالعکس کندی اردوسی قدر عسکرله محفوظ اولان بلغرادک جبر و قهر ایله ضبطنه تشبثدن چکنمدی ، محاصره نک یکر می ایکنجی و دونانما مغلوبیتک یدنجی کونی قلعه یه هجوم امرینی اعطا ایدی .

عثمانلی قهرمانلری آلدقلمری امری جانسپارانه اجر ایتدیلر . بر قوجه قلعه دن یمش بیک کشینک یاغدیدینی او قلمره ، قورشونلره اهمیت بیله و یرمیه رک قلعه نک رخنه لرندن کیردیلر ، دیوار لرینه چیقیدیلر ، حیرت افزای عقول اوله جق برصولت مردانه ایله بلغرا ده دخول ایلدیلر . بو اقدمک الک بیوکنه مصدر اولان بیکچریلر ، هامرک افاده سنجه شهرک خارج محللمرینی ضبط ایلدکن صکره ایچ قلعه یه ده او قدر شدتله هجوم ایتمشلر ایدی که هونیادده امکان مقاومت قلمادیغنه قرار و یرمش ایدی .

بو صورتله هجومک نتیجه سی قازانمش و مملکت آلمش اولدینی حالده اهل صلیب رؤساسندن (یوانی قایسترانو) نام راهب قلعه نک

دونا ماسی کبی ایکی یوز سفینه سی وارایدی. محار کملری هجومه باشلادیلر. بزم سفینه لرك یاییشی آغر و کیمجیلری تجربه سز اولدیغندن محار لر بر مصادمه ده دونامامزی پریشان ایلدیلر. بو مغلوبیتده عثمانلی دونماسنك اوچ سفینه سی غرق ودرت کیمی اسیر اولمش وطائفه لرندن ده بش یوزدن زیاده تلفات وقوع بولمش اولدیغنی هامر محار ولهستان تاریخلرندن نقل ایله حکایه ایدر. بو کیلر ده بولنان طویلرک کاملاً ضایع اولدیغنی صحائف الاخبار ده مندر جدر. هونیا دمحار سفینه لرینک قومانداسنی بالذات درعهده ایتمش ایدی. پاشا کیمسنه سفینه سیله چاته رق خاص یونس بکی بوغازینه برخنچر ضربیله بالذات شهید ایلدیکنی لامارتین روایت ایدر، فقط روایتنه بر مأخذ کوسترمز.

کرك سفینه جه وکرك انسانجه وقوع بولان ضایعاتک- مقدارندن آکلاشلدیغنی اوزره محاربه بحریه ثابت کوچک برشی ایدی، فقط صو اوزرنده حربک محتاج اولدیغنی ملکاتی ده اکتساب ایده مه مش اولان عثمانیلرک دوناماسنی معدوم حکمنه کتیردی.

حتی پادشاه محاربه ده دیرکلری قیریلان سفینه لری دشمن انه دوشمه مک ایچون احراق ایتدیردیکی کبی قصور لرینجه ده طونه نك اشاغی طرفلرنده کی محفوظ محارره سوق ایلدی. بو جهته هونیا دك غلبه سی کوچک اولغله برابر غلبه نك نتیجه سی. پک بیوک اولدی که قلعه نك صوجهتی بتون بتون مدافع لرینک.

دشمنك قوتى خيرالله تاريخى اوچ يوزييك كشى يه چيقاير،  
 هاملرده اچلرنده يالكز التمش بيك اهل صليب اولديغنى  
 بيان ايدر . بونلره مجار و صرب عسکرلرى منضم اولديغندن  
 دشمن اردوسى مقدارجه بزم اردودن اشاغى قالمازدى .

يالكز فاتحك اختراع وتوسيعاتى قوتيله عثمانليدرك طوپلرى  
 مجارلره نسبت قبول ايمه جك درجه ده منتظم وكثرتلى ايدى كه  
 دشمنه او جهتله رجحانمز وار ايدى .

پادشاه دها هونيدار كله دن بلغرادى محاصره ايتدى .  
 هونيدارك بلغراد ه طوغرى كلديكنى خيرالدينى صروده روم ايلي  
 بكلربكى قاره جه پاشا قارشى يه كچه رك بلغراد ه وورودنى منع ايتمك  
 رايينده بولمئش ايسه ده سائر امرا بورايك عليهنده بولمئشلا ايدى .  
 خواجه سعدالدين امرانك مخالفتنى تقبيح ايدر . فقط  
 قارشى يه برفرجه كچيرلسه اردو خط مواصله لرنده طونه كى برمانعه  
 عظيمه بولنه جق ايكي قوته تقسيم ايدلك وهيا نجه كچيله جك  
 اولسه بلغراد قلعه سى ارقه ده ، براقيله جغندن ايكي اتش اره سنه  
 دوشولمك مخاطره سى موجود اولماسنه نظراً قاره جه پاشانك  
 رايى مجروح كورينور . ذاتاً رايك مجروح اولديغنه فاتح كى  
 دنيا نك الك برنجى ده اة جلا دتندن معدود اولان برذات طرفندن  
 ردا و لئماسى دليل كافيدر .

محاصره نك اون بشنجى كونى هونيدار ظهور ايدرك اول امرده  
 دونامايه تعرض ايلدى . هامرك روايتنه كوره آنك ده عثمانلى

عزيمت ايلدى. بزم تاريخلر ك رويته كوره پادشاهك بو عزيمتى ك شور كشاق آرزوسى نتايچندن ايدى . حال بو كه اقوام سائر نك تاريخلر دن تاميله آ كلاشديغى اوزره سفره اوروپاده عثمانليره قارشى پاپانك تشكيل ايلديكى اتفاق سبب اولمش ايدى .

پاپا، دخول ايدنلر هر كناهدن معفو اولمق اوزره اعلان ايتديكى بو اتفاقه آلمانيا امپراطور لغنى فرانسه وانكلتره قراللىقلىرى اذخال ايدمه مش ايسه ده مجار و آكا تابع حكمنده بولنان صربستان حكومتلر دن بشقه آراغون قرالى و بوغونىا قرالى وونديك و جنوه جمهورلريله ايتاليا پرنسلىنك كافه سنى وردوس غران مترينى اذخال ايلمش ايدى . پادشاه بو اجتماعى خبر الدغي كې بلغرادى تجاوزات متصوره لرى ايجون اس الحركات اتخاذايده جكلرينى استخبار ويانخمين ايلديكندن هان بلغرادك محاصره سنه عزيمت ايلدى .

هامر پادشاهك اردوسنى يوزاللى بيك كشى يه و طوپلر ينى اوچ يوز قطعه يه ابلاغ ايدر . حال بو كه فاتح زماننده ده دولتك كرك قپويولندن و كرك سنجاقلر سپاهيسندن حربه سوق ايدمه بيلديكى عسكر نهايت سكسان ايله طقسان بيك كشى آره سنده اولديغى تاريخجه ثابتدر . طوپلر ك ايسه يوزيكر مى ميدان و او توز محاصره طوپندن عبارت اولديغى بزم تاريخلر رويته ايدر . محاصره طوپلر ي آلاجه حصارده دو كديرلش ايدى . بوندىن بشقه پادشاهك طونده اولدجه قوتلى برايجه دونانماسى وارايدى كه هامر ك رويتهجه ايكي يوز كيدر مركب ايدى .

ایدی . فقط بشیکه دن کچرکچمز غایت شدتلی بر فورطنه یه اوغرا دیغندن برمدت مدلولو طرفلرنده دولاشدی . بوسرده ده مدلولو حکومتک بر سفینه سنی ضبط ایتمش و فوجه قلعه سنه ده بر از محافظ اقامه ایلمش اولدیغنی مورخ دوقه بیان و مدللی سفینه سنک ضبطنه دروننده ساقزمعبرانندن بر قادین بولنماسی سبب اولدیغنی علاوه ایدرسده فوجه دولتک تصرفنده دکل ایکن اورایه عسکر اقامه سی نه دن نشأت ایتدیکنه دائر برشی سویلمز . دونانمانک اورادن ساقزه قدر کیمسنه لزوم قالمادی :

ساقز حکومتی دولتجه تأدینه جداً قیام اولدیغنی آکلاینجه ساقز اوکنده غرق اولان سفینه ایچون اوتوز بیک آلتون تضمینات ویرمک و جزیه سنی اون بیک آلتونه چیقارمق شرطیه استحصال امانه مسارعت ایلمش ایدی .

مدلینک حاکم جدیدی طرفندن برادری اولان نيقوله لمنینک اداره سنه کونده رلمش ایدی . نيقوله ظالمجه بر آدم اوله رق فاتحک عدل مملکت آرایانه سی ایسه تبعه سنه او قدر سعادت بخش اولمقده ایدی که اورا خلقی اختلاف مذهبه باقمایه رق پادشاهک سایه عدالتنده بولمنغی نيقوله نك اداره سنده قالمغه ترجیح ایلدیلر ، دولت علیه یه عرض اطاعتله کندیلرینه بر مسلمان والی تعیین اولنماسنی التماس ایتدیلر . طرف هایونندن ده بو مأموریته دونانما سردار لغندن عزل ایدلمش اولان حمزه بک نصب واعزام اولندی .

۸۵۹ سنه سنک تموزینه طوغری ایدی که فاتح باغراد سفرینه



عبث ایله اشتغالدن ایسه قلعه‌نک تسلیمنه مسارعتی دها مناسب  
عد ایلدیلر .

بوندن صکره پادشاه یونس بکی دوناماسیله سوق ایده‌رک  
طاشوز وامروز وسادرك آطه‌لرینی ده تسخیر ایتدیردی .  
سلطان محمد مظفرآ عودت ایلدکن صکره دوریا ادرنه‌یه  
کله‌رک وبرچوق هدا یا ایله برابر فوق‌العاده برحسن جماله مالک  
اولان کریمه‌سنی ده حرم هایونه تقدیم ایده‌رک نائل عفو وامان  
اولمش ایدی . فقط طبیعت خونریزانه‌سی حزم واحتیاطنی سالب  
اولدیغندن جزایره عودت ایدرکن یانسه ترفیق ایدلمش اولان  
عثمانیلری اعدام ایده‌رک لمنی‌یه تدر فرار ایتدی . کندیس  
لمیده وفات ایلدیکندن بویوک اوغلی دولته مراجعتله پدرینک  
مسندینی استیصال ایتمش و فقط بومناستله مدیلینک ویرکوسی ده  
ایکی بیک آلتوندن اوچ بیک آلتونه چیقارلمش ایدی .

یکی بک پدرینک وفاتی صردسند باب دولته کلش وسلطان  
محمدی ایزلادی طرفلرنده بوله‌رق حضورده صیرمه ایشلمه‌لی  
خفتان کیمش اولدیغنی ، بک ایله برابر بولنان مورخ‌دوقه‌نقل ایدر .  
ینه‌دوقه‌نک روایتته کوره پادشاهک ایزلادی طرفلرنده بولماسی ،  
استانبولده وبالقانک بری طرفلرنده کی ولایتلرده شدتله برطاعون  
حکمنی اجرا ایتکده اولماسندن ایمش . یونس بک بو  
خدمتدن صکره یالکزجه اون پارچه اوچ او طراقلی واون سکز  
ایکی او طراقلی سفینه ایله تکرار ساقز اوزرینه سوق اولمش

بولنان خرستیانلرک اسلامه ایتمک اذیت بر اقامدقلرینی بیان ایلدیکندن سلطان محمد خواص بنسداکنندن اوصرده حمزه بکک یرینه کلیبولی سنجاق بکی تعین ایلدیکی (خاص یونس) ی حضورینه جلب ایله موجود اولان سفینه لردن اون قطعه سنی عزب عسکر یله تجهیز ایدرک همانینوز اوزرینه حرکت ایتمسینی ومحل مقصوده واصل اولماقجه نه طرفه کیندیکنی کیمسه یه خبر ویرمه سنی تیبیه ایتدی. کندیسی ده براز عسکر له قاره دن دونماسنک تأییدینه عزیمت ایلدی .

عزب عسکرینک دونماده استخدای برنجی دفعه اوله رق یومحاربده کوریلور . صکره لری ایسه بو عادت تکرر اید ایدیه عزب عنوانی سفینه ویریلن جنکجیلره مخصوص بر اسم اولمشدر . خواجه سعدالدین او ائنده اینوزده روم ایمراطورینک اقرباسندن بر « تکور » بولندیغنی بیان ایدر سده روم وفرنک تاریخلرینک اتفادن آکلاشادیغنه کوره اینوز، مدلی و منی و سادرك و امروز وطاشوز آطه لرینه حکم ایتمکده اولان جنویز بکلرندن ( دوریا ) یه تابع ایدی .

دوریا ذاتاً دوناما اینوز پیشکاهنده کورینور کورنمز طاشوزه فرار ایلدی . سفینه لرده کی عسکر ایسه قلعه نک کیجه محاصره سنه باشلامش ایدیلر . ایرتسی کون پادشاه اردوسنک طلیعه سی ده ظهور ایدنجه اینوزک محافظه سنده بولنان عسکر

نتیجہ سز بر اقدی . شو صورتہ کہ حمزہ بک عسکرہ خارجہ  
چیقمامسنی امرایتمش ایکن بر قاق کشی یوزہ رک قرہ یہ چیقیدیلر .  
ایچلرندن بری سر خوش اولہ رق کلیسالردن برینک شقفنہ صعود  
ایلہ کرہ میدلرینی آشاغی یہ آتمغہ باشلادیغندن بر فرنک کندیسنی  
دو مک ایستدی ، ارہدہ بر شدتلی مجادلہ تحدت ایلدی .

فرنکلر وروملر قارہ یہ چیقان عسکرک اوزرینہ صوبہ لارہ  
ہجوم ایتدیلر . عثمانیلر ایسہ دکزہ طوغری فرار ایدہ رک یقیندہ  
بولنان سفینہ لردن برینہ جان آتدیلر . آرقہ لرینہ دوشن حشرات  
غلیان حدتہ کندیلرینی غائب ایدہ رک عثمانیلرک آرقہ سی صرہ  
آنلردہ سفینہ یہ طولدقلرندن کثرت ازدحام ایلہ کمی باتمش وکړک  
ساقزلیلردن وکړک عثمانیلرندن سفینہ یہ کیرنلرک بر چوغی ہلاک  
اولمش ایدی . مملکتک معتبرانی حمزہ بک کلہ رک سفینہ ایلہ  
درونندہ اولان اشیا واسرآنک ایکی قات بدلنی ویریدیلر ،  
حادثہ نک بر مسئلہ شکلی آلماسنہ مانع اولہ بیلدیلر . حمزہ بک  
اورادندہ مدلویہ اوغراقدن صکرہ کلیبولی یہ عودت ایلدی .  
بوسفر بحری پکندہ شانسر دکل ایدی ، فقط فاتحک  
علو ہمتنہ تقابل ایتدی . بناء علیہ حمزہ بک دونما سردارلغندن  
عزل ایلدی . حتی پادشاہک کندیسنی کوردیکی زمان «اگر  
پدرمک او قدر مقبولی اولماسہ یدک سنک دریلرکی یوزدیرردم»  
دیدیکی روم تاریخلرینک روایاتندندر .

اوصردہ فرہجک قاضیسی حضورہایونہ کلہ رک (اینوز)دہ

حمزه بك استانكوی موفقیتسنزلکندن فتور کتیرمه مش  
 ودونانماسیله سومبکی اطه سنی اوره رق خارجه بر آزعسکر اخراجیله  
 اوراده کی قلعه یی محاصره ایتمش ایدی . قلعه نك دیوارلری  
 آلتندن لغملر یوریده رك ضبطنی قوه قریبه یه کتیرمش ایکن  
 شوالیه لر لغملری حس ایتدیله ، آنلرده داخلدن برطاقم لغملر  
 ترتیبیه خارجك حفریاتی ابطال ایلدیله . بوجهته حمزه بك  
 سومبکینکده فتحنه موفق اوله مادی . مع مافیه ینه ذره قدر  
 یأس کتیرمدی . ردوسه یوریدی . چونکه مأموریتنک اساسی  
 قلعه فتح ایتك دکل ، شوالیه لری تأدیب ایتك ایدی .

ردوس قلعه سی معیتده اولان قوتله آله بیله جك شیلردن  
 اولمادینی ایچون حمزه بك مملکتدن اوزاچقه محله براز عسکر  
 چیقاره رقدوسك ائثروتلی واک نفوسلی محلی اولان (ارخنجلوس)  
 قصبه سنك محافظدن خالی اولدیغنی تحقیق ایتدی . اتی دوز  
 برطاقم صندالر ايله اورایه عسکر دوکهرک ارخنجلوسی غارت  
 ایتدی . وعودت ایدرکن اوزمان ردوس شوالیه لرینه تابع  
 بولنان سومبکی وانجیرلی واستانکوی ولریوزوقالینوس اطه لرینی ده  
 یغما و تخریب ایلدی .

حمزه بك ، ساقزدن دونانمایه آلدیغنی ایکی وکیل ايله بالماذا کره ساقز  
 حکومتی طرفدن باب دولته بر سفیر کوندریله رك دراپرك آله جق مسئله  
 سنه بر صورت تسویه بولنماسنی قرالشدیرمش ایدی . ساقز بکی ده  
 بو صورته موافقت ایلدیکی حالدده ناکهانی بر حادشه بوتصوری

ضبط ايتمه كده اماكان كوردمدى. يالكز اطرافده اولان كوپلرى  
 يغما ايله اکتفا ايدى. بو خسار اوزرينه ساقزليلىر چاره سز  
 ير صورت تسويه بولمغه قالقشديلر. حمزه بك، دراپر ايله  
 اوزلاشمق ايجون كمى يه بر ايكي وكيلى كوندرمىنى اخطار  
 ايتمايدى، ساقزليلىر وكالته براختيار ايله زادكاندن بردلى قانلى  
 تعيين ايتديلر.

دوقاسك روايته كوره بونلر جوارده بولنان عثمانلى عسكرينك  
 ياننه كلدكلرى حالده اليقونيله بيله جكلرينى بلاسبب تخطر ايدى درك  
 همان شهره طوغرى تحويل عنان ايله قاچمغه باشلاديلر. عثمانلىلر ده  
 طبيعى بونلرى عودت ايتمه براقامش و سوءظنلرينه مجازاة  
 قورقدقلىرينه اوغراده رق دونمايه كتورمش ايديلر. حمزه بك  
 ردوسه متوجهاً همان اوكون ساقزدن ده دمير قالد يردى.

هامر حمزه بكك ردوسى پك مستحكم بولديغندن اوراسى  
 ايله اوغراشمقده يرفانده كورمه مش واستانكويه واصل اولديغى  
 صرده ده مملكتى خراب ويالكز برقاچ فقير وعليل ايله مسكون  
 بوله رق اوراده كى شواليه طاقيله اهالينك ينه استانكوى داخنده  
 (داجيا) نامنده بر قلعه يه چكلدكلرينى خبر آلدیغندن اورايه  
 كیده رك قلعه يي يكرمى درت كون محاصره ايتمش ايسه ده ضبطنه  
 موفق اوله ميه رق ينه ساقزه عودت ايتمش اولديغى بيان ايدر.  
 ورتو ايسه شواليه لره دائر اولان تاريخنده دونمانك  
 بوسفرينه دائر ده ايرطاقم تفصيلات ويرر. آنك روايته كوره

شاب بدندن طولای بورجلری اولان قرق بیك آتونی ساقزلیلر اعطا ایتک ایسته مدکلرندن و پادشاه نظرنده ایسه تبعه سندن برینک حقی دولتک کافه حقوقی درجه سنده واجب الوقایه بولندیغندن ساقزلیلرینه ایفای دیندن استکاف ایدرلرسه اعلان حرب ایتسینی حمزه بکه توصیه ایتش ایدی .

تبعه دن بر آدمک حقی دولتک کافه حقوقیه مساوی طومتق بر فردینه بر جمعیت قدر اهمیت بخش ایدن جهانگیر حکومتلرک شانیدر . بوقاعده یه رعایت قوتیله درکه انکلتره نك تجارتی اوتوز بش ملیون خلقه ایکی یوز اللی ملیون اقوام متنوعه اوزرنده انفاذ حکم ایدجک درجه لرده اقتدار بخش ایلشدر . فاتح بو درلو علویات سیاسیه نك هیچ برینی فرصت دوشوردکجه ظاهره اخراجده قصور ایتمه مش ایدی .

حمزه بک پادشاهک امرینی ساقز معتبراننه اوقودی . آنلر ایسه بورجلرینی انکار ایتدیلر ، دراپره هیچ بر پاره ویرمیه جکلرینی مصرانه بیان ایدیلر . حمزه بک بویله بر جواب آلور ایسه مملکتی اورمغه مأمور ایدی ؛ فقط لیمان قلعه دن بشقه بر اوتوز قدر سفینه ایله محفوظ اولدیغندن دخوله امکان کورده مدی . سفینه لرینک بولندینی یردن ایسه طوپلری مملکتی دوکسکه یتشمزدی . قرده یه عسکر دوکدی ایسه ده مملکت ضبطنه کیتمدیکندن دوناماده حرب ایدیه بیه جک عسکر آز ، محاصره طوپی ایسه هیچ یوق ایدی . بناء علیه مملکتی قاره دن

وردوس آطه لرینه یناشه رق براز عسکر اخراجیه خلی غنیمت واسیر آلدقدن صوکره عزیمت ایتمشلر ایدی . آنلری متعاقب حمزه بك یکر می بش اوچ اوطور اقلی ، اللی عدد ایکی اوطور اقلی ، یوز قدرده بر اوطور اقلی سفینه ایله استانبولدن حرکت ایلدی . اوزمان مدلیده بک خدمتنده بولنان دو قاسک ویردیکی تفصیلاته کوره حمزه بك اول امرده مدلییه اوغرایه رق قرق سکز ساعت قدر آرام ایتمش ایدی . مدلی بکی دولتک جزیه کذاری اولدیغدن دوناماسر دارینی بعض هدایا ایله آغیرلادی . بو هدایا بعض ایپک البسه ایله آتی بیک فیورین ، یکر می اوکوز ، سکسان قیون ، سکز یوز شیشه شراب ، اون قطار پینیر ایله اکمک وپکسات و میوه دن عبارت ایدی .

هدایانک آره سنده شراب بولماسی شایان دقتدر . اسلام کیملرنده عشرت ایدن بولنسه ده بونلره البته رسمی اوله رق شراب تعینی ویرلمز ایدی . کورجکی اولان اسرایه ده هیچ شراب ایچیرلمیه جکنده شبهه یوقدر . بو حاللر فاتحک سفینه لرنده خرستیانلردن ده عسکر قوللاندیغنی کوستیر . چلبی سلطان محمدک دوناماسنده ده خرستیان کمیچی بولندیغنی کلیسولی محاربه بحر یه سنک تعریفاتی صره سنده کورمش ایدک که اوده بو مطالعه نک صحتی تأیید ایدر .

حمزه بك مدلیدن ساقزه عزیمت ایلدی ، فقط اوراده مدلیده کی معامله یه مظهر اولمادی . غلطه تجارندن ( دراپر ) نامنده برینه



ایدی . شوالیهلرک غران مترى بولنان ( دولاستیق ) ، سن ژان شوالیهلری تاریخک مؤلفی اولان فرانسه ادبای مشهوره سندن ( ورتو ) نك روايته کوره ، شوالیه فرقه سی کنديسنه مستقل وهردرلو جزیه کذارلقدن مصون اوله رق تودیع ایدلمش اولدیغندن بو فرقه یی استقلالندن محروم و خراج ویرمکه منقاد ایتمکدن ایسه اولمکی ترجیح ایده جکنی وهامرک نقلنجه ، ردوس شوالیهلری پاییه تابع اوله رق پایا طرفدن ایسه ادیان سائر حکومتلرینه دکل ، حتی خرستیان حکومتلرینه بیله ویرکو اعطاسندن ممنوع اولدیغنی و فقط استانبوله نشانه حرمت اوله رق هر سنه بعض هدایا ایله بر سفیر کوندره بیله جکنی اشعار ایلی و «بکا قارشی پادشاه ایستدیکی کبی حرکتده مختاردر» سوزینی ده علاوه ایتدی . فرنک تاریخلرینک ظنجه بو جواب فاتحک عظمتنه طوقوندیغندن وجوده کتیردیکی دونامای شوالیهلرک تأییدنه استخدام ایتک ایسته دی . حال بوکه ورتو پادشاهک صربستان محاربه سیله مشغول اولدیغنی صروده ملکک جنوب طرفنی اشغال ایچون ردوس شوالیهلرینک دوناملرینی سواحل عثمانیه تسلط ایلدکلرینی بیان ایدر . بو حرکتک جالب تأدیب اولدیغنی میدانده در . بوندن بشقه فاتحک خراج تکلیفنده التزام ایلدیکی قاعده شرعیه یی شوالیهلرک کوستردیکی مخالفت اوزرینه سلاح ایله تأیید ایتمی اقتضا ایدردی . بو جهتله اولا دوناماسنک بر جزوی اولان اوتوز سفینه استانکوی

ایدردی . برنجی قوصوه محاربه‌سندہ آناطولی بکر بکلکنده بولنان صاروچه پاشانک اوزمانلره قدر حیاتده اولماسنه نظراً احتمال که فاتحک یاننده ایکی قوصوه محاربه‌سندده بولنش بقایای شهدا وار ایدی . بلکه صاروچه پاشا بیله او فرقه ناجیه‌نک آره‌سندده ایدی . کیم بیلیر او مجاهد لر دنیا کبی ، دولت کبی ، فرائض غزا کبی ، موت کبی تصورات جدیدیه نه درلو نظر حکمتیه باقارلر ایدی !

خواجه سعدالدین فاتحک سلانیکده عیش و صفا ایله مشغول اولدیغنی بیان ایدرسده ده هامرک روایتته کوره سلانیکه کیمسی اکلنجه ایچون دکل ، دوناماسنک حرکاتنه نظارت ایچون ایدی . چونکه استانبول محاصره‌سندده دونامانک اوغرا دیغنی موفقیتسزک اوزرینه دولتک قوه بحریه‌سنی مطلقا ایشه یارایه‌جق برحاله کتیرمکی التزام ایدرک اولدقجه مکمل بر دوناما ترتیب ایتمش وقوماندا سنی پدرینک مقبول بندکانندن حمزه بکه [ ۱ ] تودیع ایش ایدی .

سلطان محمددها صربستان سفرینه کیمه‌دن اول اطرافنده بولنان خرستیان حکومتلریله تجدید صلح ایلدیکی کبی ردوسده بر سفیر ارسال ایدرک شوالیه‌لره دولت علیه‌نک عهدینه داخل اولمق ایچون جزیه قبول ایتلری لازم کله جکنی بیان ایتمش [ ۱ ] بو حمزه بک سلطان مرادک مقبول بندکانندن اولمق قیدینه نظراً بایزید پاشا برادری حمزه بک اوله جقدر .

وقعه نك زمان جریا نجه ده سهو وقوعه احتمال ویریه مز. چونکه  
 هامر فاتحك نوا برده بی ضبط ایله دیکنه دائر ۱۴۵۵ جزیراننك  
 اون برنده راب طرفلرینه خبر کلدیکی (آنزل) ك صربستان  
 تاریخده مندرج بولندیغنی بیان ایدر ؛ او تاریخ ایسه نوا برده نك  
 خواهده کوستریلن زمان فتحه مطایقدر ؛ ایکی ملتک یکدیگریه  
 آسنانلی اولیان مؤرخلری ده بریا کلسلقده اتفاق ایده میه جکلیری  
 شبهه سزدر . بو حالد نوا برده سفرینك اصل سببی آرائلق  
 لازم کلیورکه آنی بولموقده کوچ یر شی دکلدرد ؛ معلومدرکه  
 نوا برده بی سلطان مراد ثانی فتح ایتمش ایدی . صوکرده دن  
 کیمسه یه برعهد ایله ترك اولنمادیغندن صربستانک یدینه نه صورتا  
 کچمش اولسه دولتجه بوکا غضب نظریه باقلمق طبعی ایدی .  
 دولت علیه ممالک مغصوبه سنی نه زمان فرصت بولور ایسه استرداد  
 تشبثده اهل ایتمزدی ، فاتح بوزماتی توایرده نك نچه اغتصابدن  
 تخلیصنه مساعد بولادی ، آنک ایچون فتحه قیام ایلدی .  
 فاتح بو سفردن عودت ایدرکن جدی خداوندکار ایله  
 پدری سلطان مراد ثانیك خیالات شان وعلویتلریه مالامل  
 اولان قوضویه اینه ركروخلری ایچون صدقه لر طاغتمش ایدی .  
 استانبول فاتحنی قوضوه مظفرلرینك جلوه گاه اقبالده  
 کورمك قدر علوی تماشالر هرملته نصیب اولمش سعادتلردن  
 دکلدرد . کیم سیلیر فاتحله اومشهد مقدسده بولتان عثمانلی قهرمانلردن  
 هر برینك قلبی نه قدر شدید ، نه قدر مقدس حسیات ایله هیجان

مقدم روم ایلی بکلیر بکنه تعیین ایلدیکی مشهور محمود پاشایی  
 الجآت ویاخود کندیسنه حاصل ایتدیکی کمال توجه سائقه سیله  
 او مسند جلیله ترفیع ایلدی . محمود پاشانک سلطان محمد  
 حاصل ایتدیکی انتساب علم و عرفانی سایه سنده ایدی ، فقط  
 یومأموریته کلدکن صوکره قلیچنک قوتی ده ذکا و معرفتنک  
 کالی ایله مساوی اولدیغنی خدمات جلیله سیله اثبات ایلشدر .  
 ۸۵۸ بهارنده ایدی که فاتح اسکوبه عزیزمتله اورادن (نوا برده)  
 اوزرینه یوریدی وقلعه یه تسلیم تکلیفی قبول ایتدیره مدیکندن  
 یدی کون محاصره ایله فتح ایلدی . خواجه سعدالدین ، اسحق  
 زاده عیسی بک صرپ قرالی لازارک وفاتی جهتله مملکت  
 خالی قالدیغندن اورالارک فتحده سهولت اولدیغنی عرض ایتدی  
 اوزرینه او طرفه سفر وقوع بولدیغنی روایت ایدر . حتی عیسی  
 بک نوا برده محافظنه استیمان تکلیف ایتدیکی صرعه لازارک  
 وفاتی جهتله کندیسنجه صداقتله مکلف اوله جق کیمسه قالمادیغنی  
 سویلش وقلعه محافظی ده لازارک بر قیزی قاله رق اوده بوسنه  
 قرالنه تزویج اولندیغندن قلعه نک آنلره عائد اولدیغنی معرض  
 جوابده بیان ایلش اولدیغنی ده نقل ایدر . حال بوکه یالکز بر  
 قیز وارث براقان لازار ۸۶۳ سنه هجریه سنه تصادف ایدن  
 ۱۴۵۸ سنه میلادیه سنده یعنی نوا برده وقعه سندن درت سنه  
 صوکره ارتحال ایلش ایدی . او جهتله بو سفره خواجه نک  
 دیدیکی کبی قرالک وفاتی سبب اولق امکانک خارجنده در .

قبول ائمه مشاير اولماسي حسييله بو حرکتي مغلوبيت تامه نتايجن دن بولنديغنه وقايعك صورت جرياني بينه كافيه در .

ينه ۸۵۸ نيساننده ايدى كه ونديك جمهورى طرفدن مارسلو نامنده بر سفير كه رك، جمهورك آرناوودلق طرفنده متصرف اولديغى يرلر ايجون سلطان مراد زماننده ويرديكي جزيه يي تسويه ايتك ومقابلنده ونديكليلر حریت تجارت حقندن رواستانبولده بر سفير بولنديرمق صلاحيتندن مستفيد اولمق اوزره تجديد صلح ايلدى . ونديكه مربوط بولنان وچلبى سلطان محمد وقوعاتنده كورلديكي اوزره ماهيت عهديه سنك تعيين ائمه مسى عثمانليلرله ونديكليلر بيننده برنجى محاربه بحريه نك وقوعه سبب اولان ناقسودوقه سى ده بو عهدنامه نك حقوق ووظائفندن صراحة حصه دار ايلدى .

پاپا ريغوپولونك روايته كوره پادشاه، روم بطريقرخانه سنك ونديك تصرفنده بولنان يرلرده كي املاك وساير حقوقه دائرده جمهور ايله بر مقاوله عقدايده رك روملره، بر ضعيف حكومت مليه دن محروم قالديلر ايسه اقوام سائرده قارشى هر نوع حقليرى محافظه ايده جك ير صاحب شوكت حامى تبعه پروره مالك اولدقلىرى اثبات ايلدى .

سلطان محمد خليل پاشانك اوضاعندن حاصل ايتديكي نفرت جهتيه آنك اعدامندن صوكره صدارته كيمسبه يي تعيين ائمه مشاير ايدى . صربستان سفرندن عودتى صره سنده برمدتجك

ایدر لر ایدی . بوحاله نظراً سمندره محاصره سی دینیلن شی .  
بتون بتون مخترعاندن دکلسه بعض آقجیلرک تجربه طالع  
یولنده برصولترلندن عبارت قالمق لازم کلیر .

فاتح صربستان اوزرینه بالذات کیتدیکی زمان یکر می ایکی  
بیگ عسکر کتورمش ایکن امراسندن بریسنی اوراده بر اقدینی  
زمان یانسه اوتوز ایکی بیگ کشی ویره میه جکی ، چونکه یکر می ایکی بیگ  
کشیدن اوتوز ایکی بیگ کشی تفریق اولنه مایه جنی میدانده در .  
بوحاله و بزم تاریخدرده بحثنه بیله تنزل اولنمامسنه نظراً هامرک  
فیروز بک دیدیکی فیروز اوغلی محمد بک ایله هونیادک محاربه سی ده .  
جزویاتدن بر شی اوله جقدر .

یوقسه پادشاه جداً سمندره سی محاصره ایدرک آله مامش .  
و فیروز اوغلنک اوتوز ایکی بیگ کشیلک بر اردوسی  
بوزولمش اولسه یدی نه هونیاد فاتحک دهها طلیعه سنی کورمه دن .  
آوازه هجومیله مجارستانه قدر قاجمغه ، نه صرپ قرالی جزیه سنی  
اوچ مثلنه چیقاره رق استدعای صلح ایتمکه مجبور اولوردی .  
هامر ، هونیادک مجارستانه عودتی نه قدر مظفرانه تعیر یله وصف  
ایتسه و صرپ قرالنک اوتوز بیگ آلتون عرضیله صلح طلبنی  
نه مرتبه خفیف وعادی بر وقعه کبی کوسترمک ایسته سه ،  
هونیادک عودتی اک واضح معناسیله فرار اولدیغنه و صرپ  
حکومتک هیچ بروقت عثمانیلره قارشی بو قدر آغر بر تکلیف .



کشی ایله فیروز بکی براقش ایدی . هونیاد ایله ضرب قرالی ( ویرونه ) طرفنده فیروز بکی مغلوب واسیر ایلدیلر . وودین ایله ( پیروته ) بی احراق واطرافنی یغما و تخریب ایلدیلر . فاتح بو خبری آلیز آلامز ادرنه دن حرکت ایدرک صوفیه ایله پیرون آره سنی اردوگاه اتخاذا ایلدی . فقط هونیاد مجارستانه غالبانه عودت ایتمش و ضرب قرالی ده اوتوز بیک آلتون جزیه عرض ایلش اولدیغندن فاتح صلحه مساعده ایتدی وادرنه طریقاه استانبوله عودت ایلدی . «

هامرک ویردیکی تفصیلات بزم تاریخلری مکمل اوله بیلیر ؛ فقط مبالغه لرندن ، تناقضلرندن تجرید ایدمک لازمدر . اوله پادشاه صربستانه یکرمی ایکی بیک سواری ایله کیدنجه بالطبع قلعه فتح ایتمک ایچون عزیمت ایتیه جکندن هم سترویحه هم سمندرہ بی دفعه محاصره ایتمش اولماسی عقله یقین کورنمز . بزم تاریخلرایسه سمندرہ نك محاصره اولندیغندن بحث ایتدکن بشقه بالعکس صربستان قرالی سمندرہ محاصره اولنه جق ظننده ایکن سترویحه نك اوزرینه کیدلدیکنی تصریح ایله سمندرہ نك محاصره اولنمادیغنی کوسترمکده در . حال بوکه عثمانلی تاریخلری برقلعه اوزرینه وقوع بولان تشبثک موفقیتسزلیکنی دکل ، آندن دهها مهم مغلوبیتلری بیله کم ایتدکلری یوقدر . خصوصیه پادشاه بالذات سمندرہ نك اوزرینه کیتمش اولسه بر چوق امثالنه نظراً تشبث نتیجه ویرسه ده ویرسه ده بیان



صوکره ینه نهرک اوته سنه کذار ایتشلر ایدی . فاتح صوفیه یه کلوبده بو خبری آنجه اردوسنک بر مقداریله دیوانهایون طاقنی اوراده ترک ایدرک یالکز یکر می ایکی بیگ سواری استصحاب ایتدی و صربستانه بو قوتله دخول ایلدی .

« قرال یورکینک ویردیکی امر اوزرینه اهالی مجارستاندن کله جک امداده انتظار اقله لره چکلمش لر ایدی . فاتح عسکرینی ایکی یه تقسیم ایدرک مملکتک ایکی کلیدی مثابه سنده اولان سترویجه و سمندره اوزرینه سوق ایلدی . عثمانلی سواریلری بتون صربستانی پایمال اقدام ایدرک یالکز آتی بیگ اسیر آلمش ایدی که بونلرک درت بیکنی فاتح استانبول جوارنده اعمار ایلدیکی کویلرده اسکان ایتشدر .

« سلطان محمد سمندرنک فتحنه موفق اوله مادی . خارج دیوارلری عثمانیلر طرفندن ضبط اولنمش ایسه ده مملکته مشرف اولان ایچ قلعه مقاومت ایلدی . سترویجه محافظلری پک زیاده جسارت کوسترمش و خارجه شدتلی هجوملر ایتش اولمغله برابر فاتحک طوپلری قلعه نک دیوارلرینی خاک ایله یکسان ایتمهک باشلا دیغندن ایستدکلری یره کیتمک شرطیله مملکتی تسلیم ایلدیلر . فقط مستحفظلر بو شرطه مغایر اوله رق اسیر ایلدیلر .

« پادشاه سمندرنک محاصره سنی رفع ایله ادرنه یه عودت ایتش وهونیاد ایله صرپ قرالنک معیتلرنده مجتمع اولان مجار و صرپ اردولرینک دفع صولتی ایچون اوتوز ایکی بیگ

صرب قرالى پادشاهك حركتنى خبر آنجه سمندردنك هدف عزيمت اولديغنه زاهب اوله رق اوراده موجود اولان اموالى بزم تاريخلرك سوريجه حصار طرزنده يازدقلى (سترويجه) قلعه سنه نقل ايتمش وكندى ده اولاد وعياليه برابر مجارستانه فرار ايلمش ايدى . پادشاه ايسه صرب قرالنك تصويرينه مخالف اوله رق سترويجه يي محاصره ايلدى وواقع اولان هجوملرده ايكي طرفدن خيلى تلفات ويرلدكن صوكره قلعه امان ايله تسليم اولندى . صرب قرالنك كندينه مخصوص نه قدر اموالى وار ايسه بو قلعه ده اغتنام اولمش ايدى . امواله حصارى ده بو سفرده فتح اولندى .

پادشاه بو فتحلردن صوكره فيروز اوغلى محمد بكي صربستانك سائر جهتلرينه ده آقينه مأمور ايدرك عموم عسكرى دلشير اغتنام ايتدكن صوكره صرب قرالنك مقابله يه كله مسندن طولاي بو قدر تاديب ايله اكتفا اوله رق ادرنه يه عودت اولندى . متعاقباً صرب قرالنك سفيري كله رك جزيه سنى اون ايكي بيك آلتوندن اوتوز بيك آلتونه ابلاغ ايدجكنى عرض ايله استيمان ايلديكندن استدعاسى اسعاف ايدلمشدر .  
هامر ديركه :

« سلطان محمد كوندرديكي سفيرك تأخر ايتمى اوزرينه صرب اوزينه حركت ايلدى . عثمانلى اردوسى يولده ايكن مجارلر طونه يي كچه رك طرنوده وحواليسنى غارت ايتدكن

صرب قرانسه ویرمک تکلیفنده بولماسی ده بر سبب معقوله حمل اولنه بیله جک شیردن دکدر .

خواجه سعیدالدین ایسه، صرب قرالی باب دولته کوندردیکی سفیر ایله مقدا دولت علیه ملکندن ایکن اخذایدیکی قلعه لردن بعضیلرینک مفتاحنی تقدیم ایتمش ایسه ده پادشاه جمله سنک تسلیمنی ایسته مش و او ایسه موافقت ایتد کدن بشقه ممالک اسلامیه یه ده تعرض ایلش اولدیغندن و حتی صرپیلیرک دفعی لازم اولدیغنه دائر پرشته قاضیسنک حضورهایونه عرضی کلدیکندن طولاینی صربه اعلان حرب اولندیغنی بیان ایدر . صرب قرالنک طوروب طورورکن فاتحه قلعه مفتاحی کوندرمش اولماسی پک ده معقول کورنمز ؛ فقط فاتحک صرب قرالندن ایستدیکی رلر، سلطان مراد زماننده اله کچدیکی حالد یه صرپیلیرک استرداد ایلدیکی محللر اوله جغنده شبهه یوقدر . تاریخنک مبدأندن بری کورملکده درکه بر کره ضبط ایتدیکی یره دائما کندی ملکی نظریه بافق وبشقه بر حکومته ترکی موقت عد ایلک دولتک قواعد مستمره سیاستندن ایدی .

حربک صورت جریاننه کلنجه : بزم تاریخلرک روایتته کوره سلطان محمد پرشته قاضیسنک عرضی اوزرینه سرحد آقچییلرینی صربستان اوزرینه سوق ایله برابر کندیسی ده کمال غیرتدن اردوسنک اجتماعنی بکله میهرک یالکز قپو قوللریله آقچییلرک آرقه سندن دشمن ملکنه شتاب ایلدی .

مكافاة ايتديكمزدر . مجبور اولورسهق بر جزاي امهال ايدرز ، فقط وقتي حلول ايدنجه مجرمك تادينده قطعاً اهمال ايتيز . «  
 طورخان بكك بو نصيحتلری پك ساده ايسهده حقيقت حالده حكمت عمليه جه اك زياده ايشه يارايان شيلر هر كسك بيلديكي ، هر كسك آكلاديني سوزلردر . شهبه يوقدر كه مكافاة و مجازاتك فائده سنى بيلمه ين دنيا ده هيچ بر حكومت بولماز ؛ فقط بو قدر آچيق بر فائده دن حقيسه متمتع اولان حكومتلر ، اوليانلره نسبت نادر كورينور .

۱۸۵۸ بهارنده طورخان بك مورديه كيتديكي كبي پادشاهده صربستان اوزرينه سفر آچمش ايدى . هائمر ، مؤرخ دو قادن نقل ايله پادشاه صرب قرالنه « حكومت ايتديكك مملكت سنك دكل لازارك اوغلنكدر . و بناءً عليه - لازارك قيزينك قائم والده سنك ( و يا خود او كى والده سنك ) حائر اولديني حقوق جهتيله - تصرفى بكا عائددر . مع مافيه سكا باباكك حقي اولان يرلره صوفيه يي ويره بيليرم اكر بو صورته قائل اولمازسهك آرامزى قليج فصل ايدر » مائلنده بر نامه كوندرمش و صرب قرالى ده پادشاهك سفيريني بر قاچ كون توقيف ايله استحكاماتك تعميرينه چالشدقن صكره استمداد ايجون هونيا ده كيتمش اولديغدن صرب محاربه سى بو صورته وجوده كلديكنى بيان ايدر . پادشاهك دعواى قرابتله صربستاندن مملكت ايسته مى قواعد شرعيه و عادات عثمانيه يه مغاير اولديني كبي صوفيه يي

فرقه نك ریاسته کچدیلمر ، موردنك اوتنه سنه بریسنه تسلطه باشلادیلمر .

بو حال اوزرینه پائولوغلر دولتن استعانه ایتدیلمر . توابعنه لطفی ، اعداسنه قهرندن دون اولیمان فاتح ده طورخان بکی امداد لرینه مأمور ایلدی .

طورخان بك ایکی اوغلی وستجاغنگ سپاهی آقنجیسی ایله ۸۵۸ بهارنده کوردوس بوغازندن کچهرک ضرب شمشیریله عصاتی تأدیب ایتمش وارناوودلردن اون بیك قدر اسیر آلهرق عودت ایلشدر .

مؤرخ دوفا، طورخان بک مورده پرنس لرینه برخطابنی نقل ایدرکه او زمانده کی عثمانلیرک فکرینه بر درجه یه قدر موافق بولمق جهتیله احتمال صحتی غالب اولدیغندن مآلاً نقل اولندی : « اکر پادشاه حالکزه مرحمت ایدوب ده امداد کزه کلسه یدی ، ایشکز بیتمش ایدی . اداره کزک فناغنی کندی تجربه کز سزه کوسترییور . بوندن صوکر تبعه کزی دها اینی بر یولده اداره ایتمهک مصاحت مجبور ایتمکده در . خصوصیه سزه ، بررکزه اوغراشوب ده کندی کندی کزی خراب ایتمکدن چکنمکزی نصیحت ایدرم . عاصیره مرحمت ایتمکز ، یکی شیلر چیقارمغه چالیشانلره پک مساعده لی طورانیمکز . بزلی ذروه اقتداره اصعاد ایدن ماده کوتولره مجازات ، ایلره

شرطیه تجدید صلح ایتشلرایدی . راغوزه جمهوریتک جزیه سی ایسه بیک بش یوز آلتوندن اوچ بیک آلتونه چیقارلدی . راغوزه جمهوری استانبولدن قاجان روم معتبرانه پک زیاده حرمت ایتدیکی ایچون فاتح طرفدن تزید جزیه مجازاتنه اوغراداغنی فرنک تاریخلری روایت ایدرلرکه زمانک عاداتنه تطبیق اولنورسه پک ده صحیح عد اولنمایه جق بر روایت دکادر . فاتح استانبولک محاصره سنه عزم ایلدیکی صروده ایمپراطور قسطنطینک مورده بولنان برادرلری طوما ودیمتریدن کوره . بیله جکی معاوتی منع ایچون طورخان بکی موریه تعیین ایتمش و اوده طرابلیجیه قدر کیدرک پرنسلره حرکته مجال بر اقامش اولدیغنی محنده بیان ایتمش ایدک .

طوما ایله دیمتری استانبولک آلتدیغنی خبر آلدقلمی کبی کندیلرینه کله جک نوبته انتظاردن ایسه ایتالایه فراری قرارلشدیرمش ایکن دولتک اون بیک التون خراج ایله ملکلرینی کندیلرینه ترک ایتکه موافقت ایلسی اوزرینه عزملرندن صرف نظرایتدیلمر . فقط استخدام ایتدکلمی ارناوود عسکرینک رؤساسندن ( طوپال پترو ) نامنده برادم او صروده عصیان ایله موریه استیلا داعیه سنه قیام ایلش ایدی . بوندن بشقه ( قانتاقوزن ) اولادندن مانول ، طوما ودیمتری پالتولوغ علیهنه اختلال فرقه سی تشکیل ایلدیکی کبی ایمپراطور قسطنطینک اصهارندن ( لوقانوس ) و ( زخاریا ) نامنده ایکی آدمه بر

ایچون مناسب اولان اصحاب صنایعك استانبوله نقل ایدلمسی  
 حقنده سنجاق بکترینه اوامر مخصوصه کوندرمش ایدی .  
 ادرنده براق آی اقامتن صکره استانبوله عودت ایدی .  
 ۸۵۸ سنه سی دخول ایتدیکی صرهده ابویوب انصاری تربهنده  
 اولان جامع شریف ایله شمدی دائره عسکرینهك بولندیغی  
 محله صکره لری اسکی سرای نامنی آلان ابنیه جسیمهك  
 انشاسنه مبادرت ایتدیردی . اسکی سرائک یرنده برکلیساخرا به سیله  
 برطاقم ایمپراطور مزارلری واریدی .

یوقاریده بیان ایلدیکمز وقایعدن خلیل پاشانك حبسی  
 پادشاهك استانبوله وقتلی ایسه ادرنده بولندیغی صرهده  
 وقوع بولمش واستانبول بطریق لکنی ابقایهدها ادرنه کیمه دن  
 اول قرار ویردیکی حالده ینادییوسك بر مدت بولنه مامسی  
 جهتیه فاتح بطریق نصبنی ادرنده دن عودت ایلدکن صوکره اجرا  
 ایتمش ایدی .

ادرنده بولندیغی صرهده ایسه صرپ قرانك، مورده  
 بولنان و صوك ایمپراطور قسطنطینك برادری اولان روم  
 پرنس لرینك ، مدلو و ساقزه اجرای حکومت ایدن جنویز  
 بک لرینك ، طربزون ایمپراطورینك ، راغوزه جمهورینك  
 سفیرلری کلهرك صرپ قرالی اون ایکی بیك ، روم پرنس لری  
 اون بیك ، ساقز بکی اوچ بیك ، مدلو بکی التی بیك ،  
 طربزون ایمپراطوری ایکی بیك التون خراج سنوی اعطا ایتك



ابتلاي عاشقانه، تمايلات کشور کيرانه سنه مانع اوله جغني مطالعه ايله (ايرن) ي امراسنه اراؤه ايله حسن جهان آشوبنه مبتلا اولماق کيمسه نك انندن کليه جگني تصديق ايتدير دکن صکره حسيات قليه سنه غلبه ده اولان قدرت خارق العاده سني کوسترمک ايچون قزي کندی ايله اعدام ايلر . سلطان محمدك غداراغنه دليل اولمق ايچون تصنيع اولنديغي حالده مرحمتسز لکندن زياده احتراصات قليه سني دولته ، ملتته فدا ايتمکده کالنه يرهان اوله جق بو افسانه انکلتره شعر اسندن (دریدن)ه بر کوزل تياتر و موضوعي اوله بيلمش ايسه ده بروقه تاريخيه عداولنه بيلمک خاصه سندن بتون بتون عاريدر : ملتک تاريخ و اخلاقي تماميله کوسترير که نه سلطان محمد بر اسيره اسير اوله جق پادشاهلردن ایدی ، نه ده يکي چريلر پادشاهک افعال شخصيه سنه قاريشه جق قدر ادب سز لکه مقتدر ايديلر . حتی پادشاهک ، سوکيليسي امرايه کوسترمس نه و يا خود شونک بونک خاطر ي ايچون ايله اولدير مسنه ده امکان تصور اولنه ماز . ذاتاً اوسنه لرده عسکرجه موجب شکايت اولماسي خاطر ه کتير يله بيله جک بر دوره استراحت ده موجود دکلدر .

فاتح استانبولده يالکزجه يکرمي کون او طورده رق شهرک صوباشيلغني خواص بندکانندن (قاريشديران سليمان) بکه توديع و محاصره ده خراب اولان استحکامات و ابنه نك تعميريني آکا حواله ايله ادرنه يه کيتمش و پای تخت جديدک نفوسني تکثير

مالک اولنجه طقسانیل مقام صدرتده بولنش اولان بر خاندانک ثروتی نه مقداره بالغ اوله جفی پک قولای مقایسه اولنه بیلیر . بو حالده عموم ملکی بر استانبول شهرینه منحصر اولان بر ایمپراطور نه ویره بیلیردی که آندن آله جفی رشوت خلیل پاشایی حیاتی ، اقبالی مخاطره یه قویه جق - ورتده اطماع ایلدیکنه احتمال ویریه بیلسین ؟ بونکله برابر رشوت روایتی قبول اولنورسه خلیل پاشا ایمپراطورنی ساتون آله جق قدر ثروته مالک اولدیغی حالده ینه ایمپراطورک هدیه لرینه طمع ایله دین و دولتیه خیانت ایده جک قدر دنی ، مسلمان بر دولتک پادشاه نانیسی مقامنده ایکن خرسیتیان بر حکومتیه طرفدارلق ایتمکی قبول ایده جک قدر خائن ، پادشاهک کندی حقنده سؤ نظیرینی دشمنه جدأ طرفدارلق ایدوب ده جانتی مخاطره یه قویه جق قدر آلحق اولماسی لازم کلیور که عالم خلقتده اولیه بر جانورک وجودینه قائل اولمق عقل ایچون ممکن اوله میور . تفصیلات مشروحه یه نظرأ خلیل پاشا یالکز مرئسلکه خیانت تهمتندن یوزده طقسان طقوز اعتباریه بری الذمه کورینور .

بعض فرنک تاریخلرینک روایتنجه سلطان محمد اوصره ده اله کین روم اسراسندن ( ایرن ) نامنده بر قزه مبتلا اولور ، آنکله ذوق و صحبتیه حصر زمان ایدر . پادشاهک بوازوای صفا پرستانه سندن مصالح دولتیه ترتب ایدن خلل اوزرینه یکچیریلر عصیان ایدرلر . پادشاه عسکرک شکایتی اوزرینه

احتمال که اوصردده محاصره بی رفع ایتدیره بیله جکنه اعتماد ایدره رک روملروده مفتخرانه بعض شیر سویلش ایدی. صدراعظم دن صادر اولان او یله برکوه زه لکی روم ایمپراطورینک وعدمعاونت حکمنده قبول ایده جکی ده میدانده در. بو احتمال قبول اولنورسه نوتارانک پادشاهه سویلدیکی سوزده آندن غلط اولمق لازم کلیر. نوتارانک معلوم اولان آچقلغنه، ادب سز لکنه نظراً هر طرفه شایع و ببناء علیه اینا نلماسی قولای بریالانی فاتحه بر جمیله کو سترمک ایچون قلعه نك مدافعه سنجه وسیله معذرت ایتمش اولماسی ده اک زیاده عقله قریب کورینور بر مطالعه در. ذاتاً نوتارانک اخلاق سزانی بر درجه ده در که هیچ بر قولی هیچ بر مسئله ده مدار استشهاد اوله ماز.

هیچ شبهه یوقدر که خلیل پاشانک حرکاتی کندی اعدامنه ایله فتوی و یرمک درجه سنده سقیم ایدی. هله بو حرکاتک سائق اصلیمی اولان حرص اقبال، حقیقه کندیسنی واجب الازاله عد اولنه جق بر موقعه کتیر مشدی. بونجه سیئاتی آره سنده یالکز رشوته دینه، دولتنه خیانت ایتمش اولماسی مسئله سنی عقل بر درلو قبول ایتمک ایسته میور.

سلطان مراد اولک سور هایوننده اونوس بکک تقدمه سی، ملوک اطرافک کوندر دکلری هدیه لره مرجح اولدیغنی سلطان مراد عصرینک وقایعنده کورمش ایدک. دولت علیه نك قرق بش، قرق التی سنه خدمتنده بولنمش بر سنجاق بکی او قدر یساره

کندیسی ایچون خدمتکارلقدن مستشارلغه صعودايتك لازم کانهجه  
 علم و تجربه دن ترکیب ایدن اقتداری، قابلیت موهوبه یه محتاج  
 اولان تدبیر و تصریحجه کفایت ایتمه مکه باشلادی، پادشاه جدید  
 ایله امتزاج ایدهمدی، اون درت یاشنده بر چو جوغنی ادارهدن  
 عاجز قالدی. بر طاقم دسیسه لراه سلطان مراده تکرار سلطنتی  
 قبول ایتدیرمکه چالیشیرکن یکیکچریلره، ترقی معیشتلرینی عسیانده  
 آرامق ایچون بر طریق اراهه ایدهرک صکره لری دولتده کوریلن  
 مصائبک اک بیوک سبیلرندن بری شامت رأیندن ظهور ایدی. .  
 شبهه یوقدرکه ایمپراطوردن اوده اسلافی و دولتک سائر اکابری  
 کبی آچیقندن هدیلهر آیردی؛ فقط روم ایلی حصارینک یا پالماسنه،  
 استانبول محاصره سنک رفع اولماسنه چالشماسی او هدیله لری  
 رشوت شکلنده کوستردی ظن اولنور. هله محاصره نک رفعنه  
 رأی ویرمسی، سفینه لرک ظهوری اوزرینه کرچکدن اوروپانک  
 امدادی قلعه نک مقاومتنی ادامه ایده بیله چکنه حکم ایدهرک  
 کندی فکری عموم ارباب حکومتک مطالعه سنه مرجع اولدیغنی  
 اثبات ایله وجودینه دولتجه ا تیاج کوسترمک و بوضورتله  
 هم حیاتی هم اقبالنی محافظه ایلک ایسته مسندن نشأت ایلدیکنه  
 بیاغنی حکم اولنه بیلیر. فقط دولتک بختنه، پاشانک طالعه سز لکنه  
 اوله رق استانبولک تیسر فتحی بالعکس ارباب حکومت ایچنده  
 سقامت رأی کندیسنه منحصر اولدیغنی اثبات ایتدی. وجودنده  
 دولتجه بر فائده اولما دیغنی و بلکه بالعکس مضرت اولدیغنی کوستردی.

نوتاراتك افادهسى ايسه پاشانك خيانتتجه موجود امارات قويه يى دلائل قطعيه حانه تحويل ايلدى. بوحالره كوره خليل پاشا سلطان محمدك سؤ نظرينه دكل، اك زياده حسن توجهنه مظهر اولان خواصندن بيله بوانسه ينه خيانتته حكم ايله اعدامنه مسارعت ايدىلىسى مقرر ايدى. وظائف سلطنته واقف بر پادشاهه بوقدر دلائل اولادىنى بيله محو ايتديرمكه كفايت ايدر. ذاتا سلطان محمدك خليل پاشا حقنده اولان معامله سنه هيچ كيمسه نك اعتراض ايتديكى ده يوقدر. بزه قالير ايسه افعال سائر سندن قطع نظر، يالكز ادامه اقبالى ايچون يكيچريلرك برنجى فسادينه سبب ظهور ويا مروج تكرر اوله جق يولده اختيار ايتديكى جرائمك مجازاتندن آخرته ده حصه قالمش اولسه كر كدر. فقط استدالات تاريخيه نقطه نظر نجه روم ايمپراطورينه طرفدار كورتمسى خيانتندن زياده اداره سزلكنه محمول اولمق ده از زياده احتماله قريب كورينور. واقعا يكرمى آتى سنه مقام صدارته قاله ييلمش اولان برذاتك اداره سزلكى مستبعد در. مع مافيه شوراسنى دوشونمك لازمدر كه خليل پاشا ذاتا مقام صدارته استحقاق قوتيله دكل، برنوع وراثت سائقه سيله كمشدى. سلطان مراد ايسه كنديسنى مستشار دكل، خدمتكار صورتده قوللاندى. پاشا فضائل علميه و تربيه سياسيه احبابندن اولديغندن وظيفه سى آلدىنى امر لرك اجراسنه منحصر اولدقجه اونى پك كوزل ايفا ايتمش و پادشاهى خشنود ايلمش ايدى. سلطان مراد پادشاهلقدن چكيلوب ده

جمله سی مجرد ایمراتورلرک خیانت و عصیانہ مجازات آرزوسیلہ اختیار اولندی؛ قلعه نیک فتحی حقندہ مدار امیدایسه عثمانلیلرک مهاجمات قهرمانیسندن عبارت ایدی . بناءً علیہ ایمراتورک استیمانیلہ قناعتدن دولتک حیثیتنه، افعالنک جدیدته هیچ برخلل ترتب ایتمزدی . حال بویله ایکن ینہ محاصرہ لر روم ایلی حدودی اوزرنده اهل صایک، آناطولی طرفندہ تاتارطلعیه سنک ظهوری کی بر ضرورت قطعیه ظهور ایتمدکجه رفع اولنمادی . بو دفعه ایسه ایمراتورلی تأدیب ایتمک نیتیلہ دکل ، استانبولک فتحی عزم قطعیسیلہ کندی . تسهیل مقصد ایچون ایسه موجود و ممکن اولان اسبابک کافه سی تدارک ایدلمش ایدی . هیچ بر طرفندنده دولتی تشبثک ترکنده معذور کوستره جک بر حادثه ظهور ایتمدی . بو حالده قلعه یه بش کمی ایله برایکی بیک کشتی کلدیکی ایچون ایلریده ده امداد ظهور ایدر واهمه سنه دوشوبده او قدر همت لر ، کلفتلرله باشلانیلان محاصرهدن فراغت ایتمک دولتک وقعنی ، اهمیتنی بتون بتون نظرلردن قالدیره جق و- بر حکومتک اقتدارینه کندی امنیتی مسلوب اولنجه سائرلرینک هیچ اعتمادی قلاماق طبیعی اولماسنه نظراً - هر دشمنه جرأت تسلط ویره جک بر خفت اولوردی .

فضائل علمیه سی ویا لکزم مقام صدارتده یکر می آلتی سنه لک تجربیه سی ایله برابر خلیل پاشانک بو قدر آچیق مسئله لرده غفلت اتمسنه بالطبع قولایاتله احتمال ویره مز .

حاصل اولما بر شی دکل ایدی ، بانعکس خلیل پاشا سلطان محمدک سوء نظرینه اوغرادینی ایچون سلطان مرادک ایکنجی دفعه جلوسنه چالشمش ایدی . پاشانک اهالی نظرندده « کاور یولداشی » لقبیه یاد اولنه جق قدر روم ایمپراطورلغنه طرفدار- لقله معروف اولدینی ده محققدر . طیبیدرکه ذاتاً حقنده حسن توجهله متصف اولمیان پادشاهده اهالینک بو ظننه شریک ایدی . خلیل پاشانکده بویله بر سوء ظنه تمامیه ایاق کوستره جک بیک درلو مناسبتر اسکلرده بواندینی جای بحث دکلدر . فقط حقنده اسناد اولنان تهمت حد ذاتنده صحیحمی ایدی ، دکلیدی؟ بوراسی جالب دقت کورینور . آردهده هیچ بر مخاطره ملا - حظه سی موجود اولمادینی حالده خلیل پاشانک ، روم ایمپراطوری طرفندن عرض اولنان التماس اوزرینه پادشاهی ملککنک حراستنه ، مقصد فتوحاتنک تسهیلنه خدمت ایده جک بر تشبیدن منعه چالشماسی ، حقنده سویله نیلن سوزلرک صحتنه پک قوتلی بر سند اوله بیلیر ؛ هله استانبول محاصره اولندقدن صکره بش وندیگ سفینه سنک عثمانلی دونماسدن قورتیه رق قلعه یه بر ایکی بیک عسکر دوکسنی وسیله ایدرک رفع محاصره رأینه قیامی اولکی حرکتدن ده آچیق بر دلیل خیانت عد اولمغه مساعد کورونور .

چونکه بو محاصره بیله یرم بایزید وشهزاده موسی چلبی وسلطان مراد زماننده کی تشبثله قیاس قبول ایتزدی . او تشبثلرک





مقاومته ثابت ایچون عثمانلی مأمورلردن تشویقات وقوع  
بولدیغنه دائر نوتارانك سویلدیکی سوزلردن پادشاهك خلیل  
پاشا حقنده اولان شبهه سی برقات دها تزیاید ایتمش ایدی .  
حتی روم تاریخلرینك روایتیجه برکون باغلی برکوپك قورتلق  
ایچون چالشدیغنی کورنجه « بدلا حیوان ، نیچون خلیله براز  
پاره ویروبده قورتلمازسك ؟ » دیدیکنی صدر اعظمه خبر  
ویردیله . خلیل پاشا حقنده اولان سوء نظر بوقدر علنیته  
چیققدن صکره کندی ایچون امکان نجات قالمادیغنی آکلادیغندن  
حجه کیتمك ایچون رخصت ایسته دی ایسه ده آله مادی ، براییکی  
کون صکره توقیف ایدلی و توقیفك قرقتجی کونی ده اعدام  
اولدی .

غریبدرکه بزم تاریخلر پاشانك روم ایمپراطورندن پاره  
آله رق استانبول فتحنی تعویقه چالشدیغنی بیان ایتمکه برابر  
اعدامنی پادشاهك برنجی دفعه سلطنتدن چکلمسنه سبب  
اولدیغندن طولانی حقنده حاصل ایتدیکی غیظه حمل ایدرله .  
بیلنه مزکه پاشانك ، روم ایمپراطورینی پاره سنه طمع ایدرک مقاومه  
تحریرک ایتدیکی صحیح اولنجه اعدامی لازم کلزمیدی ؟  
پادشاهك خلیل پاشایه سوء نظری مسلمدر . فقط اوسوء  
نظر برنجی سلطنتده پادشاهلقدن چکلمسنه سبب اولماسندن

دکل ، افراد آردسندہ واسطہٴ تلاحق دہ نطق اولدیغندن نامہ  
 قوہٴ ناطقہ دینلمشدر . وساطت تلاحق نطقہ ونطق مدار  
 ادامہ ونشری اولان یازی یه انحصاری جہتیلہ منتظم بر لسانہ  
 مالک اولیان ملت دائماً ترقیات علمیه دن محروم اولہ کلشدر .  
 ملل متمدنہ دن ہانکیسنک تاریخنہ باقلسہ ہر درلو ترقیاتی  
 لسانک ، ادبیاتک ترقیسیلہ بدأ ایلدیکی کوریلور . المانیہ  
 حکماسندن مشہور ( لایینج ) « بکا بر مکمل لسان ویر ،  
 سکا بر بیوک ملت تشکیل ایدیم » دیشکہ حکمت سیاسیہ نک  
 اک بیوک حقیقتلرنددر . بز ایسہ مکمل دکل ، یاقین زمانلرد  
 قدر عادی بر لسان ادبہ بیلہ مالک دکل ایدک . کورولان اثرلر  
 بازیحہ الفاظ ایلہ مالا مال اولدقدقندن بشقہ عجمک شعردہ  
 اوزاتی نثرہ یالکزجہ باشدینی ، آمدینی اولور ، کلیر کلہ لرینہ  
 تحویل ایلہ برابر سائر ہر درلو شیوہ سنی قبول ایلدیکمز جہتہ  
 حقیقت حالہ ترجہ عداولنہ بیلیمک صلاحیتندن بیلہ محرومدر .  
 مکمل بر لسانہ مالک اولمادیغمز ایچون بیوککمزی محافظہ  
 ایدہمدک . ملتہ لسانسزلق موفقیتسزلکی وموقیتسزک ، قوتسز-  
 لکی انتاج ایلدی . اختلافات مذہبیہ نک بو نتیجہ یه وصولدہ ہیچ  
 تأثیری اولمادیغی میدانہدر .



تعريض اتمك قیلندرد؛ فقط نقصان معرفت خصوصده علمای ساف هیچ بر وقت ملتك خرابنه سبب ویرمش اولمق اعتراف. ضندن قورتیله مازلر: معارفی علوم عالییه، تحصیلی لسان عربییه حصر ایتدیلر. علوم عالییه دهده خلقه تعلیم کمال ایتمکدن ایسه کندیلرنده اولان کمالک اظهارینه حصر وجود ایلدیلر. (خیالی) کبی (مرآت) کبی عبارده سنی ا کلامق حاوی اولدیغی فنی تحصیلدن بیك قات مشکل کتابله تحصیل اودرجه لرده تصعب ایلدیلر که عادی ذکا اصحابندن برطالیک مثلاً کلام وفقهک لایقیه تحصیلنه عمری مساعده ایتمز اولدی. هله لسانه هیچ همت ایتدیلر. کندیلری عثمانلی ایکن عربینک صرف ونحوینه دائر یر قاق. بیك جلد تألیف لری بولنه بیلدیکی حالده ترکیجه نک قواعدینه دائر علمای عربدن (ابن حیا) نک تألیفی فرض کفایه حکمنده طوته رق کندیلری او یولده بر کتاب یازمغه تنزل ایتمه مشلردر. بناءً علیه معارفک هر قسمی، عمومک جولانکاه استعدادی اولان تلاحق افکار میدان امتحانندن چکلدی، اون بش سنه صرف وجود ایدرک عربینک تحصیلنه موفق اوله بیلن بر قاق. بیك بختیاره انحصار ایلدی، تلاحق افکارک فقدانی ایسه متی ترقی معرفتدن محروم ایلدی.

معلومدر که انسانیته مخلوقات سائرده دن تمیز ایدن صفت، قیاسات مرکه ترئینه اقتداری و او اقتدارک نتایجندن اولان ترقی استعدادیدر. بو استعدادک یالکیز علامت ظاهریه سی

ایده مز اولدی. هر قومک بر خصوصیتی اولدیغندن هیأت اجتماعیدن  
 آیرلمق او خصوصیتیه بر قوت و یرمک اعتبار نده طوتلدی، وطن عمومی  
 حس مقدسک کو کلرده هیچ بر تأثیری کورلمدی. بو حال  
 ایله خار جده کی اعدا مذهب، داخلده کی حرص استبداد اصحابی  
 قومیت داعیه لرندن ملکک اوته سنده بر یسندده بر طاقم حادثه لر  
 پیدا ایتک ایچون بر چوق وسائل بولدیله. مع مافیه یوقاریده  
 بیان اولندیغی وجهله بو وسیله لر موجود اولماسه ایدی یینه  
 حکومتک عجزیله برابر اوزرینه مسلط اولمق ایسته ینلر بشقه  
 درلو بهانه لر تدارکندن عاجز قالمالز لردی. بناءً علیه بو اختلاف  
 جمعیت مدنیده موجود اولان علتک اصلی دکل، اماره سیدر .  
 اصل علت ایسه ملتک ناطقه سی حکمنده اولان لساننده کی  
 قصور درکه افراد آرهنده بویله بر اختلاف بر اقدقن بشقه  
 عمومک معارجه بر درکه سفلا ده قالماسنی ایجاب ایلدی .  
 جوار منده ظهور ایدن ره روان تر قینک قافله اقبالنه قاریشیله -  
 مادی دولتده صوکره لری کوریلن قوتسزک هپ آندن  
 واوغرانیلان مصائب ایسه هپ دولتده کی قوتسزکدن ظهور  
 ایلدی .

عثمانیلرک تجارت و صنعت و زراعت و فلاحته میلسزلکنی  
 اصحاب حکومتک نقصان مهارت و یا فقدان اهمیتندن بیلمک  
 عمرینک بر مدتی بعض امراض ایله کچیرمک استعداد ایله یارادلمش  
 بر وجودک او استعداددن قور تار یله مامسنی اطبا حقنده مدار

اقوامك عمومى عرب قومیتنه ادخال ایلدیکی کبی عربی بی بیان  
 مسلمانلرایله کیجه کوندوز استیناس حالنده بولنان ملتر افرادی  
 اسلامیتك شرف وعلویتنی ده بالطبع اطرافیه ادراك ایلدکلرندن  
 منفعت دنیویه سی ایچون عرب قومیتنه کیرنلرک یوزده طقسان  
 طقوزی ده سعادت اخرویه سی ایچون اسلامیتی قبول ایلدی ؛  
 عربستان خاقی بیتنده هیچ برنام ایله هیچ بر نوع اختلاف  
 آثاری کورنمز اولدی .

عثمانیلر ایسه آلدقلری یرلرده موجود اولان اسباب  
 معیشتك همان هیچ بریله اشتغال ایتك ایستمدیلر ، کسب وکارک  
 یوزده طقسان طقوزی ملل مغلوبه یه انحصار ایتدی . بوضورتله  
 جمعیت مدنیه ده بری برندن آیری و فقط بر برینه محتاج اولان  
 صنوفک بر طاقمی بشقه دیگر طاقمی بشقه مذهبه ، بشقه ملیته  
 قالدیلر . هر بری کندی لسانلرینی بیلمکله اکتفا ایلدیلر .  
 بیکلرجه کویلر ده یر ایسندن دکل ، حتی مسافرتله کیدن مسلمانلردن بیه  
 ترجه برکله ایشیدلمز ایدی . روم ایلده مملکتلر مز بولندی که  
 علماسی معارف دینییه عربی تحصیل ایدر ، اهالی یه روجه تعلم  
 ایلر ؛ دولتک لسان رسمیسى اولان ترجه عنصر اصلیسندن  
 اولان مسلمانلر بیتنده بیه لسانه کتیرلمزدی . بو حال ایله احتیاجات  
 و منافع بر بریله ارتباط حاصل ایده مدی . هر کس حیاتی ،  
 معیشتی ؛ کندی قومیتی ، کندی مذهبه قائم عدایدر ، هیچ کیمسه  
 سائر وطنداشلیله اتفاقد ، افتراقده ، افتراقده بر مضرت تصور

۲۰۲. اوزمانلرینه روملرک ائده بولنان عربستانده آردن برازمدت کچر کچمز روم قالمادی ، سکنه سنک جمله سی عربلکه تحول ایلدی . فاتحلرک مذهبنی قبول ائتمه یئلرده ملتینی قبول ایتدیلر . شمدی عربستانده هانکی مذهبه اولورسه اولسون عربلکنی انکار ائده جک بر فرده تصادف اولغماز . بوانقلاب کلی یه بادی ایسه قدما ی مجاهدینک ملل مغلوبه یی حریت وامیتدن مستفید ائتمکله برابر منفعتلرینی ده کندی منفعتلرینه ربط ائتمکده و خصوصیه لسانلرینی ، تشکیل ائدکلری جمعیتک ناطقه منفرده سی حکمنه کتیرمکده احراز ائدکلری موفقیت کامله ایدی . عربلر یالکز فاتحلکه اکتفا ائتمدیلر . ضبط ائدکلری یرلرده تجارت وصنعت و زراعت کبی صنوف معیشتک کافه سنه احاله نظر ائدیلر . کافه سنده اورالرک اهالی قدیمه سنه تفوق ائدیلر . ایشی بر درجه یه وارد دیلر که عربجه بیلیمه ن بر آدم عربستانک بر باشدن اوته باشنه قدر طولاشسه تعیش ائده بیله جک ، بلکه اتمک صو بوله جق برکوی بوله مازدی . حتی بر آراق اسکندریه ده روم بطریق اورالرده روجه بیلر کیمسه قالمدیغی جهته تالیفاتی عربی اوله رق تحریر ائتمشدر . عربلر وطنداشلی اولان اقوامجه لسانلرینک تحصیلنی احتیاجات ضروریه عددینه داخل ائدکلری کبی لسانلرینی ده تدوین و تهذیب ائدیلر . برحاله که عرب اولمانلرده عربی یی عربلر قدر یازمغه مقتدر اولدیلر . ایشته بوا متراج منافع بوا اتحاد لسان ، عرب ملکنده ساکن اولان

ابقایله روملری دولت علیه دن زیاده کندیلرینه مائل اوله بیله جک .  
برحامی بوله مایه جق بر موقعه طوتدینی ایچون حکومت سیاسیجه  
دخی او زمانه کوره یاپیله بیله جک شیرک اقوی واسلمی  
اولدینی میدانده در .

اقوام عثمانیه بینده موجود اولان اختلافک دوامنده  
فاتحک ویا اجدادینک اختیار ایتدکلری مسلك سبب اولمادینی  
محاکمات تاریخیجه ثابتدر . معلومدرکه وجودندن شکایت  
اولنان اختلاف یالکز مذهب مخالفندن عبارت دکلدر . زمان  
اولمشیدی که ملکه ارناودلق ، بوشناقلق ، کردک ، لازلق  
داعیه لری ده بیاغی روملق ، بلغارلق قدر تمایلات اقتراحویانه یه  
خدمت ایلمش ایدی .

حال بوکه بوتمایلاتک اصحابی هپ مسلمان ایدیلر . او یوزدن  
کوریلن فالقرک سببی ارناودلغی ، بوسنه یی ، کردستانی ،  
لازستانی فتح ایدنلرک اهالیسنی احما ایتدکلرنده می بوله جغز ؟  
فاروق اعظمک زمان معدلتنده فتح اولنان قدسده ،  
اسکندریه ده ، انطاکیه ده اوزماندن بری برر بطریق ، برر  
بطریقخانه موجوددر . قرون اولی فاتحلرینک قانون حرکتی  
ایسه شریعت الهیه اولدیغندن اهل جزیه حقنده کی معامله لری  
فاتحک روملره اولان مساعدتندن نقصان دکل ایدی . بالعکس  
اولا اسلامک اماننه مظهر اولان قدس بطریقخانه سنک مظهر  
اولدینی مساعدات استانبول بطریقخانه سندن زیاده در . اوله ایکن



عثمانیہ ایلہ المانیا ایمپراطورلغک مسابقہ نفوذی ایدی . یونانستانی احیاییدن اوروپا اصحاب نفوذی ده او طرفدارلغی خرسیتیانلقلرینه حرمتدن دکل ، عبده اصنامدن بولندقلری زمان ظهور ایدن عالملرینه ، حکیملرینه ، شاعرلرینه ، ادیبلرینه ، رساملرینه ، نحاتلرینه محبتدن طولای التزام ایتمشر ایدی . یونانستانی احیا ایچون فدای جان ایدرجه سنه چالشمش اولان لورد بیرون خرسیتیانلغک ک زیاده علیهنده بولنان ادا باندرد . بری اورتودوقس ، بری قاتولیک ، بری پروتستان اولان روسیه ، اوستریا و پروسیا دولتلری قاتولیک مذهبده بولنان لهستانی تقسیم ایتمکده مذهب و ملیت فکرلرینک تخطرینه بیله لزوم کورمدیلر . روسیه دولتی توران طرفلرنده حمایه ایدہ جک خرسیتیان بوله میورسه ناشر مدنیت اولق کبی دنیاده هر قومه یاقیشاجق بر دعوی میدانہ قویہ رق و بودعوای عموم جهان مدنیتہ قبول ایتدیره رک ایستدیکی یرلری ضبط ایتمکدن ده می عاجز قالور ؟

مسلمدرکه فاتح یالکز ملکندن دکل ، یاری اورو پادار خرسیتیانلغی قالدیرسه نه دولتده سفیه ابراهیم پاشارک ، یاغلقچی امین پاشارک ، قاباچیلرک ، قاندره لیلرک ظهورینه مانع اوله بیلیردی ؛ نه ده آنلر ظهور ایتدکدن صکره وقوعه کلن مصائبک اسلام غلبه لکیله اوکنی آلق ممکن اولوردی .

فاتحک اختیار ایلدیکی تدبیرایسه عدالت شرعیہ مقتضیاتندن اولقله برابر خرسیتیانلق بیننده موجود اولان مذهب اختلافنی

سار تبعه عیسویہ سنی وقایہ حیات و محافظہ منفعت اندیشہ لرینہ  
دوشورہ جک بر مناسبتسزک ایتمش اولمازمی ایدی؟ کندیبسی  
حاندان عالیشاننک اعلمی ایکن اظمی اولمقده نه فائده حاصل  
ایده بیلیردی؟

دائرة ملاحظه یی برازدها توسیع ایده لمده فرض ایلیه لم که  
بو محظور لرك هیچ بری اولماسه ده فاتح عثمانلی ملکنده کی خرسیتانلری  
جبراً مسلمان ایتمش اولسه ایدی؟ نه قازانیلیردی؟ براون ملیون  
نفوسک عصیت اصلیه یه علاوہ سی اوروپانک قوای مجموعه سنه  
مقابله ایچون کافی برقوت اولمادیغی شایان بحث دکلدرد. «ملکمزده  
داخلدن عصیانلر ظهور ایتمز، خارجدن مداخله یه وسیله لر  
پولنمازدی» دینله جک ایسه بو ادعائک بتون بتون طبیعت عالمه  
مغایر اولدیغی ده تاریخک کوستردیکی بیک دلیل ایله ثابتدر.  
بومطالعہ لره ذاهب اولمق هپ وسیله یی سبب قیاس ایتمکدن  
نشأت ایدر. برمتحکم دولت ایچون بهانه تجاویزی مذهب  
داعیه سنه حصر ایتک نه دن اقتضا ایلسین؟ دولت علیه نک  
یرنجی دفعه اوله رق ضایع ایلدیکی مجارستانده خرسیتانلر اکثریتده  
ایسه، ایکنجی دفعه غائب ایلدیکی قریمک اھالیسی عموماً مسلمان  
ایدی. یونانستانه اھالیسی خرسیتان اولدیغی ایچون استقلال  
ویردیلر سه جزایری ده او یله برهانه ایله آلمادیلر. حتی شایان  
دو قدر که مجارستانک الدن کیتمسنی موجب اولان محاربه ده  
اسلامیت نصرانیت بحثلری یوق ایدی، ماده نزاع سلطنت

دورنده کشف ایتمک کرامته توقف ایدردی . ذاتاً فرض محال اوله رق تخمینی قابل اولسه درت عصر صکره ظهور ایده جک میشکلاتک اوکنی آلمق ایچون بر قوجه قومی احا ایله جهانک اک معمور جهتلرندن معدود اولان عثمانی ملکنک یاریسنی بر بیابانه تحویل ایتمک عاقللر کاری اولمادیغی محتاج تعریف دکلدر .

نائیاً فاتح ایچون اجداد عظامندن استیمان ایتمش و نائل امان اولمش بر قومی یابتون بتون محو ایتمک ویا جبر واکراه ایله مسلمان ایتمک ویا املاکندن محروم ایده رک تغریب ایتمک ملکدن خرستیانلغی بیتیرمک ایچون چاره منفرد ایدی . حال-بوکه قواعد شرعییه یی اساساً اخلال ایتمدجه بو اوچ تدبیرک هیچ برینی اجرا ایتمک ممکن اوله مازدی . اللهمک شریعتی اخلال ایدرک دینته خدمت ایتمک داعیه سنه قالمشقم ایسه حاشا جناب حقّه تعلیم حکمت قیلندن دکمیدر ؟ او یله بر غلو متعصبانه سلطان محمد کبی زماننک اعلم علماسندن بولنان و شرائط صحیحّه شرعیه سیله امام المسلمین اولان بر ذاتدن صادر اوله جق حاللر-دنمیدر ؟ ملکنک هر طرفده بو قدر خرستیان بولنور ، بولنرک هپسی اجدادینک عهد و امانی سایه سنده امنیت جان و مال ، محفوظیت ناموس ، حریت مذهب کبی مدنیتک فوائد اصلیه-سندن مستفید اولوب طورورکن یالکز کندی فتح ایتدیکی استانبولک خرستیانلرینی اوسعادتن محروم ایلسه لزومسز بر غدارلق ،

ذاتاً بعضییرینک میلان ایتدیکی قاتولیک مذهبنه روملرک عمومی سوق ایدلمش اولوردی. امور دینویه جه تابعیت پاشایدنه بولنان بر قومک امور روحانیدهده پاپا کبی همان بتون خرستیانلق عالمنک مقتداسی کچینهن بر قوه خارجهیه تابع اولماسی ملکا و حکمه پادشاه طرفدن تعیین ایدلمش بر بطریقّه تابع اولماسنه می بکزدی ؛ ایسته فاتح روملری بر بطریقخانهیه مالک ایتدی ایسه قاتولیک جمعیت عظیمه سنه التحاق ایله عموم اوروپانک محبت و حمایتنه مظهر اولمقدن منع ایتمش اولدی. مع مافیّه بوجهت فاتح ایچون بر فائده زانده ایدی ، اوروپانک کندی ملکنده کی خرستیانلری حمایه نامیله اوزرینه کلسی کندی ایچون جای احتراز دکلدی . اوزمانک عثمانیلری بولندقلری مذهبک عموم خرستیانلق عالمنک اشد خصومتله کندی لرینه خصم اولماسنه سبب کافی اولدیغنی بیلیرلر ، بو خصایه قارشیده دائماً میدان اوقور طوروردی .

حتی هیچ شبهه یوقدرکه فاتح ایسته سه روم بطریقلکنی ابقا اتمه مک شوویه طورسون ، ملکندن خرستیان مذهبک ازاله سنده بی پروا قیام ایده بیلیردی. بویه بر تشبده بولندیغنی صورتده اوروپالیر نیکبولی ، وارنه ، قوصوه ضربه لرینی تکرار ایتدیرمکدن بشقه هیچ برشی یایمغدهده مقتدر اوله مازلردی . فقط ایسته یه مدی وایسته یه مزدی. چونکه اولا دولتک اوچ یوز اللی ، درت یوز سنه صکره اوغرایه جنی مشکلاتی فاتح



فاتحك روم بطریقكی ابقا ایتسی یونان اختلانك  
ظهورندن بری دولتك اسباب انقراضندن عداولمنغه باشلادی .  
«اكر فاتح بطریقخانه یی ابقا ایتسه مش اولسه دولت بر زماندن  
بری چكدیكى مصائبه اوغرامازدی» سوزلری بعض ذوات  
عندنده سیاستك احكام عالیه سندن معدود اولمش بر مطالعه در.  
فقط عجبا بو مطالعه طوغری بر شیمیدر؟

فاتح روم بطریقخانه سنی ابقا ایتسه نه یایمق لازم کلیردی؟  
روملری حاللرینه براقسه کندی کندیلرینه بر بطریق انتخاب  
ایتملری محقق ایدی . دولتك تصدیق رسمیسنه احتیاجدن  
وارسته اوله رق ملکده اویله بر رئیس روحانی بولنمق رسماً  
نصب اولنمش بر بطریق بولندیرمقدن دهامی خیرلی اولوردی؟  
ظن ایتمیزکه اصحاب عقول ایچنده بویله بر اعتقاده ذاهب اوله -  
جقلم بولنسون . بر ملکده هر نه نام ایله اولورسه اولسون ،  
ایکی قوه مطاعه دن بری دیگرینه تابع اولمازسه البته خصم اولور .  
بوندن آکلاشیلورکه فاتح بطریقخانه نك ابقاسیله روملره بر  
حریت وجدان مساعده سی احسان ایلدیهسه دولتنده او حریت  
وجدانك اجرا آتته نظارت حقنی محافظه ایلدی .

روملرك برینی صورت خفیه ده بطریق انتخاب ایتملرینه مانع  
اولمق ایسه قابل دكل ایدی . ولو برچاره سی بولنسه اوزمانده

بو افاده بر مغایرت جزوئیه ایله الآن بطریقخانه نك حائر اولدیغی مساعداته موافق کورینور . ذاتاً فاتح طرفدن ویریلن فرمان محترق اولمش وحتی مالی سلیم اول زماننده ایکی اختیار یکیچرینک شهادتیه ثبوت بولمش ایدی . بو حاله کوره پاپا ریغوپولونک روایتنده کوریلن مغایرت جزوئیه مؤرخک سهوندنمیدر؟ یوقسه فاتح فرمانک بعض جهتلری صکره دنمی تعدیل اولمشدر؟ بورالینه بر حکم قطعی ویریه مز .

بومساعدات روم ایمراطورلری زماننده بطریقخانه یه عائد اولان معاملاتک احکام شرعیه یه مغایر اولیانلرینی تصدیقندن عبارتدر . مصالح عامه ده ویریلن رخصت ایسه یالکز مناکحاته تخصیص ایدلدیکی و آنده بیله وصیتی ثلث ماله حصر ایتمک کبی خرستیانلق مذهبنه طوقونیمه جق خصوصلرده ینه احکام شرعیه . نك مرعی طوتدیرلدیغی کورولور .



و کلیسا قانونلرینه مخالفت ویا روملره تعدی ایتمدجه عزلدن مصون اولمق امتیازیه تعیین اولنمشدی . بو مناسبتله روملره ویریلن مساعدات : عموم کلیسا و مناسترلرک ادارهسی بطریقه عائد اولمق، پاپاس و پستقوسلر بطریق طرفندن انتخاب اولنهرق عرض اوزرینه فرمانلری اعطا اولنمق ، مأمورین روحانیه نك امور دینه یه متعلق جرملرنده بطریق هر درلو جزانك اعطاسنه مقتدر اوله بیلمك ، پستقوس و متره پولیدلرک عادی برجرمدن طولانی تأدیبلری اقتضایدرسه بطریقخانه معرفتیه اجرا ایتمک ، موجود اولان ابنیه دینه نك کافه سی ابقا اولنهرق فقط دولتدن آریجه رخصت آلمدجه یکیدن اوله بر بنا یاپیله مامق ، کلیسالرک مالی اولان املاکینه کلیساره قالمق ، کلیسا املاکی تکالیفدن مصون اولمق ، پستقوسلق مرتبه سنه واصل اولان راهبلرک محاکمه سی یالکزجه دیوان هایونده رؤیت ایتمک ، بطریقک ذاتی هر درلو تکالیفدن معاف بولنمق ، جهاز و وصیت کبی منا کحاتدن تولد ایدن دعوالر بطریقخانه ده رؤیت اولنمق ، ایکی خرستیان سائر مواددن تحدت ایدن دعوالری ایچون بطریقخانه یه مراجعت ایدرسه رؤیت ایده بیلمک ، هر خرستیان اموالندن ثلثی کلیسایه وصیتده مختار اولوب بو وصیتنامه لر مرعی طوبلق ، اسلامیه دخول ایچون کیمسه حقنده جیر واکراه اولنمامق خصوصلرندن عبارتدر .



روایت ایدیورسده سائر مؤرخلر فتحدن طقوز اون آی  
صکره ، یا ۱۴۵۳ سنه سنک اوخرنده یاخود ۱۴۵۴ سنه سنک  
اوائنده اولدیغی بیان ایدر و بوتآخره پنادیوسک برقاچ  
ایلر بولدیریله مامش اولماسنی سبب کوستریرلرکه مقبول اولان  
بوایکنجی روایتدر .

روم تاریخلرینک تقلنه کوره فاتح پنادیوسه پک زیاده  
التفات ایتمش و بطریقک حین تعیینده روم ایمپراطورلغی زماننده کی  
تشریفاتک دینه مغایر اولمیان جهتلرینی کافه اجرا ایتدیردکن  
بشقه حضوردن چیقارکن کندیسنی تشیع ایلدیکی کبی  
بطریقخانه اتخاذا اولنان محلهده بعض امرای ترفیق ایدرک  
برمکمل آلاى ايله کوندرمش ایدی .

بطریقخانه یه ویریلن مساعداته کلنجه : هاکم طرف پادشاهیدن  
بطریقه ویریلن برات کندیسنه هیچ کیمسه طرفندن تعرض  
وقوع بولماسنی و کندیسیله معیتده کی پاپاسلرک هر درلوتکالیف  
امیره دن مصون طوتماسنی مین اولدیغندن و روم کلیسالیرنک  
جامعه تحویل اولتماسی و نکاح و دفن اموات و سائر عادات  
دینه لرنده روم کلیساستک آینه اتباع ایدلمسی و پاسقالیانک  
اجراسی مجاز اوله رق حتی پاسقالیا اثناسنده اوچ کیجه فنار  
قپوسنک آچیق طوتماسی ده بو مساعدات داخنده بولندیغی  
بیان ایدر .

پاپاریغوپولونک روایتده کوره ایسه ، بطریق دولت علیه

بو ( يوركى سخولاريوس ) ذاتا يانى پالئوغيك زمانىدە  
 عدليه نظارتىنە تقابل ايدە بيله جك بر مأموريتدە بولنەرق اوللرى  
 روم وقاتولىك كليسالرينك اتخادىنى التزام ايتىش ويانى پالئولوغ  
 بو اتخادى حاصل ايتك ايچون رومايە كيتدىكى زمان برابر بولنىش  
 ايدى . صكرەلرى تبديل فكر ايدرك بتون بتون اتخادك  
 عليهنە دوشدى . حتى مانول پالئولوغ ترك حيات ايلدىكى صرەدە  
 قسطنطين اتخادە مائل اولديغىدن اوفكر ك عليهنە بولنان ديمتى  
 پالئولوغك ايمپراطورلغىنە چالشمىش ايدى . قسطنطين ايمپراطور  
 اولوبدە ايكي كليسانك اتخادى حقنە اولان تشبثاتى تجديد  
 اينجه مأموريتىدن استعفا ايدرك بر مناسترە چكلىدى . وپناديوس  
 ناميلە رهبانته دخول ايلدى .

ايشتە اعتكاف خانەسك قوسنە تعلق ايلدىكى لوحە يى يوقا ريدە  
 بيان ايلدىكىمىز پناديوس بو ذاتدر .

فاتحە كورە روم تبعەسى پاپانك حكىم روخا نيسىندن قورتارمق  
 مقصدىنە خدمت ايچون بوندىن قوتلى برواسطە اولە مايە جىغىدىن  
 بالطبع پطريقلكە آنك اتخابى امر ايلدى . بو ذاتك رتبەسى  
 عادى راهبلكدن ايلرى دكل ايكن دياقوسلق ، پاپاسلق ،  
 پسقپوساق مرتبەلرينك ھر برىنى بر كوندە احراز ايلدك دن صكرە  
 راهبلكندە اختيار ايلدىكى پناديوس ناميلە پطريقلكە اتخاب  
 وتعيين اولدى .

بو توجيە فتحك اوچىنجى كوني وقوع بولديغى فرانجى

شردشرايه مجازاتدن بشقه بروصف ويريه مز ايدى . اودرجه مروتمندانه حرکت ايدن عثمانلىلرک پادشاهى ايسه مالک اولديغى فکر عمران پرورانه سائقه سيلاه قوتوده کنديلرندن ده ايلرى کيدرک معتاد اولان اوچ کون کچدکدن صکره يغمايى منع ايتدکدن بشقه فرار ايدنلردن هرکيم عودت ايدرسه املاک و اشيا سنه کمال حریتله متصرف اوله جغنى اعلان ايتدى . عدالت و تأمین تصرفده اودرجه ايلرى کيتمشدى که غلطه اهايلسندن حرب مناسبتيله ترک ديار ايدنلرک خانه لرني آچديردي ، بولديغى اشيايى ثبت دفتر ايتديردي ، اوچ آيه قدر عودت ايدن صاحب لرينه ويرملک . ايچون حفظنى امر ايلدى .

بوندن بشقه روم پطریقلىکنک محافظه سيلاه خرستيانلرک حریت مذهب لرني ده تأمین ايتمش ايدى . ( پاپاريغوپولو ) ديرکه « سلطان محمد شرق و غرب بيننده و غربک شرق حقننده غيرتى تبريد ايچون يالکوز روم پطریقلىکنک تصديق وابقاسنه دکل ، اداره سنکده روم و قاتولیک کلیسالى اتحادينک شدتله عليهنده بولنديغى معلوم اولان ( يورکى سخولاريوس ) ه و توابعنه توديع ايتمکه عزم ايلدى ، کنديسنى تحرى ايتديردي . او ايسه اسير اوله رق ادرنه جوارنده عثمانلى امراسندن برذاتک خانه سنده اولديغدن کنديسنى اورادن بولديردي ، استانبوله جلب ايتدى . و برقاچ کره سويلشه رک لياقته اعتماد حاصل ايلدکدن صکره منحل اولان پطریقلىکه تعيننى امر ايلدى . »

اداره‌سنة قوللردن برینی تعیین ایتماک و عد شاهانه اقتضا -  
 سندن اولغله کندیلری ایچلردن بر اختیاری تجار بیننده  
 وقوع بوله‌جق منازعه‌لرینک تسویه‌سنة انتخاب و نصب  
 ایله‌لر. خانه‌لرنده یکیکچری و سائر قوللرم اقامه اولمیه. ایچلردن  
 برینی مصلحتلری ایچون کتخدا نصب ایله‌لر. راهب و پاپاسلرینه  
 تعرض اولمیه. و بو فرمان عالیشانمزده بیان اولنان خراجی  
 اعطا ایلدکلری حالد ایاب و ذهابده سربست اوله‌لر. تحریراً  
 فی او اخرجادی اولوی ۸۵۷ من الهجرة و ۶۹۶۱ من الخلقه .  
 بومانامه فاتحک عدالت و نظر حکمتنه روم تاریخلرینک  
 ذماینه رغماً بزم تاریخلرده کورولن مدایحدن بیکی قات واضح، بیکی  
 قات صحیح بر دلیلدن. مع مافیہ فاتحک استانبولی الدینی سرده‌ده کی  
 افعالندن علویتنه، مهارتنه بولنه بیله جک برهانلریالکتر بومانامه‌دن  
 عبارت دکلدن :

عثمانی دلاورلری فطرةً غضنفر کبی اک شجاع و فقط اک  
 آرقان دو مکله متصف قهرمانلردن اولدقلری ایچون خصملرینک  
 ضعف و عجزینی کوردکلری کبی قلیج‌لرینی غلافنه قویدلر ،  
 روملرک اعدامنه قویولمادیلر . مملکت قتح اولندیغی کون  
 اها لیسندن ایکی بیکی کشی تلف اولمادیغی تاریخجه مثبتدر .  
 حال بوکه تیمور و قه‌سی اوزرینه بر محله طولوسی مسلمانانی عهدلرنده  
 بولدیغی حالد خائنه ، زبونکشانه محو ایدن بر قومدن عثمانی  
 عسکری بو غلبه‌ده قتل عام ایله اخذ نارایتش اولسه ایدی، بو حرکته

وسلم افدمزك نام مقدسرينه وسبع المثانی قرآن کریمه وجناب  
حقك یوز یكرمی درت بیك پیغمبرینه و ابا واجداد عظامك  
روحنه و اولاد كرامك حیاته و قوشاندیغ قلیجه یمین ایدرم که  
غلطه نك قاتولیک راهبری طرفدن باب سعادت مزه ارسال اولنان  
حرمتلو ( بالیوس باربا ) نك و ( مارقوس فرانقو ) نك و ترجمان  
( نیقوله بلاروبی ) نك استرحاملری اوزرینه غلطه اهاایسنك  
قلمروها یونمده اولان سائر مملکتلر رعایاسی کبی عادت و حریتلرینی  
ترك و ابقا ایدم و بیوردم که غلطه حصار ی هدم ایدیه و اهاایسنك  
کافه اموال و خانه و دکان و باغ و دکرمان و کمی و قالیق و تجارتلرینه  
و اولاد و عیال لرینه تعرض اولنیه و ممالک محروسه مک هر جهتند  
ایشی لرینی بیع و فروخت ایتمکه و بحر و برده سر بستجه کشت و گذار  
ایتمکه مأذون اوله لر و کمرک و یرمکه و انغاریه ایشلمکه مجبور  
اولیوب یالکز سائر ممالک شاهانم رعایاسی کبی خراج اعطاسیله  
مکلف طوتیه لر و بو قانون و عادات الی ماشاء الله تعالی جاری  
اوله غلطه اهاایسی حمایه و تقسم کبی مدافعه اوله لر کلیسا  
و اینلرینه طوقونلیه و فقط ناقوس و یا خود تخته چالمیه لر. کلیسا  
لری جامعه تحویل اولنیه و فقط یکیدن کلیسا انشا ایتدیمرلری  
جائز اولیه . جنویز تجاری هر طرفده سیر و سیاحت و امور  
تجارتلرینی رؤیت ایتمکه مأذون اوله لر. چو جو قلری دوشرمه  
طریقیه آلنوب یکیچری او جاغنه الحاق ایدلیه و کندیلری  
مذهبه مزه دخول ایچون جبر واکراده کورمیه . غلطه اهاایسنك

تاریخک روایتہ کورہ ذی قیمت اشیا لیلیہ سیلوری یہ فرار  
ایتمش اولان بعض روم اکبری ده قلعه نك مفتاحلرینی ارسال  
ایله استیان ایتدیلر . قاره جه بک سیلورینک ضبطنه مأموراومش  
وسیلوری نی تسخیرایتد کدن صکره بوغادوس ایله قوم بورنازینی ده  
ضبط ایتمش ایدی .

فاتحک سلطان مصره کوندردیکی فتحنامه دن آ کلاشدیغنه  
کورہ غلطه خلقنک استانبول محاصره سی صردسندہ وقوع  
بولان معامله لرینه نقض عهد نظریه باقلمش ایدی . روم  
تاریخلری غلطه ده اولان جنویزلرک ایکی طرفه ده جاسوسلقده  
وسائر هر درلو خیانتک اجراسندہ قصور ایتدکلرینی بیان  
ایدلر . بو حاله بناء کندیلرینه نقض عهد ایتمش نظریه باقلمده  
فاتح تمامیه حقلی ایدی . مع مافیہ ینه جنویزلری تأدیب دن ایسه  
تأمین ایتمکی مرجح کوردی ، کندیلرینه بر اماننامه احسان  
ایدی . هانمر بو اماننامه نك روحه وفرانسزجه ترجمه سنی حاشیه لرینه  
درج ایلمشدرکه بزده اماننامه یی او ترجمه دن ترجمه نقل  
ایدیورز . افاده سنی اصلنه مطابق اوله بیله جک بر صورته  
قویمق قابل اولمادیغی مسلم اولقله برابر ترجمه نك سوقیله  
بر درجه یه قدر او زمان شیوه سنی اختیاره مجبور اولدق :

« بن که شهنشاه روی زمین وامیرالمؤمنین سلطان محمد بک  
ابن سلطان الاعظم وامیرالافخم سلطان مراد بکم خالق ارض  
وسما اولان جناب حقک ونبی افخم حضرت محمد صلی الله علیه

بروقه تاریخیه دکل، افسانه قیلندن اوله رق یازلسه یینه یاقیشق آلماز. نوتارانک اعدامنه بعض خصاسنک حسد و القاتی سبیت ویردیکنه دائر اولان روایت بتون بتون خلاف معقول دکدر. روم بکلرندن بر چوغنک دفترینی ویرن نوتارایده مغدورلری طرفدن بر جنایت بوله بیلیمک احتمالک خارجنده عد اولنه ماز. خصوصیه خلیل پاشا ایله طرفدارلری بو بایده هر درلو تشبثک اجراسنده بالطبع قصور ایتزلر ایدی.

ققط نوتارانک اهل صلیب ترتینه تشبث ایلدیکنه دائر اولان روایت بو احتمالاته حاجت بر اقمیور، خائنک سبب جزاسنی بتون بتون ایضاح ایدیور. وندیك ایلچیسى ایسه عثمانلیلرله عهدی اولان بر حکومتک سفیری بولندیغی حالده وندیك تجار کمیلرینی بیله روملره یاردم ایچون استانبولده طوتدقن بشقه قلعه دن بر طرفک محافظه سنی درعهده ایتمش واسپانیا قونسولو سی ده ینه قلعه نک بر دیگر طرفده محافظلق ایلش ایدی.

او عصرلرده ایسه سلاح بدست اوله رق دشمن آره سنده طوتلق جزای اعدامه اوغرامق ایچون بشقه اسباب و تحریکاته احتیاج بر اقمازدی. بوندن بشقه نوتار ایله برابر دولت علمنه اهل صلیب ترتینه قیام ایدنجه اعداملری جوازدن وجوب درجه سنه چیقاجنی جای بحث دکدر.

فتحک ایکنجی کونی غلطهده بولنان جنویزلر زغنوس، پاشایه مراجعت ایدرک اوراسنی ده پادشاهه تسلیم ایلدیلر.



ولوکه پوئتیقه سی نتایجندن اولسون ، مرحمت و مرستی قابل انکار دکلدرد . « دیر .

فاتح ایچون نوتارانک چوجوغنی حقنده هامرک افهام ایتمک ایستدیکی یولده برمقصد اولسه ایدی چوجوغنی ایسته مز ، آیردی . آلماسنده نوتارا دکل ، دنیاده هیچ کیمسه مانع اوله مازدی . چوجوق بشقه برمقصدله چاغرل دینی حالده پدرینک اویله بر اشتباه کستاخانه ده بولندیغندن طولایی حقلرنده بر شدت کوسترلمش اولماسنده احتمال ویریه مز . چونکه او حالده چوجوغنه اسناد اولنه جق بر قباحت بولنه مایور . حد ذاتنده مانه رفقای فلا کتنک حیاتی فدا ایدن بر ادب سزدن اولادینه کندی حیاتی فدا ایلمک هیچ بروقت مأمول اوله بیله جک حالردن دکلدرد . هامرک بونوتارا روایتده یکانه مأخذی ایسه یوقاریده سویلدی کمز کبی روم مؤرخلرندن فرانیچیدرکه آستانبولک فتحنده عائله سیله برابر اسیر اولمش و کندیسنی بدل اعطاسیله قورتاره بیلمش ایسه ده اولادینی تخایسه مقدر اوله مامش ایدی . سوزینه اعتماد جائز اوله مایه جغنی ینه هامرک بیان ایلدیکی بو آدمک بیان حقیقت دکل ، مجرد تشفی صدر ایچون یازدینی هفواتک محاکمت تاریخیه نظرندنه حکمی اوله بیلیر ؟

فاتحه کوره بر اجنبی قزه علاقه ایتمک صکره آنک خاطری ایچون امان ویردیکی زادکان ایله بر طاقم اجنبی مأمورلرینی اتلاف ایلمک ایسه شبیه حقیقت اولمق مزیتندن او قدر عاریدرکه

بو حالزینی دائماً لسان تقییح ایله یاد ایده کلدکلرینه نظر آ فاتح بدمستانه عشرته مألوف اولان طاقمدن بولنسه تعریضده قصور ائیمه جکلرینه استناد ایده رک عشرت روایتی استدالات تاریخیه جه مقبول اوله مایه جغنی کوستیر .

(پاپاریغوپولو) نوتارانک اعدامی عشرت ساقه سیله می ایدی ؟ یوقسه برچوق مؤلفلرک بیان ایلدکلری وجهله نائل اولدیغی التفاته خصمانسک حسد ایدرک ایتدکلری القاتک تأثیراتندمیدر ؛ بیلنه مز، دیر .

لامارتین ایسه «معاصر اولان و بعضیسی روم قومندن بولنان بعض مؤرخلر نوتارانک اعدام اولندقلرندن بحث اولنان زادکان واجنبیلرله فاتح علیه اوروپادن بر اهل صلیب جمعنه تشبث ایلدیکنی اعتراف ایله نوتارانک اعدامی سرخوشلغه دکل، پادشاهدن کوردیکی عنایته مقابل ارتکاب ایلدیکی جنایت و کفران نعمتک بحق پادشاهی اغضاب ایتسنه حمل ایدرلر » ماننده بیان حقیقت ایلر .

فرانسه ارباب سیاستدن (سالاباری) وطنلرینک استیلا کورمی و فامیلالرینک اسیر اولماسی جهتیله منفعل اولان روم مؤرخلرینک روایاتی، هر فعلی نوتارانک بغير حق اعدام اولندیغنی تکذیب ایدن سلطان محمدک اتهامنه کافی اوله مایه جغنی بیان ایتدکلرین صکره « نوتارا فساد و اختلاله قیام ایتمش ایدی . یوقسه فاتحک ،



کتاب

کَلِيَانِيَتِكَ

بِسْمِ رَبِّكَ

عَمَّا اَنْتَ بِرَبِّكَ

جَزَاءُ

استاذ مولانا

کتاب طبعی

۱۳۶۷



# کتابخانه ایگال

ایگنجی ترتیب

اسامی آثار

برنجی ترتیب

جلد ۷

کتاب ۱۲



اسامی

غروش

جلد جزو	۳	[ ۱ ] رونان مدافعه نامہ سی . . .
۲۵ ۵ [ ۱ ] عثمانی تاریخی	۵	[ ۲ ] قارہ بلا . . . . .
۱۰ ۲ [ ۲ ] تاریخ اسلام	۲۰	[ ۳ ] مقالات سیاسیہ وادیہ ورویا
۰ ۰ [ ۳ ] آثار پراکنده	۱۰	[ ۴ ] وطن، کنہال، عاکف، زوالی   چوجق . . . . .
هر جزو ك فيثاتی (۳) غروشدر	۲۵	[ ۵ ] اشعار کمال . . . . .
کتاب کتاب اولرق هر ایکی آیدہ بر	۱۲	[ ۶ ] جلال الدین خوارزمشاه . . .
جزو جزو اولرق هر	۲۰	[ ۷ ] مکاتیب خصوصیه دن برنجی جلد
اون بش کونده برنشر اولنه جقدر	۷,۵	[ ۸ ] اوراق پریسان مجموعه سی .
ایکی ترتیبده برابر اولرق صره سیله منتظماً طبع ونشر اولنور	۲۰	[ ۹ ] منتخبات محقرات رسمیه . . .
	۷,۵	[ ۱۰ ] جزئی وانباه . . . . .
	۲۰	[ ۱۱ ] مکاتیب خصوصیه دن ایگنجی جلد
	۵	[ ۱۲ ] تعقیب و تخریب خرابات . . .   رساله لری وسائرہ . . . . .

## آبونه شرائطی

مقسطاً تأدیہ ایدلک شرطیله آبونه  
شرائطی :

یکونی پشین اوله رق تأدیہ ایدلک  
اوزره آبونه شرائطی

- غروش
- ۲۱۶ اثرلر اداره خاندان آلتق و پشین اوله رق یارم و متعاقباً هر اوج آیدہ بر یارم عشر لیرا تأدیہ ایدلک شرطیله .
  - ۲۴۰ پوسته اجرشدن طولای تقسیملر ۱۰ غروش اوله رق پشین ۳ مجیدی و هر اوج آیدہ ۳ مجیدیہ ویرلک شرطیله اقامه بکامه کوندرلک اوزردہ .

- غروش
- ۲۰۰ اداره خاندان آلتق شرطیله .
  - ۲۲۵ درسمعات و ولایات و ممالک اجنزیه ایچرن پوسته اجرتی ده داخل اوله رق اقامه بکامه کوندرلک شرطیله .

بوجزو ك فيثاتی (۳) غروشدر

طشره ایچون پوسته اجرتی ضم اولنور



ديمش و نوتاراده ذاتاً و با خصوص عدم استیاءه تشويق يولنده .  
بر طاقم مکتوبلرک و ورودندن صکره کرک ایمراطورک و کرک  
کنديسنگ قلعه نك تسليمه اقتدارلری اولماديغنی بیان ایلش  
ایدی که بو سوزلر پادشاهک خلیل پاشا حقنده اولان شههسنی  
بتون بتون تزید ایلدی .

پادشاه نوتارایه و اولادینک هر برینه بیکراچه و یرمش  
واموالنکده اعاده سنی وعدایلش اولدیغندن کنديسی استانبولده  
بولنان معتبرانک پادشاهه بردفترینی تقدیم ایلدیکنی و پادشاهک  
بونلردن هر برینک کیم کلهسنی کتیررسه بیک اچه احسان  
وعدایلش اولدیغنی هامر فرانیجیدن نقل ایدر .

هامر فرانیجیدن نقلاً سلطان محمدک فتحک ایرتسی کونی  
نوتارانک خانه سنه کیدرک کندينی وزوجهسنی تطیب ایلدکن  
صکره سرایه عودتله پک زیاده عشرت ایتش و اوصرده نوتارانک  
کوچک اوغلنی یاننه ایستمش ایسه ده نوتارا و یرمديکندن کرک  
چوجوقلرینی کرک کنديسنی عالم مستیده اعدام ایتدیرمش  
اولدیغنی روایت ایلر . صکره ده سلسله اسناداتنده دوام ایدرک  
دیرکه سلطان محمدک طیبی اولان غدارلنی قزینه تعشق ایلدیکی  
براجنبی طرفدن تحریک ایلدیکندن برکون اول حیاتلرینه  
امان و یردیکی زوملرک جملهسنی اکافدا ایلدی . و نديک ایلدیچسینه  
اسپانیا قونسولوسی بوفدا اولنانلرک جمله سندن ایدی .

کیون عثمانلی تاریخلری عشرته مبتلا اولان پادشاهلرک



جنازه سنی ایانده کی صر مه قوش ایشلمه لی قمرزی چیزمه لردن بولدیلر ، موتی یو صورتله تحققی ایلدی . بزم تاریخلرک روایتله کوره قسطنطین سر ایندن فرار قصدیله چیقار ق یولده عز بلردن مجروح برادمه راست کایر و حیوانیله انک اوزرینه کیدرک اعدامنه چالشدینی صر مده مجروح هول جان ایله یرندن فرلار قسطنطینی اتندن اشاغی چکدرک هلاک ایدر .

فرائچی ایسه قسطنطین تمنای موت ایله عثمانیلرک اوزرینه هجوم ایتش ویاننده روملردن کیمسه قالمادیغنی کورنجه « بنی اولدیره جک بر خرستیان بولنمایه جقمی؟ » دییه بیان یأس ایلدیکی صر مده یوزندن وارقه سندن بررقیلج ابله یاره ندرک تلف اولمش اردیغنی روایت ایدر .

قسطنطینک جنازه سی بیله ایانده کی چیزمه لردن بیلنمش اولماسنه نظر اکندینسی اعدام ایدنلرده هویتندن بی خیر ایدیلیر . بو حالده صورت اتلافنه دائر اولان روایتلرک هیچ برینه صحیح نظر یاه یاقیه ماز . اولدیکی وقت یاننده کندینی طانیان کیمسه یوق ایش که نصل اعدام اولندینی اندن تحقیق ایدیه بیلسین . دو قاسک روایتله کوره پادشاه فتحدن صکره ایمراطورک وزیر ی بونان و قلعه اندینی صر مده خانه سنه قچارکن اسیر ایدیلن (نوتارا) بی حضورینه جلب ایدرک « یابدق لرکی سیرایت : شو کوردیکک الای الای اسیرلر ، بیغین بیغین جنازه لر فرصت الده ایکن قلعه نک تسلیمنه موافقت ایتدی ککک نتیجه سیدر . »

عقربری نی جامعه تحویل ایله برنجی اوله رق فریضه صلاتک  
 اداسنه کنیدی مسارعت ایلدی . یلدیرم بایزید عصرنده جامعه  
 تحویل ایلمش ایکن تیمور وقعه سندن صکره عهدشکنانه اصلنه  
 ارجاع اولنان کایسا و مسلمه طرفندن انشا ایلمش ایکن صکره لری  
 ینه عهد شکنانه برطرز ایله کلیسایه تحویل ایدلین عرب جامعی  
 حقنده روملرک اختیار ایلدکلری معامله لردن بو صورتله بر  
 انتقام المش اولدی .

فاتح ایمپراطورک بر طرفی خالی بر طرفی خراب اولان  
 سرانی برنظر حکمتله تماشا ایلدیکی صروده :

« بوم نوبت میزند بر طارم افراسیاب ،

برده درای میکنند در قصر قیصر عنکبوت ! »

یاقی آورده زبان اعتبار ایلمشدر .

۵۲ سنه هجریه سنده ( سفیان بن عوف ) معیتله استانبولک  
 اسلام طرفندن وقوع بولان اوچنچی محاصره سنه کلش واوراده  
 ارتحال ایتمش اولان علمدار رسالتپناهی ابی ایوب خالد بن  
 زید الانصاری حضر تلرینک قبر مبارکلرینی پادشاهک طلبی اوزرینه  
 آق شمس الدین توجه ایله کشف ایتمش وهان اومقدس مقامده  
 برتربه انشاسنه باشلا تدرلمشدر .

فاتح استانبوله کیردیکی کون ایمپراطور قسطنطینی تحری  
 ایتدیرمش ایلدی . ایمپراطور سرایندن تلف اولغی اسیر دوشمکه  
 ترجیح ایدرک چیقمش و بناء علیه البسه سنی تبدیل ایتمش ایلدی .

وتار تارلردن... [۱] سنه هجریه سنده برکه خان استانبولک قپوسنه قدر کبشله ایسه ده قلعه بی محاصره ایتمه مشله ایدی . بناء علیه انلرک حرکتی تاریخیجه بو محاصره لر عدادنده طوتیلیمور . محاصره لرده ایسه یالکزجه روم ایمپراطورلردن عله کسی قومن ومیخائل پالولوغ ایله اهل صلیبک رئیس اولان ( واندوالو ) قلمه نك ضبطنه موفق اوله ییلمش ایدی .

عثمانلرک پادشاهی ملکه ارده سنه صوقلمش اولان روم ایمپراطورلغنی محو ایدرک روم ایلی و اناطولینک اتصالاتنی اویله بر مرکز فسادک وجودندن تخلیص ایله دولتک اوروپاچه اولان تصرفنی تأمین ایتمش و اسلامک برنجی سلطنته دنیانک برنجی شهرینی پای تحت ایلمش ایدی . استانبول فتحی بوجهته مسلمانلق عالمک اک بیوک اک مهم وقایعندن اولدینی کی . ایکنجی روما ایمپراطورلغیه قرون وسطانک طومارخون الود وقایعنی ده طی وختم ایدرک اوروپاده بدایع ومعارفه دورحشر اطلاق اولنان قرون اخیره بوقتحدن ابتدا ایلدیکنه نظراً خرستیانلق عالمجه دخی عصر مخصوص تشکیل ایدن حوادث عظیمه نك بریدر . پادشاه وقت ظهوردن صکره مملکتک هر طرفی ضبط اولندیغنی خبر النجه وزراسنی استصحاب ایدرک کشور کیرانه بر دبدبه وحشمتله استانبوله دخول ایتدی . وطوغریجه ایاصوفیه یه کیدرک بیزانس صنایع بدیعه سنک اجل ائاری اولان اوبنای

[۱] تاریخلردن نقطه لر ایله کوسترلمش اولانلرک قلمری مسوداتده یوتدر .

طرفندن مسلمته بن عبدالملك یدنجیسی ۱۲۱ سنه هجریه سنده  
 هشام بن عبدالملك سرعسگری اولان مشهور سید بطل  
 غازی سکنزنجیسی ۷۶۴ سنه میلادیه سنده بلغار قرالی پاغانوس  
 طقوزنجیسی مهدی عباسینک خلافتنده و ۱۶۵ سنه هجریه سنده  
 هارون رشید اوننجیسی ینه هارون رشید عصرنده و ۱۸۱ سنه  
 هجریه سنده عبدالملك اون برنجیسی ۸۱۱ سنه میلادیه سنده صرب  
 بکی (کروموس) اون ایکنجیسی ۸۲۰ سنه میلادیه سنده اسلا ولردن  
 (طوماس) اون اوچنجیسی ۸۶۶ سنه میلادیه سنده (اسقولدوزیر)  
 نامنده ایکی قوماندانک زیر اداره سنده اولان روسلر اون دردننجیسی  
 ۹۱۶ سنه میلادیه سنده بلغار قرالی (سیمون) اون بشنجیسی  
 ۱۰۴۹ سنه میلادیه سنده عاصی (توریتوس) اون التنجیسی  
 ۱۰۸۱ سنه میلادیه سنده (علکس قومن) اون یدنجیسی ۱۲۰۴  
 سنه میلادیه سنده اهل صلیب اون سکنزنجیسی ۱۲۶۱ سنه میلادیه  
 سنده (میخائل پاؤلوغ) اون طقوزنجیسی ۱۳۹۴ سنه میلادیه سنه  
 تصادف ایدن... سنه هجریه سنده ییلدیر بازیدیکر منجیسی ۱۴۰۲  
 سنه میلادیه سنه تصادف ایدن... سنه هجریه سنده کذلک ییلدیرم  
 بازیدیکر می برنجیسی... سنه میلادیه سنه تصادف ایدن... سنه  
 هجریه سنده موسی چلبی یکر می ایکنجیسی ۱۴۲۲ سنه میلادیه سنه  
 تصادف ایدن... سنه هجریه سنده سلطان مراد ثانی طرفندن  
 وقوع بولمشیدی. روسلردن ۹۴۱ سنه میلادیه سنده ایغوز

شهره کیرد کدن صکره خرستیانلرک برطاقی ایاصوفیه یه طیانه رق مقاومت چالشمشلر ایسه ده اوراسی ده بر حمله ده ضرب دست ایبه فتح اولندی . اقشام اوزرینه طوغری هیچ بر طرفده اثر مقاومت قالمادی ، استانبول بوضورتله ۸۵۷ جمادی الاولینک یکرمنجی و ۱۴۵۳ سنه میلادیه سی مایسنگ یکرمی طقوزنجی چارشنبه کونی سنیه شمشیر محمدیده فتح اولندی . محاصره اللی اوچ کون دوام ایتمشیدی .

بوفتح مین استانبولک تأسیسندن ۱۱۲۳ و دولت علیه ننگ ظهورندن ۱۵۸ سنه و فاتحک جلوسندن ایکی سنه صکره وقوع بولمشدر .

استانبول قسطنطین طرفندن تأسیس ایدلد کدن صکره یکرمی اوچ دفعه محاصره اولمش ایدی که برنجیسی ۶۱۶ سنه میلادیه سنده (خسر و پرویز) ایکنجیسی ۶۲۶ تاریخنده (اوار) قومنگ رئیس اولان (شاغات) اوچنجیسی ۶۵۴ سنه میلادیه سنه تصادف ایدن ۳۴ سنه هجریه سنده حضرت عثمان رضی الله عنه حضرت تلرینک شام عاملی اولان معاویه دردنجیسی معاویه ننگ زمان حکومتنده و ۶۶۷ سنه میلادیه سنه تصادف ایدن ۴۸ سنه هجریه سنده یزید بن معاویه بشنجیسی ینه معاویه ننگ زمان حکومتنده و ۶۷۲ سنه میلادیه سنه مصادف اولان ۵۲ سنه هجریه سنده عبدالرحمن بن عوف حضرت تلرینک برادرلری سفیان بن عوف التنجیسی ۹۷ سنه هجریه سنده سلیمان بن عبدالملک

پاشانک تحریصات جلادت پرورانہ سی اوزرینہ یکچریلردن اولوبادلی حسن نامندہ عظیم المیکل برقہرمان فالقانی باشنہ طوتہرق ہرکسدن اول طوپ تپونک یرجنہ صعود ایلہ دولتک شانلی بایراغنی رکز واعلا ایلدی ؛ کندیسیدی ده او قدر عالی برشرفہ مظہریتنی متعاقب دشمن طرفدن اوزرینہ یاغدیریلان او قمرلہ مرتبہ شہادتتی احراز ایتدی .

حسنک شہادتتی اوزرینہ اوجہتدن هجوم یراز ضعیفلامش وروملردد کثرتلہ بیغلماغہ باشلامش اولدیغندن طوپ قپودن استانبولہ کیرن فرقہ برنجی اولمق شرفی احراز ایدہمدی . چونکہ الہی کشیدن مرکب بردیکر فدائی فرقسہ اگری قپویی ضرب دست ایلہ کشاد ایدرک استانبولہ کیرمش وارقہ لردن دہ برطاقم مجاہد لر ککش اولدیغندن یونلر ہرکسدن اول شہرک اوتہسنہ بریسنہ طاغلمش وروملری شاشردہرق سائر فرقہ لرکدہ سہولتلہ قلعه یہ کیرمسہ خدمت ایلمش لردرکہ اولوبادلی حسندن صکرہ استانبولک مقدمہ قنوحاتی اولمق شرفی اوللی فدائی یہ عاندر . فرانچی ایمپراطورک مهاجمہ دن برکون اول خارجه برحملہ ایتک تصور یہ اگری قپویی اچدیرمش واحتیاطسزلق ایلہ اچیق براقمش اولدیغنی بیان ایدرکہ عثمانیلرک شان عسکر یسنی تقیص ایچون اختراع اولندیغنی حالذہروملرک بلاہت فوق العادہ لردن بشقہ یرشیدہ دلالت ایدہمین بوافسانہ عقل قبول ایدہ بیلہ جک یالانلردن دکلدہر . عثمانلی عسگری

عسکری سفینه لرینه قاچمش اولدیغنی بیان ایدر ، بوحادثه نك سبب فتح اولدیغنی کوستریر . روم تاریخلری ده خواجه نك فرنگ ظائفه سنه رئیس اولدیغندن بحث ایلدیکی جوستنیانینک مجروح اوله رق ایمراتوردن کیسنه چکلمک ایچون رخصت ایستمی اوزرینه « یاره کز اغیر دکل ، اغیرده اولسه بورادن نصل چیقایلیرسکز ؟ » دیمسنه جواباً « اللهمک ترکلره اچدیغنی یولدن چقارم » دییه رک بر رخنه دن خروج ایتمش و غلطیه واورادن سفینه سنه کیتمش اولماسی محافظلرک غیرتنه قنور کتوردیکندن یحت ایدر لر . جوستنیانی قالسه ایدی مقاومتی برقاچ دقیقه تمید ایلک و قافله شهیدیه برقاچ صاحب حمیت ده علاوه ایلکدن بشقه یرشی یاپه مایه جنی محتاج تعریف دکدر .

قلعه نك فتحنه مدافعلرک غیرتسلکی دکل ، مهاجرلرک حتی سبب اولدی : زغنوس پاشا هجوم اثناسنده غلطه اوزرنده یونان فرقه سنی معیتده کی ضابطلره ترک ایدرک نزد پادشاهییه ککش و بر فرقه ایله طوپ قنو اوزرینه یوریمش ایدی . روم تاریخلرینک روایتنه کوره ایکی یوچوق ساعت قدر اتیلان طوپلرک ، بیقیلان دیوارلرک طراقه سامعه شکافی ، دوکولان تفت آتشلرینک ، اوینیان قانلی قلیجلرک شعشه باصره سوزی ارسنده ایکی یوچوق ساعت قدر عسا کر اسلامیه خندقدن چکلمک ، دیواره صارمقله اوغراشدقدن صکره زغنوس



طوپ قپو ایله ادرنه قپوسی اره سنده بر موقع انتخاب ایدرک  
 بر مدت عادی طوپلرله بر خط اوزرینه دوکه دوکه دیواری  
 کوشدکدن صکره اوجهته نشان انهرق بیوک طوپلرک ایکسینه  
 بردن اتش ایدلمسی امر ایلدیکندن ینار طاغ پاتلامش کبی  
 بر طراقة قیامت نشان ایله طاغ پارچه سی بیوکلیکنده اتیلان  
 کولله لرک بر مجسم زلزله کبی ورودی دیواری یرله یکسان ایلدی.  
 بونک اوزرینه هر طرفدن هجوم باشلامش ایسه ده وقت  
 کچدیکندن وعسا کر تمامیه حاضر بولمادیغندن ینه فتح میسر  
 اولمادی . فاتح ایسه آچیلان رخنه نک دشمن طرفندن سدینه  
 میدان قنالمق ایچون هر طرفدن مشعله لروحتی مزاراقلر اوچنده  
 موملر یاقدیره رق عسکری محاربه دن ال چکدیرمدی . اردو  
 کثرت ضیادن برحاله گلش ایدی که ایرتسی کون ظهورینه انتظار  
 اولنان فتحک همان اوکیجه دن شهر ایننه باشلانیش ظن اولنوردی .  
 صباح اولنجه پادشاه شهرده کی اموال غیر منقوله دولتک و اموال  
 منقوله عسکرک اولدیغنی دللر ایله اعلان ایتدکدن ویکه چریلرک  
 استراحی اوزرینه بالطه اوغلی طاشلادقلری جهته محبوس  
 اولان ارقداش لرینی ده اطلاق ایلدکدن صکره عسکرینی استصحاب  
 ایله پیشکاهنه اتش ، اطرافنه التون صاچهرق مهاجه بی کشاد  
 ایلدی .

خواجه سعدالدین برعزب دلاوری فرنک عسکرینک  
 رئیسینی قارندن اورارق اعدام ایتمش و بو حادته اوزرینه فرنک

دكل ایدی، صرف مایوسانه بر فدا کارلق ایدی. چونکه روملر محاصره نك شدتی زمانلرنده بیله نفاق و اختلافدن کرى قلامش لردر: مملکتک محافظه سنده خیلی غیرت کوسترن جوستینانی ایله غران دوق نوتار اذاتاب بر رینه نظر خصوصته باقمده اولدقلرندن جوستینانینک محافظه ایتدیکی طرفه بر قاچ طوپ ایسته مسی ونوتارانک ویرمه مسی اوزرینه بیلرنده ظهور ایدن منازعه دن طولانی روملرله عساکر معاونه ارسنده بر شدتلی برودت پیدا اولدینی کبی سفینه لرله کورینک اطرافنی درعه ده ایدن ژاق قو قک احراز موفقت ایدمه مسنی جوستینانی مهارتسزلکه حمل ایدک بر طاقم آجی سوزلر سویلش اولدیغدن قو قک همشهریسی اولان وندیکیلر ایله جوستینانینک همشهریسی اولان جنویز لیلرک ده ارسه ایچیلش ایدی. بویاه بر زمانده روملرک مذا کرده مجلسنده تقدم وتأخر دعواسیله اسکمله غوناسنه چیقشدقلری منافسات شخصییه نی فائده وطنه ترجیح ایدلرله قارشى نمونه کوستریلن امثال سیاستدندر. ایمراطور طرفندن او ائاده قلعه نك بعض جهتلرینی تعمیره مأمور اولان ایکی راهبک یدلرینه مودوع اولان پاره دن یتش بیک التون سرقت ایدرک دیوارک التنه دفن ایتش و صکره بو پاره نك عثمانیلرله نصیب اولمش اولدینی روم تاریخلرینک روایاتندندر که بوده طمعکاران ارتکابه کوستریله جک بر بیوک مثال عبرتدر .

فاتح استانبولک هجوم ایله ضبطنه قرار ویردکدن صکره

برچونگی اقدامات کلیه ایله خندقه صوقیه‌رق یولنی یاریسنه قدر طولدیرمش ایدی که پادشاه روم ایمپراطورینه بر صوك تکلیف اجراسنی ارزوایتدی، فقط رسمی سفیر کوندرمک ایسته‌مدی؛ اصهارندن اولان اسفندیارزاده‌یه کندی طرفندن ایمپراطوره کیتمنسه مساعدده ایلدی. هامر بو حرکتی یا عادت یرینی بولمق و یا خود استانبولک داخلنی ا کلامق فکرینه حمل ایدر. حال بو که فاتح عاده اتباع ایتک ایسته‌سیدی کندیسی سفیر کوندردی. چونکه عادت یرینی بولمق او یله بر معامله‌یه محتاج ایدی. اسفندیار اوغلی بر تکلیف ایله کیتدیکی زمان کندیسنه استانبولک مواقع لازمه‌سنی کزدیره جک دکلرایدی که او واسطه‌ایله مملکتک حالی او کرمک قابل اولسون. بوتشبت و کلانک بیهوده عسکر قیردیرمقدن و مملکتی یغما ایتدیرمکدن ایسه صالحاً فتحنه امکان کورملردن و پادشاه سفیر ارسالنه تنزل ایتدیکی ایچون بویله بر صورت تسویه بولمالرندن نشأت ایتش اولسه کر کدر.

اسفندیار اوغلنک تکلیف استیپانه قارشی ایمپراطورک ویردیکی جواب استانبولی محاصره ایدنلردن هیچ کیمسه‌نک چوق معمر اولمادیغنه دائر بر طاقم تهدیدات غیبیه‌دن صکره پادشاه اجدادی کبی جزیه‌ایله اکتفا ایدرسه اعطا ایتکه حاضر بولندیغنی و فقط مملکتی محو اولنجیه‌یه قدر محافظه‌یه مجبور اولدیغنی بیاندن عبارت ایدی.

ایمپراطورک ویردیکی جواب کدیغجه هیچ برامیده‌مستند

مقصود اولان خدمتی ایفایه مانع اولوب طورمقدمه ایدی .  
 بناءً علیه پادشاه کندی سفینه لریله کورپرسنک استحصال امنیتی  
 ایچون روم کیلیرینی قارهدن تهدید ایتمکه لزوم قضی کورمش  
 ایدی . انجق شمدی بك اوغلنك بولندیغنی موقعده اولان  
 رغوس پاشا اردوسندن بشقه بریردن بونلری طوپه طومتق  
 قابل دکلدی . اورادن ایتله جق کولاله لر ایسه بالطبع غلطه نك  
 استحكامات و ابنيه سنه طوقنه جغندن و حال بوکه غلطه جنوزلرک  
 النده اوله رق انلر عهد پادشاهیده بولندقلری کبی روملره  
 ذخیره ویرمک یولنده برطاقم خیانتلری ثابت اولمش ایسه ده  
 نأله بی تعدد ایتدیرمه مک ایچون جنوزلره طوقنق ارزو  
 اولمادیغندن قوه بجزیه مزی دشمنک شرندن وقایه یه امکان بولنه مادی .  
 فاتح که هر مخاطرده بر استاد اولق و هر احتیاجده بروسيله  
 ایجاد بولق خصلتیه متصف اولان ده اتدن ایدی ، بو صعوبتک  
 ازاله سی ایچون کنزلیفنا ی عرفانسه مراجعتله ترتیب ایلدیکی  
 حساب اوزرینه مقوس کولله اتار طوپ یاپدیرمق تدبیرینی  
 اختراع ایتدی و بو طوپ ایله اتدیغنی ایکنجی کولله بی بر روم  
 سفینه سنه اصابت ایتدیره رک غرق ایلدی . ایشته پادشاهک  
 خلیجده کی سفینه لره کوپری بی محافظه ایچون فعله چیقاردیغنی  
 بو اختراع شمدی طوپجیلق فنک اعظم ارکانندن اولان خیره  
 اصولنه اساس اولمشدر .

ایشته بوضورتله تدارکات مهاجمه اکمال ایدلمش و عسکرک

تعهد ايلدى . بومقصدى اجرا ايچون خفيف، كوچك و كوركاه  
 كوزل اداره اولتور اوچ قايلىق اتخاب ايلدى . برمقدار نطق  
 شيشه سيله سائر اجزاي ملتبه تدارك ايدرك قرق قدر جسور  
 كيچي ايله سفين و كوپرى ني برقرانلق كيجهده احراقه تشبث  
 ايلدى . فقط عثمانيلر تيقظده ايديلر ، قوكل تشبثي يالكز  
 مسلمان سفينه لرندن بريني احراق ايديه ايلدى . كوپريده  
 طونشديرلمش ايسه ده درحال اطفا اولندي و اوچ روم قاينغده كي  
 كيچيلر اخذ و اعدا ايلدى . ايمپراطورده ينه روم تاريخلرينك  
 روايتنجه استانبولده اسير بولنان ايكي يوز التمش مسلماني  
 اعدام ايدرك كه لريني قلعه برجلرينه ديزديرمش ايدى .  
 روملرك بوسفرده جزئي كاي هيچ بر غلبه لري وقوع  
 بولماديغندن اللرنده حرب اسيرلري بولماسنك احتمالي يوق ايدى .  
 كيم بيلير اعدام ايتدكلري ادملر نه درلو تاامينات و دسايس ايله  
 استانبولده طوتلش برطاقم بيجاره لر ايدى .  
 فاتح بوايكي هجوم خفيي عسكرينك دقت و انتباهي قوتيله  
 دفع ايديه بيلمش ايدى ؛ فقط خليج اغزنده بولنان بيوك كيلرك  
 عثمانلي سفينه لري اوزرينه دوشمك ايچون برمساعد روزكار  
 بكمكده اولدق لريني خبرالدى ؛ بوتشبت ايسه روم و ونديكيلرك  
 كيچيلكده اولان مهارت لرينه نظراً عثمانيلر ايچون بريوك مخاطره  
 ايدى ، خصوصيله عثمانلي كيلرينك كيجه و كوندوز دشمن شرنندن  
 تحفظ ايله اشتغاللري اوقدر همتلر ، كلفتلرله خليجه ادخال لرندن

اقوامك مهندسلى دكل ! جراثقال ايسه شمديكى كې عادى  
مكتبلرده اوقونماز ايدى . خصوصيله اوفنى بوتدر بيوك  
تشبثلرده قوللامق ايسته ينلر ايچون برمعلومدن برقاچ مجهول  
استخزاج ايدى جك قدر كشافلغه ، موجدلكه احتياج كورينور  
ايدى .

محصولر بويله طاغلىرى ، طاشلىرى دريايه تحويل ايدر  
يولده برخارته نك تماشاسيله بالطبع مبتلا اولدقلىرى حيرتدن  
قورتيلنجه كىلىرى ياقغه قالقشديلر وبويولده برقاچ كره پك  
فدا كارانه هجوملرده ايتديلر . برنجى هجومى قلعه نك امدادينه  
كلديكنى يوقاريدى بيان ايتديكمز جنوهلى جوستنيانى اجرا  
ايتمش ايدى . روم تاريخلرينك روايته كوره عثمانلىلر سفينه لى  
اوزرينه بويله بر هجوم وقوع بوله جنى غلطده بولنان جنويزلردن  
خبر الديلر ، كيجه انتباهلى بولنديلر اوزرلرينه كلن سفينه ي  
بركوللده باتيرديلر . كيمده بولنان يوزاللى قدر ايتاليداللقانلىسى  
دكزه دو كوله رك همان كافه سى هلاك اولمش وجوستنيانى طاغله لى ،  
كولله لى اره سندن بيك مشقتله جاتنى تخليص ايدى بيلمش در .  
فاتح كىلرينك معاونتيله غلطهدن استانبوله كچه بيله جك  
وطوپ قالديره جق صورتده بربرينه مربوط فيچيلر اوزرندن  
برده كوپرى انشا ايتديرمكه باشلادى . روملر بوكوپرى ي  
كىلردن مخاطره لى كوردكارندن ينه احراق تشبثنده بولنديلر ،  
ايكنجى نشبى ايسه ونديكىلى ( ژاق قوق ) نامنده برضايط

کرامتنه مراجعتله طوق بشرک خارجنده کورینه جک برتدیرک  
اجراسنه قاقشدی : بالذات تعیین ایتدیکی برطریق اوزردن  
طولمه باغچه دن قاسم پشایه قدر برقیزاق انشا ایتدیردی و انتخاب  
ایتدیکی یتمش قدر سفینه نك یلکنلرینی کشاد ایتدیره رک  
وغلطده نه قدر حیوان وعسکر واریسه جمله سنی نقل خدمتنه  
تعیین ایلیه رک چالیشانلر بسم الله مجریها ومرسیها دعاسیله اشتراک  
توفیق وتیسر وکوردلر سبحان الذی اسری ثناسیله اظهار تحسین  
وتحیر ایلکده اولدقلری حالده برکیجه نك ایچنده بیسک درلو  
اقدامات ایله کیملرک جمله سنی بردن خلیجه ایندیردی ! کیون  
قارده ده کمی یورتمک برنجی اوله رق فاتح دن صادر اولمش برشی  
اولمادیغنی سویلر . هامرده بومقدمه ایله باشلایه رق فاتح دن  
اول قارده دن کچیرلمش کیلره دائر برچوق وقایع تعداد ایتدکدن  
صکره سلطان محمدک جلوسندن درت سنه اول وندیکیلر  
سفینه لرینی ( ادیجه ) دن ( غاردا ) کولنه نقل ایلدکلرندن  
وساقزلی ( لئوناردی ) نك روایتنه کوره فاتحک بووقعه یه  
اولان وقوفی جهتله کمی کچیرمک تصویرینه دوشدیکنی حکایه  
ایلدیکندن بحث ایدر . بو افادات ومطالعاتک هیچ بری سلطان  
محمدک بوموفقیتمده کوستردیکی مزیات فوق العاده نی ذره قدر  
اضعاف ایتمز : بدیهیدرکه قارده ده کمی کزدیرمه نك صعوبتی  
تصورنده دکل اجراسنده در. بو کیلری نقل ایچون اقتضایدن  
ترتیباتی یاپان فاتحک کندیسیدر ، اندن اول قارده ده کمی کزدیرن



توصیه ایتدیلهر . فاتح استانبولی بهمه حال بوسفرده ضبط ایتمک عزم قطعینده ایدی، بالطبع صدراعظمک رأینی رد ایلدی . تشبثاتک اوغرادینی صعوبتلهر یالکزه بو محاربه بحریهده قالماشدر . برکون « مملکت کشا » نی طوپ قپو جوارنده بعض رخنهلهر پیدا ایتمش اولان برجک اوزرینه سوق ایدرک محفل بیابان شهادت عنوانه لایق اولان اوقله سیاره دروننده کی قهرمانلرک اقدامات کشور کیرانه لریله خندق بر درجه یه قدر طولدی رتمش و ایرتسی کونی غزاتک هجومه بر جاده ظفر اچدی رتمش ایکن رومله هول جان ایله اوکیجه اقدامات فوق العاده کوستره رک بر طرفدن حرب ایتمکه برابر بر طرفدن ده خندق تخلیه یه چالشدقلری کی معهود نطف شیشه لریله مملکت کشایی ده احراق ایتدیلهر .

فاتح که مشاهده ایتدیکی غیرتی ، ولو کندینه مضر اولسون تقدیر ایتمک شانندن اولان مهارت پسندان عالمده ایدی ، دشمنک اوکیجه کوستردیکی اقدامه متحیرانه تحسین خوان اولمش و « یمین ایدرم که روملردن هیچ بر وقت بویله بر غیرت مأمول ایتمزدم . » دیمش ایدی .

موفقیتسزک تکرر ایدنجه فاتحک وقار عرفان وعلویتنه طوقوندی ، دشمنلرینی عالم پسندانه بر خارقه ابرازیله مغلوب و متحیر ایتمک ایسته دی ، اک بیوک معینی اولان قوه علم و عرفانک

روم تاریخلرینک بووقعه‌یی بر مسئله تاریخیه کی نقل ایتملرینه سبب فاتحک شدتی، غدارلغنی کو ستر مکدر . واقعا سلاطین عثمانیه ایچنده ذوات معروفه‌یی برنجی اوله رق ضرب ایله تأدیبایدن فاتح ایدی؛ بو معامله نك او معرفت و تربیه‌ده بر پادشاهه یاقیشه جق برشی اولمادیغی ده معلومدر؛ فقط یوشدتك یوزسنه یه کانهجه قدر اوروپاده جاری اولان بیک درلو اشکنجه یه قیاس قبول ایتمه جک قدر خفیف اولدیغنی ده تعریف اقتضا ایتمز .

یچاره سلیمان بک عسکر اره‌سندده وقعه دن طولانی متهم کورلیدیکندن یکیچیریلردن بعض ارادلك تحقیراً اوزرینه طاش یاغدی ره رق برکوزینی سقطلامش اولدقلری و بو ادب سز لکه اجتسار ایدنلرک ضرب ایله تأدیبا اولندقلری ده ینه روم تاریخلرینک روایاتنددر .

بزم تاریخلرک روایتنه و روم تاریخلرینک ده تأییدینه کوره محاربه بحریه‌یی متعاقب عقد اولنان مجلس مشورته صدر اعظم خلیل پاشا دشمنه بونک کی دها برچوق امداد لر کله جکندن محاصره‌ده دوام ایله نتیجه‌سی مجهول برامیده چالشمقدن ایسه ایمپراطوری خواجه کسه‌رک خطر سزجه تأمین غالیته ایلك دها معقول اوله جغنی عرض ایلدی . وزرادن رغنوس پاشا وجعفر پاشا و خادم شهاب‌الدین پاشا ایله رفاقت شاهانه‌ده بولنان اعظم امتدن ملا کورانی و ملا خسرو و شیخ آق شمس‌الدین و شیخ آق بیق بورایک بتون بتون خلافته اوله رق پادشاهه صبر و ثبات .

كندی ایسه ملك الرعد صبیحه زهره شكافيله اوهنكامه دهشت  
آلودی حکمنه مغلوب ایتک ایستردی !

کیلرده اولان عساکر پادشاهک بوصولت حیدرپسندانه سندن  
تهایت درجه لرده غیرت بوله رق وکیلرینی بیناغی غلبه حمتله  
زورینه اداره ایدرک دشمن سفینه لرینه بر هجوم دها ایتدیلر ،  
حتی ایمپراطورک بیوک سفینه سنی احاطه یه موفق اولدیلر . فقط  
اوصروده روزکارک انلره مساعده سیله برابر برقات دها شدت  
پیدا ایتسی واک ماهر کیجیلرله مالامال اولان درت جنویز  
سفینه سنک امداده شتاب ایلسی جهتیلرله شکارلرینی الدن  
قاچیردیلر . دشمن کیلری بو قاریشقلقدن استفاده ایدرک سرای  
یروندن غاطه بالق بازارینه طوغری چکلمش اولان زنجیرده  
اوصروده کشادایدلرکندن بر مهارتله خلیجه دخول ایتدیلر ،  
عثمانلی کیلرینی چالشدقلمی موفقیتک احرازندن محروم ایلدیلر .  
پادشاه بو وقعهدن طولانی صوک درجه لرده حدت ایتمش  
وموفقیتسزلیکی بالظه اوغلی سلیمان بکک اهما و تکاسلنه حمل  
ایدرک اعدمانی امر ایلدیکی حالده بعض شفعا توسطیله جانی باغشلامش  
ایسه ده یوزدکنک ضربیله تادیبندن کندیسنی اله مامش ایدی . حتی  
روم تاریخلری بویوزدکنکی کندی ایله وورمش اولدیغنی نقل  
ایدرلر . پادشاهک حدتله بالظه اوغلی دوکمیسه ده دوکدیرمسی ده پک  
طبیعی ایسه ده بالذات یوزدکنک ضربیله قولنی یورمش اولماسنه  
اینانیله ماز .

مخاربه ابتدار ایدراتمز دریایی دشمنك مرمیاتی قاپلامش  
 وبخصوص نطف شیشه لرینك دوکدیکی شعله لر صو اوزرنده  
 یوزمکه باشلامش اولدیغندن ارده پید اولان امواج اتش  
 حقیقهً دنیاده اك زیاده صوت و جلادتلیله مشهور اولان  
 عثمانلی قهرمانلرینده بردهشت و حیرت ایچنده براقمش ایدی.  
 برطرفنده جنویز کمیلرندن یاغمقده اولان اوقلر کورجیلری  
 ایشلرندن یقویدیغندن و روزکار پك شدتلی بولندیغندن کمیلری  
 اداره یه امکان قالمش ایدی. حتی طالغهرلك شدتندن یکدیکرینه  
 چارپمقده اولان سفینه لرک ایکیسی شدت تماسدن و یاخود  
 دشمنك آتدیغی علولی اجزادن احتراقه باشلادی .

پادشاه سفینه لرک بو حال عجزینی کورنجه غیرت قهرمانینك  
 غلبه سندن کندیسنی ضبط ایده مدی ، دشمنلرک استحصالنه  
 چالشدق لری مظفرتی آب و آتسه مهارت و طبیعته غلبه ایله  
 پنجه لرندن چکوب المق ایسترجه سنه برعزم متحکمانه ایله اتی  
 دریایه سوردی ، اوازیله اشاراتیله اوضاع و اطواریله القای غیرت  
 و تعلیم صوت ایتمه باشلادی . یاننده بولنان امراده بو اطوار  
 خارق العاده تأثیراتنه انجذاب ایتدیله ، ارقه سندن برزایکیشر  
 دکزه دوکولدیله . کمیلرک حرب ایتدیکی رله پادشاهك دکزه  
 کیره بیلدیکی محلك آره سی هان برطاش آتلسه یتیشه جك قدر  
 یاقین اولدیغندن اطرافنده اتش لر یوزر ، کولله لر یاغاردی ؛

روزکارلرندن استفاده ایدرک یئرلرندن حرکت ایتدیله و روزکار کیتدیجه شدتلندیکندن سرعتله استانبول پیشگاهنه قدر کلدیله . هامرک دونمانک یوز اللی سفینه دن عبارت برفرقه سی بوبش سفینه نک یولنی کسمک ایچون اوزرلرینه واردقلرینی سویله . حال بوکه دونمانک عمومی فرانچینک ینه کندی قولی ایله مبالغه لی اولدینی ثابت اولان روایتله کوره التمش الی حرب سفینه سندن عبارت اولدیغنی بیان ایدنده ینه هامردر ! کیون بومحاربه بی بیان ایلدیکی صرده دیرکه « اسلامک رجحان قوتی هر درلو نسبتک خارجنده ایدی . اگر هوا را که اولسه ایدی عثمانلیلرک مقدار وشجاعتی بهمه حال احراز موفقیت ایدردی . شوقدر وارکه نقصانی اولان دونماری اهانیک سوق استمدادیه اغر اغر حصوله کلش دکل ایدی ، یالکزجه پادشاهک امری ایله یاپمش ایدی . سفینه لرک اونی سکزی استنا اولنورسه قصوری فنا یاپمش فنا اداره اولنور عسکرله طولو وطوپدن خالی برطاقم اچیق قایقلردن عبارت ایدی . همت وغیرتک اهمیتلی برمقداری اقتدارمزه اولان امنیتزدن حاصل اولدیغنه نظراً کجسوریکچیریلر بویله بیلمدکری موادایله اوغراشنجه لرزده ناک خوف اوله بیلیرلرایدی . »

بزم دونمانک برجزوی دشمن کیلرینک اوزرینه حرکت ایدنجه قلعه برجلری سیرجی ایله مالامال اولمش و پادشاهده بوهنکامه بی تماشایچون ساحله اینمش ایدی .

تخریب ایتمک پک چوق زمانه محتاج اولدینی کبی استانبول اطرافی قیالوق جهتیله انم قازمقده استحالیه تصادف ایدلمکده وقازیله بیلن یرلر شهر لغمجیلری طرفدن ابطال ایدلمکده اولدیغندن بومساعینک بر فائده سی کوریه مامکده ایدی .

فقط طوپلر تأثیرینی اجرا ایتمکه باشلادی . هر کون قلعه ده اوافق تفک رخنلر آچیلیر ، روملر بورخنلری طاش و طوبراقی طولو واریلرله ستر ایتمکه چالیشیر ایدی .

نیسانک اون بشنجی کونی که جمادی الاولنک بشنه مصادف ایدی ، سفائن عثمانیه بالطه لیماندن چیقاروق بشکطاش پیشگاهنه وضع لنکر ایلدی . بر قاچ کون صکره قارشیدن بش بیوک سفینه نک قلعه یه امداد ایچون کلکده اولدینی کوردی . خواجه سعدالدین یالکز ایکی کمی کادیکنی بیسان ایدر . حال بوکه بونلرک بش سفینه اولدینی وبری ایمراطوزک، دردی جنوزلرک مالی بولندینی روم تاریخلرنده مصر حدر . انلرایسه قوتلرینی دائماً تقلیل ایده کلدکلرندن حقیقت حالده کلن ایکی سفینه اولسه بونی بره ایندیرمه لری قابلدر ، بشه چیقارمالرینه احتمال ویریه مز .

بوکیلر استانبوله عساکر معاونه کتیرمک ایچون مارتدن بری ساقزده بکلمکده وهوایی مساعد بوله مادقلرندن بر طرفه حرکت ایده مه مکده ایدیلر . نهایت ظهور ایدن خفیف لدوس

التنجی کونی که ۱۴۵۳ سنه میلادیه سی نیساننک التنجی جمعه کوننه مصادف ایدی ، استانبولک محاصره سنه ابتدار ایشدر . پادشاه استانبولک هرجهتنه طوپلرینی تعیه ایلدیکی کبی ایکیسی برقطعه ده وبری انلردن ده جسیم اولان اوچ بیوک طوپنی اولاکری قپو قارشینسه وضع ایتمش ایدی . صکره اوجهتک تخریبنه امکان اولمادیغنی تجربه ایلدیکندن طوپ قپو قارشینسه نقل ایتدی .

طویلرک اک بیوکی طولدیرلمقده ایکی ساعت قدر زمانه محتاج اولدیغندن کونده سکنز دفعه دن زیاده ایتله مازدی وبرنجی ایشی محاربه یی شفقله برابر کشاد ایلدیکی کبی سکننجی ایشی ده غروب ایله برابر ختم ایدردی . تاریخلرک روایتسه کوره برطوپ محاصره ابتدارنده پاره لشمش ایدی . دیگر ایکیسی فاتح هر آتدیقه زیتون یاغی ایله طلا ایتدیرمکه باشلامش و اوصورتله فتحه قدر مخاطره سزجه استعمال ایده بیله مشدر . محاصره نک ابتداسندن بری عثمانلی عسکری طوپ ولغم قوتیله کوندوزلری حصارک هدمنه و اوق وقورشون ایله محافظلرک افناسنه چالیشیرلردی . روملر ایسه خارجدن طیشاری طوغری حفریات ایله لغملری بوله رق ابطال ایدرلردی . لغملرده اوزمانه قدر باروت قوللانمادیغنی جهته حفریاتی قلمه نک التنه قدر ایلریلدوب برمعقاد دیوارلری اول امرده مرتک اوزرینه الهرق و صکره مرتکلری احراق ایدرک حصاری



فرانچی بر عباره سنده عثمانی دو تناسک التمش الی حرب ویکرمی بش ثقلیه سفینه سیله اوچ یوز قدر اوافق کمیدن و بر دیکر عباره سنده اوتوز کمی ایله یوز اوتوز قایق دن مرکب اولدیغنی سویلر که عثمانیلرک قوتنی فوق العاده اعظام ایده کلمسینه نظراً ایکنجی روایتی دها از مبالغه لی کورینور . بودونمانی بالطه اوغلی سلیمان بک بر قیش ایچنده وبالطه لیماننده تدارک ایشم ایدی که نه قدر اهمیتسز برشی اولدیغنی یالکز بوجهت اثبات ایدر .

روملرک اولیه بیوک طوپلری موجود دکل ایدی . هامرک روایتنه باقلیر ایسه موجود اولسه بیله قلعه تک اولیه شدتلی تزلزلره مقاومت ایده جک قدر متین اولمامسی جهتیله استعمالی قابل اوله مازدی . فقط اکا بدل کندیلرنجه اسرار دولتن معدود اولان و بزم تاریخلرده نطف شیشه سی تامیله یاد اولنان « فوغره ژوار » لری موجود ایدی که طوپچیلغک اودور طفولیتنه بر موقعک مدافعه سی ایچون طوپدن زیاده ایشه یارار برده شتلی سلاح ایدی . قوه بحریه لری ایسه ملل مختلفه یه منسوب اون درت بیوک سفینه دن عیارت اوله رق بونلرده اولان طوپلرک کثرتنه و طائفه لرینک مهارتنه نظراً خیلیدن خیلی حائر اهمیتدی .

فاتح بو حال ایله ۸۵۷ سنه هجریه سی ربیع الاولنک یکرمی

جسیمیه سی واردی . اردونک صاغ جناحی یدی قله نك قارشینسی  
 وصول قولی ده بلاط قپوسی حداسنی نقطه استناد ایتش وزغوس  
 پاشاده برفرقه ایله غلطه اوزرینه اردو قورمش ایدی .  
 اردوده اوچی بیوک و قصوری عادی اولق اوزره یوز  
 اوتوز طوپ وار ایدی که اوزمانه قدر هیچ براردوده بونک  
 یشده بری قدر طوپ یولتماش ایدی . فاتح اتشلی سلاحه  
 پک زیاده اعتماد ایتمکه برابر امید ظفرک اکا حصرینی ده  
 احتیاطکاراغه مغایر کوردیکندن محاصره یه برچوقده منجیقلم  
 کتیرمش و ایچلرینه اوقلی ، تفنگلی عسکر طولدوریلهرق  
 قلعه نك اوزریتسه سوق اولتمق ایچون تکرلکه یورور درتده  
 قله یاپدیرمش ایدی . یوتدن یشقه یونان لساننده « مملکت  
 کشا » معناسنه براسم ایله یاد اولنور بزالت ده اعمل  
 ایتدیرمش ایدی که بوده متعدد تکرلکلر اوزرنده حرکت  
 ایدردی . و اطرافی خارجا و داخلاً دائماً یاش طوتیلور اوچ  
 قات مشین ایله محفوظ اولهرق اوزرنده ایچنده کی عسکری  
 وقایه ایچون تکه و ستره سور شکلنده سدلر موجود ایدی .  
 الت جهتنده شهره قارشى آچیلیر درت قپوسی موجود  
 اولهرق درونی ده خندق طولدیرمق ایچون اودون وسائر اشیا  
 ایله مملو ایدی . حامل اولدینی عسکرک حین حاجتده قلعه  
 محافظلرینک بولندینی یره چیقوبده قارشى قارشى یه محاربه لرینه  
 خدمت ایده جک یرطاقم آتمه کوپریلری ده وار ایدی .

يدين فراڭچى روملرک عسکرىنى ده ينه کسر مصدقيه درت بيک  
 طقوز يوز يتمش اوچ کشيدن وبونلره معاون اولانلرکده ايکي  
 بيک اجناس مختلفه ايله (ژان ژوستيانى) نامنده جنويز  
 زادکانندن برينک کتيرديکي اوچ بش يوز جنويزدن عبارت  
 اولديغى ادعا ايدر . قورقولق کبي ايکي مازغاله برادم براققه  
 يرقله نك هجومدن محافظه سى قابل اولسه ينه بومقدارک استانبول  
 حصارلرينه کفايت ايمه چکي ميدانده در . روم تاريخلرى  
 استانبول فتح اولنديغى زمان دروننده يوز بيک نفوس اولديغى  
 روايت ايدرلر . او عصرک حکمنه کوره نفوسدن بحث اولندجه  
 يالکيز نفوز ذکور مراد اولنه کلمسنه نظراً بو حسابده ده  
 قادينلرک داخل اولماسى لازم کليز . برقلعه ده محصور اولان  
 ذکورک ايسه نصفى البته مدافعه ده استىخدام اولنه جغندن  
 يوقياسه کوره استانبول محافظلرينک معاونلريله برابر اللى بيک  
 کشيدن ونفوسده اناث ده داخل اولسه ينه يکرمى بش بيک  
 کشيدن زانء اولسى اقتضا ايدرکه او قدر دم سلاحه صارلمادجه  
 استانبولک مدافعه سى قابل اولمايه جنى ده ميدانده در .

بردرجه يه قدر اثار باقيه سندن ده اکلاشلديغى اوزره  
 استانبولک دريا و خايىچ ايله محاط اولان جهتلرى يالکيز برديوار  
 وقلعه طرفى ايسه چفته خندقدن بشقه برطاقم ده بيوک برجلرله  
 محفوظ ايدى و مملکت مثلثه يقين برشى اوله رق اوچ گوشه سى  
 اولان سراى برونى و ايوانسراى ويدى قله طرفلرنده استحکامات

دکل ایدی ، والیرک ایالتلردن چیقاردینی عسکرده بومقدارده .  
داخل ایدی ؛ او ائنده عسکريله حین حاجتده خدمته کملک  
اوزره دولتک عهدینه داخل اولمش برحکومتده یوق ایدی .  
بناءً علیه بوسفرده عسکره انضمام ایدن قوؤ معاونه یالکزجه  
غزاشوقی وغنیمت آرزوسی ایله کلنلردن عبارت قالیر .  
بوقیلدن اولان درتی طافنک ایسه ذاتاً مقداریتی تعیین ایتک  
قابل اوله ماز ایسه ده بومقدار نه درجه کثرتلی اولسه اردونک  
ایکی مثلندن زیاده اوله بیلمسی امکانک خارجنده کورینور .  
تاریخلردن واوراق رسمیه دن ا کلاشیلورکه علمای عثمانیه  
اوتهدن بری کتب معتبرده استانبولک فتحنه دائر موجود اولان  
احادیث شریفه یی مجالس وعظ وتد کیرلرته زیور زبان ایده .  
کدکلرندن اسلام ارسنده استانبول سفری غزای اکبر عد  
اولنور واصحاب اقتدار طرفندن اوغزانک ثبوتاننده بولنلمق  
ایسته نیایر ایدی . حتی خیراد تاریخنده اق شمس الدین حضر تلرینک  
بومحاربه یه یکرمی بش بیگ کشی ایله کلدیکی کورولور . شو قدر  
وارکه خواهشکران غزانک اکثریتی ده بویکرمی بش بیگ کشیدن  
عبارت اوله جغندن آنلرک خارجنده اوله رق غزای ویا غنیمت  
هوسيله گلش اولانلرک مقداری البته بر یکرمی بش بیگ کشی  
دها تشکیل ایده من . بوحاله نظراً عثمانیلرک عسکری کولکلیسی  
بوز یکرمی بش بیگ کشیدن فضله دکل ایدی .  
عثمانلی اردوسنی ایکی یوز اللی سکنز بیگ کشی یه ابلاغ

کولکه سنی ادم قیاس ایده بیله جکندن بشقه رومنک مثلاً کندی لرندن هیچ کیمسه تلف اولمقسزین عثمانلیردن برقاچ بیک کشی تلف ایتک کبی مبالغه لری امور طبعیه کبی یازمقده تردد ایتدکلری مثبت اولدیغندن وارده موجود اولان خصومت ملیه ده بودرلو مبالغه لره برقات دهاقوت ویردیکندن کندینسک محاصره ده حاضر بولنماسی افاده سنک صحتنی تأمینه کافی اوله ماز. فیلانی ایسه اجنیلیک جهتیله بیطرف و حد ذاتنده محقق بر مؤلف اولدیغندن عثمانلیرک عددینی تکشیر و تقلیل ایتمکده بر فائده تصور ایتسنه محل کورلنز. عثمانلی عسکرینک او صروده ذاتاً سکسان بیک کشیدن زیاده اولمادینی بیک درلو دلائل تاریخیه ایله مثبت اوله رق بودیلیرک اک قوتلیسی ایسه قرمان ملکده ده اوله بولندیغنی حالده انقره محاربه سنه صرپ و تاتار عسکرندن قطع نظر طقسان بیک کشیدن زیاده عسکر سوق اولنه مامسیدر.

عثمانلی ملکی سلطان بایزید دورندن زیاده توسع ایتدیکندن عسکرینک تزايد ایتدیکی کبی بالعکس تکرار استقلال پیدا ایلسی جهتیله براون بیک کشی قدر تناقص ایتسی لازم کلیردی. واقعا سلطان محمد سکبانلری یکیکچریلره الحاق ایلدی؛ فقط سکبانلر اولده عسکر اولدقلرندن بواجرا آتک نتیجه سی برصنف عسکرک اسم دکشدیرمسندن عبارت اوله رق اصحاب حربک یکوننه هیچ برشی علاوه ایتیه چکی میدانده در. بو سکسان بیک کشی ایسه کیونک ظنی کبی یالکز قپو قولندن عبارت

عثمانلى عسكرينك مقدارينه دائر بزم تاريخلرده برصراحت  
يوقدر. يالكيز خيراہ تاريخنده ايكي يوز يتمش بش بيك كشيدين  
مركب اولديغنه دائر بر روايت موجود ايسه ده مأخذى كوسترليور .  
بوروايتك فرنك تاريخلرنده نقل اولنان مقدارلره موافق اولماسنه  
باقيلير ايسه انلردن النديغنه حكم اولنه بيلير . هامر عثمانلى  
عسكرينك ايكي يوز اللى بيك كشيدين عبارت اولديغنى بيان ايدر.  
بوروايت ده روم مؤرخلرندن (فرانجى) دن مأخوذ دركه بومقدارك  
كسر مصدقيه ۲۵۸ بيك كشى اولديغنى بيان ايلر . ينه روم  
مؤرخلرندن (دوقاس) عثمانلى عسكرينك يالكيز ايكي يوز بيك  
و(حالفوقوندىلى) درت يوز بيك كشى يه بالغ اولديغنى حكايه ايدرلر.  
كيون ايسه ايتاليانك استانبول فتحى صره سنده موجود اولان  
ادباسندن (فيلفى) تحقيقات صحيحه ومهمه اوزرينه عثمانلى عسكرينك  
كافه سى التمش بيك سوارى ايله يكر مى بيك پياده دن زياده اولماديغنى  
بيان ايلديكندن وفى الحقيقه قوقولى دنيلن عسكرك بوندن زياده  
اولمايه جنى مسلم ايسه ده هر والى زير اداره سنده اولان ايا تلردن  
ايريجه عسكر چيقاردىنى كجى دولته حين حاجتده عسكر ويرر  
بر چوق ممالك ممتازه بولنديغنه وجهاد شرفى وغنيمت هوسى  
بر چوق ادملك جلبنى موجب اوله بيله جكنه نظراً عسكرك  
موجودى او مقدارده قاله مايه جغندن بحث اتمش وفرانچينك محاصره  
انسانده استانبولده بولنماسى جهتيله روايتنى مقبول عدائلمش در .  
فرانجى ذاتاً اصحاب سيفدن اولماديغنى ايچون عثمانليرك



تسمیری و کچه جکی یوللرک تسویه سی ایچون الی عربہ جی وایکی یوز عملہ تعین ایدلیکی کبی عربہ نک سوقنی تسهیل ایتمک ایتمک ایچونده هر طرفه ایکشر یوز ادم ترفیق اولنمشیدی . پادشاه بو طوبولرله برابر طلیعه مقامنده قره جه بک معیتله برفرته سوق ایدرک بونلره استانبول جوارنده بولنان یرلرک تسخیرینی امر ایدلیکی کبی ایمپراطورک موردهده کی برادرلرینی اشغال ایله استانبوله اعانه دن منع ایچونده طورخان بکی او طرفلره سوق ایتدی . قره جه بک دهار و ملرک اللرنده بولنان مسیوری و اخیولی وویزه و بوغادوس و ایاستفانوسی برر بر ضبط ایتدی . طورخان بکده کوردوس بوغازندن مورده کیره دک طیرا بلیجه یه قدر اوکنه راست کلن موقعلری تخریب و طرا بلیجه یی محاصره ایله ایمپراطورک برادری اولان دیمتری طوماده حرکت مجال براقامش ایدی . روم تاریخلری بو محاربه ده طورخان بکک اوغللری عمر و احمد بکلرده پدرلریله برابر بولنه رق احمد بکک از عسکرله فرقه دن ایرلینی صرده ده برپوصویه اوغرامش و اسیردوشمش اولدیغنی روایت ایدرلر .

پادشاه - ایران شاهی جهان شاه میرزایه کوندردیکی فتحنامه ده مصر ح اولدینی اوزره - ۸۵۷ سنه هجریه سی ربیع الاولنک اون ایکنجی جمعه کونی ادرنه دن حرکت ایتدی . و - سلطان مصره ارسال ایدلیکی فتحنامه ده بیان اولندیغنی وجهله - یکر می التنجی کونی اردوسیله استانبول اطرافنه واصل اولدی .



حتى دولتک رئیس وکلاسی اولان غران دوق (لوقاس نوتارا) استانبولده عثمانلیرک صاریغنی کورمک قاتولیکلرک شاپه سنی کورمکدن عندنده ده خیرلی اولدیغنی بیان ایتمش ایدی . بو اعتقاد ایسه روملرجه عمومی برشی اولدیغندن حقلرنده جالب مصیبت اولمشر .

اوروپا حکومتلرینک تمایلاتی و روملرله قاتولیکلرک اختلافاتی فاتحه مجهول اولمادیغندن روم ایمپراطورینک ارهیه برشزاده تخصیصاتی میدانه چیقارارق اجراسنه قیام ایلدیکی تهدیدات ایله موجود اولان متارکویه خلل کتیرمسندن ترتب ایدن فرصتی فوت ایتمک پادشاه ایچون امور طبعیه دن ایدی . مع مافیه وارنه وقوصوه محاربه لری خرستیانلرک شرق اوزرینه نهایت سوق ایده بیله جکلری قوتی کوسترمش اولدیغندن او ایله بر مهاجمه یه احتمال اولسه اوده فاتح ایچون تشبئاتک تأخیرینی موجب اوله مازدی .

یا لکز انک دوشوندیکی ماده اوزمان حکمنجه ممتنع التسخیر عد اولنه جق قدر متین اولان استانبولک استحکاماتنک مقاومتنی ازاله یه برچاره بولمق ایدی که انک ایچون ده اثر توسیعات علمیه سی اولان بیوک طوبلره اعتمادی و ارایدی .

پادشاه بو اعتماد ایله ۸۵۷ بهارنده استانبول اوزرینه حرکت ایلدی . معمار صاروجه سکیبانک دو کدیکی بیوک طوب اللی چفت اوکوز ایله چکدیرلمش و عربه سنده وقوع بولمق سقطانگ

نياديوسك اعتكافخانه سندن چيقانلر ميخانه لره طاغيله رق  
 پاپانك رغننه شرابلر ايجديلر وحضرت مریم تصويرينك شامه  
 قدح لرینی اتمام ايدرك بوتصويردن كنديلرینی خسرو پرويزدن  
 وشاغاتدن قورتارديغی کبی سلطان محمدن ده قورتارماسنی نیاز  
 ايديلر . برطرفدن شراب وبرطرفدن نعصب قوتيله مست  
 اولدقلى حالد کمال جرأته « بزم اعانه يه ، اتحاد نه احتياجز  
 وار ؟ بزلاتيلره نه دن محتاج اولورز ؟ مایه سز اتمكجیلرک  
 مذهبي بزدن ايراق اولسون ! » ديه باغرشمغه باشلاديلر .  
 عثمانيلرک غلبه سندن اولکی شتاده خلقی صالحين حکمنده اولان  
 بوجنون مضطرب ايتمش ایدی . کناه چيقاران پاپاسلر بوا اتحاد  
 علناً وياضماً موافقت ايتمش اولان پاپاسلر اننده اجراي آيين  
 ايتديلرله اغر کفارتلر تعين ايدرك هر کسک وجداتنی تخديش  
 ايتديلر . قاتوليك پاپاسلرينك کلیسالرده اجراي آيين ايتمی  
 سير ايدنلری بيله الوده چرك کناه ايدردی . بونلره برابر  
 کایساده بولنان پاپاسلر اجراي آينده کنديلرينه اشتراك ايتسه لر  
 بيله صفت روحانيه لرینی غائب ايتمش وبلکه جأته اولمك  
 مخاظره سنه دوشمش عد اولنورلردی . انلرک دعاسنه ، عفوينه  
 مراجعت جائز عد اولتمازدی . قاتولیکلرک اجراي آيين ايتملریه  
 بولاشدیردقن صکره هر کس يهودی حوراسی ويا خود عبره  
 اصنام معبدی ايتمش کبی اياصوفيه يه تقریدن چکنمکه باشلاديلر .  
 نظرلرنده قاتولیکلر زنديقلرک ، دينسزلرک ، اک شينعی ایدی .

تعريضاتنه اوغرادقجه كنديلرينه صورت خفيه ده اوله رق .  
 « صبر ايديكز ، يركره مملكت بلعنه چالیشان اثردردن قور-  
 تلسون ، اوزمان قاتولايكلره كرچكدن متفق اولوب اولماديغمز  
 معلوم اولور . » ديرلر ایدی . فقط صبر ، غيرت مذهبيه  
 خصيصه لرندن اولماديغندن ايمراطور طاقنك مهارتی عوام  
 طاقنك شدت و غليانه مانع كورنمدي . اهايلدن اركك ، قادين  
 برصنف خلق « يناديوس » ك رآئي المواقچون اعتكافخانه سنه  
 كيتديلر ؛ يناديوس كيمسه يه كورنمدي ، يالكز قپوسنه « الحق  
 روملر نيچون حقيقتي كتم ايديورسكز ؛ نيچون اللهه اعتماد  
 ايده جككزه ايتاليانلره اعتماد ايديورسكز ؛ مذهبكي غائب  
 ايتمكه مملكتكزي ده غائب ايدرسكز ! اللهم بكا مرحمت ايت ،  
 حضور كده اعلان ايدر م كه بن بوخيانتدن بري الذمه يم ! الحق  
 روملر ، توقف ايديكز دوشونكز ، توبه و ندامت ايديكز .  
 اجدادكزك مذهبي ترك ايدوب ده دينسزلكك اتفاقه داخل  
 اولديغكز كي اجنيلرك اسارتنده قاليرسكز » مآلنده برلوحه  
 تعليق ايلدي . يناديوسك رآئي اوزرينه كنديلريني دينه وقف  
 ايتمش ملك قدر عصمتي شيطان قدر نخوتلي باكره لر اتحاد  
 عليه نه قيام ايتديلر و قاتوليك كليساسيله اتفاق ايتمش وايده جك  
 اولانلره هر نوع مناسبتك قطعنه يمين ايلديلر . پاپاسلره  
 اهايلنك اكثرتي ده بونلري تصديق و اثرلرينه اقتفا ايلدي .

اولمق لازم کله جکنی پک اعلا بیلردی ؛ فقط کوستردکاری ندامتی رد ایتسه چرکین اوله جغندن براردو ارسالندن ایسه بروکیل کوندرمکه دها قولای موافقت ایلدی و استانبولک ضبطندن التی آی اول روسیه اهالیسندن راهب (ایزیدور) یاننده برطاقم پاپاس وعسکر موجود اولدینی حالده پاپا طرفندن وکیل اوله رق استانبوله وارد اولدی . ایمپراطور کندیسنه دوست و پدر کبی معامله ایتمش ایدی ، کرک خصوصی کرک علنی ایراد ایلدیکی مواعظی حرمتله استماع ایلردی ، فلورانس جمعیت ره بایننده قبول اوننان کلیسالر اتحادی قرارینی پاپاس وعوام طاقندن مطیع اولانلرله برابر امضا ایلدی . لاتین و روملر ایاصوفیه ده اجتماع ایدرک پاپا بشنجی نيقوله و بطریق غره غوارک آیین تحظر و توقیرینی اجرا ایلدیلر .

« فقط کلیسالر ده اجرای آیین ایدن قاتولیک پاپاسلرینک لباس ولسانی اهالیجه بر ماده رذالت عد اولنمش ایدی . اجرای آیینده مایه سز آتمک و صوغوق صو قولاندقلرینی کمال نفرتله کورورلردی . روم مؤرخلرندن بری وطنداشلرندن هیچ برینک وحتی ایمپراطورک بیله بو اتفاق قبول ایتسی صمیمی اولمادیغنی حجاب ایله بیان ایدر . روملر کندیلرینی اطاعت مهالکانه و مطلقه دن قورتارمق ایچون تصدیق ایتدکری قرارنامه یی ایلریده معاینه و تصحیح حقی محافظه ایلدکلرینی بیان ایدرلر و مذهبلرینی تبدیل ایتدکری ایچون وطنداشلرینک

موهوم بعضیلری متمغ الاندفاع عد ایدردی . دول غریبه  
 یینلرنده اولان منازعات دائمیه طالمش ایدیلر . پاپا اولان بشنجی  
 تیقوله ایسه روملرک پالانجیاغندن ، عناندن متأثر اوله رق  
 دولترینک خراب اوله جغنی خبر ویرمش و بناء علیه کشفنک  
 صحیح چیتماسی کندنجه برمسئله ناموس اولمش ایدی .  
 روملرک پاپا طرفندن اویله بر معامله کورمکه استحقاق  
 حاصل ایلدکلرینی کوسترمک ایچونده « کیون » بوتفصیلاتی  
 ایراد ایدر :

« استانبول روملری مسئله مذهیهدن بشقه هیچ برشیده  
 حرارت و حیت کوسترمز و بو حرارت و حیتده نفاق  
 و تفرقه دن بشقه برشی حاصل ایتمزدی . یانی پالئولوغ روم  
 وقتولیک کلیسالرینک اتحادی حقنده تبعه سنجه موجب نفرت  
 اولان فکردن وفات ایتمه دن اول فارغ اولمش ایدی . ایمپراطور  
 قسطنطنیه دوشدیکلی حال فلاکت ، مداهنه وریانک بر تجربه  
 اخیره سنی اجرایه مجبوریت ویرمدکجه بو اتحاد فکری تکرار  
 میدانه چیه مامش ایدی . قسطنطین رومایه بر سفیر کوندردی .  
 وروملر پاپانک حکومت روحانیه سنه تابع اوله جقلرینی تأمین  
 ایله برابر معاونت ماده یه سنی ایستمکه مأمور ایلدی . اوزمانه  
 قدر کلیسا حقنده کوستردیکلی اھمال الجاآت دولتله اشتغالندن  
 نشأت ایلدیکلی بیان ایله پای تختده پاپانک بروکیلی بولماسنه  
 ارزو کوستردی . پاپا حکومتی روملرک سوزلرینه نه قدر اعتماد

و حصار دو مک کبی فن حربک الفباسی حکمنده اولان بر خصوصه مجارلردن درس الدیغنه دأر اولان بور وایتکده اوجهل مرکب نتایجندن اوله رق غرور نابجالرندن پیدا اولمش و خرسیانلره مساعد بولندیغی ایچون هامر طرفدن تحقیقه لزوم کورلمکسزین قبول ایدلمش بر افسانه اولدیغنه شبهه یوقدر . بو بدیهیدرکه طوپ ایله نشان المغه مقتدر اولیان بر قوم استانبولک فتحنه هیچ مقتدر اوله ماز . مجارلرک حربدن توقیسنی ده بر اختیارک غیب آشناغندن ایسه ییلدیرم بایزیدی استانبول محاصره سندن قالدیران نیکبولی و استانبول ایمپراطورینک تحریکیله اختیار ایدیلن وارنه و بونلرک متممی اولان قوصوه ملحمه لرینک تأثیرات جانشکافنه حمل ایتمکده معقول اولور .

دیانت نقطه نظر نجه استانبوله معاونتله اکز یزاده مکلف اولان حکمدار ایسه یاپا ایدی ؛ ایسته سیدی خرسیانلغک ایکنجی مرکزی اولان استانبولی محافظه کبی الده بیوک بر بهانه موجود ایکن بیوک ، کوچک بر اهل صلیب فرقه سی ترتیبه ده مقتدر اوله بیلنردی ؛ فقط انک طرفندن ده بویوله بر حرکت وقوع بولمادی . سببنی بعض یا کلش معلومات اوزرینه یا کلش فکر لر بیان ایتمکه برابر اکثریت اعتبار یله مطالعاتنک اصابتی مسلم اولان « مورخ کیون » شو بر قاچ بکه ایله ایضاح ایدر : « استانبوله یاردم ایده بیله جک حکومتلرک بر طاقمی پک ضعیف بر طاقمی پک اوزاق ایدی . مخاطره یی ایسه بعضیلری



قالمادیغنی و او یوشلمق مطلوب ایسه قراله مراجعت ایتک لازم کله جگنی بیان ایتمش و متارکه نامه سنک ترکی نسخه سنی ده سفیر ایله اعاده ایتمش ایدی .

بو حال ایله مجارستانک حربه قیامی محقق کبی کورینور ایکن کان سفیر بالعکس اردوده قالدی . حتی استانبولک عثمانیلر طرفندن ضبطی ایچون لندن کان غیرتک اجرا سنده تصور ایتدیکی کبی برکون بیوک طوپ آتیلیرکن باشنده بولنه رق نشان الانرک مهارن سزلیکنی مشاهده ایلدیکندن قلعه یه قولایلقه رخنه آچق نه یولده قابل اوله جغنی تعریف ایتمش و تعریفاته اتباع اولنه رق تاممیله تأثیری کورلمش اولدیغنی هامر روایت ایدر . بو حاله سببده ینه هامرک روایتجه قوصوه مغلوبیتندن صکره هونیادی محزون و متأسف کورن بر اختیار « روملر محو اولنجه یه قدر خرستیانلر بدبخت اوله جقدر . خرستیانلرک مغلوبیتنه بر نتیجه و یرمک ایچون استانبولک ترکارانه دوشمسی لازمدر .» دیدیکندن مجارلر اره سنده بوسوزک الهامات غیبیه دن اولدیغنه حاصل اولان اعتقاد ایتمش !

شو عصر مدنیه قدر هر ملت مغلوبه نك كرك شجاعته كرك فن حربده کنسینی خصم نالبنه فائق عد ایده کلدیکی شد و ذدن سالم اوله رق کوستریله جک قواعد کایه دندر . مجارلرک اک بیوک قهرمانی اولان هونیاد معیتده کی یکی بیوک اردولرینی بر قاچ سنه اول بریشان ایدن عثمانیلرک طوپ ایله نشان المق





روملر طرفنه كنجه : كويا كه فياض قدرت فاتحك مزيات  
فوق العاده سنى برقات دها وضوحه چيقارمق ايچون هر عزمنه  
قارشى برقهрман ياراتمق ايسته مش كبي دوات عثمانيه نك ظهورندن  
اول اقتدار عسكرى يه مالك هيچ بر حكمدار كورمه يز استانبولك  
صوك ايمراطورى قسطنطين شجاعت و همت كامله اصحابندن  
برذات اوله رق هم پايختى هم بر درجه يه قدر ملك منفردى حكمنده  
بولنان استانبولك مدافه سى ايچون اقتضا اين اسبابى تداركده  
قصور ايمه مش ايدى . فقط اقدامنك نتيجه سى كندى توابعنى  
تخريص و تجهيزدن عبارت قالدى ، اوروپادن همان هيچ بر معاونت  
كورمدى . باقلسه قسطنطين پائلولوغه الك زياده هونياك معاونت  
ايمسى اقتضا ايدردي . هونياك ايسه اوصره ده سلطان محمد  
برسفير كوندرك كنديسى مجارستان حكومتنى - اوزمان اون  
بش ياشنه كيرمش و بناء عليه بالذات اجراى حكومه باشلامش  
اولان - التنجى « لادسلاس » ه ترك ايلمش اولديغندن برسنه  
اول بينلرنده عقد اولنان متاركه هر نه قدر اوچ سنه ايچون  
يايلمش ايسه ده كنديسنك رياست اداره دن چكلمسى جهتله حكمى

حرص ایله تحری ایدردی . « ایشته بو افاده هامرک جهل ایله  
 تعیب ایلیکی عثمانلیرک پادشاهی استانبولک فتحی تصویریه  
 یالکز خواب وراحتی ترک ایلیکی دکل، او اشتغال سائقه سیله  
 خریطه اوزرنده محاربه ترتیب ایتمک معرفتک ایجادینه موفق  
 اولدیغنی کوستریور .



ختم ویرلمش اولدیغنی بیان ایدر لر . هامر ده بو حکایه مناسبتله خلیل پاشانک روملرک اچمه سیله اونلره مجلوب اولدیغندن پادشاهک عزمندن طولانی پک زیاده تلاش ایتدیکنی سویلر . کیجه وقتی خلیل پاشانک چاغرماسی بو افاده به نظر آ سببسز قالدیغندن وقعه نك تاریخجه عوام حکایه لر تدن زیاده بر قوتی یوقدره هله خلیل پاشانک او یله بر مد هس دعوت اوزرینه پادشاه حضورینه النده بر طبق التون ایله کیتمش اولماسی یالکز عثمانیلرک اخلاقنه دکل ، عادات انسانیه یه ده توافق اتمز . یالکز حکایه نك هیئات عمومیه سی عثمانیلر آره سنده روملره مجلوبیتله متهم عد اولنان خلیل پاشانک روملرینتده ده اوصفته معرف اولدیغنی کوستیرر . بو ظنک ماهیتی ایسه ایلریده بالاطراف تحقیقه چالیشه جغز . پادشاهک خلیل پاشایه بر مناسبتله کیجه صباحه قدر او یویه . مادیغندن بخت ایتسی پک ده احتمالدن بعید کورنمز . چونکه فی الحقیقه سلطان محمد دولتک ایستدیکی مرتبه اقباله وصولنی استانبولک فتحنه متوقف کوردیکندن اومقصده وقف وجود ایدرک خواب و ارامی ترک ایتش ایدی .

بو حالی افاده یولنده هامر دیرکه : « سلطان محمد دائماً تصور فاتحانه سیله مضطرب اوله رق راحتدن قانش ایدی . استانبولک واستخکاماتنک رسملری یاپار ، هانکی نقطه لر دن هجوم اولنه جغنی هانکی جانبیدن اغملر حفر ایدیه جکنی تعیین ایدر و مملکتک حاله و اسباب مدافعه سنه معلوماتی اولانلری کمال

بزم مؤرخ زارک بونی محسنات سیاسیہ دن عد ایدرک توشیحات شاعرانہ سیلہ تفصیل و ایراد ایده جکلر نده شہبہ یوق ایدی . ذاتاً عسکر جہ و اہالیجہ فسادہ تمایل کوس تیر ارده بر حال یوق ایدی کہ تبدیل کز مکہ محل اولسون . حتی اسایش او درجہ یوانده ایدی کہ پادشاہ او قدر تدارکات کلیہ ایلہ اشتغال ایتکده اولدیغی حالده مریج کنارنده برده یکی سرای انشا ایتدیر مکہ باشلامشدر .

ینہ یونان تاریخلرینک روایتیجہ پادشاہ بر کیجہ بقتہ صدر اعظم خلیل پاشایی دعوت ایدر . ذاتاً احوال سابقہ دن طولای احتراز حالنده بولنان خلیل پاشا بویله وقتسز چاغر لایغندن پک زیادہ تلاش ایدرک اندہ بر طبق طولوسی التون کتورور ، پادشاہک پیشکاهنہ تور . سلطان محمد « نہ یاپورسک لالا ؟ » دیجہ « اکا بردولت پادشاہلرینک حضورینہ وقتسز چاغر یلنجہ الی بوش کیتمک عادت دکادر . ذاتاً تقدیم ایتدیکم شی پادشاہک مالیدر . قولکنز امانتچی ایدم . » جوابی ویرر . پادشاہ ایسہ « بکا پارہنک لزومی یوق ، سندن ایستدیکم استانبولک فتحندہ الکندن کان غیرتی صرف ایتمکل ککدر . بویتاغی کورویور میسک ؟ بتون کیجہ ایچندہ دوندم ، کوزیمہ اویقو کیرمدی . روملرک پارہسنہ طمعندن صاقین ! یاقیندہ محاربه باشلاہیجقدر ، انشاہ استانبولی الیرز . دیش خلیل پاشانکده « بویله بر مقصد عظیم اغورندہ بتون بندکانکز مال و جاننی فدا ایدر » جوابیلہ مجلسہ

امینتی واریسه ده یابه جنی طوپك كوله سی نه قدر کیده جکنی بیله میه جکنه دائر وقوع بولان افادهمسی بو حقیقتی کوستیر . عثمانلی تاریخلری الك بیوك طوپك معماری صاروجه سکیبان اولدیغندن بحث ایتمکده درلرکه بوده اوربانك خدمتی دوکمه . جیلکدن عبارت اولدیغنه بر دلیل دیکر در .

بیوك طوپ استعمالی عثمانلیرك جهانه حمل ایتمکده امور حربیه جه هامرک جهانندن بشقه برشی افاده ایتمز . بیوك استحکاماته قارشى بیوك طوپه اولان لزومك درجه سنی پارس محاصره سنده قروپ طوپلرینك حاصل ایتدیکی رجحان لایقیله اثبات ایلدی .

طوپجاغك بیاغی موجودی عد اوانه جق درجه لره توسیغه خدمت ایدرک آنشلی سلاحك سائر ادوات حربیه یه نسبت حائر اولدینی رجحانی فاتحك فعله چیقارمش اولدیغی تاریخچه مسلماتندرد ، بویولده اولان توسیعات و اختراعاتنه ده اردوسنك طوپلرینی بیولتمك و چونالتمقه باشلامش ایدی .

روم تاریخلرینك روایتنه کوره پادشاه هر کیجه تبدیل اوله رق ادرنه نك سوقاقلرینی طولاشیر وهرکیم کنسیدیسی سلاملایه جق اولورسه الیه اولدیرر ایش! استدالات تاریخچه جه بوروایتكده براقترای مجرددن عبارت اولدیغنه حکم اونور . پادشاه او یله برتبدیه چیقسه وکندینی تبدیل ایکن سلاملایه جق قدر مناسبسزلك ایدنلره جزا ایتمك کبی برمعامله ده بولنسه

اوکنه کتیردیلمر واوربان حاضر اولدیغی حالده طولیدیردیلمر . صداسندن حامله لرده سقط واقع ویاقینده بولنانلرک قولانغه . سقطلق عارض اولمامق اوزره طوپک اتیله جغنی هرکسه اعلان ایتدیلمر . طوپ اتلدیغی زمان بتون مملکت دومان ایچنده قالمش . وصداسی ایکی بچق میل یردن ایشیدلمش در . اتدیغی کولله ایسه . بر میل قدر اوزاغه کیتمش ویره بر قولاج قدر کیرمش ایدی . « . بو افاذه دن ا کلاشیلیرکه هامر بیوک طوپک موجد و مرتبلکنی اوربانه استاد ایتمک ایستر . فقط اوربانک مجاری اولماسدن بشقه . برسببه حملی قابل اوله میان بو حکمک یا کاش اولدیغنه ینه هامرک افاذه لری دلیل قطعیدر : سلطان مراد زماننده . اچقه حصار محاصر د اولورکن اتی قطار کولله اتار طوپلر یاپدیغنی ینه هامرده . کورمش ایدک . اوربانک برنجی یاپدیغنی طوپ ایسه ایکنجی . یاپدیغنی طوپک نصفی قدر اولدیغنه و ایکنجی طوپک اون ایکی قطار کولله اتدیغنه نظراً اوربانک یاپدیغنی طوپ سلطان مرادک ارناودلقده یاپدیغنی طوپک عینی اوله رق اتی قطار کولله اتار برشی اولدیغنی بالبداهه ثابت اولیور . عثمانیلرک بش سنه اول ارناود طاغلرنده دوکدکلی طوپلرک بش سنه صکره بوغاز ایچنده بر عیننی یایمق ایجاد عنوانیله یاد اولنه جق برشی دکدر . ایشک روشدن ا کلاشیلدیغنه کوره بو اوربان عادتاً بر دوکمه جی اوله رق پادشاهک خدمتنه کمش و بیوک طوپلرک . دوکمه جیلکنده استخدا م اولمش ایدی . صنعتنه متعلق شیلره .



قاجش و ترکاره عرض خدمت ایتمش ایدی . سلطان محمد کندیسنه پک چوق احسانلر ایتدی و استانبولک دیوارلرینی یرندن اویناده جق برطوپ دوکمه مکته مقتدر اولوب اوله مایه جغنی سوال ایلدی . اوربان بوسواله « سکا برطوپ یاپه میم که استانبولک وبلکه بابلک دیوارلرینی یرله یکسان ایلسون ! صنعتمه متعلق اولان شیلره امنیتم واردر ، فقط بو طوپیک کولله سی نه قدر کیده جکنی بیله مم . » جوابیله مقابله ایلدیکندن سلطان محمد « کولله نک نه قدر کیده جکی صکره اکلایشیر . » دییه رک هان ایشه باشلاماسنی امر ایلدی . اوربان فوق العاده بیوکلکده برطوپ یاپه رق بو طوپ بوغاز کسن قلعه سنک دکزه اک یاقین اولان برجنه وضع اولندی و طور مق ایچون الدینی امره اطاعت ایتک ایسته مین بر و ندیك کیسنده تجربه اولنه رق کولله سی سفینه یی غرق ایلدی . اوربانک بو ایجادی سلطان محمدک امیدینه موافق ظهور ایلدیکندن اوربانه برنجینک ایکی قاتی بیوکلکنده برطوپ یاپماسنی امر ایلدی . فی الحقیقه بو طوپ طوپجیلغک و فن حصر و استحکامک تاریخنده کورولن طوپلرک اک بیوکیدر ؛ فقط ترکاره ده او قدر بیوک طوپلرک استعمالی قبول ایتدیرن جهالتلری ایدی . اوربانک یاپدیغی بو ایکنجی طوپ اون ایکی قاریش محیطنده و اون ایکی قنطار اغراغنده کولله اتاردی . طوپ بیتدیکی زمان پادشاهک جهان نما عنوانیه مریج کارنده انشا اولمقده اولان سراینک قوسوی



بالمناصبه یوقاریده بیان اولدینی اوزره صوڪ زمانلرده باروت ایجاد اولمش و فاتح عصرینه قدر آتشی سلاح بردرجهیه قدر ایلریش ایسهده ینه اوق یایدن ، منجیقندن ایلری کیده مه مش ایدی .

طوپجیلقده برنجی تجربه اصلاح و توسیع سلطان مرادک ارناودلق سفرنده باشلامش و محلنده بیان اولدینی اوزره التی قنطار کولله اتارطوپ دوکدیرلمش ایدی . سلطان محمد اوسفرده پدریاه برابر بولندیغندن بیوڪ طوپده زیاده اهمیت کورمش اولسه کرکدرکه ادرنده معمار ( صاریجه سکبان ) ه و مهندس ( مصلح الدین ) ه و مجاری دوکمه جی ( اوربان ) ه پرنجدن بیوڪ بیوڪ طوپلر اعمال ایتدیرمشدر . حتی معمار صاروجه سکبانک دوکدیکی طوپک اوچ یوز قنطار باقردن اعمال اولندیغنی بزم تاریخلر روایت ایدر . تاج اتوارینخده بو اوچ یوز قنطارطوپی صاروجه پاشانک دوکدیکی محرر ایسهده صاروجه سکبانیرینه سهواً صاروجه پاشا یازلمش اولدینی ظاهر در . بکلربکیلردن یوز یاشنده برذات ایله طوپ دوکمه جیلکی بیتنده هیچ برمناسبت کورنمز . هامر ایسه طوپلر حقتنده شومعلوماتی بیان ایدر :

« سلطان محمد بوغازکسن ( روم ایلی حصارینک اوزمانکی اسمیدر ) قاعه سنی یابدیردینی صرهده طوپ دوکمه جیلرندن اوربان نامنده برحجار معاشنک تزیدی خصوصنده ایمراطورک وکلاسی طرفندن الدینی جواب ردلردن اوصانهرق استانبولدن

اوله جق بروقه احداث ایدیله رکه اولیه برتادییه اسحقاق  
کوسترلمش ایدی .

فاتح روم ایلی حصارینک رسمی کنسدی تنظیم ایدرک  
هر برجنی تبرکاً محمد اسمنی تشکیل ایدن حرفلردن برینک  
شکلنده ترتیب ایتمش ایدی . برجلردن برینی پادشاه کنسدی  
نظارتی التنده انشا ایتدیردیکی کبی دیگر اوچنک نظارتی ده  
صدر اعظم خلیل پاشا و صاروچه پاشا و زغنوس پاشایه احاله  
ایدی . خواجه نك نقلنه کوره بش بیك و روم تاریخلرینک  
روایتنه کوره اتی بیك عمله ایشدیله رکه ادریسک نقلنجه قرق  
کونده روم تاریخلرینک روایتنجه اوچ آیده خواجه سعیدینک  
اختیار ایتدیکی قوله کوره ایسه درت آیده قلعه نك اکمالی  
میسر اولمشدر .

قلعه یه درت یوز یکیکچری ایله فیروز اغا محافظ تعیین  
اولمش و بیوک بیوک طوپلر وضع ایدلمش ایدی . فیروز اغایه  
برمقدار مناسب مرور رسمی المادجه هیچ برقومک سفینه سنی  
بوغازدن کچرمه مک ایچون امر ویرلدی .

ایشته ۸۵۶ صیفی بومشغولیتله کذران ایتمش وایلولده  
سلطان محمد بالذات خندق کنارینه قدر استانبولک استحقاکماتی  
معاینه ایلدکن صکره تدارکاتی اکمال ایچون ادرنه یه عودت  
ایلش ایدی .

بوتدارکاتک اک مهمی اوراده دوکدیردیکی طوپلردر .

استانبولك اطرافنى نارت مسئلهسىنى ده يىنه روم تارىخچىلارنىڭ  
روايتى ھامم شۇ صورتتە نقل ايدى :

« روم ايمپراطورى تھديدات يېھودەدىن بىردىن بىرە فراغتتە  
غايەت عاجزانە استرحاملرە باشلادى . پادشاهە برسفير ارساليە  
يوغاز ايچى كويلرندە بولغان روملر ك محمولاتنە ضرر ايراث  
ايدلمەسىنى استرحام ايدى . سلطان محمد حيواناتك روم  
مىر وعاتندە چايرلاندىرلماسىنى ومخالفت ايتك ايسىتەن اولور ايسە  
سلاح ايلە تىكىل ايدلمەسىنى امر ايتىش ايدى . ادرميد طرفدىن  
ياقىندە كىش اولان اسفنديار زادە كە داماد پادشاهى ايدى ،  
حيواناتى بوغادوس ترلا وباغچە لرینە صالىوردى . عثمانلى  
سايسلرندىن بىرى بوخالە مخالفت ايتك ايسىتەن بر رومى  
دو كدىكىندىن ارەدە برىمنازعە حدوت ايدرك ايكى طرفدىن برقاچ  
كىشى تلف اولمش ايدى . كىتخدا بكك يعنى داخلية ناظرينك  
بومسئله يە دائر كىندىسەنە ويرىلەن تقريرى حضور ھايونە عرض  
ايتىمى اوزرینە سلطان محمد بوغادوس خلقنك عموماً اعدامنى امر  
ايدلەپ كىندىن عثمانلى عسكىرى ا كىنلرى طوپلامقەدە اولان خلقە  
ھجوم ايدرك جەلمەسىنى اتلاف ايلمش وبووقعە محاربه نك مقەدەسى  
اولمش در . »

بوفادەدىن اكلاشيايور كە سلطان محمد طوروب طورور كىن  
اق چابلى اوغلى محمد بىكى تىمىن ايلە استانبولى اوردرمامش ،  
بىا دلس روملرە طرفدىن ارەكە بەض عثمانلىلر ك اتلافنى موجب

اولان سوزلری حسن توجه اثری دکل ، بالعکس پک طوغری پک معقول برتهدید اولدینی میدانده در . پادشاهک بوسفیرلره قارشى کتم نیت مجبوریتنده بولندیغنه ده وقایعک صورت جریاننده بردالات یوقدر . ایلیچیلری ایجاب مصلحته ادرنه ده باقیله جغه دائر بر جواب ایله اعاده ایتمک قرمان ایشی بیتدکدن صکره کندى اوزرلرینه طوغری کلنمک نیتنده بولندیغنی پک صریح برصورتده اظهار ایدر . پادشاهه اسناد اولنان سوزلرکده یتون بتون مخترع . دکسه بیله مخرف اولدینی وبونضیع وتخریفک مجرد سلطان محمدی کذب ودروغ ایله متصف کوسترمک غرضیله اختیار اولدینی بداهه ثابتدر : پادشاه روم ایلی حصارینی انشا واستانبولک اسباب محاصره سنی تهیه ایله مشغول اولدینی حالده «مملکتکزک علمبنده برنصوره یوقدر» کبی اینانلیاجق برکذبی نیچون اختیار ایتسین ؟ هله اجدادیله نفسنی مقایسه ایدرک نفسنی توقیر ایچون انلری تحقیر ایده جک برسوز سویلش اولماسی بتون بتون خلاف معقولدر . فقط روایتک اوته سنه بریسنه سرپلش اولان بوخطیئات راسنادادن قطع نظر اولنور ایسه هیئات مجموعه سی واقعه مطابق کورینور . روایت ایسه روملرک کندیلرندن منقول اولماسنه وکندیلرینه افترا ایتیه جکلری ده امور معلومه دن بولماسنه نظرآ نقض عهدک کندى طرفلرندن وقوع بولدیغنی تین ایتمکده در .

دیمک دکلدر . ایمپراطور مجارلرله اتفاق ایدوبده پدرمی .  
 اناطولیدن روم ایلییه کچمکدن منع ایتمک ایستدیکی زمان  
 نه صقندیلر چکلدیکنی اونوتدیکنمی ؟ ایمپراطورلرک کیمیلری  
 سلطان مرادک یولنی کسدیکندن جنویزلردن استعانهیه  
 مجبور اولمش ایدی . او وقت کوچک ایدم ، فقط  
 ادرنهده بولنیوردم ، مسلمانلر دهشتلردن تیررلر ایدی .  
 سز ایسه انلرک فلاکتیله کانیردیکنز ! پدرم وارنه محاربه سنده .  
 روم ایلی طرفه براستحکام یایمق ایچون یمن ایتمشدی ، بن  
 اویمینی یرینه کتورییودم . اناطولی طرفی مسلمانلرله مسکون  
 اولدیغندن وروم ایلی طرفنی ده سز محافظه ایدم مدیککنزدن  
 ساحلک ایکی جهتی ده بنمدر . کیدیکنز افندیکنزه شمیدیکی  
 پادشاهک اولکیلرینه بکنزه مدیکنی سویلیکنز . شمدی قدرتمک  
 واصل اولدیغی درجهیه انلرک خلیاسی بیله ایریشه مه مش ایدی .  
 سزک عودتکنزه رخصت ویردم ، فقط بشقه بری دها بویله  
 برتکلیف ایله کله جک اولورسه دریسنی یوزدیررم « جوابیله  
 اعاده ایلدی .

« ۱۳۵۲ مارتنده ارنیق وارکایدن کرسته واناطولیدن تاش

وکرچ جلب اولندی . پادشاهده ادرنهده روم ایلی واناطولی  
 بکلر بکیلرینک اجتماع ایتدکاری بنا محلنه عزیمت ایلدی »

هامرک ظن ایتدیکی کبی خلیل پاشانک روم ایلچیلرینه

فقط امین اولکز هیچ برشی یا پیمه مقتدر اوله مازسکز و عاقبت  
الکزده هر نه واریسه غائب ایدرسکز . « دیمشیدی . سلطان  
محمد ایسه اورخان صالیورلدیکی حالدده ملکک ایچنده برقنه احدائیه  
دورفرتک هنکامه لری تجدد ایده بیله جکندن نیتک برمدت  
دها کتمنه لزوم کورمش و سفیرلر ادرنه یه عودت اولندیغی زمان  
مطلوبلرینک احقاققه باقیله جغنه دائر مواعید جدیده ایله اعاده  
اولتمش ایدیلر »

« سلطان محمد کلیسولی یه کایرکن اورخانک وظیفه سنه قارشلیق  
ویرمکده اولان کویلر وارداتنک ضبطیله اورالرده بولنان  
روملرک دفعی ایچون امر ویرمشدر . بومقدمه ایمپراطوره ایتدیکی  
تهدیداتک نه نتیجه ویره جکنی افهام ایلدی . سلطان بایزید  
بوغاز ایچنک بر طرفنه برقلعه یاپدیرمش ایلدی ، سلطان محمدده دیگر  
طرفنه برقلعه یاپدیرلمسینه عزم ایلدی . قیش کانجه بیگ دولکر  
ایله لزومی قدر دیوارچی و کرچی کوندرلمسی ایچون اطرافده کی  
مأمورلره امر کوندردی . بوتشبی خبر النجه کرک ایمپراطور  
و کرک استانبول خلقنی بر دهشت استیلا ایتدی . قسطنطین  
اورخانک مخصصاتی بردها طلب ایتک شویله طورسون پادشاهه  
معاهده نک نقض اولندیغندن طولایی عرض شکایتله ویرکوبول  
ایتمسینی و نیتندن فارغ اولماسینی استرحام ایچون سفیرلر کوندردی .  
پادشاه سوزلرندن حدتی ظاهر اولدینی حالدده سفیرلری « مملکتکزک  
علمهنده بر تصورم یوقدر ، دولتک امنیتنه باقی نقض عهد



اولمسی اویاه برتناقصدرکه دنیاده نه تأویلی نه برسبیه اسنادی قابل اوله بیایر . هامرایسه وقعه‌یی شو صورتله تصویر ایدیور :  
 « قسطنطین وقتسز ومهارتسز برتشت ایاه سلطان محمدک خیال فاتحانه‌سنه مبدأ ظهور اوله جق زمانی تسریع ایلدی :  
 سلطان محمد قرمان اوغلنک اسیاده ایقاع ایتدیکی فسادی یاتشدیرمقله مشغول ایکن اردوسنه قسطنطینک برطاقم سفیرلری کله‌رک اورخانک معاشنی تسویه‌ده وقوع بولان تأخردن طولایی شکایت ایلدیلهر وا کر درحال مقرر اولان مبلغک ایکی قاتی ویرنیز ایسه اورخاننی صالیور جکلرندن وادعاسنی تأیید ایده جکلرندن بختله پادشاهی اخافیه جرأت ایتدیلهر . یاملایمت ویا حلم ایاه اتصافدن ویاخود الدینی هدایادن طولایی روملره دائماً حسن معامله‌ایدن خلیل پاشا بو سفیرلره خطاباً « بدلا روملر ! حیلله‌ریکزی ، خدعه‌لرکزی چوقدن بری اکلامش ایدم . مرحوم پادشاه حلیم ورقیق‌القلب ایدی ، سزک ایله‌کیزی ایستردی ؛ فقط یکی پادشاهم‌زک حالی اویاه دکلدر . اکر بونک‌الندن استانبولی قورتاره بیلیرسه کز مکر وشیطنتکزی جناب‌حقک عفو ایتدیکنه اوزمان اینانیرم ! بدلالر ، ده‌ا معاهده یکی امضالندی ، سز اناطولی‌یه قدر بزی عادتکز اولان اغزغلبه‌اغیله قورقوت‌مغه‌کلدی‌کز اویاه می ؟ بزی تجر به‌سز ، قوتسز چوجوقمی صانیورسکز ؟ اکر برشی یا پیغه مقتدرسه کز یاپسه کز ! اورخانک روم‌ایلی پادشاهلغنی اعلان ایدی‌کز ، مجارلری دعوت ایلدی‌کز ، الدیغمز یرلری کری آلمغه چالیشکز .



بکی اعزام ایله استانبول اطرافنی غارت ایتدیرمش اولدیغندن  
ایمپراطور بوحاله برچاره بولمق ایچون وزیر اولان مؤرخ  
(لوقاس) وسائر اکابرایله مشاوره ابلدی «بزم خلیل پاشایله  
اباعن جدایتدی کمز دوستلقلر، کندیسنه کوندردی کمز هدیه لر  
انجق بویله کونلر ایچوندر. شمدی یه قدر انک سایه سنده  
تعرضدن مصون اولیوردق، شمدی ده هدیه لر مزری وهله  
برمعتاد بالقلر ایچنده التونلر مزری کوندره لم اوینه برچاره سنی  
بولور» دیدیلر. ایمپراطور، خلیل پاشایله بالقلر ایچنده التونلر یله  
برابر سائر هدایاسنی کوندردی، صلحه توسطنی رجا ایلدی.  
خلیل پاشا هدیه لری کورنجه پادشاهی عزمندن تحویل ایتمه  
چالیشدی؛ فقط پادشاه «شمدی موسمی دکلدرد، بوقیشی  
کیدلم ادرنده سکیره لم؛ بهار اولنجه مقدرنه ایسه کورورز»  
یوللو جواب ویردیکندن خلیل پاشا پادشاهده اثر افعال  
حس ایتمش وچادرینه عودتله ایمپراطورک ایلاچیسنه جواب  
یأس اعطا ایتمش در.

اسباب و آثار ارسنده کی ارتباطزلغه نظراً وقعه نك  
بویولده جریان ایتمش اولماسنه احتمال ویریله مز. چونکه پادشاه  
بوغازك روم ایلی طرفنه قلعه یابدیرمق کبی یالکیز استانبولک  
فتیحی مقصدنجه ایکی قطعه ییننده کی موازده نك تأمین خصوصنده  
دولتک اهم امورندن اولان برمسئله ده بیله ایمپراطورک رأینه  
مراجعت ایده جك قدر عهده رعایت ایتدیکی حالدده آق چایلو  
اوغلی محمد بکی استانبول جوارینه سوق ایدرک یغما ایتدیرمش



خواجه سداالدينك روايته كوره استانبولك اسباب فتحنى  
تكميل ايچون پادشاه استانبولدن ادرنيه كيتمك اوزره كچمك  
ايستهدى ايسهده مرمهري ينه خرستيان سفينهلى طومش  
اولديغندن يولنى تحويل ايله بوغاز ايچندهكى روم ايلي حصارى  
موقعنه ككش واورادن قارشىيه كچمش ايدى . اوصرهده  
اناطولى حصارينك قارشىسندهده برقلعه يابلديني صورتده  
خرستيان كيملىرىنك اناطولى وروم ايلي بيننده مواردده حالنده  
بولنه جق عسكره تعرض ايدى بيلمسنة مانع اوله جننى صدر اعظم  
خليل پاشا بان ايتديكىندن استانبوله برسفير ارساليه اويله  
برقلعهنك انشاسى ايچون ايمپراطوردن رخصت ايسته نلدى .  
ايمپراطور اوراسى فرنكلرك تصرفنده اولديغندن كندى  
طرفدن رخصت اعطاسنه امكان اوله مايه جغنى واولسه بيله بوبابده  
اظهار ايدى جكى رضا فرنكلره خصومتى اقتضا ايدى جكنى مقدمه  
ايدرك بوندن فراغت مناسب اوله جغنه دائر بر جواب كوندرمش  
ايدى . طرف پادشاهيدن « بزم مراد مر ايمپراطورك رضاسنى  
استحصال ايدى . مادام كه ايش فرنكلره عائد ايمش ، انلك  
رخصتنى سؤاله محتاج دكاز » جوابى و يرلدى ، قاعه نك انشاسنه  
مباشرت ايدلدى .

پادشاه قاعه يي اكمل ايتد كدن صكره اق چايلى اوغلى محمد

طورخان بك يكيچريلره سويلشدكدن صكره حضور پادشاهی یه  
 كاديلر ، بخشش رجاسنده بواندقلرينی عرض ایتدیلر . پادشاه  
 كمال نقرته بونلره اون كيسه پاره طاعیدهرق ذالتلرتی دفع  
 ایلدی ؛ فقط بو ادبزلکه پك فنا حدت ایتش ایدی . بروسه یه  
 كادیکي کبي يكيچري اتاسی طونان بکی عزل ایدرك يرينه مصطفى  
 بکی تعیین ایلدیکی کبي یايا باشلری شدته تأدیب ایتش ایدی .

( حالقو قوندیلی ) نك روایتنه کوره پادشاه يكيچريلرك  
 ایچنه خارجدن برفرته ادخاليله اره لرنده موجود اولان اوجاق  
 اتفاقنی ممکن مرتبه بوزمق ایچون سرای هایون تو ابندن اولان  
 سکز بيك قدر سكبان کروهنی يكيچري اورطه لرینه الحاق  
 ایلش ایدی . يكيچري ضابطلری اره سنده کوریلن سكبان  
 باشی ، صامسونجی باشی ، زغرچی باشی ، طونانجی باشی ،  
 چاقرچی باشی ، طورناجی باشی کبي اسملر هپ بو الحاق زمانندن  
 قاله شیلردر .

بوتدیرلرك يكيچريلری پادشاه حیاتده بواندقجه دائرة  
 اطاعتده طوتمق ایچون خیلی فائده سی کورلدی ؛ فقط نه فائده سی  
 وارکه خلیل پاشانك برنجی اختلالی علوفه لرینه ضم ایله  
 باصدیرمق کبي برتدیر مهلك اختیار ایتسی اوتدر منتظم اوتدر  
 تربیه لی برعسکری ادبزلک قوتيله توسیع معیشته الشدیردیغندن  
 فساد علت مزمنه سی يكيچريلر محو اولمادقجه اره لرندن زائل  
 اوله بامشدر .



خاندانك از اله سی ملکك او جهندن آسایشنی تأمین ایچون طریق اسلم  
ایدی . فقط مقصدك استحصالی اوزون اوزون زمانلره محتاج  
اوله رق پادشاه ایسه مجارستان ایله عقد ایلدیکی اوچ سنه لك  
متارکه مدتی بویله جزویات ایله اضاعه ایتمك ایسته مزدی .  
واقعا قاردینال سزارینی مجارلرده عهد شکنلکده قرمانلیردن  
کری فالمایه جق بر معامله اختیار ایتدیرمش ایدی ؛ فقط وارنه  
و قوصوده اوخیانتك پك دهشتلی جزالینه اوغرادقلردن  
بردها نقض مقاوله شنیعه سنی اختیار اتمیه جکلرینه امنیت اولنه .  
بیلیر ایدی . خصوصیه او یله برمتا که یه اصل انلر محتاج ایدیلر .  
قرمان اوغلی طرفدن اناطولی یه کوندریلن توره دیلردن  
یالکز (الیا س بك ) دیکر لرندن مقتدر برشی اولدیغندن  
واحتمال که ادعاسی صحیح بولندیغندن منتشایی افساد و ضبطه مقتدر  
اوله بیلمشیدی . فقط اوده اوزرینه سوق اولنان اناطولی بکلر بکی  
اسحق پاشانك بر حمله سنه مقاومت ایده میه رك ردوسه فرار ایلشدر .  
پادشاهك قرمان اوغانك عهدندن قطعاً امین اولمادیغنه  
بیوک بر دلیلدر که ملکك جهت جنوبیه سنی تأمینه بالفعل لزوم  
کوره رك اناطولی والیرینك اوزمانه قدر انقرده اولان مرکز  
حکومتی کوتاهیه یه تحویل ایلدی . اناطولی والیلکی لغو ایدیلنجه یه  
قدر بومرکزیت باقی اولمشدر .

پادشاه قرمان سفرندن بروسه یه کایرکن یکیچریلر طار  
بریولده الای توفیق ایتدیلر . خادم شهاب الدین پاشا ایله

ایستمش ایدی. صحائف الاخبارک روایتہ کورہ پادشاہ عیسی بکده اوافنداری کورمدیکندن کندیسنی عزل ایله اناطولی بکلربکلیکنی مشاہیر مجاهدیندن اسحق پاشایه حواله ایتدی. و پاشایی برطرفدن قرمان اوغلنک اوزرینه سوق ایتدیکی کبی برطرفندن کندیسنی معیتہ آلدینی عسکرله اوطلیعه جلادتک آرقه سندن یتشدی.

ایدین و کر میانه کان ایکی مدعی حکومت پادشاہک اوزر لرینه توجهنی خبر الدقلری کبی عالم اختفایه چکلدیلر. قرمان اوغلی ایسه عثمانلیری کندی ملکلری ایچنده اشغالندن عاجز قالنجہ اردونک طلیمه سی قرمان حدودینه یتشمه دن کندیسنی دارالجبانه اختفاسی اولان طاش ایله فرار ایتدی، سفیرلر کونرددی، کریمه سنی پادشاہک حر مسزای ازدواجنه عرض ایلدی. پادشاہ قرمان اوغله قصاب اوغلی محمد بکی سفارتله ارسال ایدرک ابراهیم بکی اطاعتده ثابت اوله جغنه یمین ایتدیردکن صکره استیماتی قبول ایتدی.

قرمان اوغللرینی قرابتله یمین ایله خیانتدن فارغ ایتک امکان داخلنده اولمادیغی بیک تجربه ایله ثابت اولدیغندن شهبه یوقدرکه پادشاہ بومصالحه بی قرابت ویاعهد ایله دائم اولور برشی ظنیه عقد اتمه مش ایدی: استانبول ایله اوغراشماق ملکک هر جهتی برمدت موقته ایچون تعرضدن بری طومغه محتاج اولدیغندن بویله برصلحی اختیار ایتشدر. واقعا طاش ایانک ضبیطله قرمان

ایدرکن اصلاتی انکاره هیچ لزوم کورمیه جککری امور معلومه دیندر .  
 یوزاتک خاندان سلطنت افراندن اولدیغی دولتجه کتم اولندی  
 دیه جک اولسه ق ا کاده محل و خصوصیه امکان کوریه منز :  
 رشزاده توابع و منسوبیندن بتون بتون محروم قالمق احتمالک  
 خارجنده اولدیغندن وجود و عدمی اهالییه مجهول بر اقلمق  
 قابل دکادی که حکومتک ، نسبنک صحیح ایکن تکذینه قیام  
 ایدیه بیلسین .

اوصره ده سلطان محمد ردوس غران متری و جنوز حکومتی  
 وافلاق ویوده سی و غلطه و مدلولو و ساقز بکری و راغوزه جمهوری  
 طرفندن کان ایلچیری قبول ایدرک جمله سیله عهدنی تجدید  
 ایلدی . حتی راغوزه جمهوری بودفعه ویرکوسنه بش یوز  
 التون ضم ایتمش ایدی . بونلردن بشقه مجارستان نائب سلطنتی  
 هونیاد طرفندن ده بر سفیر کله رک اوچ سنه ایچون بر متارکه  
 عقد ایلدی . پادشاه بو صورتله خرستیان حکومتلرینه قارشی  
 رو ایلی جهتندن ملکنی تأمین ایلش ایسه ده اناطولی طرفنده  
 بیك کره مغلوب اولدیغی حالده ینه فرصت استفاده بی فوت ایتک  
 شانندن اولمیان قرمان اوغلی مقصد خیانتک اجراسنه بر طرز  
 دیگر ایجاد ایدرک یالان ، کرچک بر مدعی سلطنتی ایدین  
 و کرمان و منتشاطر فلرینه تسلیط ایلدی . ملکک حدود جنوبیه سنه  
 یو صورتله وقوع بولان تجاوزی اناطولی بکلر بی اوزغور زاده  
 عیسی بک اخبار ایتمش و قرمان اوغلیله حرب ایچون رخصت



استانبوله نرددن كلديكنه دائر هيچ برتاريخده تفصيلات بولماديغني سويلر . مسئله بوذاتك استانبوله نرددن كلديكني بيلمكده دكلدر : سليمان چالينك حفيدى اولنجه يا پدريه استانبوله كلش وياخود اوراده تولد ايلش اوله جنغدن بونده تردد ايدجك بر محل كورنمز ؛ اصل مسئله قسطنطينه وسيله . جرأت اوله رق استانبول سفرينك اچلماسنه سبب اولان بوادمك كر چكدن شهزاده اولوب اولماديغني تعين ايتكده در . خواجه سعدالدين استانبول فتحي صره سنده خاندان عثمانى به انتساب دعوا ايدر بردوزمه بولنه رق اعدام اولنديغني سويليور . روم مؤرخلرى ايسه بوادمك سليمان چالينك اوغلى اولديغني بيان ايله برابر نامى ده اورخان اولديغدن بحث ايدر لر . حال بوكه سايمان چالينك اوغلى اورخان اولديغدن حفيدينك اسمى ده اورخان اولماسى عثمانى عاداتنه موافق كورنمز . واقعا روملر هر كسى پدرينك اسميله ياد ايدكلكر نندن بوذاتى ده اورخان زاده مقامنده اورخان ناميله ياد ايدكلكرينه احتمال ويريله بيساير . مع مافيه بزم مؤرخلرك قولى دهها زياده عقله قريب كورونيور . چونكه شهزاده تالف ايتك اوزمانلرجه عادت حكمنده بولنديغدن وهله استانبوله خرستيانلره واسطه فساد اولان بر شهزاده نك ازاله سى حد ذاتنده ده او قدر شايان تعريض برشى اولماديغدن كوچك بر شهزاده نك «نظام عالم» اچون اتلاف اولديغني بيانده تردد ايتمه ين مؤرخلرك متهم بر شهزاده نك ازاله سندن بحث



وجود ایلیدیکندن زماننک الك بیوک علما سندن معدود اولمش  
ایدی . ذاتاً بر بوجوق سنه قدر امتداد ایدن برنجی سلطنتده  
واندن صکره التی سنه بالاستقلال اداره ایتدیکی ایالتنده چرخ  
ادارنک هرجهته اطرافیه وقوف حاصل ایتدیکنندن بو  
قدرت موهوبه ومکسوبه ایله ایکنجی دفعه سریر سلطنته  
کنجه تجربه احتیاجندن وارسته اوله رق مصالح دولتک اصول  
وفروعنی مسلك جهاندا اورانه سنه توفیق ایتکه باشلامش  
وادارنک هر شعبه سنه ویردیکی شدت وسرعتله استانبولک  
فتحی ایچون لازم کلن اسبابی احضاره عزم ایلشودر .

صحائف الاخبار فاتحک استانبول فتحیله اوغراشامسی سلطان  
مرادک وصینتده داخل اولدیغنی روایت ایدر . اولماسه بیله  
کرک سلطان مرادک کرک اجداد عظامنک تواریخ غزواتی  
اومقصد ایچون کندیسنه بروصیت صریحه ایدی .

فقط اطرافک نه حرکتده بولنه جغی قرارلشمان استانبولک  
اوزرینه یوریمکی مغایر احتیاط عد ایلیدیکندن جلوسنی متعاقب  
استانبول ایمپراطوری قسطنطین وموره پرنسی دیتتری طرفندن  
تجدید اطاعت یولنده کان سفیرلری رد ایتمه مش ایدی .  
استانبولده سلیمان چلینک اورخان نامنده برحفیدی اولدیغنی  
وسلطان محمد طرفندن بونک اعاشه سیله خارجه صالیویرلمه مسی  
ایچون اوچ یوز بیك اچه تخصیص اولندیغنی هامر روم  
تاریخلرندن نقل ایله بیان ایدرده حاشیه لرنده بو اورخانک

وارکه اوتعریضك بر حصه سی سلطان محمدك شخصندن زیاده  
عصرینه عائد اولور .

ینه هامر پادشاه، سلطان مرادك صرپ قرالنگ کریمه سی  
اولان حرمنی مناسب هدیه لر اعطا و امر اداره سی ایچون  
برچوق معاش تخصیص ایدرک پدینک یانه کوندردیکنسندن  
بحث ایدر . صرپ قرالنگ قیزی سلطان مراد نژدنده پکده  
مقبول اوله میهرق دها ازدواج سنه سی اقامت ایچون بروسه یه  
کوندرلش ایدی . اندن صکره صرپ قرالی کریمه سنی التفات  
هایونه تقریب ایده جک برحرکنده بولنمادیغندن برکوشده  
قالمش اولان اوییحارهنگ زوحی ارتحال ایتدکدن صکره بتون  
بتون عالم نسیانده موقوف اولقدن ایسه پدینک یانه کیتمک  
ارزوسنده بولنماسی پک طبعیدر . فقط حرم هایونه داخل  
اولمش برقادینک خرسیان ملکنه اعاده ایدلش اولماسی زمانک  
عاداته ، ملتک اخلاقه توافق ایده میه جکندن بوروایتیه  
اینانیله ماز .

فاتحک تاریخی ایشته بویله افعال شخصیه ایله وفعاله  
کتوردیکی تشبثات سیاسیه ایله باشلار . پادشاه اجدادینک  
جمله سندن، عالی بردهایه مالک اولدینی کبی پک چوجوقلغندم  
ملا کورانیندن ضرب ایله تهدید کوره جک قدر تحصیلدن  
چکینیرکن صکره لری معارفدن پک زیاده لذت المش وهله  
پادشاهلقدن مغنیاسیه کانه بتون بتون تحصیل ومطالعه یه حصر

بولان دوزمهجه مصطفى وشهزاده مصطفى وقعه لری پک خاطر خراش برر دلیل کوسترمش ایدی . خصوصیه بویچاره چوجوق اسفندیار بکک حفیدی اوله رق اسفندیار بک ایسه خاندان سلطنتک اصهارندن بولنقله برابر عثمانلی دشمنلکنی ، سلطان مرادک اواخر سلطنتده اله کچن و صورتی فریدونده مندرج اولان مکتوبندن ده اکلاشدیغی اوزره ، ایکیده برده شاهرخی اتا طولی یه دعوتله ملکی تخریب ، ملتی محو ایتدیرمه چالشمق درجه سنه قدر کورتورمش اولماسنه نظر آکندی خاندانه منسوب برشهزاده بی وسیله فساد ایدرک دولتک تفرقه واضمحلالنه چالیشه جنی تردد کتورر حالردن دکل ایدی . بونلره برابر برنجی پادشاهلغنده یکیکچریلرک تجاوزی تقلیب سلطنتی موجب اولدیغندن سلطنتک صوک استنادکاهی اولان منتقام عسکرک فساده میلانندن بری اولمادیغی ده پادشاهجه ثابت ایدی . بناء علیه پادشاهک تاریخلرک تعیرنجه « نظام عالم » ایچون شهزاده بی اتلاف ایتمی غدارلقدن زیاده الجاآت حکومهت حمل اولنه بیلیر . هله اوکنده ارتدیر کثرتلی مشالیر او قدر قوتلی احتمالر طورورکن سلطان محمدک موجود اولان برعاتد الیهیه اتباع ایتمی یلدیرم بایزیدک هیچ لزومسزیره اولیه برعاتد الیهیه ابداع ایتمسینه قیاس قبول ایتمز . مع مافیه احتیاطی بویله معصوم اولدیرمک درجه سنه قدر کورتورمکده بتون بتون تعریضدن قورتیله بیله جک برحال دکادر . شو قدر

فناغك دفعی ایچون جنایتی واسطهٔ اجرایه اسناد ایتمکدن بشقه چاره بوله مامش وچوجوغنی اتلاف ایتمدیکنك ایرتسی کونی علی بکی ده اعدام ایتمشدر .

اولا اسفندیار اوغلك قیزی صرپ پرنسیسی اوله ماز . ثانیاً جاریه دن طوغمه برچوجوغك منکوحه دن طوغمه چوجوقدن قواعد اسلامیه جه هیچ فرقی اولمادیغندن سلطان محمد اسناد اولنان احترازه محل کورنمز . ثالثاً سلطان محمد برادرینی تلف ایتمدیکندن طولایی کندیسنندن خلقك محبتی منسلب اولنجه بوفعلی اورنوس زاده علی بك کبی قدمای مجاهدیندن بریر محترمه اسناد ایله انی اعدام ایتمك او انفعالی بیك قات تزیید ایده جکنه نظراً بویله برحالك صحتنه عقلاً احتمال ویرلمز .

ایشته بومطالعاته باقیمیرسه شهزاده اعدامی مسئله سنك صرف ملل سائره مؤرخلرینك اختراعاتندن اولدیغنه حکم اولنمق لازم کایر ؛ فقط احمد نامنده کوچوك برشهزاده نك « نظام عالم » ایچون اتلاف اولندیغنی بزم تاریخلرک هان عمومی ده بیان ایتمکده اولدیغندن بوفاجعه نك وقوعی مسلمات تاریخیه دن عد اولنمق ضروریدر .

واقعا تیمور وقعه سنندن بری امرا و عساکر هر اچیلان لوای عصیانك التنه صوقلمنی اعتیاد ایتمش وچایی سلطان محمدک تدابیر حکیمانانه و اقدامات انتظام پرورانه سی ده بومیلانی کواکلردن بتون بتون رفع ایده مدیکنه سلطان مراد زماننده وقوع

سلطان محمدك دها پای تختنه كيرمه دن عمومدن بيعت الديغني  
كوستير .

ايكنجي دفعه اوله رق سرير سلطنته جلوسي ايسه ورودينك  
ايرتسي كوني واقع اولمشدر . جلوس اتناسنده صدر اعظم  
خليل پاشا پادشاهك انفعالندن محترز اولديغني ايچون سرير  
هايوندن براز اوزاق طورمش ووزرادن اسحق پاشا بالطبع  
انك يانندن ايرلماش ایدی .

سلطان محمد ياننده بولنان خادم شهاب الدين پاشايه خطاباً  
«وزيرلر نيچون اوزاق طورسيورلر؟ سويلاهده يرلرينه كلسينلر .»  
ديمش وخليل پاشا بوضورتله منصبنده ابقا اولتنجه اوزمانلرك  
عادتنه اتباعاً ال اوپدكن صكره صدر اعظملره مخصوص  
اولان مقامه كلش ایدی .

هامر ديركه «سلطان محمد تخته جلوس ايدر ايتمز حكومتني  
كوچك برادرينك اعداميله تأييد ايلك ايسته دی . سلطان  
مراد اسفنديار اوغلك قیزی اولان صرپ پرنسندن موده  
يرچوجوق براقش ایدی ؛ پادشاه ايسه برجاريله اوغلي اولديغندن  
يوچوجوغلر برزوجه منكوچه دن تولد ايتمش اولمانسه استناداً  
ادعای سلطنت ایده بيلمسندن احتراز ايدرك اورنوس زاده علی  
بيكي احمد نامنده اولان بو كوچك شهزاده ني حمامده احناقه  
مأمور ایلدی ، يوامرده بيزحانه اجرا اولندی . بوغدارلق  
اهالينك كنديسندن بتون بتون محبتني سلب ایده بيله چكي جهتله



DR

440

K4 فاتح سلطان محمد

v. 4



89907

سلطان مرادك وقاتی صدر اعظم خلیل پاشا مغنیساده  
یونان شهزاده سلطان محمده عرض ایتمش ایدی . شهزاده  
« بنی سون ارقه مدن کلیر ! » دیه رك هان سوار اولدی و پیکلری ،  
بالطه جیلری ایاه مغنیسادن ادرنه یه اون اوچ کونده یتشدی که  
۸۸۵ محرمک اون التنجی کونی ایدی . وزرا و علما و سائر  
اکابر ایاه عسکر و اهالینک برچونعی پادشاهلرینی برقوناق یردن  
قارشیلامشلر ایدی . الای ایاه ادرنه شهرینک قپوسنه کلندیکی  
صره ده حاضر اولانلرک عمومی سلطان مرادی یاد ایدرک  
کریه و فغانه باشلادیلر . پدیرینک درد افتراقیه بالطبع جمله دن  
زیاده متأثر اولان پادشاهده انلرله برابر اغلامغه باشلادی .

روم مؤرخلرندن ( دو قاس ) سلطان محمدک اوراده  
حیوانندن اینه رك ال اوپدیردکن صکره تکرار الایه بینمش  
وسراینه قدر الای ایاه کیتمش اولدیغنی روایت ایدر . بویه  
عمومه ال اوپدیرمکن مراد بیعت رسمی اوله جغندن بوروایت



Kemal, Namuk

'Osmanlı tārīhī

کلیاتِ کمال

عسکری زینب

عثمانی تاریخ

جلد ۴



استانبول

رسمی کتاب مطبعہ سی

۱۳۲۷







P 37/50 ۱۳۸۲

کَلِمَاتُكَ

بِسْمِ رَبِّكَ

عَمَّا نَلِيكَ

جُزْءٍ

جِلْدِكَ

استانبول

مجلس کتاب مطبوعی

۱۳۸۲





DR  
440  
K4  
v.4

Kemal, Namik  
'Osmanli tārīhī

PLEASE DO NOT REMOVE  
CARDS OR SLIPS FROM THIS POCKET

---

UNIVERSITY OF TORONTO LIBRARY

---

